

The Ohio State University



3 2435 00356 5256

JC393A3S44159

001


Kitap nehc us-suluk fi siyaset ul-m

THE OHIO STATE UNIVERSITY BOOK DEPOSITORY




D	AISLE	SECT	SHLF	SIDE	POS	ITEM	C
8	04	35	06	8	14	002	0





OHIO STATE
UNIVERSITY
LIBRARIES



حمد و سپاس * حضرت ملک علام * و تخلصیه و تسلیم جناب خیر الانام * و ترضیه
 و تکریم آل و اصحاب کرام * دیباچه زیب صحیفه کلام * قلند قد نصکره حالارونق
 افروز مسند خلافت * و نیر اعظم برج سلطنت * قطب فلک ابهت * مدار مهر
 معدلت * سبب امن و امان * خلیفه زمین و زمان * پناه اهل ایمان * شه شاه
 اسکندر عنوان * السلطان عبدالجید خان ابن السلطان احمد خان * خلد الله ملکه
 الی آخر الزمان * حضرت تلمینک دعای دوام دولت و بقای ملک و سلطنت تلمینکه
 جمله مزه و وظیفه ذمت عبودیت در بخلوص البال ادا و اتمام عقبنده باعث ترجمه
 رساله بو و جمله بیان اولنورکه * تاریخ هجرت نبویه علی صاحبها افضل الصلاة
 و التحیه نک در تیوز طقسان سنه سنده بر طرفدن مغول عسکرینک فساد
 و بر طرفدن کفار خاکسارک هجومی و بر طرفدن طائفه عسکریه نک و وکلای
 دولتک عدم اتحاد لری سببیده دولت اسلامیه ملوکنه ضعف حال و نظام
 مملکتک اختلال عارض اولمغله فرنک طائفه سی فرصت بولوب آق دکر
 و عربستان یالیرینه مستولی اولوب نیجه مملکتی و ناقص شیرینی اخذ و اختلاس
 ایدوب جمله عربستان ضبطه آرقالمشیکن امرای اوییه دن ملک صلاح الدین
 ظهور ایدوب حسن تدبیری بر کاتبه دولت اسلامیه به قوت کلوب اول و لایتلری
 کفاردن استرداد ایلدی * اول اثناده ملک صلاح الدین ایله بابا اوغل مشایه سنده

علاقه محبت اوزره اولان شیوخ علمانک بکارندن ابوالنجیب نام ذات عالی
 تدبیر مملکت دائر واسرار سلطنته متعلق بر رساله ترقیم و صلاح الدینه تقدیم
 ایدوب بونکله عمل ایله عمریکز واریسه اسکندر قد رجه مانکیر اولور سزدیو وصیت
 اتمکله صلاح الدین دخی اول رساله بی حرزجان ایدوب عمل ایدرمش * بعده اول
 رساله مقرب درگاه باری السید احمد البخاری حضرت تلیرتک تنبیه و توصیه لر یله
 طقوز یوز بکر می ایکی تاریخنده صدارت و ومدن متقاعد افوت اولان عبد الرحمن
 افندی و ساطتیه مر حوم و مغفور سلطان سلیم خان حضرت تلیرتک واصل اولوب
 مر حوم مشارالیه دخی اول رساله بی اکثر اوقاتده مطالعه و مذاکره بیوررلر ایش
 دیو نعیم مر حوم ذیل تاریخ مشهورنده تحریر و اول رساله نک تدبیر سیاست
 مملکت خصوصنده دینه عظمای مثابه سنده اولدیغن عین و قسم ایدرین دیو بیان
 ایلدیکندن خواص و عوام اول رساله بی جستجو ده اهتمام و حتی بندکان درگاه
 سلطنت دستکاهنک حقیر و نحیفی بو عبد مکینه دخی مدت وافرده دبر و تحری
 و تفحصده جد تام و اقدام ایله بر در لودسترس اوله میوب بویام سعادت سامده
 بر تقریب عین و اقبال حضرت جهانبانی ایله بر نسخہ سی رسیده دست عاجزانهم
 و مضمون حکمت مشحونی معلوم بندکانه م اولدقده اول رساله حقیقته آرایش
 کنجینه شاهانه و منظور انظار پادشاهانه اولمغه شایان بر کوهر کیاب اولمغه
 در حال ساده جه سهل الفهم تعبیرات ایله مأل و مفادی ترکی ترجمه به آغاز و بعد
 الاتمام مرفوع سده سنیه حضرت تاجدار بنده توار قلندی * بو نسخه مدتد نبر و
 اول رساله نک عنقا مشال اممی تاریخ نعیماده مذکور و مر قوم و ظاهرده
 وجودی نایاب و معدوم ایکن بوخلالده بولنسی مقدمات آثار توفیقات
 خدای بیچون و مقتضای سعادت طالع هما یوندن ایدوکی هویدا * و نعیم مر حوم
 اول رساله نک ترجمه سی خدمتنده بولنسی جناب حقدن رجا و نیازا یتشیکن
 موفق اوله میوب حمد الله الکریم بو عبد قلیل البضاعه به میسر اولمغه اگر
 بو خدمت عاجزانهم شایان اعتبار جهاندار دنواز و منظور انظار شهریار
 مر افراز بیوریلور ایه حق چاکرانه مده دخی نعمت عظمای امدی الدهر
 سرمایه نخر بی انتها اوله جعی ک الشمس فی وسط السماء ظاهر و روشنادر *
 همان جناب ملک الملک لایزال ولی النعم عالم باعث آسایش ام پادشاه دارا خدم
 شهنشاه اسکندر چشم افند مزک طوبای شوکت و اجلال خسروانه لرین
 کلشنسرای عالمده الی آخر الزمان ممدود الظلال و عامه بند ک کان

صادق الجنان لیرین سایه عنایت وایه شاهانه لرنده قرین آسایش استظلال ایلویه
آمین مجرمة سید المرسلین * رساله مر قومه بی جمع وتالیف ایدن ابوالنجیب
عبد الرحمن بن نصر بن عبد الله بوجهله دیباجه نویس صحائف بیان اولور که
وقتا که ملک ناصر صلاح الدین ابوالمظفر یوسف بن ایوب شادی مسند نشین
تختگاه دولت اسلامیه اولوب وذاتنده فضل وادبه و علم شریفه و علمایه رغبت
وتوجهلری سائر دن زیاده اولدیسسه مشارالیه ایچون یو کتابی جمع وتالیف
ایلیوب دروننده آداب و اصول سیاست و تدبیر رعیت و معرفت ارکان مملکت
وطوائف عسکریه یه فیء وغنیمی واهل جیشه لازم کلان حقوق جهادی
وخصال حمیده و اخلاق ذمیه بی وفضلیت مشورتی ذکر و بیان و کیفیت
مصابت اعدای و سیاست جیوشی تعریف ووافر نوادر و امثال و اخبار
واشعاری درج وتضمین ویکرمی باب اوزرینه تبویب وهر بابنده علی وجه
الاختصار حکایت لایقه و مواعظ شافیه و حکم بالغه بی وضع وتودیع
ونهج السلوک فی سیاست الملوک اسمیه اولندی

* (باب اول رعایا طائفه سنک ملوک عظام حضراننه احتیاجلری بیاننده در) *

چونکه رعایا طائفه سی انواع مختلفه و اوصاف مختلفه دن عبارت اولوب
هر صنفک مقصود و غرضی آخرک غرضنه مغایر و اوصاف و طبیعتلری بر برینه
مخالف اولمق حسبیه بالضروره طائفه مر قومه نك امور معوجهلری تقویم
و ضررلری منع و حقلری اخذ و ظلملری دفع ایله اجرای انواع سیاست و تدبیر
مملکت ایچون برپادشاه معدلتقرین و شهنشاه نصفت آینه اشد احتیاجلری
ظاهر وهوید ادر زیراسیاست و تدبیر ملکدن خالی اولان رعایا مثلا بر سفینه یه
بکزر که میان دریاده فورتنه یه دوچار و امواج هائله دن ناچار اولوب مدیر و مدبر
یعنی رئیس صاحب تدبیری اولمدیغی حالدیه دروننده بوانان نفوس نجات
وحیاتلرندن نومید و مأیوس اولور لر و رعایا زمره سنک زلال عدل و نصفت ملوک
عظامه احتیاجلری قلت باران سببیه قحط و غلامستولی اولان بلادها الیسنک
یغموره احتیاجلرندن ازید و او فردر زیرایغموره احتیاجک وقت وزمانی واردر
اما زلال سیاست ملوک که احتیاجک وقت وزمانی اولمیوب رعایا فقراسی هر حالده
وهر وقتده علی الدوام شفقت و عدالت پادشاهان عظامه اشد احتیاج ایله
محتاجدر لر و رعایا طائفه سنک اخلاق و اوصافلری بر برینه مغایرت جهتندن
بر یوزنده اولان نباتات ارضه بکزر که اول نباتاتدن بعضیسی طیب و مثمر

و بعضی دخی خبیث و قاتل اولور و هر چن بر باغچه ده بتن نباتات مخلوطه دن
 خبیث و قاتل اولان نوعی ایرتلتوب دفع وازاله اولمديغی حالدہ قوت و کثرت
 بولوب طیب و متمر اولان نباتاتک انتعاشنه و کسب نشو و نما سنه مانع و تلف
 واضاعتنه سبب اوله جغی ظاهر * و اراق اراق میانہ نباتات دن اولمقوله خبیث
 و قاتلی اخراج وازاله ایله تنقیح اولند قبحه طیب و متمر اولان نوعی قوت و لطافت
 کسب ایدہ جکی باهر در * بوصورتده اول باغچه نک نباتات خبیثه سنی تنقیح
 ایچون بر باغبانه احتیاجی بدیهی اولدیغی مثلاً و رعایا مقوله سنک دخی فاسدینی
 اصلاح و خبیثی قع وازاله و ارباب مظالمک ظلمرینی دفع ایله اصلاح و اراحه
 بالریچون بر شهنشاه بنده پرور و معدلت کستره احتیاجلری روشن و هویدادر *
 و حکمتشناسان سلفدن منقولدر که والی و حاکی اولمیان رعایا چو بانسز
 حیواناته بکزر که بومقوله حیوانات متفرقه اولوب کیمی خطرناک محارره واروب
 تلف نفسنه سبب و علت و کیمی دخی بعض مزروعات محفوظه به ورود
 و دخول ایله ایصال خسارت ایدوب اختلال حال و اختلاف احواله مبتلا
 اولدیغی * کیمی اومقوله رعایا طائفه سنی دخی اختلال حال و اختلاف افعالدن
 مصون اوله مزلر * بوصورتده دخی رعایا فقراسنی مظالمدن منع و میانه لرنده
 وقوعبولان تنازع و تخصمی فصل و حسم ایچون مستقیم و معتدل و متدین
 والی و حا که احتیاجلری آشکاردر

باب ثانی ادبک فضیلتی و ادبه رعایت لازمه شان و شکوه ملوک ایدوکی
 بیانده در

رعایا طائفه سنی تدبیر ملوک که محتاج اولوب ادب دخی اخلاق حمیده و خصال
 جمیله بی جامع اولدیغندن ملوک نفعام حضراتنک هر حالده شرائط ادبه رعایت
 بیورملری واجبه عمده عنایت عدم ملوکانه لریدر * زیر فقرای رعیت حقنده
 قانون عدالتهموافق و دوام ملک و مملکتی موجب تدابیر لطیفه ادبه رعایت ایله
 صدور و ظهور ایدر * منقولدر که سیاست و عدالتی مستحسن اولان رئیسک
 ریاستی دائم و مستمر اولور * معلوم اوله که تحقیقا ادب تدبیر مملکت خصوصنده
 پادشاهان معدلتعنوانه شرط اولان اوصاف اربعه دن بریدر * بوقدرجه ادبه
 رعایت بیورلمز ایسه سیاست و تدبیر عارضه اختلاله دوچار اولور * دینلمشدر که
 ادب عقلک صورتی اولمغله عقل ادبی و سیاست دخی عقلی و ملک سلطنت
 سیاسی مستلزم اولوب بوقیاس ایله امور مملکیده ادبک لزومی ثابت اولور *

بعضی را توراتدن روایت ایدر لکه که حسب انسانه زینت و یرن حلیه لک
 احسنیدر اما ادبی اولیان کسینه نک عقلی معدوم و عقلی اولیانک مروتی
 مفقود و مروتی اولیانک حسب اعتبار دن ساقطدر * بوتقدیر چه حسب
 ونسیب اولان کسینه به ادب لازمدر * بعض حکما دیمشدر که ادب ملوک
 عظام حضراتک عصمتیدر زیرا ادب ملوک عظامی ظلمدن منع و علم جانبندرد
 و اماله و جور و اذادن صد ایدوب فقرای رعیتیه شفقت و مرحمت ایتدر
 بوصورته ملوک فخام حضراتی ادبک فضیلتنی بیلوب اهلنه تعظیم و اکرام ایلک
 حقوق ادبنددر * و بعض علما دیدیلر که عقل و ادب دن بری اولان کسینه
 قنغی رتبت عالییه و منزلات رفیعیه به نائل اولسه کند و به موجب فخر و فرح اوله من
 زیر اعدم عقل و ادبی اول کسینه نک عیوبن اظههار و ذنوبن اکثار و مداحنی
 ذمام و دوستنی دشمن ایلوب نائل اولدیغی رتبه دن ابعاد و مرتبه لایقه سنه رد
 و تنزیل ایدر * دینلمشدر که ادب عقلی دائما طریق هدایتیه دلالت و ارشاد
 و رأی هر خصوصه سوق سمت استقامت و سداد ایتکه قوی سدید و فعلی
 مدوح و سعید اولور * قیس قبیله سندن بر آدم کار قبیله قریشدن برینه دیمشکه
 یا اخاقربش طلب تحصیل ادب ایله زیرا ادب عقلمه زیاده لکی و منصب
 و جاهده کمالی ایجاب ایتکه هر و ته دایمل و غربته و وصول و دخول مجالس
 عالییه به وسیله در و اشبو بیت خوش نظم اولمشدر

ما حواء احد الاصلح
 بالوف من ذی الجهل رج

ادب المرء کلهم ودم
 لو وزنا رجلا ذادب

مضمون بیت صحت و صلاح وجود انسان قان و لکم وجودیله حاصل اولدیغی
 کبی کمالی دخی ادبیه حاصل اولور اگر بر ادیب آدمی نیچه بیک جهله ایله موازنه
 ایلسنینه بر ادیب اول نیچه بیک جهله دن ارج کاور * دینلمشدر که ادب
 مال و ادبی استعمال کمالدر * ملوک سالفه دن بری اوغلنه وصیت ایدوب دیمشکه
 انسانک هر نقدر مالی اولسه مادامکه علمی و ادبی اوله سید و اولور اولور *
 ای اوغل بیو کار ایله هم مجلس و علما ایله هم صحبت اول زیرا انلرا ایله الفت و آمیزش
 خصلت کریمه و مجلسلرینه دخول غنیمه و صحبتلری اغراضدن سلیمه در * و بر مرد
 عاقل اوغلنه بویله نصیح ایلشکه ای اوغل ادبی تحصیله ملازم و مداوم اول زیرا
 ادیب اولان کسینه غنی ایسه قومی بیننده شریف و قومنک اولوسیله برابر اولور

واکرتقرومحتاج ایسه دخی رؤسا و شرفای قومی کندودن مستغنی اوله منزل *
 دینلمشدر که نسبی حقیر اولان کسسه بی ادبی رفیع و عالی ایدر * بزرجمهر
 دیشکه بابادن اولاده ادبدن اعلامیراث اولمز ز یرابا یاسندن ادب میراثی
 کسب ایدن یعنی باباسنک اهتمامیله ادب تعلم ایدن اولاد ادبی سببیله
 اکساب مال و مراتب عالییه بی استحصال ایدر * اما باباسندن مال انتقال
 ایدن اولاد مالی اضاعه ایدوب ادبدن دخی محروم قالور * دیشلدر که میراثک
 خیرلوسی ادب و قرین و مصاحبک خیرلوسی حسن خلق و قائد و دیلیک خیرلوسی
 توفیق و تجارتک غایت قائده لوسی اجتهاد اولوب عقلدن زیاده انسانه عائد
 و راجع مال و مشورتدن زیاده معتد و موثوق عقل و جهلمدن اشد فقر اولمز *
 دخی دینلمشدر که ادب برجدید ایلر که اسکیز و علم برکنز عظیمدر که فنا بولمز *
 و دینلمشدر که بر آدم اولادینی تأدیب ایلر اعداسنی تکدیر ایدر * و دینلمشدر که
 اوج شیء هر کیمده بولنسه بر محمله غریب اولمز * حسن ادب * و شکدن مجانبیت
 و جور و اذایی منع و دفع * نصربن سیار دیشدر که هر شیء بدایت حالنده
 صغیر ظهور ایدوب بعده کوندن کونه بیوه که باشلر الامصیبت بونک
 عکسنه در که ابتدا ظهورنده بیوک کورینوب کند که کوجورلور و هر شیء
 چون غالد که اوجوز اولور الا ادب بونک عکسنه در هر تقدیر چوق اولورسه
 بهاسی زیاده اولور تحقیقا ادبک فضیلتنک شهرتی تحریر و بیاندن مغنیدر
 نفس اییه دن یعنی رذائلدن امتناع و اجتناب ایدن نفیسه بر حالت بولنور که
 چن نفس ادبک ضدندن ابا و ادبه مخالفتدن اجتناب ایلر اول حالت نفسی
 سمت ادبه سوق ایدر و ادبک قواعدی قریباز کر اولنور

(باب ثالث ادبک قاعده لری معرفتی یاننده در) *

وقتیکه ادب مالوک عظامه تدبیر مالکده شرط اولان اوصاف محدودده دن
 اولدیه تدبیر مالکده ادبک ایکی قاعده سی بلنک محتاج الیه قلندیکه بوقاعده لری
 امر میاست و تدبیر مالکده اصل و اساس اولوب تدابیر مستحسنه انجلی بولنور
 رعایت الیه تحقیق و ظهور ایدر * اولکی قاعده سی علمدر که احکام دینییه بی و اصول
 شریعت محمدیه بی بلمک کافه اهل اسلامه واجب اولوب خصوصاً هر بر مجرم
 و ارباب جنایتک اجرای جزای مستحقیلر حدود شرعییه بی اقامه و وجوه حقوقی
 اخذ و ارباب وجهاننه صرف الیه موجب قیام ارضین و سموات اولان عدلی
 ظاهر و باقی چون مالوک نظام حضراتنه علم اشد و جوبله واجبدر * عمر بن عبد

العزیز رضی اللہ تعالیٰ عنہ یہ ورر لر کہ علم سر عمل ایدن کسنه گویا پدید یغی بنادن
 اکثرینی هدم ایدر * مؤلف رساله ابوالنجیب رحمه الله دیر که حلیه علمدن خالی
 و عاری اولان ملان لا محاله هواسنه تبعیت ایلد و کنی ایشلر که فکرت سلیمه
 و حجت صحیحه یعنی دلائل علمیه ار باندن اولدیغی حسبیل طریقی هواندن
 ممنوع اوله من * بو حالتده برخالی و خرابه بلده ده بولنان کوکره مش
 فیله تشبیه اولنور که او کنه هر نه که کاورسه چکنر کچر اما حلیه علم ایلد
 متحلی و متصف اولان پادشاهک علمی کندویه مانع اولوب هوای نفسانیه سن
 قمع وازاله و طریقی حق و صوابه میل ایتدیرر * واول کوکره مش
 فیله کبی که شنلر که بولنوب قید و رابطه ایلد مضبوط و منقاد اولور
 بو تقدیرجه علم قید و ضابطه مثابه سنده اولور * بعض حکما دیدیلر که موجب
 وقار اولمیان علم بعد مده مستلزم ذات آجله اولور و عقل ایلد مؤید اولمیان
 علم مستوجب ضلالت عاجله اولور * و دیدیلر که جناب باری بر امت حقنده
 خیر مراد ایدر سه اول امتک ملو کنده علمی و علم سنده ملکی حاصل قیلر *
 حکما دن بعضی دیدیلر که علم ملو کان عصمتیدر زیر اظلمدن منع و حله رد و جور
 و اذادن صدایدوب رعایا فقر اسنه شفقت و مرحمت ایتدیرر * ابن عباس
 رضی الله تعالیٰ عنهما حضرت تلی یہ ورر لر که جناب باری سلیمان بن داود
 صلوات الله علی نبینا وعلیہما حضرت تلیغی علم ایلد ملکردن دیدیلر کنی اعطایه مخیر
 قلد قدح حضرت سلیمان علمی ملکه ترجیح و اختیار ایلد یکچون جناب باری
 علم ایلد ملکی جمیعاً کرام ایلدی * ملوک یمندن بری ولی عهدی اولان اوغلنه
 وصیت ایتدی که الله عظیم الشاندن قورق * زیر احکم مکده بولناسلردخی سندن
 قورقه لر * و کند و نفسک ایچون قنغی فعل خوش کاورسه رعایا حقنده اول فعلی
 ایشله * و تأمل ایدوب احسن کوردیک فعلی چوق چوق ایشلیوب قبیح
 کوردیک کی ترک ایلد * و اشیانک حسن و قبحی متدین و عواقب اموری متفکر
 عقلا ایلد ظاهر و آشکار اولور * و علمی چوق طلب ایلد زیر علم تدبیر ملکک اساسیدر
 بر بنانک که اساسی اولمیه اول بنای قلمش خرابه حکم نده در * و هوایه تبعیتی
 کندودن قطع وازاله * و هرا هر و خدمتی اربانه سپارش و احاله ایدوب * امور
 رعیتیه واقف و آشنا اول * زیرا هر که تبعیت ایتدیکک حلاله هر امورده حق اوزره
 حرکت ایدرسن * و هر اموری اربانه تفویض ایدر ايسلک دیدیلر که وجهلر سکا
 معین و یار اولوب اول امور ضائع اولمز * امور رعیتیه سن واقف و آشنا اولد قبحه فقرا

وضع فامة و له سی راحت و رفاهیت بولوب کبار قومک غدر و حیقتندن حذر و ظلمه
کروهی ظلمدن امسال ایدوب، ظلموین امین و مطمئن اولورلر * حکایت اولنور که
عبد الله بن صالح بن علی بغداده دخول و بنی عباسدن بعض حدیث السن
که نه لایله صحبت ایلوب اسلافلی کی انلرده علم و فضیلت و شرف و عظمت
حالتلی بولماسنی مستحسن کور میوب یا نلرندن بعد الخروج بومالده ده ایرا
کلام ایلدی که جهل اصحاب هراتیک رتبه سن تنزیل وارباب مناصبک ایت
و عظمتن تحقیر و تصغیر ایدر بعده بویته لری او قودی

(یت)

نعلم فایس المرء یولد عالما * و لیس اخو علم کن هو جاهل
وان کبیر القوم لا علم عنده * صغیر اذا التفت علیه المحافل

یعنی علمه سعی ایلد زیرا هیچ کسنه یوقدر که اناسندن عالم طوغه هر عالم علمی
طوغه قد نصکره سعی ایلد تحصیل ایلد درس نده سعی ایدوب تحصیل ایلد زیرا
عالم جاغل کی دکادر و علمی او ایان کسنه هر قدر قومنک بیوکی اولسه بیلد
بولد یغی محالسه البته صغیر و حقیر اولور * بعض علمادیدیلر که جهل بر مطیه یعنی
یکدر که هر کیم بنرسه سور چروهر کیم مصاحب اولورسه ضلالتیه ایرر * ابو النجیب
دیر که علمادن بعضی بکادیدیلر که ای برادر اگر عالم ایسک علم رفعتکی آر تور
واکر حقیر ایسک علم سنی شریف و رفیع قیلر و سبک درجه جهلدن اجتناب ایلد زیرا
جهل رفیع و ضعیف ایلر * بعض علمادیدیلر که هر کیم ساحه صدر نه علم شجره سنی
غرس ایدرسه اولواق میوه سنی دیوشرر و هر کیم زهد و تقوی شجره سنی
غرس ایدرسه عزت میوه سنی دیوشرر و هر کیم احسان شجره سنی غرس ایدرسه
محبت ثمره سنی دیوشرر و هر کیم فکر و ملاحظه شجره سنی غرس ایدرسه
حکمت میوه سنی دیوشرر و هر کیم وقار شجره سنی دیکر سه مهابت ثمره سنی
دیوشرر و هر کیم مدار فیه انی غرس ایدرسه سلامت میوه سنی دیوشرر و هر
کیم کبر شجره سنی غرس ایدرسه غضب میوه سنی دیوشرر * و هر کیم حرص و طمع
ثمالی غرس ایدرسه خری و ذات ثمره سنی دیوشرر و هر کیم حسد شجره سنی
غرس ایدرسه حزن و کدر ثمره سنی دیوشرر (و ادبک ایکنی قاعده سی)
نفسنی هوادن منع و نهی ایلد کدر و بوجاهت تدبیر مملکتده ملوک الزم واه و مدر
زیرا رأی و تدبیرک صواب و خطایی قخیل ~~فکر~~ یرینک قوت و ضعفه کوره در
هر کیمک که قخیل فکری قوی ایسه اول کسنه نک رأی مملنده غالب اولور و نوقت

شهواتی نفسانه غلبه واستیلا ایدر سه عقلی صواب رأیدن احتجاب وامتناع
 ایدوب تخیل فکری ضعیف اولور بوتقدیرجه مالک عظام حضراتی نفسی
 هوادن منع وشهو اتدن کف ونهی ایتسه تدبیر مملکتده عقل ایچون رأی صواب
 ظهور ایدر ویا کز نفسی هوادن ضبطه مالک اولمیان حواس خسته سنی
 ضبطه مالک اوله من وحواس خسته بی که یا لکز بشدر ضبطه مالک اولمیان
 اعوان واتباع خاصه سنی که جمع کشیردر ضبطه مالک اوله من اعوان واتباع
 خاصه سنی که دائما دایره دولتمده موجود لردر ضبطه مالک اولمیان اطراف
 ممالکده و بلادبعیده بولنان عامه رعایا سنی ضبطه قادر اوله من نفس که انسانه
 بیولک دشمندرانی قهر دند نصکره حواس خسته بی قهر ایتک مقتضی واهمدر
 زیرا حواس خسته نفسک اعوانی وشهوات مهملکه به دایمدر ککورمشدر که
 نفوس قوی به دن بری مهملکدن احتراز اوزره ایکن حواس خسته دن یا لکز
 برینک دلالت وسوقیه غفلته واروب مهملکه به دوشد یکی چوقدر کبوصورتده
 حواس خسته نک جمله سی نفس واحده به تجمع ایلسه اول نفس مهملکه دن
 نه کیفیتله رها بولور کحاسة سامعه سنه تابع اولمق شونک کبیدر ککه برغزال
 مسکننده صیاد خوفندن کمال تنفر وتوحش ایله انتباه اوزره ایکن طاس
 وایکن مثللو باقر آلاتی دف کبی چالسه لر اندن ظهور ایدن نقرات متواتره
 واصوات متوالیه بی اول غزال استماع ایله اشتغالی کندویه موجب غفلت اولمغله
 صیاد کلوب غزال مذکور صید واقفناص ایدر کودخی حاسة لامسه به فریخته
 اولمق شوکه بکزر که فیل عظیم الجسم وقوی وشدید ایکن فیلبان کلوب ملائمتله
 یاپشوب اوخشامسی ککندویه باعث ذهول وغفلت اولمغله فیلبان اوزرینه
 رکوب ایدوب ذلیل ایلر کودخی حاسة باصره به متابعت اکا بکزر که چکر که حرارت
 شمسدن کیزلنمش ایکن نهارک ضیاسی کندویه خوش وعجیب کور بنوب مورث
 غفلت اولمغله نفسی حرارت شمسه القا ایدوب محترق اولور کوحاسة شامه به
 تبعیت شونک کبیدر که دائما کوزل قو خولی شیر قونان کول سنکی دیدکاری ذباب
 فیلک اسرک کی وقتنده قولاغی دینندن ظهور ایدن طیب رایحه کندوی غافل
 قیلمغله فیلک قولاغی دیننه قونوب فیل دخی قولاغی تحریک ایله ضرب وهلاک ایدر
کوحاسة ذائقه به موافقت شونک کبیدر که دریاده اولان بالق اولطه ده موضوع
 اولان یملک لذت طعمی کندوی اولطه ایکنه سی اندیشه سندن اغفال ایتکله صید
 اولور کبوتقدیرجه هر کیمکه بو حواس خسته به مالک اوله نفسنه دخی مالک اولور

و کیمکه نفسنه مالک اوله سیاستی احسن اولور و کیمکه سیاستی احسن اوله ریاستی دائم
اولور و هر کیمکه شهوت انسانییه سنه تبعیت ایلمسه تدبیر مهماتدن غافل اولوب
امور دولتی مختل و رابطه مملکتی مختل اولور * بنی امیه دن بری زوال دولتلری
سیندن سوال اولند قدده بزرجه هرک دیدیکی کبی جواب و یروب لذات شهوانیه من
مهمه من دن بری اشغال ایدوب عسکر مرز عطا یا منی قلیل ایلدیکمزدن
ناسر و معینز قلیل اولوب ورعایا وزیر دستانمزه جور ایلدیکمزدن بزره بد دعا
و بزم دست تعدیمزدن راحت استدعا ایلدیلر و بونلردن زیاده فسادی موجب
اولان صورتکه نا اهل اولان صغار عیالیزی خدمات جسمیه و اعمال عظیمه ده
استخدام و استعمال درو بو حرکتلر من باعث زوال مملکت اولدی دیدی * بعض حکما
دیدیلرکه عقل زوج کبیر نفس زوج کبیر جسم انلرک مسکنلری اولان بیت
کبیرکه عقل نفسه غالب اولدقچه نفس مصالح جسم ایله مشغول اولور تکیم
ارینه مغلوبه اولوب قورقان عورت مصالح بیت ایله مشغول اولدینی کبی * واکر
نفس عقله غالب اولور سه نفسک سعی فاسد و افعالی مذمومه اولور ارینه غالب
اولان عورتک افعالی کبی * دینلدیگه صاحب حزم اولان ملوک عظام اعداسنک
ظهورندن اندیشه اوزره اولور تا اعدای فضاى عقلدن هوایه تجاوز
ایدنجیه دل یعنی عدوسنک هواى نفسانییه می عقلنه غالب اولنجیه دل وقتا که
اعداسنک هواى عقلنه غالب اوله اولوقت عدوسنه غلبه ایله مبشر و مسرور
اولوب حسن انقلابی جزم و تحقیق ایدر * دینلدیگه هوی آتش مثلیدرکه هر تقدیر
زیاده و کوچ بنارسه سوندرمسی دخی اولقدیر * کوچ اولور وسیله بکزرکه
سیال هر تقدیر مدت جریانی ممتد و متصل و متسلسل اولور سه سد و بندى اولقدیر
کوچلر * مأمون خلیفه دیدیکه هوی اخلاقک قبیلرین نتیجه ویرر و افعالك
فضیلرین اظهار ایدر * اردشیر دینلدرکه ملوک ایچون هوی دن مجانبت نشر
عدالته کلی معیندر * کذلک دینلدرکه زال و خطا هوایه تبعیت ایله حاصل
اولور عقلادن بری اوغلنه وصیت ایدوب دیدیکه ای اوغل هواى نفسانییه که
و طاقه نسوانه اطاعت ایلیوب سائر نه اشلسنک اشله * و دینلدرکه اگر عقلان
هوا که غالب اولور ایسه سکا نافعدر هواى عقله غالب اولور سه دوشمنکه نافعدر
* بعض حکما دیدیلرکه هوا که مخالفی چوق ایله زیر اسنک نفس ایچون * کربه
کور دیکل شئی سنک حاکمه اجرا ایدر عقلی محکم و معتد اولان کسنه حد
اعتدال دن البته میل ایلز و مقتضای عقلی ترک ایدوب هوا سنه اتباع و اقتدار ایدن

کسینه ندامتدن سالم وبری اوله من * بعض علما دیمشدرکه چن هوا که عصیان
و مخالفت ایتزایسه که هوا که سنی بعض مضراته ایقاع و القا ایدر * ملوک چیردن
بری برادرینه نصیح ایدوب دیمشکه کرک قهر و کرک احسانده افراط ایلمه زیراقهرده
افراط ایدرسک باعث زوالک اولور و عطایا و احسانده افراط ایدرسک سکا
موجب اثم و غیظ اولور و چنان نفسکی سمت رضای باری به مخالف بولورسک
ضبط و امسال ایدوب هوا که غالب اولکه نفسکه هر قدر تبعیت ایدرسک سکا
ضرر و پرور و حقه عمل ایله زیرا حقه عملده برشی سکامضایقه ویرمن و حق اوزره
حرکت ایدن عاقل زحمت و ندامت چکمز و موانس و مصاحبه لر کدن تحاشی
و خوفک انرا ایله اولان انسیته کدن زیاده و اسون * ملوک عربدن بری ولی عهدینه
بووجهله نصیحت ایدوب دیدیکه حق ایله عامل اول * و مجهولک اولان شیردن
سؤال ایله * و نفسکی تأدیب ایدر چک اشیانک اول و اقدمی نفسی شهواتدن یعنی
دیلدیک شیدن منعدر * و امور مملکتده هوا ای نفسانیه به تبعیتدن زیاده مضر برشی
یوقدر * و امور کده خفت و تهالک ایلمه تا حقایق ظاهر و آشکار اولنجیه دک *
و تقوی اصحابی و پالطینت کسینه لری کند و که مقارن و مصاحب ایلمک
نفسکی ترزین و امور یکی تحکیم ایدر * و صحیح کذب اولان مدح و مداهنه بی قبول
ایتمه که اولیه اولان مداهنه و خامتی منتج اولور بر حیل و خدعه در * و اسرار یکی
کتوم اولان کسینه دن غیره آچه و بر تهمت ایله اتهام ایلدیکان کسینه به بردخی
اعتماد ایلمه * و لسانکی غشیاته الشدرمه * و عهدده سندن کلیه چکک ایشی نفسکه
تکلیف ایلمه * و خیره قصد ایتدیکان زمان بحله ایدوب خلافتده یعنی شر اولان
مصلحتده تانی ایله و چوق چوق عین ایتدکن حذر ایدوب و چوق عین ایدن
ادعی دخی کاذب بیل * و سائر مرحت ایله که جناب باری دخی سکامرحت ایلیه

(باب رابع مملکتک قواعد و ارکانی بیاتده در) *

یقینا بیان اولور معلوم اوله که تحقیقا مملکت بر قاعده کلیه اوزرینه بنا اولمشدرکه
اول قاعده جسد حیوانده باش مثابه سنده اولوب باشمن جسدک بقایسی اولمدر یعنی
کبی اول قاعده من مملکتک دخی ثباتی اولمز * اول قاعده بش ارکانه محتاجدر که
اول بش ارکاندن برینه خلل تطرق ایلمسه اول قاعده به ضعف و وهن واضطراب
و اختلال عارض اولور و نفس حیوانک ارکان خمسسه سی اولان بش شی کبیکه
بونلردر * غذا و شحم و دم و لحم و مخ و عظم * بونلردن بری بر شخصده منتقص و مختل
اولسه قصورینه دخی بطلان ایرشه که اول شخص علتدن سالم اوله من * و بوقاعده

و ارکان خسه دخی بر اساسه محتاج در که اول اساس اولد بجه ثابت و مستقر
 اوله من چن اول اساسه پریشانلق کسه اول ارکان وقاعده به دخی اختلال
 واضطراب کلوب جمله سی منهدم اولور * ذکر اولانان قاعده که کافه امور مملکت
 انکله ثابت و قائم در انجق وجود همایون حضرت ملوکانه دن عبارت در که
 مجرد تدبیر رعیت و سیاست مملکت ایچون قائم در لرودرت شی انلردن منفک
 اولور * ادب عقل عدل اقدام * بودرت شیئک برندن عاری اولمق امور مملکتده ضعیفی
 موجب اولور جسد انسانده اولان طبایع اربعه کبی که بونلردن بری ناقص اولسه
 جسد انسانک تر کینه ضعیف کلور * بو تقدیر ججه اشبو اوصاف اربعه ایله موصوف
 اولان ملوک عظام حضرت انک وجود همایون عالمسود لر بیه قاعده مملکت قائم
 و ثابت و قوی اولور (ارکان خسه مذکورده دن اولکیسی وزارت در) اول دخی
 ایکی قسم در بری وزرات تفویض و بریسی وزارت تقمید در اما وزرات تفویض
 نه پناه حضرت تلی تدابیر امورد و تلیری وزیر درایتس میرلرینک رایینه
 احاله و تفویض بیور ملریدر که احاطه امور عامه ده رای اصابت پیرای ملوکانه به
 مدار اوله اما وزرات تقمید کافه امور مملکت رای صوابدید جناب خلافت پناه هی به
 مخصوص و مقصور اولوب وزیر صد اقمصیرلری همان طرف باهر العز و الشرف
 حضرت جهانداریدن شرف یافته صدور اولان امر و اراده همایونلرین اجرا
 و انفاذ ایدر * حضرت عائشه رضی الله عنهادن مروی حدیث شریفک مال
 لطافت اشمالی بودر که حضرت مالک الملک لایزال جلت عظمتسه عن الزوال
 مسند افروز سلطنت اولان بر پادشاه معدلت پناه هی مظهر خیر قیلق مراد
 ایلر کده اول پادشاه معدلت پناه هی حلیه صد اقله متصف بروزیر رویتسمیره
 مقرون و موفق قیلر که فراموش اولان اشیایی تذکیر و ذکر و اراده بیوریلان
 امورده اعانت ایدر * و بعضا ملوک عظام حضراتی اعدای قوی به ملک و ملت
 جانبدن مضطرب و اندیشه ناک ایکن وزیر فلاطون سمیرینک قوت رای رزین
 و لطافت حیل و زمینیه قید اضطرابدن ره یاب اولور * مثلاً صو آتشدن قوتلو
 اولد یغندن صو آتش اوزرینه دو کسه تأثیر ایدوب سیوند ره جکی بدیهی ایکن
 ارباب عقول صوبی چولمکه طول دروب اول چولمکی آتش اوزرینه وضع ایدوب
 بو وجهله اعمال لطائف الحیل ایتملرله امر بر عکس اولوب ضعیف اولان آتش
 کندودن قوتلو اولان صوبه تأثیر ایدر * و معلوم اوله که وزارت ایچون اختیار
 و انتخاب اولانان ذوات کرامده اون صفت بولمق الزم در * اولکیسی علمدر که علمی

سبيله مقتضای شرع مطهر اوزره حرکت ایلیمه * ایکنجیسی سن یعنی یاشدرکه
 مسن اولان مرد عاقل کرم و سرد روز کاری کوره رک و تجر به امور ایدرک
 مقتضای دور کردن و اقتضای طبع فلک بوقلمونه **ک** سب و قوف ایلشدیر *
 اوچنجیسی امین اولمقدیرکه کندویه اعتماد اولنان امورده شائبه خیانتدن احتراز
 ایلیمه * دردنجیسی صدق لساندرکه حتی کلامنه اعتماد و قولیه عمل اولنه *
 یشنجیسی قلت طمعدرکه حتی رشوت اخذ ایتیموب الدنیمه * التنجیسی جمله ناس ایلیمه
 عداوت و بغضدن سالم اوله زیر اعداوت عدالت و شفقتنه مانع اولور * یدنجیسی
 حضور لامع النور ملوکانه به عرض و افاده ایلدیکی موادی و طرف حضرت
 خسر وانه دن نقل و روایت ایلدیکی امر و اراده شاهانه بی اونیتموب خاطرنده
 طوته زیرای عظام بومقوله اموره شاهد لر در * سکزننجیسی ذکا و فطنتدرکه
 حتی واقعک خلا فی عرض و انها اولنان امورده صدق و کذب فرقی ایدوب عندنده
 اشتباه و التباس واقع اولیمه زیر امورده اشتباه ایلیمه جزم و عزیمت صحیح و تمام اولمز *
 طقوزنجیسی اهل هوادن اولیمه زیراهوی عقول و البابی اغفال و اخذاع و طریق
 صوابدن صرف و اماله و صاحبی حقدن باطله اخراج و ایصال ایدوب حق و باطلی
 تفریق ایدمه مز * اوننجیسی عهده و زارنه موکول اولان امور حریبه و خراجیه ده
 کاتب اربانه دن اوله یعنی بوا مورلرده کاتبی تقریبیه خیر و واقف و تفصیل
 و مز یاسنه عارف اوله زیر اوزیر بولنان ذات عالی همم یا امر حرب و خراجیه قیام
 و مباشرت یا بوا مورک اسبانه تشبث و مبادرتدن خالی اولمدیغندن بوصفت
 مدار و وزارت اولوب امور سیاست بونکاه منتظم اولور و هر چقن و زرا ده بواوصاف
 عشره دن تمقداری ناقص اولور سه امور تدبیرده اولمقدار نقصانی ظهور ایدر *
 حکایت اولنورکه مأمون خلیفه کندویه بر وزیر اختیار و انتخابنده بوجهله
 کتب و تحریر ایلشدیرکه تحقیق این تدبیر امور مده **ک** کند و نفسم ایچون بر آدم
 استر مکه خصال حمیده و خیریه بی جامع و ادیب و مذهب و کثرت تجربه امور ایلیمه
 رأی مستحکم اولوب کندویه و دیعه اولنان اسرار ایلیمه قائم و امین و عهده مسنه احاله
 و تقلید اولنان مهماتده مقدم اولوب حلم ایلیمه سکوت و علم ایلیمه نطق و ادنی اشارتدن
 فهم مأل ایلیمه اکتفا ایلیمه هر وجهله امرنده تأنی برله توقیر حکما و تواضع عقلا
 و علما و فهم اذکیا و فقها صاحبی اولوب کندویه احسان اولند قجه شا کرو جور
 و اذیت اولند قجه صابر اولوب موجب حرمان اوله جق اشیایه و قتنی صرف
 ایلیمه اضاعت ایلیمه حسن بیان و عذوبت لسان ایلیمه قلوب رجالی جلب و استرقاق

ایلیه * مؤلف رساله ایدر که بوصف قتل کمالی کرچه آرزو انور اکن بوصف قتل ایله متصف
اولان وزیر نظر نده صلاح حال انام جمله شامل وعام و تدبیر و سیاستی کامل
و تمام اولور * و بوصف قتل اول وزیرده نقد نقصان بوانور ایسه صلاح احوالی دخی
اولمقدار مختل و رأی و تدبیری معتدل اولور * مأمون خلیفه نک وزیر بولنان فضل
ابن سهل اطراف و انحاء بلاد به بعض اصحابی کوندر وب کند و حقه نده السنه
ناسدن نه ایشدر لسه کلوب خبر و یرد کارنده ناسک استحسنان و استصواب
ایلد کیری افعالی التزام و تعیب ایلد کاری اعمالی ترک ایدردی * مأمون خلیفه
بلاد روم طرفندن و رود ایدن ایلمیلر و لایتنرینه عودت و رجعتلر نده خلیفه مشار
الیه ک عظمت و جلال و عقل و کمالی مدح و ثنا و وزیرینک دخی اوصاف حسنه سنی
تحسین و فقط وزیرینک حد ائت سنی تعیب ضعیفه ملوک عظام حلیه تدبیر
و سیاست و علم و تجربه و درایت صاحبی مسن جهان دیده و سالخورده وزیر
اختیاری مقتضی و اهم در دید کارینی وزیرینک صاحب لری ایشیدوب خبر
و یرملرله وزیر مومی الیه سر اینده اوج کون ناسدن اختفا و مترا الیه طیه سنه
تدبیر و علاج ایدرک تبیض ایلد کد نصره ملا ناسه آق صقال الیه خروج ایلدی *
و طائفه نسواندن وزیر نصب و اختیاری جائز د کادرزیر احادیث شریفده
وارد اولمشدر که (ما افلح قوم اسندوا امرهم الی امرأة) انتهى (ارکان مملکتدن
ایکنجیسی رعیتدر) رعیت ارکان مملکت کتک قویسیدر * و رعیت ایکی قسمدر
بر قسمی خاصه یعنی خدمت ملوکانه ده او انلدر در * و بر قسمی عامه در خاصه دخی ایکی
قسمدر * بر قسمی متصنعدر یعنی خدمت پادشاهیده بوائیسی کند و خواهشیلر
اولیوب اضطراریدر * بر قسمی دخی مطبوعدر که خدمات ملوکانه ده قیام
و مسارعتی مقتضای طبیعتیدر بوائیکی قسمی یعنی متصنع و مطبوعی بر برندن
فرق ایدوب بیلک لازمدر زیر خاصه متصنعه برخدمتک او انده اهتمام الیه
باشلیوب بعده ضعف طبیعتی و تصور همی مقتضای اوزره کند و یه فتور
و کسل عارض اولوب اهتمامی زائل اولور * و خاصه مطبوع اولان قسمی خدمتک
اول و آخر نده علی الدوام اهتمام اوزره اولور * اما رعیت عامه که خدمه خاصه نک
غیریدر اوج قسمدر بر قسمی اختیار و بر قسمی اشرار و بر قسمی متوسطدر بونلردن
هر بری حقه نده لازم کلان تدبیر و سیاست موضع لایق نده ذکر و بیان اولور
دعا یا زمره سندن مطلوب و مقصد پادشاهلرینه اطاعت و اظهار تذل و عمارت
بلاد و اداء حقوق رعیتدر * و بومطوبلر مجرد نشر عدالت ملوکانه الیه حاصل اولور

تکیم ذکر اولنه جقدر (ارکان مملکتدن اوچنچی رکنی) قوت پادشاهانه در قوت
پادشاهانه دخی اوج نوعه منقسم در بری ناس بیننده قوت رتبه شاهانه و مهابت
ملوکانه و نفوس ناسده وقع قدرت و سطوت خسروانه در * ایکنی نوعی
وقوع بولان امور دولتی علی وجه الاستقلال بنفسه احتمال و تنظیمی التزام
قوتی در * اوچنچی نوعی امور مملکتده و تنفیذ و اجرای احکام شریفه ده قوت
تدبیر در بواوج نوع قوتلردن اولکیسی که قوت رتبه در حسن سیاست ایله حاصل
اولور تکیم ذکر اولنه جقدر * ایکنی نوعیکه قوت احتمال امور در ادب نفس نفیس
ملوکانه ایله حاصل اولور بوندن مقدمه بیان اولندیغی کبی * اوچنچی قوتکه قوت
تدبیر در اول دخی درت قسمه منقسم در * اولکی قسمی اعمال اطائف الحیل ایله
اموره است * کام ویرمنت تدبیر در * ایکنجیسی امور دواته اصول و ضعن
تدبیر در * اوچنچیسى قرار و نتیجه بولمقچه تدبیری قابل اولمیان اموره و قوف
تدبیر در * در دنجیسی بر کونار رفق و حیلہ بی قابل اولمیان امورک تدبیر در * معلوم
اوله که بوقوتلرک افضلی قوت تدبیر در اما بر در لور رفق و حیلہ بی قابل اولمیان اموره
صبر و ملایمتدن غیری حیلہ و چاره بوقدر بومقوله اموره رفق و تأنی ایتیه رک
عجله و شدتله حرکت ایدن کسنه نك شدتی مفید اولمیوب ضروری ضعف و لیفته
منقلب اولور * شونک کبی که صوچله اشیانک ملایمی ایکن بر غایت قوتلرک کسنه
بر آقان صوبی قوتیه سد و قطع ایتک مراد ایتسه بر در لوقادر اوله من اما چن رفق
و ملایمتله تدبیر ایدر ایتسه ممکن و میسر اولور * واکر بر فیل قوی البنیه بر سکنین
طاغی ازو دیشیلہ یارمق اراده سیله ضرب و حله ایتسه طاغیه بر ضرر و رخنه
اصابت ایتمیوب فیلک دیشی شکست اوله جفی ظاهر ایکن ضعیف البنیه بر آدم
رفق و ملایمت و حیلہ و صنعت ایله اول طاغی دیلدیکی کبی دلوب و او یوب کندویه
مسکن و خانه یبار * بوقدر برجه بر پادشاه قوی الاقتدار دخی چن بومقوله اموره
رفق و تأنی ایله حسن حیلہ و تدبیر ایلیموب شدت کوسترسه قوت و مکنی مؤثر
و نافذ اوله من * شونک کییکه قلع هر نقد رپک و سرت دموردن یا پلسه ینه کسکین
اولمزا اشیانک غایت ملایمی بولسان صوایله صوار لمینجه اما صوار لد قد نصکره
دموره ضرب اولنسه قطع و تاثیر ایدر بویه امور رفق و ملایمتله صورت بولور شدت
و تهالک فائده ویرمن بوقیهیت تدبیر موضعلری کلد کده بیان اولنور (ارکان
مملکتدن در دنجیسی مالدر) معلوم اوله که بیت المال رکن اعظم مملکتدر که
تجهیز حیوش و عساکر و ارزاق فقر اومسا کین و علما و سد ثغور و قلاع و بونلرک

امشالی مصالح کلیه بیت المال تعلق ایدر حال مملکت و ناموس سلطنت نظار
و خواص رجال و اعوان و انصار دولت عند لرنده بیت المال زیاده لکی
و نقصا نلغی مقدار نجه اولور * زیرا بیت المال ملوکا اعوان و انصار نک ورعیه نک
ذخیره سیدر که نزول حوادث کونیه و وقوع حاجت ضروریه ده جمله سی
بیت المال مراجعت ایدر لر * چن بیت المال کثرت انواع اموال و جواهر ایل شهرت
بواسه رعایانک قوتلری شدت و نفوس عساکر قوت و قدر و شان ملوک عظام
عظمت کسب ایدر و قلت ایل شهرت بواسه بوحالتلر خلافتی کسب ایلدیکندن
ما عدا امور مملکت مختل و طمع و جسارت اعدایه سبب و علت اولور
بو تقدیر جبه بیت المال اموری نی غایت معتمد و امانت کار کسینه لره تفویض ایلد بذل
و اسرافندن و اهلندن و اصحاب حقوقدن غیره صرفدن احتراز و توقی و حزم
و احتیاط اولنه رق محافظه سی واجب و اهدر بیت المال قلی موجب ذات
و مستلزم خلل مملکت اولور زیرا ارزاق عسکریه ده قحط و قوعی محذور عظیمدر
* دینلشددر که مال ناموس سلطنتدر که مهابت ملوک و قوت و عظمت پادشاهان
مال ایل حاصل اولور (حکایت) اولنور که ملوک فرس اولان شاپور
التونندن برقاج دیرلن یایدیروب خزینه سی قیوسینه وضع ایدوب خدمه خزینه
اول دیرکار اوزرنده اوتورر لر بو کیفیت شاپورل عیون اهالی مملکت و انظار
اعدای دولتده عظمت قدر و شاننی موجب اولمشدی * بعده سلطنت و مملکتی
اوغلنک اوغلنه انتقال ایللیوب وقتا که اوغلنک اوغلی دخی بیت المالی انلاف
و اسراف ایلد و کدوب ذکر اولنان دیرکاری بالاحتیاج ارتد کده ایچلری بوش
اولوب قوم ایل طولوظهور ایلدیکندن بوسرلری شیوعبولغله ناموس
سلطنتلرینک نقصنی موجب و اعدالرینک جسارتلرینی و اهالی مملکت
عند لرنده عظمت و مهابتلرینک قلتنی مستوجب اولدی و دخی (حکایت)
اولنور که ملوک مصر دن بعضی برقاج کوپ ایچنه التونی ایدوب طولدروب
کوپلری قیردده اول التون کوپلر هیئتندره ظهور ایتد کله کتوروب سرایک
قیومی ارنه وضع و حسرات اسمیله تسمیه ایتد در مکه عامه ناس حسب الاقتضا
التونلر اوزرلرینه اوتورر لر دی بو وضع دن اقامت ناموس مملکت و نفوس
عسکریه منه تقویت قصدا بنمشیدی (ارکان مملکتدن بشنی رکنی حصوندر)
معلوم اوله که ملوکا تحصن و اطرافدن امتناع ایلایه چکی حصون بش قسمه
منقسمدر که هر برسیله تحصن و اطرافدن امتناع مکندر بری و لروبری طاغیر

و بری چو ل صحرالر و بری قلعه لر و بری رجال که عسکر در پونلک ایچندن اقواسی
رجال بعده تلاعدرو قلاعک تحصین واستحکامی رجال ایله در و رجالک استحکام
وتقویه سی مال ایله در و مالک افضل والزمی مأ کولاتدر و مأ کولاتک تحصیلی
التجی عدل ایله اولور * روایت اولور که ملوک فرسیدن بعضی سنک منطقه سنده
یعنی قوشا غنده یازماش که رجاله سز پادشاه اولمز و مال سز رجال اولمز و رعیت سز مال
اولمز و عدالت اولمز بجه رعیت اولمز طبرستان اول که سنک ملک سی یعنی نسواندن
اولان پادشاه عاقله سی ام جیفونه نصر بن سیاره دیمشکه حزم و احتیاط صاحبی
اولان پادشاه کند و نفسی چون بدی اشیا یی موجود و اماده ایدر * بری اعداسی
ظهورنده تحصین و مدافعه ایده جنگ قلعه * ایکنجیسی کتم اسرار ایدر و رأی
صائبه اعتماد اولور وزیر صالح * اوچنجیسی وقت ضرورتده استعمال ایچون
یو کده خفیف ذخیره * در دنجیسی وقت تضییق اعداده سرعت سیر و جریانه اعتماد
اولنه جق آن * بشنجیسی جنگ ایچنده بر شیدن دو نمز کسکین قلج * التنجیسی
پوزینه باقدقه انبساط و پره جنگ حسنا جاریه * یدنجیسی طعامه اشتها
یو غیکن اشتها و پره جنگ طعام طبخنه قادر استاد آشچی * ملوکدن بری بقای
مملکتی ایجاب ایدن اشیا یی بکا بلاد دیو بر حکیمه تحریر و التماس ایلد کده حکیم
علی وجه الاختصار بویه جواب یازمشکه * بقای مملکت درت شی ایله حاصل
اولور بری قلعه رفیع و منبع * ایکنجیسی وزیر عاقل و حاذق اوچنجیسی مال وافر در
در دنجیسی عدالت ملوکدر * بعضیسی سائر پادشاهک حسن سیاستی و نظام
مملکتی ایشیدوب بالما کاتبه سببی استغفار ایلد کده بویه جواب یازمشکه * مملکتی
رجال و رجالی اموال ایله مستحکم و محفوظ قیلوب امر و نهیده و اعدامک حقنده
و تهدید و وعید مده جد و اهتمام ایدوب و قلوب ناسه بغض و عداوت قارشماش
مهابت و کذب و دروغ قارشماش محبت ایداع و القاء و اوراق عبادی تعمیم
و توفیر و فضول و زوائدی منع ایله اسباب نظام مملکتی تحصیل ایلام * ملوک
فرسیدن بری حکمدن برینه ملوکک عزتی نه ایله حاصلدر دیوسوال ایلد کده ناسک
اطاعتیه حاصلدر دیدی ناسک اطاعتنه سبب ندر دید کده خواص ناسه محبت
و مودت و عوام ناس حقنده اظهار عدالت دیدی * بعده ملوکک حصنی یعنی
قوت و مکنتی نه ایله اولور دیوسوال ایلد کده و زرا و عونیه لر یله اولور زبراملوکک
وزرا و عونیه سی هر تقدیر صالح الاحوال اولور ایسه مملکت دخی اولقدر صلاح
کسب ایدر و هر تقدیر مفسد اولور لر ایسه احوال مملکت دخی اولقدر فاسد اولور

دیدنی صلاح و زراعت و نه به سبب نذر دید کرده * ملوک عظامک انعام و احسان
شامله می سبب اولور دیدی * بعده ملوک احسن و مدوح اولان امور نذر دید کرده
رعایا فقراسنه رفق و ملاطفت و رعایان تحصیل اموال میریه ده ملایت
و رعایایه و بریه جک شیئی وقتیه ادا ایلمک و قلاع و حصونه تقویت و متانت
و پوللری قطاع طریق و حرا مزاده لردن امین قیلمق و ظالمدن مظلومک حقنی
الیویرمک و اقویای ضعیفایه ظلمدن منع ایتمک در دیدی * بعده ملوک حقنده غایت
انفع و فائده لوخصات نذر دید کرده * جمیع احوالده کذبدن احتراز و صدق در دیدی
اما مملکتک و ارکان مملکتک اساس و تملی دیندر * معلوم اوله که مملکت انجیق
دین تملیله قائم اولور و ارکان مملکت انجیق دین ایله ثابت و دائم و مستقر اولور و دینه
رعایت منار اسلامی اقامه و اشاعه و علامت حق اظهار و احکام شرع شریقه
اتباع و فرائض و سنن و مندیوبات شریعت ایله عمل و حدود شرعییه بی اجرا
و شارعک یعنی جناب باری نک و رسولک امر لرینه امتثال و نهیلرندن اجتناب
و حقوق واجبه بی اصحابنه ایصال و کیزلو و آشکاره هر حالده رضای باری اوزره
عمل و حرکت ایله حاصل اولور و زیر ایلر ره رعایت اولمیه رق ملک و مملکتده دوام
و بقا اولمز (حکایت) اولنور که اردشیر نام پادشاه اوغلنه بویه نصیحت ایتمشکه ای
اوغل ملک ایله دین ایکی قرنده اشلردر که بری بولمسه دیکری دخی بولمزدین تملدر ملک
محافظدر یعنی کوزه دیمیدر * بر بنانک که تملی اولمیه البته یقیلور و کوز جیسی
اولمیان شیء دخی البته ضایع اولور * وای اوغل مرتبه کی ارباب مراتب ایله
قیل یعنی ارباب مراتب عندنده رسم مرتبه رعایت ایله و ارباب غزا و جهاده
بخش و عطا و اصحاب دیانت و تقوا به حسن نوازش و التفات و سنک امور که
مشغول اولان ارباب عقولده احسان ایله * احنف بن قیس دیمشکه برکسه کند و
دینی هدم ایلمسه کند و نک شرف و مجدنی هدم ایدر یعنی ارکان دینی رعایت ایتمیوب
محافظله ایتمسه کند و شرفنی اندن دخی زیاده هدم ایتمش اولور * و برکسه نفسنه ظلم
ایلمسه سائر دخی زیاده ظلم ایدر بعض حکما دیمشکه دینی اولمیان کمسنه نک دولتی تلج
یعنی قار اوزرنده احداث اولمش بنا کبیدر یعنی غایت سریع الزوالدر (بشچی باب
اوصاف کریمه نک و فضیلتک معرفتی بیاتده در) اوصاف کریمه ایله متصف اولمق
ملوک عظام حضرت اتمه الزمدر زیرا قوام دولت و دوام مملکت بواوصاف کریمه ایله
حاصلدر و اوصاف کریمه اون بش و صفدر * عدل عقل شجاعت سخا رفق وفا
صدق رأفت صبر عفو و شکر انان یعنی تانی علم عفاف و قار * اشبو اون بش و صفک

فضیلتی و تدبیر مملکتده بواوصافه متعلق اولان مصالح کلیه بوجمله شرح
ویان اولنور (وصف اول عدلدر) عدل ملوک عظام حضراتک اوصاف
کریمه لرندن افضل و اسباب بقای دولتمک اقومیدر زیر اعدل طاعته باعث
والفته داعی اولوب عدل ایله اعمال صالحه و اموال زائده و رعایا آسوده اولور
و فضائل سائر عدل ایله کمال بولور و جناب تعالی و تقدس امر ایدوب بیوردیکه
(ان الله یامر بالعدل والاحسان و ایتاء ذی القربی و ینهی عن الفحشاء و المنکر
و البغی یعظکم لعلکم تذکرون) دینلمشدر که جناب باری عزوجل بو آیت کریمه ده
جمع خیری و جمله شری جمع ایلدی و ملک و مملکتک استقامت و استقراری بو آیت
کریمه ده امر اولنسان اویج شی ایله حاصل اولور و اضطراب و اختلالی دخی بو آیت
کریمه ده نهی اولنسان اویج شی ایله حاصل اولور حدیث شریف نبویه وارد اولمشدر که
اویج شی منجیاتدر یعنی نجات و سلامت ایراث ایدر و اویج شی مهلا کانددر یعنی
هلا که القا ایدر * اما منجیات غضب و رضاده یعنی غضب حالنده و غضبتک ضدی
اولان رضا حالنده عدالت و رعایت و کیزلو و آشکاره اللهمدن قورقق و غنا و فقرده
اعتدال * و اما مهلا کات بخل و امسا که مطاوعت و هوای شهوانیه به متابعت
و کند و نفسیه عجب ایلکدر (حکایت) اولنور که اسکندر حکمای هنددن
بعضی سینه سزک مملکتک زده جاده طریق لر نیچون آزدردید که کند و نفس لر مزدن
لازم کلان حقوقی و قتیله اعطا ایدوب پادشاه لر مزدنخی عدالت ایلدیکننددر
دیدى * بعده عدلی افضلدر شجاعتمی افضلدر دپوسوال ایلد که عدل استعمال
یعنی اجرا اولندیغی حالده شجاعتمدن مستغنیدر دیدى * اردشیر دیمشکه پادشاه
عدالتدن امتناع ایدر ایسه رعایا دخی اطاعتدن امتناع ایدر * کسری نوشروان
اصحاب جرمه عقاب ایله مسنک سبی کندویه سوال اولند قدده نوشروان
دخی انلرخسته حکمنده دربن انلره عدل دواسیله تدبیر و علاج ایتمینجه غیری
کیم علاج ایده جکدر دپو جواب و یردی * افلاطون دیمشکه اشیا عدل ایله ثابت
جور ایله زائل اولور * اردشیر هیچ برکسنه دن خوف ایتیمان کیمدر دپوسوال
اولند قدده حکمنده عدل ایدن کسنه در که بومقوله عادل کسنه به حق تعالی
ناصر و جمیع خلق مطیع اولوب نائل اولدیغی نعمتی صاف و جیوش و عسا کردن
مستغنی و قلوب ناسه مالک و قتن و حر و بدن امین اولور دیدى * بعض علما دیمشکه
رعایانک اللری لسانلرینه تابعدر هر قجن رعایا طائفه سی سوزسویلمکه فرصت
بولور ایسه جمله و هجومه رخصت بولور * ملوک عظام حنسرائی خواص و عوام

حقنده علی السویه نشر عدالت ایلمینجه رعایا طائفه سی کند ویه میل و محبت ایلمز
 و پادشاه لرینه محبت ایلمینجه رعایانک جسم لرینه مالک اولمز * نوشروان بزرجمهره
 بکابر قبه بنا ایدوب اوزرینه بقای ملک و دولته متعلق برقاج کلمات نصیح آمیز
 تحریر ایله که بن انکله منتصح و منتفع اولیم دیو امر ایلد کده بزرجمهر دخی بر قبه
 بنا و کاتبه طاق قبه یه بومضمونی تحریر ایلدیکه بوعالم بر بستاندراول بستانی احاطه
 ایدن دیواری دولته در و دولت دخی بر ولایت بکزر که اوولایتک محافظ و محارسی
 شریعت مطهره در شریعت غرادی بر طریق جاده در که ملوک عظام حضراتک
 سلوک ایده جگاری مسالکدر و ملوک عظام حضراتی رعایا طائفه سنک راعیسی
 یعنی حافظ و کوزجیسیدر که زمرة عساکر محافظه رعیتده کند ویه معین و معاوندر
 و زمرة عسکریه یه مال کفیلدر یعنی استعمال و انقیاد عساکر اموال میریه بی
 وجوه لایقه اوزره صرف ایله حاصل اولور و مال دخی آسایش رعایا ایله مجتمع اولور
 و رعایا دخی حقلرنده نشر عدالت اولندیقه پادشاه لرینه قول اولور لر و عدل دخی
 بر شیندر که قوام عالم انکله اولور * ولید بن هشام دیمشکه بزم حاکم ملوک عظام
 حضراتک صلاح و نظام امور و دولته لایق صالح و فساد و اختلال مملکت لر یه فاسد
 اولور * سفیان ثوری ملک منصوره بن بر آدم بیلور مکّه تنون عالم اول آدمک صلاح
 حاکمه صالح اولور دیوب ملک منصور دخی کیمدر اول آدم دیوسوال ایلد کده اول
 آدم سنسین دیمش یعنی ملوک عظام حضراتیدر دیو تابع ایلمش * معلوم اوله که ملوک
 عظام حضراتک عدالتی خصال عشره یه یعنی اون خصلته ملازمت و مداومت لر یه
 حاصل و متحقق اولور * اولکی خصلت علامت دین اسلامی اقامه و اشاعه و لوازم
 دیانتی محافظه و سائر ناسی بلا نقصان و لا اهمال مقتضای دیانت اوزره عمل
 و حرکته سوق و ترغیبدر * ایکنی خصلت مملکتی حفظ و حراست و اعدای
 دیندن وظلمه و باغیلردن رعایا فقر اسنک نفوس و مال لرین وقایت و صیانتدر *
 اوچنکی خصلت مصالح عبادی حق اوزره تنظیم و تمشیت ایله جمله بلدان و ممالک
 اسلامییه بی معمور و آبادان و بوللری قطاع طریق و حرامزاده دن تطهیر
 و تأمیندر * در دخی خصلت اطراف مملکتلرده بولنان و الیلر و حاکم لر سائر
 متغلبه و جبار بر طرفندن رعایا فقر اسنه ظلم و تعدی اولنماق ایچون تحری و دقت
 و نظارتدر زیر او مقوله لر لر رعایا یه اولان ظلم لر یه ملوک عظام حضراتی طرف لرینه
 عز و نسبت اولنور * بشنی خصلت طوائف عسکریه نیک و ارباب و طوائف
 احوالنه نظارتدر که عمال یعنی رؤسالی ذحائر و ارزاق معینه لرین تنقیص

وعطالین وقت معین نردن تأخیرا بلیه لر زیر ابو کیغیتلر طوائف مرقومه نك
 تقر یقلرین موجبدر *التنجی خصلت ملوک عظام حضرتك ارباب دعاوینك
 دعوالرینی وجه شرعی اوزره فصل وحسم و رفع مظالم عباد ایچون دیوان معدلات
 عنوان شاهانه لرنده قعود بیورملریدر * یدنجی خصلت ارباب علوفات ووظائف
 ایچون بیت المالدن اخراج اولسان مالی اسرافدن ونقصان حالتلرندن احتراز
 اولنه رق علی مراتبهم تقدیر و اعطاسادر * سکرنجی خصلت ارباب جرم وکناهك
 حقلرنده جرملرینه کوره حد وشرعیه یی اجرا و انفاذدر * طقوزنجی خصلت
 هر بر خدمت و منصب ایچون او خدمتده ماهر و متقن و امین و صاحب فهم
 و درایت والیلر و قاضیلر و نایبلر و سائر عمال و رجال انتخاب و اختیار ایلکدر
 * اوننجی خصلت قضاة و حکام و ضابطانك و سائر مدبرات امورك شرعه و قانونه
 موافق حکم و تنبیهلرینی تنفیذ و اجرا ایتدیرمکدر زیرا بعضا محکوم علیه قوی
 و متغلب و حکام عاجز بولند یغندن حاکمك ~~حکمی~~ نافرذ اولمیوب بومقوله
 احکام جانب حضرت ملو کانه دن انفاذ اولنق اقتضاید * ملوک عظام حضراتی
 بوخصال عشره محرره یی بتمامها اجرا بیوردقلری صورتده رعایا فقراسی
 حقلرنده مأمور اولدقلری عدل ایله حق اللهی ادا ایدوب و رعایا طائفه سی دخی
 امر و فرمانلرینه مطیع و منقاد اولورلر بوخصالتلردن بریسی ترک اولنسه رسم
 عدالتیه رعایته قصور اولنش اولور (اوصاف کریمه دن ایکنجی وصف عقلدر)
 * معلوم اوله که عقل بروصف شریف و خلق عظیمدر که حقه باطل و باطله حق
 دیو حکم ایتمز و عقل احوال عالمك منشأ و محررالرینی امعان ایله مطالعه و تجربه دن
 استفاده اولسان شیئدن عبارتدر * ودخی دینلدیکه عقل جائز و ممکن اولان
 شیئك جوازینی و مستحیل و ممتنع اولان شیئك استحاله سنی بلکدر و پوشیئلری
 بلمك نتیجه سندن حقایق امورده و مصالح تدبیرده نظر دقیق و فکر سلیم حاصل
 اولور * بعض حکمایه عقلدن سؤال اولند قدح عقل نظر دقیق ایله بررأیده اصابت
 و وقوع بولان شیئی مطالعه و مقایسه ایله و وقوع عبوله حق شیئی بلکدر دیدی * ابن
 معتز دیمشکه عقل بر طبیعتدر که نوائب یعنی حوادث کونیه و طبیعتی تربیت
 ایدر یعنی حوادث ثانی تجربه ایله اسباب و قایعه آشنا اولور * بعض حکمادیمشکه حکام
 حقند ده مواهب الهیه نك خیرلوسی عقل و مصائبك شری جهلدر * و دینلدیکه
 عقل هر شیئه قلبیه و خاطر یله نظر ایدر یعنی حسن و قبحنی و اسباب نشأتنی
 تفکر و مطالعه ایدر جاهل کوزر یله نظر ایدر یعنی همان صورت ظاهریه سنی

تماشا ایلر * ابن معتز دیمشکه اتباع هوای نفسانیه دن نفوس عقل ایله ضبط
وامسالک اولنور بعض حکما دیمشکه عاقل اول کسنه درکه ناسک راحتی ایچون
کندوسی تعب و مشقتی اختیار ایدر و احق اول کسنه درکه کندور راحتی ایچون
ناسه تعب و مشقت و بر بعض علما بویایاتی انشاد ایلشد *

وافضل قسم الله للمرء عقله * وليس من الاشياء شيء يقاربه
اذا اكل الرحمن للمرء عقله * فقد كملت اخلاقه ومناقبه

و بعض حکما دیمشکه علم قانددری یعنی ید یجیدر و عقل سائقدر یعنی سور یجیدر
و نفس حروندر یعنی صاحبنه منقادد کادر بو صورتده اسب حرونک اوکنجه
ید یجیسی کیروندن سور یجیسی اولمزایسه سرکشک ایدوب یوریمز سور یجیسی
اولوب اوکنجه ید یجیسی اولمزایسه طوغری کتمیوب صاغه و صوله میل ایدر و چن
کیروندن سور یجی و ایلرودن دخی ید یجیسی اولسه استراستز طوغریجه یوریدیکی
کبی نفس دخی اوکنجه علم ید یجیلک و کیروندن دخی عقل سور یجیلک ایتمینجه
طریق مستقیمده طوغریجه یوریمز * بعضیلری دیدیلرکه عاقل سیما و علایمندن
و طول صمت و سکوتتندن و صحت تصرفندن معلوم اولور * حکمان بعضیسی
دیمشکه عقل برحالت جلیله درکه انسانه عقلدن غیری نقر و مباهات ایتمه
شایان برحالت یوقدر زیراجهل انسانک عیوب و ذنوبنی اظهار و اکثر ایلد رتبه
و قیمن تنزیل و تخفیف ایدوب مداحلرین ذمام و دوستلرین دشمن ایلر * دینلدیکه
جمیع ناس اوج قسمدر عاقل احق فاجر اما عاقل اول کسنه درکه دیانت
و استقامت ایله متصف و حلم و رأی حسن صاحبی اولوب کندویه خطاب
اولندجه جواب و یروب سویلدیکجه اصابت و اشتدیک مسائل علمیه بی حفظ
و خیر اولدیغی علوم شرعیه بی اظهار و روایت ایدر * اما احق اول کسنه درکه
سویلدیکجه کلامنده سرعت و عجله و ایراد ایلدیکی رأی ضعیفدن بلا مانع ادنی
مقابله ایله نزول و معاوده ایلیه اما فاجر شول کسنه درکه سن انی امین اتخاذ
ایدرسین اول سکا خیانت و انکه صحبت ایدرسین اول سکا ایراث شین و خجالت
و کثوم اعتقاد یله کندویه کشف ایلدیکن سر اتراموری افشایه جسارت و کندویه
تعلیم علم اولندجه عدم فهم و درایت ایلیه * دینلدیکه انسانه عقلدن بیولک
عطیه و جهلدن بیولک درد اولمز * طبری دیمشدرکه بر حادثه نك وقوعند نصکره
اندفاعی تدبیرینی ایدنه عاقل دینلر بلکه قبل الوقوع علاج و چاره سنه مبادرت
ایدن عاقلدر

(ع) علاج واقعه پیش از وقوع باید کرد

فیروز بن حصین رحمه الله دیشکه جناب باری تعالی بر قولنک نائل اولدیغی نعمتی زائل قیلق مراد ایلد کده اول امر ده عقلنی متغیر و بعده نعمتن زائل قیلر (شعر)

یعد رفیع القوم من کان عاقلاً * وان لم یکن فی قومه بحسب
از احل ارضا عاش فیها بعقله * وما عاقل فی بلدة بغریب

خلاصه مآل بیت عاقل کس نه هر قدر حسب و نسب صاحبی د کسه دخی قوی
ایچنده نه قدری رفیع و عالیدر و عاقل قنغی مملکت و ارر ایسه عقلیه تعیش
ایدوب بر در لو غربت و محنت چکمز (اوصاف کریمه دن او چنی وصف شجا عتدر)
معلوم اوله که شجاعت شول اوصاف حمیده دندر که ملوک عظام حضراتنک
صفت شجاعت ایله اتصافلری لازمدر هر قدر خلق و طبیعی اولز ایسه دخی جعلی
و عارضی اولسون اظهار شجاعت اقتضایدر که حتی خصمائی بولسان سائر
ملوک در و نلرندن طمع ماده لرینی هیبت و شجاعتلریله قطع ایدوب بو وجهله
حوزه حکومتلرینی حمایت و مملکتی حراست و رعایت و رعایاسنی مظالم و تعدیاتدن
وقایت بیوره لر * شجاعتنک حقیقتی خصم ایله ملاقات و مقابله اولند قد قلینک
ثبات و متانتی و خوف و خشیتنک ذهابی و هیبت دشمنک زوالی و نظر نده دشمنک
صغیر و حقیر **ک**ور نمسندن عبارتدر * دشمن ایله ملاقاتدن مقدم رأی و تدبیر
و حسن حیلله ترتیبی الزم و اهمدر که حدیث شریفده (الحرب خدعة) وارد
اولشد * رم معلوم اوله که طائفه عسکر به نك شجاعتلری ثمره سی کر و فردری یعنی حمله
و هجومدر و ملوک عظام حضراتنک شجاعتلری ثمره سی ثبات و استقراردر که
پادشاهلر قطب و قلعه کی ثابت و مستقر اولدقجه طوائف عسکر به نفس نفیس
ملو کانه نك اوزرینه دونوب دست اعدادن محافظه و سایه هما یونلرینه النجا
ایدرلر اما حضور شاهانه ده مدافعه ضرور ایدله جک کس نه قالمیخه
بالذات مدافعه به اقدام و حسب الضروره سمت سلامتله سلوک و اعترام بیوررلر
(حکایت) اولنور که بر کو کره مش فیل بر کون سلسله رابطه سین شکست ایله
بوشانوب طوغر و نوشر و انک ابوانته دخول ایدوب موجود بولنان جماعت خدمه
هیبت فیلدن خوف و فرار ایلد کده نوشر و انه بو کیفیتدن قطعاً تغیر کلیوب
سریر سلطنتنده ثبات و قرار و جماعت خدمه دن فقط بر نفری قارشو سنده
پا بر جای دهلیز استقرار اولوب اول خادمک النده بر تبر بولمغله در حال تبر ایله
فیلک خرطومنه ضرب و جرح ایلد کده فیل مجروح اعودت و رجعت ایلوب

بوحالت دهشت انگیز نو شر وانه سرمو تغیر و بنیان ثبات و عظمه تلرینه زره قدر
 ترزل ابراث ایلدی * ملول عظام حضرت اتک غایت ثباتلری بودرجه لره منتهدر
 و کذلک (حکایت) اولنور که خلفای عباسیه دن موسی الهادی برکون خواص
 اتباعیه را بکابرستان ایچنده سیر و تماشا اوزره ایکن خارجیلردن برشیدید
 و قوی مرد باغی بی بعض ضابطان اخذایدوب کتوردکاری خبرویرلد کده هادی
 دخی امر ایتمکله باغی * مذکورلک ایکی اللرندن بررکسنه محکم طو توب مقبوضا
 حضوره اولو کانه هادی به احضار اولاند قدده اول مرد باغی اللری نی اول کسنه لرلک
 اللرندن قور تروب اول کسنه لردن برینک بلنده طوران قلبنی چکوب الوب
 اهلاک قصدیه هادینک اوزرینه هجوم ایلد کده موجود بوانان خواص اتباع
 متفرق و پریشان اولوب هادی منفردا قالدیغی حالدیه باغی * مذکور حواله
 سیف هلا که اقدامنی کورد کده باغی * مزبوری اغفال ایچون شو آدمی ضرب
 ایلد دیو خطاب ایلد یکنده باغی * مزبور دخی اکسه سنده آدم واردر خیالیله
 کیرو باقجه در حال هادی سوار اولدیغی دابه سندن نزول و باغی * مذکور قلبنی
 اللدن قاپوب اخذ و باغی بی قبض و سیف ایله ضرب و هلاک ایلد یکند نصکره
 فرار ایدن خواص اتباعی کلوب حضوره اولو کانه سنده جمع اولد قلرنده هادی
 بو کیغیته متعلق اتباعنه برشی سو یلمد یکندن جمله سنه قورقو و حجاب مستولی
 اولوب هادینک بودرجه شجاعتی و ثبات و متانتی نقش طاق اشتهار اولدی
 (اوصاف کریمه دن دردیجی وصف سخادر) معلوم اوله که سخا قلوب ناسه راحت
 و اطف ابراث ایلک سبیلله الفت و محبتیه سبب اولان بروا احسانک عمادیدریعنی
 دیر کیدرو نریعت مطهره دخی جمله ناسی سمت سخایه داعیدرزبر اعموم مصالح
 دنیویه و سیمارضای حق و رضای عامه خلق سخاده حاصلدر * و حدیث شریفده
 وارد اولمشدر که جود صاحبی اولان کسنه حق تعالی به و جمیع ناسه قریب
 و عذاب ناردن بعیددر و بخل و ضنت صاحبی اولان کسنه خدای متعالدن
 و کافه انامدن بعید و عذاب ناره قریبدر * و دیگر حدیث شریفده وارد
 اولمشدر که کریم و مخفی اولان کسنه نک جرم و خطا سندن سز عفو و انعام ایلد
 زیرا کریم مطلق جل و علا حضرت تلری کریم اولان کسنه نک زله و خطا سنی عفو
 و عنایت یوردر * و حضرت عائشه رضی الله تعالی عنها یوررلر که جنت اعلادار
 احضیادریعنی جنت جوهر دلرک اویدر و نارجم دار بخل و لئامدریعنی بخیل
 اولان اسافلک قرار کاهلریدر * دینلشددر که حضرت خداوند بیچون موسی

صلوات الله علی نبینا وعلیه حضرت تهرینه بوجله بیور مشلر که سامری بی قتل
 وهلاک ایلله زیر صاحب کرم و سخادر * ابن القاسم رحمه الله تعالی خبر ویررلر که
 حکم بن عبدالمطلب حضرت تهری منیخ نام بلده ده دار عقبایه عزیمته منتهی اولوب
 حالت نزع و اردقارنده ابومعیون حمصی رحمه الله تعالی موجود بولمغله
 بوجله دعایه آغازایدوب (اللهم ارفق به فانه کان جوادا شجاعا صواما قواما)
 یعنی یارب بولمغله ارفق و اسانلق عنایت ایلله زیراسنک جوهر دوشجیع و صیام
 توقیام ایلله اوقاتکذار برقولکدر دیودعا ایلد کارنده در حال بودعای عرش پیمانک
 بمن اثر اجابتیله حکم بن عبدالمطلبده آثار سکونت و سهولت بیدار و شدت
 موتدن افاقت آشکار اولمغله بودعایی اوقویان کیمدر دیو سوال ایللیوب
 ابومعیون بنم دیدکده یا ابومعیون ملک الموت سکا سلام ایللیوب جناب باری
 بکا کریم اولان کسینه لرحمت ایلله دیوامر ایتدی دیوبالینه طیانوب خوابه
 واررکی کچیوردی * دینلمشدر که جوهر دوشخی اولمیان سید و رئیس عسکری
 اولمیان ملک کبیر یعنی ملوک تفهید امر ونهی و شان و شکوه سلطنتی قوت
 و کثرت عسکر ایلله اولدیغی کبی بیولک کسینه لرل دخی بین الانام حرمت و عزتی
 جود و سخا ایلله اولورودینلدی که کیمکه جوهر دلک و سخیلک ایدرایسه ناس بیننده
 اولوویولک اولوروجود و سخاسی ارتدجقه اولولغی ارتر * و دینلمشدر که انسانک
 جود و سخاسی کند و دشمنلرینی دوست ایتدیرر و کذلک انسانک بخل و امساکی
 دخی کند و اولادنی کند و یه دشمن ایتدرر * معلوم اوله که مخا ایکی نوعد زبر نوعی
 اولدر که بر کسینه عرض حاجت و سوال ایلزدن مقدم عطا و احسان ایلدکدر
 و بونوع سخا غایت مطبوع و مدد و حدر زیر حضرت علی کرم الله وجهه و رضی
 الله تعالی عنه حضرت تهرندن سخا سوال اولندقدده ایتدا یعنی استمزدن اول
 ظهور ایدن سخادر اما بعد السؤال ظهور ایدرایسه کاسخا دینمز عطا و لطف
 دینور * بیوردیلر که بعض حکما دیمشکه عطا نیک غایت بیولک و اعلاسی قبل السؤال
 ظهور ایدندر بریسی بر کسینه یه عارض اولان خلیل و حادثه بی کور و بسد و منع
 و یا خود بر کسینه نیک فقر و احتیاجنه واقف اولوب ازاله و دفع ایدر مجرد اجر
 و ثواب امنیه سیله * ایکنی قسمی کند و مالنده حاجتدن زیاده فضله کور و ب
 محل و مستحقنه وضع و احسان ایدر * اوچنی قسمی سخا کند و نیک سحبه
 و جبلتنده هر کوز بر طبیعت اولمغله مستحق و نامستحق و مدد و موم
 میانه لرین فرق و تمیز ایللیوب بذل و عطا ایلر * بو اوچنی قسم ملوک عظام حضرتاته

چسبان اولمزیرا بونوع سخاسرف و تہذیر در جہ سنہ رسیدہ اولدیغندن بیت
 المالہ قلت ایراث ایتکلمہ واجبات امور مالکیہ نک و حقوق لایقہ نک تأخیر
 و تعطیلنی موجب اولور * سخانتک ایکنی نوعی طلب و سؤال النصرہ اولان عطا
 واحساندروسخی وجومردک علامتی وقت عطا واحساندہ سائلہ کولریوز
 کوستروب اظہار بشاشت و سرور و سائلک عرض حاجتدہ ادنی تلج و اشارتیلہ
 اکتفا ایلیوب تفصیل و تصریح مرا منہ حاجت قومامقدرو کریم و سخنی اولان
 ذات عالی بہ لایق اولان اولدرکہ سائل سوالہ آغازایدنجه در حال عجلہ و عدایدوب
 عقبندہ فعلا وعدنی انجامز ایلیہ کہ استدای امر دہ و عدیلہ سائل مسرور اولوب
 انتظار دہ قائمیہ (حکایت) اولنور کہ فضل بن سہلہ بر آدم کلوب عرض حاجت
 واستدعای عنایت ایلد کدہ فضل دخی مطلوبکی بو کون وعدایدوب یارین انجامز
 و ایفا ایدر مکہ امل و امید چاشنیسنی دادہ سن دیدی * و لکن وعدایلہ انجامزک یمنی
 اوزاتمہ کہ زیرا انتظار مرارتی یعنی اجیافی انجامز و عطا حلاوتنی کیدروب
 زائل ایلر بعضیلر بوییتی انشاد ایتشردر (بیت)

ان العطية لا تكون هنيئة * حتى تكون قصيرة الاعمار

مضمون بیت عطیہ و کرم سائلہ خوش کلمز الا طول انتظار چکمز سہ خوش
 کاور * خلفاء راشدین رضوان اللہ تعالیٰ علیہم اجمعین حضرتلری کندولردن
 استعطاف و استرداف یعنی کرم استینلرہ وجہ شرعی اوزرہ انعام و احسان ایدوب
 زیادہ و نقصان ویرمز لردی (اوصاف کریمہ دن بشنی وصف رفق و ملائمتدر)
 معلوم اولہ کہ رفق تدبیر امور دہ ملولہ عظام حضرتاتک ممدوح و افضل اولان
 اوصاف حسنہ و اخلاق مستحسنہ لرننددر رعایاز مرہ سندن تحصیل اموال
 خصوصندہ رفق ایتک عنف و شدت کوسترمکدن زیادہ مفید و مؤثر اولور زیرا
 رعایایہ رفق ایلہ معاملہ اولندجہ حقد و کینلری زائل و انقیادلری مزداد اولور
 خرق یعنی عنف و شدت اولندجہ انلردخی ضمیر لرنندہ مر کوز اولان خباثتلرین
 اظہار یعنی عصیانہ اجتناسار ایدر لر بوتقدیر جہا کر انلر تغلب ایدر ایسہ قتل
 نفوس و دمار ی موجب اولور اگر سن انلرہ غلبہ ایدرسک س بونودہ افتخار
 حاصل اولمز * حدیث شریفدہ وارد اولمشدر کہ اگر رفق آدم اولیدی غایت دلبر
 آدم اولوردی و اگر خرق آدم اولیدی برزشت و قبیح آدم اولوردی رفق و ملائمتک
 کمال تأثیری بومثال لردن ظاهر در کہ قصر غہ دیدکاری روز کار قوت و شدتی
 و دول صداسیلہ انجبارک دالترینہ اصابت ایدر اما کوکارینہ تأثیر ایدہ مر

اما آقرصولر رفق و ملائمتله اشجارك كوكلرينه تاثير و قلع ايدروكذلك علاقه يعنى
 سولك ديدكاري حيوان صوت و صدا سزجه رفق و ملائمتله ساثر حيواناتك قانندن
 طوي نجه غذا نور سيورى سكا صدای مغز خراس و شدتله ظهور ايلديكندن
 منع و دفع اولنوب وجود حيواندن تغديدن محروم اولور و رفق و لين تدبير ايله
 اعدا صدا قا اولور * جناب حق عز وجل بيورر (ادفع بالتي هي احسن السيئة)
 قاننى يضاوى رحمة الله عليه بوآيت كريمه ده واقع احسن ديانته وهنى مؤدى
 اولايه حق مرتبه عفو و صفح و احسان در ديوب امام فخر رازى رحمة الله عليه دخی
 تفسير كيرنده بوآيت كريمه دن مراد جناب عز وجل صاحب سعادت افندي عز
 عليه الصلاة والسلام حضرت تلبينه امر ايدوب بيورر لركه كفار طرفندن ظهور
 ايدن تكذيب و ضرب و اذايه تحمل ايليوب احسن وجوه اوزره بيان اوله و كلام
 جميل ايله معامله بيوره لر * و عنف و شدت ايله صديق عدو اولور شول طعام كبي كه
 تغذى و تداوانده تعديل اولنور ايسه در او شفا اولور و كر تغذى و تداوانده
 تعديل اولنمىوب افراط اولنور ايسه مورت علت و اذا اولور (حكاييت)
 اولنور كه كسرى نوشر و ان حكمان برينه عزت ملوك ندر دپوسوال ايلد كده
 اطاعت در وسبب اطاعت ندر دپوسوال ايلد كده خواص ناسه اظهار محبت
 و عوام حقنده اجراى عدالت در * و صلاح حال ملوك ندر دپوسوال ايلد كده رعايا
 طائفة سنيه رفقه معامله و اوزر لر ينه اداسى لازم كلان حقوق ميريه يي تعب
 و مشقت و ير مكسزين اخذ و رعاييه و ير ماسى اقتضا ايدن حقوقى و قتيله ادا در
 ديدى * معلوم اوله كه پادشاهلر ايچون هر محله و جميع امور ده رفق و ملائمت
 ايلك لايق و مناسب اولمىوب بل كه رعايا طائفة سنى اوج طبقه نك حقنده
 برر كونه تدبير و سياست ايلك اقتضا ايدر * بر طبقه سى خواص رجاليدركه انلر
 حقنده دائماً حلم و مواسات ايله تدبير اقتضا ايدر * بر طبقه سى دخی اسافل ناسدركه
 انلر حقلرنده دائماً عنف و شدتله تدبير مقتضيدر * بريسي دخی طبقه عامه در كه
 انلر حقلرنده اقتضا سنيه كوره كاه عنف و شدت و كاه رفق و ملائمتله تدبير
 و سياست لازم كلور * مسلم بن قتيبه در كه ملوك عظامك قوام ملكلرى اصحاب
 تهمت و قباحته شدت و ارباب خلوص و صداقته رفق و ملائمت ايله در * ملوك
 فرسندن برى بزر جهره ملوك عظامك مدوح اولان روشلرى نه كونا در دپو
 سوال ايلد كده بويله جواب و ير مشكه احرار ناسه يعنى اشراف قومه خلوص
 مودتله معامله و عوامه اظهار ميل و رغبت و القاي خوف و خشيت ايله معامله

حسن قول نعم من بعد لا * وقبح قول لا بعد نعم
ان لا بعد نعم فاحشة * فبلا فابدأ اذا خفت ند م

(اوصاف کریمه دن یدنی وصف صد قدر) معلوم اوله که صدق اشرف صفات
حمیده دندر شرع و عقل هر کسی سمت سلامت صدقه دعوت ایدر هر تقدیر جانب
صدقه و اهمه هلاک و جانب کذب و جرف نفع و دفع ضرر ملحوظ اولسه دخی صدق
و کذبک عاقبتلری ینه منقلب اوله جفی شرعده معلوم اولد یغنه بناء شرع شریف
صدقه اتباع ایله امر ایدر و عقل قبیح کورینن شیئدن منع و مستحسن کورینن
فعله دعوت ایدر خصوصاً فعل قبیحکه جالب نفع و دافع ضرر اولیه بویه فعلی
عقل بر در لو تجویز ایلز * حدیث شریفده وارد اولمشدر که (تخیروا الصدق
وان رأیتهم الهلکة فیه فان النجاة فیه تجنبوا الکذب وان رأیتهم النجاة فیه الهلکة
فیه) مضمون حدیث شریف بودر که سز هر تقدیر صدق جانبنده ظاهر اخطر
کور رسکزدخی ینه صدق اختیار ایدک زیر انجات صدقه در و هر تقدیر کذب
جانبنده نجات مشاهده ایدر رسکزد هلاک کذبده در * بعض حکما دیدیلر که کذبده
هر تقدیر نفع ملاحظه ایدر رسک دخی ترک ایله زیر اضر در صدقه هر تقدیر ضرر
کور بنور ایلسه دخی ینه ایشله زیر انا فعدر * عرب یننده مشهور در دیدیلر که
عسرت حال ایله صدق لسان یسرت ایله اولان کذبدن خیر لودر * مهلب دیمشکه
شجیع و بهادر اولان ملوک عظامک دستنده بولان قلچ ینه صدق دن اعز و اشرف
دکدر * دینلیدی که ملوک عظام حضراتی صفت کریمه صدق ایله متصف اولمق
لازمدر که اعوان و انصاری و عدینه اعتماد ایلیه لر و دائماً نائل اولدیغی نعم
جليله یه شا کر اولمق کرک که نعمتی مر داد اوله * آصف بن قیس دیمشکه
جمله ناسه صدق لازمدر انجق ملوک نظام حضراته سائر دن زیاده الزمدر زیرا
کذب جانبینه میل و رغبت ایدن نفوس رذیلدر ملوک عظام حضراتی نفس
عزیزه و کریمه اصحابند در بعض اهل ادب بوییتی انشاد ایلدیلر * (یت) *

فکن صادقاً فی کل شیء تقوله * ولا تکن کذاباً فتدعی منافقاً

مضمون بیت هر سویلد یکک شینده صادق اول زیرا کذب اوصاف منافقیندندر
* حکمان بعضیسی دیدیلر که ملوک عظام حضراتن ابتدا ای سعادتلری
صدق در و ابتدا اختلال نظام ملکاری جور و ستمدر (اوصاف کریمه دن سکرنی
وصف رأفت و شفقتدر) معلوم اوله که رأفت برجبات کریمه در که حال ملوک
اول جباتی مقتضیدر زیرا اول جبات جمله ایمی محافظه و محارسه و رعایا

فقراسنه کمال شفقت وضعفایه مرحمت وانلره کرم و عنایت واحسان و ظلم
 واذای اوزر لرندن منع و دفعه ملوک عظام حضراتنی سوق و اغرا ایلر * حدیث
 شریفده وارد اولمشدر که (اطلبوا المعروف عند الرجاء من امتی و عیشوا
 فی الکفافهم) فحوائی حدیث شریف ای گروه محتاجین سز کرم واحسانی بنم
 امتک مرحمتلورند ز امپد و طلب ایدیکز و اولیه مرحمتلور اولان امتک ساحه
 وسیعه احسانلرنده تعیش ایدیکز دیکدر * و دیگر حدیث شریفده وارد
 اولمشدر که (ان الله رحیم لا یرحم من عباده الا الرجاء ارجوا من فی الارض
 یرحمکم من فی السماء) معنای حدیث شریف بودر که تحقیقا جناب خدای
 متعال عزاسمه نک مخلوقی حقنده مرحمتی بر کمال ایکن قوللرندن انجیق اصحاب
 مرحمت و شفقتیه مرحمت ایدر و سزدخی روی زمینده اولان ضعفایه مرحمت
 ایدیکز که سموات اها ایسی دخی سز لره مرحمت ایلیمه * حضرت مالک رحمه الله
 علیهم دن مرویدر که حضرت عمر بن الخطاب رضی الله تعالی عنه بعض مداین
 شامه عامل نصب ایلک ایچون بر آدمی دعوت ایدوب یا تنده ایکن بر صبی معصوم
 اول محله کاد کده حضرت عمر رضی الله عنه اول معصومی طو توب کمال
 شفقتلرندن مبارک سینهلرینه وضع و رخسارندن بوس و تقبیل بیورد قلمرنده
 اول آدم حضرت عمر رضی الله عنه خطاب ایدوب یا امیر المؤمنین سز اول
 معصومی تقبیلی بیورر سکز دید کده نعم تقبیل ایدرم بیورم لریله اول آدم یا امیر
 المؤمنین بنم اوج اولادم وارد بووقته دلبری تقبیل ایتمش دکلم دید کده
 حضرت عمر رضی الله عنه بیوردیلر که ای آدم چونکه سن اولاد که مرحمت
 و شفقت ایتمز ایتمش سن سائر ناسه دخی مرحمت و شفقتک یوقدر بیوروب اول
 آدمی عامل نصب ایلکدن فراغت ایدوب زیر احکمنده بولنان ضعفایه
 مرحمتی اولیان کسنه والی ولایت اولمغه صالح و چسبان دکادر بیوردیلر
 وینه مالک رحمه الله علیهم دن مرویدر که عمر بن الخطاب رضی الله تعالی عنه طریق
 مکه دن مرور لری اثناسنده بر راعی غنمی بر چوراق محلدده رعای ایدر کن
 کورد کارنده چوبانه ندا ایدوب بر او تلومحل بولوب غنمکی اوتلومحلدده رعای ایلر
 دیوتبیدن صکره هر بر راعی رعیتدن مسئولدر دیوراعی ورعیت معنای لرنده
 حقیقت و مجازه عموم اراده بیوردیلر * عمر بن الخطاب رضی الله عنه حضرت ابریه نک
 اسلم نام غلاملری روایت ایدر که بر کون حضرت عمر رضی الله عنه ایلر معا
 بر کعبه مدینه ده طواف ایدر کن بر خانه نک درو تنده بر قاج صبیان بکا و افغان

ایدوب بر عورت دخی اوجاغه برچولمك قويوب التنه آتش ياقغه چالشور
 كورد يكمزده حضرت عمر رضی الله عنه خانه نك قبوسنه واروب يامه الله
 بوصبيان نيچون بكا ايدر لر ديو عورته سوال بيورد قلزنده اچلمقدن بكا ايدر لر
 ديوب ياچولمك كدهنه واردر ديو سوال بيورد قلزنده چولمكده ساده جه
 صو طولد يروب اوجاغه وضع ايتدمكه ايچنده طعام طبخ ايده يورم ظنيله
 اويالنه رق اويخويه وارسونلر ديد كده * حضرت عمر رضی الله عنه برمدت
 طوروب بكاء شديد ايله بكا ايدل كدنصكره كندوخانه سعادت لرينه كلوب برچوال
 دروته بر مقدار اون وات وياغ وخرما و بر مقدار اثواب و نقود طولد يروب چوال
 كند و مبارك ارقه لرينه تحمیل ايچون بكا امر بيوروب بندخی يا امير المؤمنين بن
 يوكا نوب كتوره يم ديد يكمده يارين روزجراده انلر ايچون مطالبه اولنه جق بنم
 بنم ظهرمه تحمیل ايله ديو چوال يوكا نوب اول خانه يه واروب مبارك اللربله ذكر
 اولنان چولمكه بر مقدار اون وات وخرما وضع و تحريك و آتشفه مسارك دهنلريله
 اوفورمكه باشلاد قلزنده لحية شريفه لري عظيم و وفير اولد يغندن آتشك دخاني
 مبارك لحية لري ارا لرندن خروج و صعود ايدر لك بشورد كدنصكره مبارك دست
 شريفلريله اول صبيان اطعام ايدر لك طيورد قدنصكره اول صبيان اوي نا يوب
 كولمكه باشلينيجه دل اول محمده آرام بيوروب بعده قيام و عزيمت بيورديلر
 (حكاييت) اولنور ككه نوبت خلافت عمر بن عبد العزيز جناب لرينه
 توجه ايلد كده محمد بن كعب القرطبي حضرت لريني احضار ايله خطاب
 ايدوب عذاب عقبان نجاته طريق نذر بكا كوستر ديو سوال بيورد قلزنده
 بو وجهله جوابه آغا ز ايدوب زمرة مسلمينك مسن واختيار لريني پدر و سنكله
 همسن اولنلريني برادر و سناسندن كوچك اولنلريني اولاد مشابه سنده
 عدايدوب اختيار لرينه توقير و سنكله همسن اولنلرينه مرحمت و كوچكارينه
 شفقت و رأفت ايله ديو بيورديلر * بعض علماء ديمشلك ملوك خير لوسى
 شول ذات عاليدر كه ظاهرده عيون رعايايه اشعار مهابت و عظمت و دورنلرينه
 القاي مهر و محبت ايليه * بو حالت انجق بش خصلت ايله تحصيل اولنور
 اول خصلتلر رعايانك شريفنه اكرام ضعيفنه مرحمت و مضطر الحال اولنلرينه
 اعانت و ارباب مظالمك تعدياننى دفع و طرق و مسالكى لصوص و حرامز ادمدن
 تأمين و تطهير در زير اهر كيمك بر محمده بر شئى ضايع اولسه حكامك تأمين بلادده
 قصور يني منشأ و سبب عدايدر (اوصاف كرمه دن طقوزنجي وصف صبردر)
 معلوم اوله كه صبرك انواع ككثيره سى واردر بو محله اليق اولان ملوك عظام

حضراته مخصوص اولان نوعی اولغله اول نوعک بیاتنه شروع اولندی
 صبرملوک قوای ثلاثه دن عبارتدر * اولکیسی قوت حلمدرکه غره سی صبردر *
 ایکنجیسی قوت حفظ و حراستدرکه غره سی عمارت مملکتدر * اوچنجیسی قوت
 شجاعتدرکه ملوک عظام حقنده غره سی ثباتدر زیراملوک نغلام حضرتاتک
 بالذات معرکه و محاربه یه اقداملری تهو و خفتدن عدا اولنور * و صبر اوصاف
 جلیله نك امیر و سید را کابناء حدیث شریف نبویده وارد اولمشدرکه علم
 مؤمنک دوستی و حلم و زیری و عقل دلیلی و عمل فائده سی و رفق و الدی و احسان
 قرندائی و صبر رئیس عسکریدر * امام ادا صبر علم ایله عقلدن افضلدر دینک دکادر
 بلکه مراد بو خصلتلرده ثبات صبر ایله حاصل اولوردیمکدر زیر صبر ثبات و حبس
 و امسا کدر هر کیمکه بو خصلتلر ایله متصف اولوب صبری اولسه بو اوصافلرک
 جمله سی انده معدوم کبیدر بو تقدیرجه صبر بو اوصافک ضابطی اولورنتیم
 امیر عسکره ضابط اولدیغی کبی ملوک سالفه دن برینک طاق ایوان بلندنده
 آویخته بر صهیغه صفر اوزرنده مکتوب کلامک ترجمه سی بودرکه تیمور مقناطیسه
 عاشق و علی الدوام کا منجذب اولدیغی کبی ظفر دخی صبره عاشق و منجذبدر

(شعر)

انی وجدن خیر القول اصدقه * للصبر عاقبة محمودة الاثر
 و قل من جد فی امر یطالبه * واستصحب الصبر الا فاز بالظفر

مضمون بیت تحقیق ابن تجربه ایله بولدم و کلامک خیر لوسی طوغریسی اولدیغندن
 ینه طوغری سوبلرمکه صبرک آخر و عاقبتنده نتیجه ممدوحه و آثار محموده سی
 البته ظهور ایدر و برکسنه مطلوبک حصوانه سعی و صبری استصحاب ایلیه
 اول مطلوبه ظفر بولماق پک از واقع اولوردیمکدر بعض حکما دیدیلرکه حوادث
 کونیه ایکی نوعدر * برنوعنده حیل و تدبیر جاری و نافذ دکادر بو کونا حادثه نك
 دفعی علی الدوام صبر و اندن اعراض و بصیرت اوزره اولغله اولور * ایکنجی نوعی
 اولدرکه انده حیل و تدبیر نافذدر بو نوعده دخی دفعی ضمننده اعمال اولسان حیل
 و تدبیرک نفوذ ینه دل صبر لازم و لابددر بعض فضلا بوییتی انشاد ایتمشلدر

(شعر)

من تخطی الصبر یضع رحله * فی ساحة الراحة والیسر
 للصبر یمن و به للفتی * میانه النفس عن الغدر

مضمون بیت هر کیمکه صبری کند و ینه مطیبه اتخاذ ایدر ایسه بو کنی ساحة راحت

و یسر و وضع و القا ایلر یعنی هر کیمکه صبر ایدر ایسه راحت ایدر و صبر متیندر که
صبر له نفس غدردن مصون اولور * و حسن بصری رضی الله عنه حضرت تری
بیورر لکه بز تجربه ایلدک و سائر مجربین دخی تجربه ایلدیلر صبردن انفع برشی
بوله مدق زیراجیع اموری اصلاحده صبر ایله تدبیری دوا ایدرز اما صبره آخر
برشی ایله دوا ایلدک ممکن دکادر * سلیمان بن داود علیهما السلام دن مرویدر که
بز صبری عیشمزلک خیر لوسی بولدق بیور مشلر * عیسی ابن مریم علیه السلام
حواریونه خطاب ایدوب بیور مشلر که یامعشر الخوار بین تحقیقه سئلر
مأمولکزه واصل اوله من سکز الا مکروهلره یعنی کریه کوردیککز شیلره صبر
و تحمل ایله واصل اولور سکز (اوصاف کریمه دن اوننجی وصف عفو در) معلوم
اوله که ملوک عظام حضراته الیق بروصف عالیدر که عفو ده فضیلت و کمال
مصلحت رعیت حاصلدر * عمر بن الخطاب رضی الله تعالی عنه حضرت تری
بیوردیلر که حدت یعنی غضب وقتنده عدلک افضل تأدیب مجرمه قدرت وقتنده
عفوک افضلیدر تأدیه قادر اولان کسنه نک سوء صنیع مجرمه مجازات ایلدی
غایت قبیحدر * معاویه رضی الله عنه بیوردیلر که مجرمه عقوبت ایتکه
بر کسنه نک قدرتی هر نقدر زیاده اولور ایسه اول کسنه نک عفو ایله مقابله ایلدی
دخی الیق و احسندر * نقل اولنور که عظمای قریشدن بری بر مجرمی طلب
و تحری ایدرک اله کتوردکده اگر سنی تأدیه قدرت غصبی زائل ایتسمیدی
تحقیقه اسندن اخذاته مقام ایدردم دیو عفو و اطلاق ایلدی * سلیمان بن عبد الملک
خالد بن عبد القری به غضب ایلدیکی حالده خالد حضور سلیماننه داخل اولوب
یا امیر المؤمنین تحقیقه تأدیب مجرمه قدرت موجب زوال غضبدر و سنک شانک
دخی اجرای عقوبتن بالاتردر یعنی قدرتک کمالده دراکر بنم جرمی عفو ایدر سنک
شانکه لایقنی اجرا ایتش اولور سن دیکله در حال عفو ایلدی (حکایت)
اولنور که مأمون خلیفه عیسی ابراهیم بن مهدی به غضب ایدوب حضورینه
مقیدا احضار ایلدکده ابراهیم اجرای مایلیقهده استمهال ایله بویوزدن دامن
اعتذاره تشبث ایلوب یا امیر المؤمنین سن بدن اخذ ثاره قادر سن و قدرت
موجب زوال غضبدر و بن یولک جرم صاحبیم و جرمی عفو ایلده جنک انجق سنسن
اگر عقاب یدر سکز حق الکزده دروا کر عفو ایدر سکز فضل و احسان ایتش
اولور سکزدید کده * مأمون خلیفه بر مقدار تفکر د نصکره بکا بوا یکی آدم سنک
و تملک ایچون اشارت ایدور لر دیو عباس ایله معتصمی کو سترد کده ابراهیم دخی

بنم کیدن بر جرم صادر اولده قده انلر کییلر جنا بکز کییلره اشارت ایده کلمش لر در
 دیوب کندونک وانلرک حال و شانلرینه تلج ایلد کده بوکونا کلامی نزد خلیفه ده
 زیب و شاح الصدر استحسن اولمغله عفو و اطلاق ایلدی * مأمون خلیفه دیدیکه
 عفو ده تعب و ثقات یوقدر استرمکه اصحاب جرایم بنم کمال حلم و عفو می بیله لکه
 حتی کندولرندن خوف کیده و دینلر دیکه اقبج مجازاة سوء مکافاتدر * روایت
 اولنورکه عبدالملک بن مروانک مغضوبی اولان بر آدم حضورینه کتور یلوب
 عبدالملک اول کسنه یه سکا شد عقوبته عبرت عالم ایتک استرم دید **کده** رجا
 ابن حیوه نام کسنه حاضر بولنوب یا امیر المؤمنین جناب خدا سکا استدیکه کی
 ویردی یعنی اول آدمه عقابه قدرت ویردی سندخی (ان الله عفو یحب العفو)
 مقتضاسنجیه جناب بارینک استدیکه شیئی ایشله دیمکله عفو و اطلاق ایلدی
 مأمون خلیفه دیرایمشکه اگر ناس بنم عفو اولان رغبتی بیله لردی بکا ذنوب
 و جرایم ایله تقرب حاصل ایدر لردی بعضیلر بویاتی انشاد ایتمش * (شعر) *

اقبل معاذیر من یا نیک معتذرا * واغفر له ذنبه ان برا و جفرا
 فقد اطاعک من یرضیک ظاهره * وقد اجلک من یعصیک مستترا

مضمون بیت سکا کلوب اعتذار بسط ایدن مجرمک اعتذارینی قبول و عفو ایله کرک
 اعتذارنده صادق اولسون **ک**رک اولسون زیرا سکا کلوب اعتذار
 ایدن کسنه ظاهرده سنک رضا کی طلب ایتمکله اطاعت ایتمش اولور
 وسندن کرلو عصیان ایدن کسنه دخی سندن خوف و سکا اجلال و تعظیم ایتمش
 اولور (حکایت) اولنورکه شهرام مزوری ایله ابو مسلم خراسانی بیننده جریان
 ایدن منازعه و مکالمه شدید اثناسنده شهرامک لسانتدن لفظ قبط منزل خطایه
 رسیده اولد قده ابو مسلمه عارض اولان سکوت و انقباض حالتندن شهرام
 احساس آثار انفعال ایتمکله کندویه بوکلامندن ندامت و پشیمانی کلوب بسط
 بساط اعتذار و رومالی زمین نضرع و ابتهاله ایتدارینی ابو مسلم مشاهده
 ایلد کده بوکلام سبقت اسان و خطای واهمه قیلندن و غضب دخی آثار
 شیطانیه دن اولدیغندن عذرک مقبول و جرمک معفو در دید **کده** * شهرام
 یا امیر منک کییلرک عفو لرینه مغرور اولق جائزد کادر بنم جرمک بیو کالکی
 سببیله عفو بکزه اعتماد ایله قلبه اطمینان و سکونت کلمیوردیمکله * ابو مسلم
 دخی سن اسانت ایلدک بن احسان ایلدم بوا حسانتد نصکره سکا عقاب اسانتنی
 اختیار ایلک فکرنده اولماک محل تعجب در دیدی * بعض علما بویاتی انشاد ایلدی

* (شعر) *

تعفو الملوک عن العظیہ ————— م من الذنوب لفضلها
 ولقد تعاقب فی الیسر ————— یروایس ذاک لجليلها
 الا لیعرف فضلها * ویخاف شدة نکالها

مضمون بیت ملوک عظام حضرت اتک فضل و کمال رینه بناء ذنوبک کما ترینی عفو
 و صغائرینه عقاب الیه جزا ایلمری بلمد کلرندتاشی دکادر بلمکه کمال فضلاری
 معروف و شدت عقاب و نکالاری مخوف اولسون ایچون دیکدر (حکایت)
 اولنورکه منصور جعفر بن محمد دیمشکه اهل مدینه بنم الیه محاربه به انفاقلری
 اولغله بر قاج دفعه در بواتفاق و نیتلرندن انصاف و انصرافلری بی مراد
 ایلدیکمده بر درلومنعوع و منهی اولدیلر بندخی بویله رأی ایده یورمکه آدم تعیین
 ایدوب خرماقلرین قمع وصولرین قطع ایده یم بویابده نه کونار رأی ایدرسن دیومهره
 انذار نطع شورا اولدقده * جعفر بر مقدار سکوت و تفکر و نخبه اندیشه سن
 پیانه طلب اذن و ارتخا صدنصکره * حضرت سلیمان علیه السلام نعم کشیره به
 نائل اولوب شکر ایلدی * و ایوب علیه السلام بلایه گرفتار اولوب صبر ایلدی
 * و یوسف علیه السلام عدولرندن اخذ ثاره قدر تیاب اولمشیکن عفو ایلدی
 * و محمد علیه الصلاة والسلام حضرت لرینه جور و اذا اولندی تحمل بیوردیلر
 * و جناب خدای متعال سنی عفو و صفح الیه مألوف اولان نسل پا کدن قیلدی
 دیمکه * منصور لشعله غضبی منطنی اولوب بورأیده توقف و امساک ایلدی
 (اوصاف کریمه دن اون برنجی وصف شکر در) معلوم اوله که شکر اوج قسمدر
 بر قسمی منعمک منعمیتنه اعتقاد ایتمک ایکنی قسمی لسانله منعمه ثنا ایتمک
 اوچنجیسی افعال حسنه الیه منعمه مکافات ایتمک اما قسم اولی منعمی دروئده
 عظیم و جلیل بیلوب خشیت و اقبال و ادای شکرندن عجز و منعمدن کوردیکی
 نعمتی قلیل ایسه دخی کثیر عدایلدیکدر * و اما ایکنی قسمی منعم حقنده اظهار
 حمد و منعمه ثنا و تملیک و اعطا ایلدیکی عطایا و انعام و احسان الیه تحدیث
 ایلمک اما اوچنجیسی منعمه اطاعت و امر و نهی الیه عمل و حرکت و منعمک
 نعمتندن فقرا و ضعفایه اعانت و ضعفای منعمک آثار عدلانه مظهر و کرم
 و احساننه نائل قیلیق خصوصیه ولی نعمتک خلوص کار بنده لرندن و اعوان
 و خواص صادق لرندن اولنلرک و ولی نعمتک اعداسنه ایصال قهر و دمار
 ایدنلرک و سائر بونلر مثالو ولی نعمتته منفعت و مسرتی موجب و یا خود ولی

نعمتدن دفع اذا ومضرتہ مقتدر اولئلك حقارنده ولی نعمتی بذل وعطایه
سوق ودالات ایتك حقیقتده ادای شکر نعمت (ولئن شکرتم لازیدنکم) نظم
کرینک معنای شریفی مفاد نبجه کند وحقنده دخی مستوجب تراید نعمت
ودولتدر بعض حکمایدیلر که ملوک عظام حضراتی نائل اولدقلری نعم جلیله
الهیة نک شکرنی بر در لواوا یا فایده منزل الادرت وجهله ایده یلورلر * اولکیسی
نعمتک صرف ویدانده تعدیل وتسویه * ایکنجیسی اول نعمت ایله طاعت
مولایه استعانه * اوچنجیسی اول نعمتی تحدیث واشاعه در * در دنجیسی
ادای شکر لایقندن اظمار عجز * دینلمشدر که نعمت شکر ایله باقی ودائم وکفران ایله
زائلدر * دینلمدیکه شکر نعمتک قیدیدر یعنی باغیدر وکذلک دینلمشدر که شکر
بر شجره در که نعمت میوه سن ویرر و نعمتن محافظه ایدر * حکمایدیشدر که
انعام واحسانه شکر ایتین کسسه انعامدن معدوددر یعنی حیواناتدن
صایلور * ملوک هندک بعضیسی دیمشدر که ملوک خیر لوسی اعمال حسنه به
شکر وحل ثقیل اموره صبر ایدیبی اولور * دینلمشدر که بر کسسه کفران نعمت
ایلسه تراید نعمتدن محروم اولور * حضرت علی رضی الله عنه وکرم الله وجهه به
سبت اولئان ایساتنددر * (شعر) *

من حاول النعمة بالشكر لم * ينحش على النعمة ما اغتالها
لو شـكـروا النعمة زادت ————— هم مقالة الله التي قالها
لئن شـكـرتم لازیدنکم * لكنما كفرهم غاها
والكفر بالنعمة يدعوا الى * زوالها والشكر ابقى لها

مضمون ایسات بر کسسه که نعمتی شکر ایله طلب ایلیه یعنی ادای شکرینه مداومت
وملازمت ایلیه اول نعمتک هلاک وتلف اولسی خوفنی چکمزا کر (لئن شکرتم)
خطابنه مخاطب اولان قوم بنی اسرائیل شکر نعمت ایتش اوله لردی نعمتلی
زیاده اولوردی لکن کفران نعمت ایلدیلر انک ایچون نعمتلی زائل اولدی
کفران نعمتک زوالنه داعی وشکر ابقای نعمته بادیدر (اوصاف کریمه دن
اون ایکنجی وصف اناندر) یعنی تأییدر * معلوم اوله که تأنی اوصاف حسنه ملوک
عظامدن در زیر تدبیر و سیاستدن رأی صواب وایضاح امور تأنی به متعلقدر
وتأنی به زلال وخطاوندامت عاقبت نظرق ایده من * حدیث شریفده وارد
اولمشدر که (التودق من الرحمن والعجلة من الشيطان) بعض حکمایدیشدر که ملوک
عظام حضراته اوج خصلت ایله عمل ایلمک لازمدر * اولکیسی مجرمه عقوبته

تاخیز زیر ابو تاخیزده عفو لنا مکانی ملحوظ در * ایلهنجیسی شایان احسان
اولان کسنهیه مکافاتده تعجیل زیر بوتجیل رعایا طائفه سنک سرعت
مطاوعت لرینی مستوجب در * اوچنجیسی امور حادثه ده بر مقدار تانی زیر بوتانی
اول امورده وضوح رأی صوابی مستلزم در * ملوک سالفه دن بری بر حکیمه
اخلاق ملوک محمد و محمودی قنغیسی در دیو سوال ایله کده تانی و تأمل در دیدی
ونه کونا معامله رعایانک مودتتی موجب اولوردید کده کرم و احسان در دیدی
* و ملوک قنغیسی رعایایه دهشت و نفرت و پرردید کده عقوبت رعایایه شدت
و مبالغه ایدن دیدی * و اخلاق دن قنغیسی مکارم و مناقب جمیله پی جامع در دید کده
عدل و نصفت دیدی * اند نصکره بکا بروصیت ایله اول وصیت ایله ملکده انتفاع
ایده یم دید کده حکیم مذکور بویان ایله یکم وصیت سکا کافیدردیو جواب و پردی
(حکایت) اول نور که علی بن ابی طالب رضی الله تعالی عنه حضرت تری کبرای
فرسدن برینه سوال بیوروب سزک ملوک کزدن محمود السیره قنغیسی در دید کارنده
بوکونا جواب و یوروب اردشیر اول ملوک فرسدن اولدیغدن سلطنت و مملکتده
فضیلت سبقت و تقدیمی و ارایدی انجق نوشروانک سیرتی محمود و محمود ایدی
دید کده * حضرت علی رضی الله عنه تکرار نوشروانک قنغی خصلتی خصال
سائر سینه اغلب ایدی بیورد قلزنده حلم و تانی خصلتی اغلب ایدی دیو جواب
و پردی (اوصاف کریمه دن اون اوچنجی وصف حلمدر) معلوم اوله که حلم غضبک
حرکت و هیجانی وقتنده نفسی ضبط ایله کدر بو حالت ملوک عظام حضرتاته
جمله دن زیاده الیه قدر زیر احلمده راحت نفس و اجتهلاب حمد و حسن عاقبت
و رضای خالق موجود در * حدیث شریفده وارد در که تحقیقاً جناب خدای
متعالم حلیمی سور وفا حشی بغض ایدر * بعض علما دیدیلر که هر بر ملک که
کننده اوج قوت مجتمع اولیه انک ملکی مسلوب کبیر در * قوت اولی حلمدر که
ثمره سی عفو و صفح در * قوت ثانیه رعایایی حفظ و حراست در که ثمره سی عمارت
ملکت در * قوت ثالثه شجاعت در که ملوک حقنده ثمره سی ثبات در عسکری حقنده
اقدام در تکمیل تفصیل ذکر سبقت ایله دی * بعض حکما دیمشدر که حلم آفاتک
جاییدر و کذلک دینلار یکه مظلومیت و عجزی حالنده حلم و قدرت و مکنتی
وقتنده انتقامه مبادرت ایدن کسنهیه حلیم دینلار بلکه اول کسنهیه دینور که
عجزی حالنده حلم و قدرتی وقتنده عفو ایله مألوف اوله * نوشروان اوغلنه
بوکونا وصیت نصیح امیر ایلمشکه انقه و عزت نفس یعنی ذل کتوره جل اطواردن

احترازا خلاق ملول عظامدند روسن یقینا برکروه قومه مدارایه مجبور و ناچار
 اولورسن یعنی وقت سلطنت کده بعض اقوام سفیهه نك سفاهت نرندن عفو وانماض
 ایلک اقتضا ایدر زیر ابر سفیهک سفاهتی سکا بالغ اولدقده اول سفیهه مقابله
 بالملدن اجتناب ایله اکا مکافات سوداسنده اولور ایسک اول سفاهته رضا
 کوسترمیش اولورسن و اگر سفاهت سنک عند کده مذموم ایسه سن اکا مثلیله
 معارضه بی ترک ایله که سنک طرف کدن طور مذموم ظهور نندن احتراز و طور
 مذمومی اول سفیهه طرفنده ابقا ایلش اوله سن * نقل اولور که اسکندر فلان
 فلان کسنه لر سنک حقه کزده تعیب و تغیره اجتناسار ایده یورلر اکر عقاب
 یورر سکر منزجر اولور لردی دید کارنده * اسکندر دخی بن انلره عقوبت ایلسم
 بعده انلر بکا تعیب و تغیرده معذور اولور لردیمش * احنف بن قیس دیمش که
 برکسنه بکا اظهار سفاهت ایلسم بن اول کسنه نك حقه خصال ثلاثه دن
 برینی اختیار ایدرم اکر اول کسنه بدن بیوک ایسه انک قدرینی فهم ایدرم *
 اکر بدن دون ایسه بنم قدرمی انک عندنده عالی قیلورم و اکر بکا نظیر و مثیل
 ایسه بن اکا تفضل ایلش اولورم * محمود وراق بو مضمونی نظم ایلش * (شعر) *

سألزم نفسي الصفيح عن كل مذنب * وان عظمت منه على الجرائم
 وما الناس الا واحد من ثلاثة * شريف ومشروف ومثل مقاوم
 فاما الذي فوق فاعرف قدره * واتبع فيه الحق والحق لازم
 واما الذي دوني فان قال صنت عن * اجابته عرضي وان لام لائم
 واما الذي مثلي فان زل او هفا * تفضلت ان الحلم بالفضل حاكم

معلوم اوله که کمال عقل و شرف نفس و علوه مت هیجان غضب عندنده بش
 سببه بناء صاحبی حلمه بعث و سوق ایدر * اولکیسی سفاهت ایدن سفیهی حقیر
 و کندوی رفیع عداید و ب سفاهتی جانب سفیده تر کدر * ایلکنجیسی اول سفیهک
 اول ذات حلم سماته خدمت سابقه سی اولقی تقریبیه اکا رعایت ملاحظه سی
 * اولکنجیسی اول سفیهه ضعف و عجزه دن اولدیغنه بناء حالنه مر جتدر * در دنجیسی
 اول سفیهه حشده اوتد تبر و حلم و عفو ایله مألوف اولقی * بشنجیسی جناب باریدن
 و حاشر و موجود بوانسا نلردن اولیه سفیهه مقابله بالمثل ایلکه حیای ایلک *
 اما معلوم اوله که هر محله حلم ایلک مدوح دکادر که بعض امور ملکیده حلم
 فسادی موجب و تراخی مضرتی مستوجب اولور زیر رعیت ایکی قسمدر
 بر قسمدن فساد و مضرت صدوری ملحوظ دکادر بومقوله رعایانک قباحت

وسيله لرندن تجاوز و عفو الیق و احسن در * و بر قسمی دخی وارد رک حقلرنده
اهمال و تراخی کوستر لسه شرور و فساد لری ظهوری ملحوظ در بومقوله لرک
افعال زاجره و معامله راده ایلد منع و زجر لری ملوک عظام حضراته حلمدن
زیاده الیق و احقدر * یزید بن معاویه پدرندن سوال ایدوب یا امیر المؤمنین هیچ
حکم عاقبتی مذموم و شدت اقدامی نتیجه سی محمود اولق سزله واقع اولدی
دید کده هر نقدر که دوستم اولان لئیم کسنه حقنده حلم ایتد مسه بکاندامت
کادی و هر نقدر دشمنم بولسان کریمک حقنده شدت و اقدام ایلد مسه متأسف
اولدم دیو جواب و یردی * و بعض حکما دیمش لکه کریم کسنه حقنده حلم نقدر
احسن و الیق ایسه لئیم کسنه حقنده حلم اول رتبه قبیح و فاسد در و بعض علما
دیدیلر که بعض احواله شدت مذموم اولدیغی کبی بعض موضعه دخی حلم
محمود و مدوح اولمز * (شعر) *

وان کان حلم المرء عوناً عدوه * علیه فان الجهل اعنی و اروح
وفی الحلم ضعف و العقوبة قوة * اذا کنت تخشی کید من عنه تصفح

محصول ایات اگر حلم حلمک علیه عدو سینه معین و مدار اوله جفی ملحوظ
اولور ایسه اول محله عفو و شدت مستحسن و مورد راحت اولور * اما چن
کرفتار بند حکمک اولان کسنه نک عفو و اطلاق اولدیغی صورته کید
و مضر تمدن خشیت اولنور ایسه اول وقتده حلم و عفو ضعفدن و عقوبت و جزا
قوت و اصابتدن معدود در * و ملوک عظام حضراته لایق اولان اولدر که
بر کسنه حقنده جزا و عقوبت ایلک لازم کلد کده مجرمک جرمنه کوره مجازات
ایلیوب عقوبته افراط و مبالغه ایلیمه لر (اوصاف کریمه دن اون دردیجی وصف
عفا در) معلوم اوله که عفاف مورد ذل اولان رذائلدر نفسی ضبط و جوارح
و اعضا سنی جور و اذدن منعدر بو وصف اولولغک غایت بیوکی و مر و تک
کمالی و مکارم اخلاقک ختامیدر * حضرت عائشه رضی الله عنها بیور لر که
زمان جاهلیته یعنی صاحب سعادت افندیز علیه الصلاة والسلام
حضرت لرینه نک بعثلرندن مقدم بر کسنه ده الی خصلت بولند قوه قوی اول
کسنه بی سید و اولوا اتخاذ ایلزلردی * بعده زمان سعادت عنوان دولت اسلامیه ده
بر خصلت دخی زیاده قلنوب یدی عده ابلاغ اولندیکه بولرد در * سماحت نجات
صبر حلم بیان تواضعکه عفاف ایلد حد سبعة به بالغ و تمام قلندی * دینلشد که
بر کسنه حسن و جمالنده عفت و ملک و سلطنتده عدالت ایسه روز جزاده ابرار

گرام ایلہ معاشر اول نور * صدر کابده تفصیل و بیان اولند بیکه نفسی ضبطه قادر
اولیان حواس خمسہ سی ضبطه قادر اوله من یقن برکسنه نفسی وجوارحی
عقیف قیاسه اول کسنه نک دنیاده امور عملی متی منتظم وعقباده ملک دائمه
منتقاب اولور * اما جوارحی عقیف قیلق کوزینی محرمانه نظردن منع وحفظ
وکنزدون محبوب و ممنوع اولان اشیای مستوره یه اطلاع سوداسن ترک ایلہ
اولور زیرا رسول اکرم صلی اللہ علیہ وسلم حضرت تلی بیورر لکه (النظر مهم
معلوم من سهام ابلیس فن ترکه من خوف الله آتاه الله تعالى ایمانا یجد حلاوته
فی قلبه) مضمون حدیث شریف محرمانه نظر ابلیس او قلزدن زهرلی براوقدر
برکسنه انجق جناب باری نک خوفدن محرمانه نظری ترک ایلسه خدای
عزوجل اول کسنه یه ایمان حلاوتی احسان ایدوب اول حلاوت ایلہ قلبی
تلذذ ایدر * ابوالدرد آرضی اللہ عنه حضرت تلی بیورر برکسنه خرامه نظردن
کوزینی منع ایلسه جناب باری فردوس اعلا ده دیار یکی حوری بی اول کسنه یه
ترویج ایدر و برکسه حریم غیره نظر ایلسه قیامتده اعی حشر اول نور * ودخی عفاف
قولاغنی ناسک قبیح اولان کلامندن وغیبت و نغیبه دن عقیف و محفوظ و ملاهی
محرمه دن مجلسی تطہیر و تنزیہ قلمقدر * عبداللہ بن عمر رضی اللہ عنه غیبتدن
وغیبتی استمدن و نغیبه دن و نغیبه بی سویل کدن بزلر منہی و منع اولمشزدر
بیورر دیلر * ودخی عفاف کذب دن وغیبت و نغیبه دن و مالا یعنیدن لسانی مصون
وعقیف قلمقدر حدیث شریفده وارد اولمشدر که (من ضمن لی ما بین الحییه وما
بین رجلیه ضمانت له علی الله الجنة) مضمون حدیث شریف هرکیم لسانی
ونفسی محرمات و منہیاتدن محافظه یه ضامن اولور ایسه بندخی جناب
عزوجل اول کسنه یه دخول جنت اعلا ایلہ مکافات ایلیه جکنه ضامن اولور
دیقدر * صاحب سعادت افند من علیہ الصلاة والسلام حضرت تلی معاذ بن
جبل رضی اللہ تعالیٰ عنه حضرت تلی بیورر مشاہد که (تأتی مکاء علی مناخرهم)
یعنی یوزلری اوستنه نار جیمه القا وایقاع ایدن انجق لسانلرندن ظهور ایدن
خطیئاتک جراسیدر * ودخی عفاف دستنی رعایا فقراسندن خلاف شرع اخذ
اموالدن صیانت ایلوب وعقوبت و نکایتده اولان محذوراته ال اوزاتماقدر
حدیث شریفده وارد اولمشدر که (حرمة مال المسلم کحرمة دمه) معنای لطیفی
اهل اسلامک ناحق یرہ قاننی دوکک ناصل حرام ایسه مالنی دخی غصب ایتمک
اولجه حرامدر * و دیگر حدیث شریفده واقع اولمشدر که (بئس الزاد الی المعاد

العدوان علی العباد) فحوای شریفی عباد الله نعدی ایلک آخرتده موجب
جزا اوله حق سیئاتک اچکیدر * و دخی عفاف ایاقلرینی شرعا جائز اولمیان محالره
کتمکدن صاقتمقدر مسروق بن الاعدع رحمه الله تعالی پیورمشلرکه هر کیمکه
بر خطوه حرکت ایلسه حسنات و سیئاتدن خالی قالمزاکر رضای باری به موافق
اولان ستمه عزیمت ایدر ایلسه هر خطوه سنه بر حسنه و اگر خلافتنه عزیمت
ایدر ایلسه هر خطوه سنه سیئه یازیلور * و دخی عفاف فرجینی زنادن صیانت
ایلکدر و صیانت اصل عفاف و تمام مزوت و حصانت دیندر بونلرک جمله سنی کیمکه
ایشلیوب و رعایت ایدر ایلسه عقیف و اولوغه مستحق اولور (اوصاف کریمه دن
اون بشنی وصف و قاردر) معلوم اوله که وقار ملوک عظام حضرتک وقاری
وسکینه و تکیملری اعظم سیاست و تدبیر ملکیه دندر زیر ایهیت و تعظیم حرمت
و قیام شهادت و تخویف اعدا و اخافه ارباب شقا و قارایله حاصل اولور و باب سابعده
بونک تفصیلی بیان اولنور * مکارم اخلاقک اصول و سیاست و ریاستک دوام
و قیامنی ایجاب و اقتضایدن اوضاعک محاسنی بود کرا و لنان اون بش وصفدرکه
بونلرک اضدادی اولان اخلاق قبیحه دخی بیان اولنمق اوزره اولمغله * الاشیاء
تکشف باضدادها مفاد نجه اضدادلرینی بیانلر اشبو اخلاق کریمه دخی زیاده
واضح و آشکار اولور

(باب سادس اوصاف ذمیه نک بیاتنده در)

بویابده اون بش وصف ذمیه و قبیح ایله اوج عرض بیان اولنور که اول اون بش
وصف بونلردر جور جهل بخل اسراف خلف کذب غیبت
غضب عجب کبر حسد عجله مزاح ضحک غدر و اول اوج
عرض دخی بونلردر هم غم سکر (اوصاف ذمیه دن اولکی وصف
جوردر) معلوم اوله که جور حقدن میل و عدوله دیرلر جورک استراری
رعایا طائفه سنک طاعتلری نظامنه خلل و یروب رعایانک خلوص عمللرینک
واعانه و نصرتلرینک ترک کنه و زجت و مشقته ابتلا لرینه و هزیمته ترقب
و انتظار لرینه بادی اولور خراب اراضی بی و فساد ضما نر خلقی موجب اسبابک
اسرع و اشدی جوردر * حدیث شریفده وارد اولمشدرکه (ان اشد الناس عذابا
یوم القيامة من اشرک الله فی سلطانه فجار فی حکمه) مضمون شریفی ناسک
روز جزاده اشد عذاب ایله معذب اوله جفی اول کسنه در که جناب باری کندویه
سلطنت دنیویه بی و برمش ایکن حکمنده عدالت ایلیموب جور ایلیمه و دخی

بیوریشدر که رعایا طائفه سی هر نقدر مسیء وظالم اولسه دخی مادامکه والیاری
عادل و هادی اوله اول رعایا قطعاً هلاک و تلف اولمز * و طائفه هر قومه نک والیاری
ظالم و مسیء اولور ایسه اول طائفه هلاک و تلف اولور * و کذلک صاحب
سعادت افتد من علیه الصلاة والسلام بیوریر که جناب عزوجل بیورر
(لانتقم من الظالم فی عاجله و آجله و لانتقم من ممن یری مظلوما فقد رعی ان
ینصره فلم یفعل) خوائ لطیفی تحقیقاً بز عظیم الشان عاجلاً و آجلاً ظالم
و مظلومی کوروب عون و نصرتیه قادر ایکن نصرت ایتیمان کسینه به البته
والبته عقاب ایدر زیعنی تیز و کیج عقابدن بروجله قورتیه من * بعض حکما
دیدیلر که ملک کفرله فنا بولمز جور و ظلم ایله فنا بولور * و دینلشددر که جور و نعمتی
سلب و عصیان عقابی جلب ایدر افلاطون دیشکه اشیانک ثباتی عدل ایله در
وزوالی جور ایله در * و کذلک دیشدر که سز جور دن حذر ایدلر زیرا جور هلاک
سبب و خراب بلاده علتدر (حکایت) اولنور که هارون الرشید * ابو العتاهیه
نام شاعری حبس و اطلاق ایلم دیومین و قسم ایلیوب مدت مدیده زندانده
محبوس قالدقه ابو العتاهیه محبسک دیوارینه بویایاتی تحریر ایلدی

(شعر)

اما والله ان الظلم شؤم * وما زال المسیء هو المظلوم
غفلت ولم تنم عنك المنایا * تنبه للمنیة یا نووم
الی دیان یوم الدین تمزی * وعند الله تجتمع الخصوم

خلاصه مال ایات خدای بیچونه قسم ایدر مکه ظلم قبیحدر و اسانت ایدن کسینه
ظالمدر و سندخی موت حالنده غافلین موئدن آگاه اولوب روز جزاده حضور
حقده ظالم و مظلوم جمع اوله جقارینی ملاحظه ایله دیمکدر * بعده ابو العتاهیه
بوجمله ایات مذ کوره بی انشاد و تحریر ایلدی * رشیده خبر ویرلد کده رشیده
رافت و مرحت کلوب بر مقدار بکا و ندامت و پشماند نصکره ابو العتاهیه بی
حضورینه کتوردوب بیک التون اعطا و تلطیف ایدوب حلالشدی و ابو الفتح
البستی اشبویایاتی انشاد ایلشد

(شعر)

علیک بالعدل ان ولیت مملکة * واحذر من الجور فیها غایه الحذر
فالملك یتقی علی الکفر البهیم ولا * یتقی علی الجور فی بدو ولا حضر

مضمون ایات بودر که حقن بر مملکته والی اولور سین عدل و نصفی التزام ایدوب
جور و ستمدن نهایت درجه ده حذر ایله زبراسفر و حضرده ملک کفر و ضلال ایله

باقیدرزائل و خراب اربلزاما جور و ستم ایلد باقی دکدر زائل اولور * بعض حکما
دیدیلرکه جور و ظلم ایلد مألوف اولان کسسه نك قو کشیسی اولمز یعنی کندویه کسسه
یقلشمنز تفرایدرو اوی دخی معمور اولمز یعنی سر یعسا خانمانی خراب و مضحک
اولور * و حکمان بری دیمشدرکه مظلومك آهی ظالمی غایت تیزبر کشته
ایدرو بدعاسیدخی سهامدن زیاده نافذ اولور (حکایت) اولنورکه ملوک فرسدن
یزد جردایشم نام ملک ظلم و عنف و جور و ستم و غصب اموال ایلد مألوف اولدیغندن
زیر حکمنده بولنان رعایاسی فقرا مجتمع اولوب اول ظالمك رفع تسلط و تجبرینی
جناب یاریدن تضرع و نیاز ایلدیلر و بر هفته مقداری ایام مرورنده بر فرس
متوحشا فراد و کلوب یزد جردك نشینکاهی اولان قصر عالینك قبوسی
اوکنده قرار و اول محله موجود بولنان کسسه لر اول فرسی اخذ سعی و ابتدار
ایلد کده بر در لوطوته مدقلرینی یزد جرد دخی بالای قصر دن کوروب و اول
اسبك هیأت عجیبه و لطیفه سی کندویه خوش کلمکاه بالذات قصر دن نزول
ایدوب اول فرسك یاتنه طوغرو وارد قده اسب هر قوم اورکیوب ملایت
کوسترمکله یاله و ناصیه سین اوخشا دقد نصیره دونوب صاغر یسی
اوخشارکن دیمه سیله یزد جردی ضرب و هلاک ایلدی * و بر روایتده دخی
اگرلدوب اوزرینه رکوب و تحریک ایلد کده برق کبی سرعت ایلد قوشمغه باشد قده
بر در لوطیه میوب شدتله بر دریایه دخول و اقتحام ایدوب غرق و هلاک
اولمش * جور و ظلمك قبحی عقل و شرعا ظاهر در زیر رعایانك اختلاف رینی
و دولتک اضطرابی و عمالک خرابلغی و عذاب آخرتی موجب اولدیغندن ظلمدن
اجتناب واجبدر (اوصاف ذمیه دن ایکنی وصف جهلدر) معلوم اوله که جهل
اخلاق ردیه دندر زیر اصحابی افعال قبیحه ایلد فضیحه دن عاری اوله مزور آبی
دائما خطا و ضلال و تدهیری و بالده واقع اولور * بعض حکما دیدیلرکه جهل
بر هر کبدر یعنی بر بنکدر کیم بنرسه ذلیل اولور و کیم برابر کیدر ایسه یوانی
آزیدر * و کذلک کلام حکما دندرکه مواهب الهیه نك خیرلوسی عقل و مصائب
کونیه نك شری جهلدر * دینلشدرکه جاهل بر شیئه کوزلریله نظر ایدر عاقل قلبیه
نظر ایدر یعنی جاهل هر شیئك ظاهرینی کوردیکی قدر ییلور عاقل هر شیئی عقلیه
ملاحظه ایدوب ظاهر و باطنی اکر * معلوم اوله که جاهلده بر مقدار اوصاف
و خصال دن بعضیسی بودرکه صاحب سعادت افندمن علیه الصلاة والسلام
حضرتلری پیور مشلدر جاهلده بر قاج خصلت واردرکه جهل انکله معلومدر

نقد شده فرود آمده است
او مظلوم ایلد الهی ستم جور و ستم

فصله رحمه الله عليه حضرتى است
ساله سید اثبات ابدی کی فضل و کماله
فقد اولاد و سواد و ارباب کشفه
اولادى رفیعیما یومرغ اولادى صالحه
شایخی وکیل بونته ابو جبرائیل
مشهور افان و حکوم بارانقاده
اولاده خلقه دره و طبیعه
رزبه شی عینله کشفه
سلح طور ابدی
ربل قوی اولادى
اولوالابصاره
فقی رکنه

بری کند و سی ایله الفت و آمیزش ایدن کس نه به ظلم ایدر * بری دخی کند و دن دون
 یعنی اشغی بولما نله تعدی و تجاوز ایدر * بری دخی دائماً کند و نك مافوق نه
 تطاول ایدر یعنی قهر و غلبه فکر نده اولور * بری دخی کلامك کند و علیه نه
 مضر تنی فکر و ملاحظه ایله کسزین تفوه و تکلم ایدر * بری دخی بر کس نه ده آثار
 فضل و فضیلت مشاهده ایله اندن یوز چوروب اعراض ایدر * بهض علما
 دیدیلر که الی شی ایله جاهلک جهلنه استدلال اولور * بری هر شیئده سرعت
 غضب * ایکنجیسی نفع و فائده سی اولمیان بهوده کلام * اوچنجیسی نامستحق
 عطیه در * در دنجیسی سرینی افشا ایلمک * بشنجیسی هر کسی معتمد یلوب اعتماد
 ایتک * التنجیسی دشمندن دوستنی فرق ایتمک در (حکایت) اولور که مالوک
 مروانیه دن ولید بن یزید بن عبدالملک عبدالله بن جعفر ایله تنه اجه شطرنج اوینارکن
 ثقیفدن بر اولور کس نه کلوب دخول حضور امیره اذن استر دیو حاجب خبر و یروب
 ولید شطرنج تکمیلنه دلمکث ایتدیرد کده عبدالله اذن و یرک کسون دیمکله
 ولید او یونک زبون اولدیغندن بوسیله ایله او یونی افساد و الغایتمک استرسن
 دید کده عبدالله دخی اوزرینه بر مندیبل اورتوب او یونی بوز میه رق علی حاله
 براقوب اول آدم کلوب کتد کدنصکره تکمیل ایدر ز دیمکله * شطرنجی بوججه له
 ترک و اذن اعطا ایتمکله ذکر اولنان آدم عمامه عظمه و لحیه مخنا و هیئت
 صلاح و تقوی ایله حضور ولیده دخول و تقدیم رسم تسلیم و شرائط دعوات
 خیریه بی تتمیدنصکره * یا امیر غزادن کلوب زیارتکز و اجبه سنک ترکی کریمه
 کوردیکمدن ادای حقوق لازمه ایچون کلام دیوب بر مقدار آرامدنصکره
 ولید اول آدمه خطاب ایدوب حافظ قرآنمیسکزدید کده * دکلم بنی شواغل حفظ
 فرآندن اشغال ایلدی دیدی * سنت رسول و مفازی و احادیث نبویه دن محفوظ کز
 وارمیدر دیوسوال ایلد کده بعض موانع اندن دخی منع ایلدی دیدی * بعده یا احادیث
 عرب و اشعار لرندن مضبوط کز وارمیدر دید کده * اندن دخی مشغول ایدم یعنی
 سی ایتمدم دیدی * بعده یا احادیث و آداب محمدن برشی معلوم کز میدر دید کده
 هوس ایتمدم دیدی * بعده اقوال حکمادن و قوم کز حقننده تدبیره مدار اوله حق
 سیرملر کدن برشی بیلورمیسکزدیوسوال ایلد کده * او مقوله شیئ بن محبت ایلمدم
 یعنی تحصیل ایتمدم دید کده * ولید در حال اول آدمدن یوز چوروب عبدالله
 کتور شطرنجی او یونمزی تکمیل ایده لم یا نمزده حیا و حجاب اولنه حق انسان
 یوقدر کلامیله انصافه آدم انساندن معذور اولدیغنه ایما و اشارت و اول

کس نه دن حیا و حجاب اولمزدیو تصریح ایلدی (اوصاف ذمیه دن اوچنی
وصف بخلدی) معلوم اوله که بخل اخلاق زیاده مذموم و مقبوح لری
اولدیغندن شرعاً منهی و عقلاً دخی مقبوح در * و حقیقت بخل حقوق واجبیه یی
ادادن منع و نفقه مستحقینه نقصان ایدر * و اصطلاح عامه ده بخل جمع مال و فضله
مالدن انعام و احسان طلب ایدن لری منع ایتکه دیر لر * معلوم اوله که بخیل اولان
کس نه دن هیبت مسلوب * و کندودن آخر خوف و خشیتی مفقود * و بین الناس
مستثقل و قلوب ناسه مبعوض اولوب عیون خلقده وقاری زائل و حقیر کورینور
زیرا بخل طلب و کسبده اختیار شدت مشقت و تعبی و جمع و ادخار مالی ایجاب
و حقوق عبادی اصحابنه ایصالدن منع و صاحبنه رذل و ذل ایراث ایدر * بعض
علمایو ایاتی انشاد ایلشدر

(شعر)

ویظهر عیب المرء فی الناس بخله * ویستره عنهم جمیع اسخاؤه
تغط باثواب السخاء فانی * اری کل عیب و السخاء غطاؤه

مضمون بیت بخل انسانک عیبی میدانم چیقار روسخا جمیع ناسک عیوبی
ستر ایدر * سندخی سخا لباسی اورتی یعنی سخای طبیعت ایله که * هر عیبک
اورتوسی سخا اید و کنی بن کوردم یعنی تجربه اید و پ آ کلام دیمکدر * بخلدن درت
خلق ذمیه تولد ایدر که هر بری اخلاق غایت قیچیدر * بریسی حرص و بریسی
دخی شره که حرصک افراط ایدر * بریسی دخی جناب رزاق عالم حقنده سوء ظن که
نعوذ بالله من هذا الظن * بریسی دخی منع حقوق * اما حرص سعی شدت و افراط
و طلبده و جمع مالده مبالغه ایلکدر * بو حالت صاحبی محرماته و شبهاته اقتحامه
باعث اولدیغندن مذموم در * اما شره قدر کفایه یی قلیل عدایله حوا یجنه
وفا درجه سندن زیاده مالی چون غالتغه چالشه قدر * بو حالت دخی لوم و عتابی
ایجاب ایتدیکندن مذموم در * اما سوء ظنی ایجاب ایلمسی بوجه تندر که بخیل
اولان کس نه محتاجینی انفاق و مستحقینه انعام ایله مال دو کتوب قالمز اعتقادنده
اولور بو اعتقاده جناب خداوند بیچون و حکم فرمای حکومته کاه کن
فیکون جلت قدرته عن الشکوک و الظنونک دیوانخانه قدرت ازایه سنده مقدر
و مرتب اولان رواتب معینه و وظائف مقننه حاشاتم حاشا منقطع اولمغه
فقره ایتلا و اهمه فاسده سندن لازم کور * نعوذ بالله من ذلك * اما منع حقوقی
اقتضا ایلمسی بوجه تندر که بخیل اولان کس نه نک مالی کندونک محبوب
و معشوقی و نهایت مطلوبی اولدیغندن حقوق لازمه یی مستحقینه ادایه

قیامیوب و خلقه عدل و نصفتی دخی اقرار ایلیمه من * بوصفتلر ایلیمه موصوف اولان
 کسنه دن خیر و صلاح معدوم و ناما مولدر * حدیث شریفده وارد اولمشدر که
 (السخی قریب من الله قریب من الجنة قریب من الناس بعید من النار
 و البخیل بعید من الله بعید من الجنة بعید من الناس قریب من النار) معنای
 لطیفی ترجمه دن مستغنیدر * و دیگر حدیث شریفده دخی وارد اولمشدر که
 (طعام الجواد دواء و طعام البخیل داء) مضمون شریف حدیث ثانی جوامرد
 اولان کسنه نك طعامی دوا در و لئیم و بخیل اولان کسنه نك طعامی درد در
 و آخر حدیث شریفده وارد اولمشدر که (بشر مال البخیل بحادث او وارث)
 خوای لطیفی مال بخیله حادث ایلیمه یا خود وارث ایلیمه تبشیر ایلیمه * یعنی بخیل یا کند و
 وفاته دنص کره متروکه سیله همخوابه بستر ازدواج اولان خلفنه یا خود ورثه سینه
 میسر اولوب کند و سی مال ایلیمه تتم ایلیمه من * بعض علما بویساقی انشاد ایلمشدر
 * (شعر) *

یفنی البخیل بجمع المال مدته * وللحوادث والوارث ما يدع
 كدودة القز ما تبنيه يهلكها * وغيرها بالذی تبنيه ينتفع

مضمون آیات بخیل اولان کسنه کند و نك مدت عمر بنی جمع مال غائله سیله اتلاف
 و افنا ایدوب بعد الوفات ترکه سی متروکه سیله داخل فراش ازدواج اولان خلفرینه
 یا خود وارثلرینه واصل اولور * شونك کبیکه ایپك بوجکی زحمت و محنت ایلیمه
 یا دریغی حریر کندی اهلک ایلیمه بعد اول حریر ایلیمه غیر یلر انتفاع ایلر
 دیگدر * و کلام حکما دندر که * لا یدخل البخل مسکالا الا عقبه الحسرة ولا یدخل
 الطمع مدخلا الا عقبه الذلة ولا یدخل الشر مدخلا الا عقبه الحيرة * یعنی
 بخل هر کیمده بوانور ایسه انجاسنده اول کسنه یه حسرت کتورر زیرا جمع
 ایلدیکی مال ایلیمه تتم ایلیمه میوب بعد وفاته جمله سن ترلر ایدوب متحسرا رحلت ایدر
 و هر کیمده که طمع اوله اول کسنه یه ذل کتورر و شره دخی ککذلک مورث
 حیرت اولور * و حکما دیشدر که بخیل کسنه نك دوستی اولمز * دینلشددر که مال صویه
 بکزر که برص و خزینه سندن قدر کفایه دن زیاده صویك اقوب کیده جك ایغی
 اولدیغی حالده اول خزینه به قدر وفادن زیاده کلان صو خزینه سئك غرق
 و خرابیه باعث اولدیغی کبی بخیل کسنه نك دخی فضله و زوائد مالی صرف اولدیغی
 حالده صاحبیه موجب زیان و خسار اولور (اوصاف ذمیه نك دردنی و صفی
 امر افدر) معلوم اوله که اتفاق ماله مباغنه و اسراف و مدوح اولان سخا حدندن

خارج بر وصف اولمغله ذم و قبحه بخل کبیر * زیرا جناب خداوند بیچون
 اتفاق مالد حد اعتدال دن افراط و تفریط اولان اسراف و بخلک ایکیسندن
 دخی نهی ایدوب بیورمشدر (ولا تجعل يدك مغلولة الى عنقك ولا تبسطها
 كل البسط فتقعد ملوما محسورا) بو آیت کریمه ده اسرافدن منع ونهی اولندیغی کی
 بخلدن دخی نهی اولمغله بو آیت کریمه اسراف و بخلک مذمومیت و ملومیتده
 مساوی اولدقلرینه دلالت ایدر * ویرکوده اسراف سخاده تذریر یعنی اسرافدر
 بواسرانی ایشلین کسنه فعل محذوح و مذمومی و مستحق ایله نامستحق فرق و تمیز
 ایلمکدن اقتضا ایتمکله صاحبک سوء طبیعتنه و خفت رأینه و تدبیرده
 قصورینه دلالت ایدر * واسراف ملوک اعظام حضراته لایق دکلر زیرا اسراف
 بیت المالك حقوق لازمه و واجبات مرتبه به عدم و فاقه کفایتی موجب
 اولور و بذل و عطاده اسراف قدر استحقاقدن زیاده ایلمکدر * سفیان ثوری
 حضرتلری بیوررکه مال حلال اسرافه متحمل دکلر * و بعض علما دیمشدرکه
 اوج کسنه دن رحمت مرفوع اولوب احوال ثلاثه ده شماتت اعدا نازل اولور *
 بری مالتی تذریر و اسراف ایدن کسنه فقیر اولدیغی حالد * ایکنجیسی غایت
 حریص اولان کسنه به بر مصیبت اصابت ایلدیکی حالد * اوچنجیسی ظالم قوی
 اولان کسنه به عقوبت اولندیغی حالد کسنه رحمت ایتیموب هر کس اظهار
 سرور و شماتت ایدر (اوصاف ذمیه دن بشنی وصف خلف میعاددر) یعنی
 وعده خلف ایلمکدر معلوم اوله که بو وصف ائیم و دنی اولان کسنه لرک صفتیدر
 بو وصف غایت قبیح و شنیع وارکان نفاقدن و اخلاق سیئه دن اولدیغنه بناء
 کرام ناس بو وصفدن ابایدوب ارتکاب ایلز * حدیث شریفده وارد اولمشدرکه
 (علامة المنافق ثلاث اذا حدث کذب و اذا ائتمن خان و اذا وعده خلف) مضمون
 شریفی منافق کسنه ده علامت نفاق اوج شیدر * بری سویددیکی کلامده کذب
 ایکنجیسی کندوی امین اتخاذا ایدن کسنه به خیانت * اوچنجیسی وعدهینه
 خلف ایلمکدر * ابوالحسن مداینیدن منقولدرکه عمر بن عبدالعزیز حضرتلری
 خلف وعددن احترازا اصحاب حاجاتدن برینک اسعاف مرآمنه وعدایله
 جواب ویرمزدی * داود بن عبدالله وصیتنامه سنده خلفنه بویه توصیه و تنبیه
 ایلمشکه حقن بر کسنه به وعد ایدر سک در عقب انجامزایله یعنی وعدیکی یرینه
 کتوروب وعدکده خلف ایلمکدن حذر ایله زیرا خلف وعد هیبت حکومتی
 و شرف عظمتی کیدر * بعض حکما دیمشدرکه وعدهینه خلف ایدن کسنه کندونک

جدی یعنی سرف نسبتی صغیر و حقیر ایدر * و کند و نک مقربلری کندویه و سعلری
مرتبه جور و جفا ایدوب اجنبیلردخی اول کسنه یه تقریدن تحاشی و تحاشی
ایدلر * و دینلمشدر که خلف و عداؤمک نتیجه سی وجه اخلاق ذمیه نک اقبجیدر
و کذب فروعاتدندر (اوصاف ذمیه دن التبی وصف کذبدر) معلوم اوله که
کذب مذموم بروصفدر که صاحبی علی الدوام فضاحتدن منفک اولمز و هر قدر
رتبه عالییه اصحابندن اولور ایسه دخی بین الناس حقیر و صغیر و خالق کندودن
متنفرا اولوب کسنه کندویه میل ور کون ایلمز * زیرا هر نه سویلسه و وعد ایلسه
موثوق و معتد دکادر و اول مقوله کسنه یه بر مصیبت اصابت ایلسه هر حجت
ایلیوب آجیمز و بعض کلامنده صادق اواسه دخی اعتماد اولمز * جناب حق عز
وجل مؤمن صادقدن شعار کذبی سلب ایلیوب ییورر که (انما یفتی الکذب الذین
لایؤمنون) الایه * معنای شریفی کذبی کسنه ارتکاب ایدوب ایشلمز انجق ایمانی
اولیانلر ایشدر دیمکدر * و حدیث شریفده دخی وارد اولمشدر که (الکذب مجانب
للایمان) خوای لطیفی کذب ایمانک ستره لیدر * یعنی پرده لیدر پرده بر شیشه مانع
و حجاب اولدیغی کبی کذب دخی ایمانه مانع و حجابدر * و دینلمشدر که کذب ایله دین
و دنیا قائم اولمز یعنی ایکسیده کذب ایله زائل اولور دیمکدر * عمر بن عبدالعزیز
بعض عمال و حکامنه یازمشکه حسن تدبیر و حیلله یه محتاج اولدیغکنز امورده
صاقنوب کذاب کسنه لردن اعانت طلبنده اولمالز برا کذاب کسنه یه تسلیم
و مطیع اولور سکنز هلاک اولور سنز * منقولدر که قیصر روم کسرا یه زیر حکم کده
اولان مملکتی نه ایله ضبط ایلدی ~~ککزی~~ بکانه ریف ایلیک دیو تحریر و استعلام
ایلد کده کسری دخی سکنز نسنه ایله ضبط ایلام دیو جواب یازمش * بری جد
و هزارده قطعاً کذب ایلام * ایکنجیسی وعد و وعید مده یعنی وعد ایلدیکم
اطفک انجازنده و ایراد ایلدی ~~کم~~ تهدید مک ایقاعنده قطعاً خلف ایتمیوب
اجرا ایلام * اوچنجیسی امورده زحمت و مشقتی اختیار ایدوب لعب و لهوه
میل ایلام * در دنجیسی مقتضای تهو و غضبم ایله کسنه یه عقاب ایتمیوب
فقط هر کسک جرمه و استحقاقنه کوره تأدیب ایچون عقاب ایلام * بشنجیسی
قلوب رعایا یه جبراً تمه رل کندومی سودردم * التنجیسی بغض و غضب سزرعایا یه
مهابت ملوکانه بی ایداع و القا ایلام * بدنجیسی کفاف نقس لری بی توسیع ایلام *
سکنزنجیسی فضول تعذباتدن منع و محافظه ایلام * دینلدی که صدق عزتدر یعنی
موجب عزتدر کذب ذلتدر یعنی موجب ذلتدر * و دینلمشدر که کذب هر وقتک

مہانت نفسک زہا بندن یعنی زوالیدن و قلت حیاتدن اقتضایدر بعضیلر
بویاتی انشادایلمشدر * (شعر) *

لا یکذب المرء الا من مہانتہ * او عاده السوء او من قلبه الادب
بحقیقۃ الکلب عندی خیر رائحة * من کذبة المرء فی جدو فی لعب

مضمون آیات بر آدم کذبی اختیار و ارتکاب ایلمز الامہانتندن یا خود
اثامتندن یا خود قلت ادیدن ناشی ارتکاب ایدر * زیرا بنم عند مدہ کرک جدو کرک
اعبدہ کذب قاذورات کلابدن زیادہ مر دارد * و شاعر آخر دیمشدر * (شعر) *

وما شیء اذا فکرت فیہ * باذهب للمرءۃ والجمال
من الکذب الذی لا خیر فیہ * وابعدا بالہاء من الرجال

مضمون آیات اگر فکر و ملاحظہ ایلمسک کذبدن زیادہ مرؤت و جمال
کیدر یجی و انساندن بہایی بعید قلیجی برشی یوقدر دیمکدر * معلوم اولہ کہ
دواعی کذب او چدر یعنی کذبی اختیار و سبب او چدر * بریسی جلب نفع و دفع
ضرر و عیدر * ایکنجیسی محال سده نقل و ایراد ایدیکی کلامی اہالی مجلسہ دانشین
و خوش کاسون دیوزخارف کذب ایلمہ ترین ایلمکدر * او چنجیسی بر آخر
کسنہ یی تعمیر و تعییب قصد یلمہ اول کسنہ بہ بعض فضایح و قبایح عز و ایلمکدر
بواوچ دواعی و اسباب دخی زائلدن و نقایصدن اولدیغندن نفوس ادبیہ و ہم
علیہ اصحابی بر در لوا اختیار و ارتکاب ایلمز * لکن دشمن دین و دوائتہ کید و مضرت
و مصلحت ملک اقتضاسیلہ بعض متوحش و متنفر کسنہ لری داخل دائرہ
تالیف و مطاوعت قلمق ایچون بعضا قدر کفایہ کذب قلیلی استعمالده بأس
یوقدر (اوصاف ذمیہ دن یدنجی وصف غیبتدر) معلوم اولہ کہ غیبت ذاتہ
شرعاً و عقلاً حرام اولدیغندن قطع نظر عن عجز و نفس لؤم و قبیح و دلیل نقص
اولوب رتبہ و منزلتک تنزائی موجب بر حالت اولدیغندن عقول کاملہ و نفوس
فاضلہ اصحابی بر وجهلہ ارتکاب ایلمز * علی بن حسین دیمشدر کہ غیبت
اسافل ناسک فعللر یدر * وعدی بن حاتم دیمشکہ غیبت لئیم کسنہ لرک مرعاسیدر
یعنی لئیم لرک ایشیدر * قتیبہ بن مسلم بر کسنہ غیبت ایدر کن ایشتد کدہ اول
کسنہ یہ یا آدم سن بر اقمہ چکنر سنے اول لقمہ یی کرام ناس اغز لرتہ المزلر *
یعنی غیبتی کرام ناس ایلمز لئیم لرک ایشیدر بعضیلر بویاتی انشادایلمدیلر (شعر)

اذا انت عبت الناس عابوا واكثروا * عليك وابدوامنك ما كنت تستر
اذا ما ذكرت الناس فاترك عيوبهم * فلا عيب الا دون عيبك يذكرو

فان عبت قوما بالذی ایس فیهمو * فذلک عند الناس والله اکبر
وان عبت قوما بالذی فیک مثله * فکیف یعیب العور من هو اعور

مضمون آیات سن خلقک معایب ومثاله دقت ایله تعیب وغیبتلرین ایدرسن
خلق دخی سنک معایب مستوره کی ذکر و افشاوت تعیب ایدر لر * چن سن ناسی
یاد ایدرسن عیوب ومثال لرینی ترک ایله ذرا دقت ایلسن سن انک عیبندن بیول
عیب ایله معیوب سن اگر سن تعیب ایتدیکن کسنه ده اول نسبت ایلدیکن عیب
اولیوب افترا ایدرسن بوقباحتنک عند الله وعند الناس یکن یوکدر واکرا کا
نسبت ایلدیکن عیب سنده دخی واریسه بوتعیبیک برامی آخر اعمالک عیاسی
تعیب قیلندن اولور * ملوک سالفه دن ولیدین عقبه بن ابی معیط نقل ایدر که
بروقت پدرم ایله برموکب عظیمه کیدر ایکن بر آدم یاغمه کلوب آخر بر کسنه یی
غیبت ایله که باشد قد پدرم ایشیدوب بکاتوجه ایلیوب بو کونه لوم وتوبیخه
باشد یکدن نسل ملوک دسن ملوک لسانی فاحش ومنهی اولان کلماتدن حفظ
وتنزیه ایلمک الزم واهم اولدیغی کی سامعه لرین دخی فحشیات ومنهیات استماعندن
محافظه ایلمک لازمه حاللریدر * زیر ابر کلامی استماع ایدن سویلین کسنه ایله شریک
اولور * کویا اول آدم کندو وعاه در و تنده اولان من خرفاتی چیقاروب سندن وعاء
سامعه که وضع والقا ایدردیو تحذیر ایلدی (حکایت) اولنور که ملوک عجمدن
بهرام ارانی اتر اکیه یه مجاور اولان بعض سرحدینی محافظه ایچون بر
سر عسکر نصب ایلد کده صکره اول سر عسکر موی الیه خاتان ترکان غیبت
ومذمتی ایلدیکی بهرامک مسموعی اولد قد بر کسنه مقاومتندن عاجز اولدیغی
کسنه نک غیبتن ایله بوتقدیرجه سر عسکر موی الیه دخی خافانه مقاومتدن
عاجز اولدیغنه غیبت ایلمسی دایلدردیو اول سر عسکری عزل ویرینه آخرینی
نصب ایلمش (اوصاف ذمیه دن سکرنجی وصف غضبدر) معلوم اوله که غضب
بر وصف طبعیدر که جناب باری اول وصفی جنس حیوانده خلق و اجزای
خلقتنده ترکیب ایلمشدر * کندویه اذالیدن مؤذیاتدن اول وصف ایله اخذاته مقام
ایتمک ایچون * وغضبتک سببی بر کسنه کندودن دون اولان کسنه ده استمدیکی
برحالت وحرکتی کورمه کدر و غضبندن حدوث و ظهور ایدن حالت سحر و هجوم
وانقامدر و هر چنکه غضب افراط اوزره اولوب حدینی تجاوز ایلمسه عقلی
سلب وازاله ورای صوابی محجوب و مستور ایدوب صاحبی حسن حیل
وتدبیردن محروم قیامور و اکثر یا غضبتک شرر و زبانی غضوبه عائد اولوب

مغضوب علیه مصون و محفوظ قالور * بر کس نه هر قدر عاقل اولسه غضب
 و شدتی حالنده مجنوندن فرقی قالمز انک ایچون غضب قبیح و مذمومدر * حدیث
 شریفده وارد اولمشدر که غضب ایمانی افساد ایدر * تکیم عسلک حلاوتنی صبر
 دیدکاری آجی شیء افساد ایلدیکی کبی و دیگر حدیث شریفده واقع اولمشدر که
 بر آدم غضبنی اجرایه قادر ایکن اجرا ایتیموب هضم و دفع ایلسه جناب باری
 اول آدمک قلبنی امن و ایمان ایله طولدر * بعض حکما یمشدر که غضبک اولی جنون
 و آخری ندامتدر و دیمشدر که مملوک و محکومک اولمیان کس نه یه غضبک نتیجه سی
 عجزدر و مملوک و محکومک اولان کس نه حقنده دخی لومدر * و دینلمشدر که غضبک
 شامتندن غایت حذر ایله زیر اغضب غضوبی غدر و حیف و ذلته القا ایدر * و دخی
 دینلمشدر که بغی و عصیان ایله کثرت بولان شیء کثیرد کادر * یعنی هر قدر کثرت
 بواسه دخی تیز محو و زائل اولور و ظلم ایله قوت بولان قوی دکادر یعنی تیز ضعیف
 اولور و غضبک مملوکی اولان مالک اوله من گویا غضبنی دفعه قادر اولمیان کس نه
 زیاندن خالی اولمز * و دینلمشدر که ملوک عظام غضب ایلمز زیرا انلر اصحاب
 قدرتند و قدرت غضب نه مانعدر و کذب ایلمز * زیرا ملوک عظامی اراده سنک
 خلافتنه جبر و کرهه کس نه قادر دکادر حتی کذبی اختیار ایده لر و کسه حقنده
 حقد و کین طوتمزل * زیرا ملوک عظامک پایه شان والای شاهانه لری مجازاة
 مرتبه لرندن بالاتردر * معلوم اوله که شول کس نه لکه وقت غضب لرنده شدت انتقام
 ایچون کنند و لرندن فعل قبیح ظهور ایلیمه اول فعل قبیح انلردن ظهور ایتمز
 الا غضب جاننده اول کس نه لک عقولنک زوال و انسلا بندن ناشی ظهور ایدر
 بو تقدیرجه هر کسه لازمدر که کندویه حال موجب غضب اولدیسسه در حال
 حزم و احتیاط ایله اول حالک صورتنی منع و آتش غضبنی اطفا ایلیمه که حتی ندامت
 عاقبتدن سالم اوله * و غضبک هیجانی وقتنده تسکین و دفعی بش نسنه ایله ممکن
 و میسر اولور اول بش نسنه دن * اول کیسی وقت شدت غضبده جناب
 خداوند بیچونک اسم شریفلرین ذکر ایلکدر زیرا ذکر الله مخافة اللهی موجب
 و مخافة الله دخی طاعتی اقتضایدن عفو مستوجب اولدیفغندن ذکر الله ایله
 آتش غضب ساکن و منطقی اولور * منه ولدر که (یا ابن آدم اذ کرنی حین تغضب
 اذ کر حین اغضب) دیو توراتده مکتوب و مبیندر * معنای شریفی جناب
 عزوجل بیورر که یا بنی آدم هر وقت سزه حالت غضب عارض اولور سه بنی ذکر
 ویاد ایله یک بندخی وقت غضب و قهر مده سزی ذکر ویاد ایدیم یعنی هر جت

ایدرم دیو بیوردی * و نقل اولانور که ملوک فرسیدن بری سن بشر سن سکا غضب
 یا قشمر یزید زنده اولان مخلوقات هر حجت قیامت که سموات ده بوانا نلدنخی سکا مر حجت
 ایلسونلردیو بر **ک**ا غده یازوب وزیرینه و یروب هر نه زمان بنی غضب آلور
 کور رسک بوکا غدی بکا کوستر دیو امر و فرمان ایتمکله هر نه وقت اول ملک
 عرض ایلدیکی آنده غضب ملوکانه سی ساکن وزائل اولوردی * و کذلک
 منقولدر که ملوک رومدن بری زیر خال عده فناء بولمش بر آدم قفاسنی اخذ
 و بر لکن ایچنه وضع و حاجب باب سراینه تسلیم و هر نه وقت بکا غضب عارض
 اولور سه بوقفای حضور مه کتوروب نهاده قیامت دیو امر و تنبیه ایتمکله اول
 ملک هر نه زمان بر کسینه یه غضب ایلسه حاجب مذکور اول قفای
 حضورینه کتوروب وضع ایلدیکی آنده غضبی ساکن وزائل اولوردی *
 ایکنجیسی مجرم حقنده عفو و صفحک ثوابنی خاطره کتوروب تذکرا ایتمکدر
 بو تذکرا اول ثوابه و جرایم ناسی عفوایدنلر حققرنده جناب باری نک موعودی اولان
 نعم جلاله بی رغبت و سورت غضبی کسر و نفس سرکشی قهر ایدر زیر احدیث شریفده
 واقع اولمشدر که (ینادی منادیوم القیامة من له اجر علی الله تعالی فلیقم فیقوم
 العافون عن الناس ثم تلی فن عفا و اصلح فاجره علی الله) معنای شریفی یوم
 قیامتده بر منادی ندا ایلیوب هر کیم جناب باریده اجری واریسه یعنی ظرف
 باریدن اجر ایله موعود اولمش واریسه قیام ایلسون دیدکده هر تقدیر مجرم ناسی
 عفو ایلمش واریسه جمله سی قیام ایلینجیه اول منادی (فن عفا و اصلح فاجره علی
 الله) آیت **ک**ریمه سنی تلاوته باشلر * اوچنجیسی غضبنی دفع ایدوب
 رفق و ملایمت کوستروب عفو ایلدیکی حالده قلوب ناسک کندویه میل و انعطافلری
 زیاده اوله جغنی تذکر در * بو تقدیر چه ناسک تالف و انعطافلری داعیه سی
 ازاله غضب ایلر * در دنجیسی غضب وقتنده نه حالده بوانور ایسه
 اول حالدن حال آخره انتقالدر * مثلاً قعود حالندن قیام حالنه و بر محلدن آخر
 محله انتقال کبی و مأمون خلیفه غضب وقتنده بویلمه حرکت ایدر مش
 * بشنجیسی غضبک ندامت انجامنی و انتقامک مذمتنی خصوصیه سهولتله
 دفعی ممکن اولیه جق شور و فتنی ایجاب ایده جکنی فکر و ملاحظه در * بوبش
 نسنه بی ملوک عظام حضراتی وقت رضاالرنده تدبیر و تذکر یوررلرایسه وقت
 غضب ملوکانه ده دخی تصویر یوره لرینه احری ولایتی اولمغله کندولرینی انفاذ
 فعل غضب و افراط انتقام و انکالدن منع ایدر (اوصاف ذمیه دن طقوزنجی

عبدالرحمن (معلوم اوله که عجب بروصف ردی و قبیح در که انسانک جمله فضائلن محو
ایدوب چلب رذائل و اظهار حق و ایجاب مشقت و هلاک و محاسنی اخفا
و مساوی و معایبی افشا ایلر جناب عزوجل بیورر) (ویوم حنین اذا عجبتمکم
کثر تکم فلم تغن عنکم شیاً و ضاقت علیکم الارض بما رحبت ثم ولیتم مدبرین)
بو آیت کریمه نکتہ تفسیرنده قاضی بیضاوی رحمه الله بسط ایلدیکی کلامک مالی
بودر که مکه مکرمه ایلر طائف یمننده واقع وادی حنینده صاحب سعادت
افندمن علیه الصلاة والسلام حضرت تلی اون ایکی بیک غزاة مسلمین ایلر هوازن
و ثقیف قبیللری عربانی اوزرینه محاربه یه عزیمت بیورد قلرنده جمعیت لشکر
عربان درت بیک مقداری اولدیغی اخبار اولمغله جانب اسلامیاندن بزبو کونکی
کوننده البته مغلوب اولمز جمعیتمز کثیر در کلامی صدور ایدوب
بو کلامدن کثرت جمعیتیه اعتماد ایلر اعجاب صورتی رونما اولدیغندن عساکر
موحدین منہزم و پریشان اولوب اول سرور عالم و اشرف بنی آدم علیه افضل
التحیة والتسلیم حضرت تلی فقط عم نیکو کارلری حضرت عباس و عمو زاده حمید
شعارلری ابوسفیان بن حارث رضی الله تعالی عنهما ایلر کوه مثالی ثبات
و استقرار و حضرت عباسه ناسی دعوتیه امر بیورروب حضرت عباس دخی ندا
ایلد کلرنده بر جماعت رجعت و جنود ملائکه دخی نزول عرصه مبارزت و رمة
مشرکین ایلر محاربه یه مبادرت ایلد کلرنده رسول اکرم افندمن علیه السلام
حضرت تلی مبارک اللریله بر آوج تراب الوب جانب مشرکینه نثار و (انهمزمو اورب
الکعبة) کلمات اجابت سماتنی دخی زیان کذار بیورملریله رمة مشرکین منہزم
و عساکرمو حدین غنائم و افره ایلر مغنم اولدیلمر بوقصه دن ابتدای امر ده زمرة
موحدینک کثرت جمعیتلرینه اولان عجب و اعتمادلری انهمزام و تفرق لرین موجب
اولدیغی ظاهر و رسول اکرم افندمن علیه الصلاة والسلام حضرت تلی نکتہ دخی
اول روزدهشت اندوز تفرقه ده مرکز ثبات و استقرار ده تمکن و قرار بیورملرندن
شجاعت و بسالتلری نه درجه لره رسیده اولدیغی غایت هویدا در اول آیت
کریمه (لقد نصرکم الله فی موطن کثیره ویوم حنین) الی آخره اولوب
معنای ظاهریسی تحقیقا جناب رب العزت رمة مشرکین ایلر محاربه کونلرنده
سزله چوق کره نصرت ایلر یوب خصوصاً وادی حنینده وقوع بولان محاربه
کوننده کثرت جمعیتکرم موجب عجب اولمق سببیلر سزله فائده ویرمیوب فضای
وسیع زمین تنک و تار اولوب کفار خاکسار روگردان قرار اولد قلرند نصکره دخی

سزله نصرت ایلدی دیکدر والله اعلم * علی بن ابی طالب رضی الله عنه
 حضرت تری بیوررلرکه (الاعجاب ضد الصواب وآفة الایاب) یعنی عجب محض
 خطا و آفت عقول و الالباب و نهادر * بعض حکما دیدیلرکه انسانک نفسیله عجبی کند و
 عتباتک حاسدیدر یعنی حاسد محسودینه نه کونا عد و قوی اولوب ایکیسی بربرده
 جمع اولدیغی مثلاً و عجب دخی عقلک عد و قویسی اولمغله ایکیسی بربرده جمع اولمز
 بعض - یلر دیدیلرکه عجب بر نوع حماقت و حیرتدر که کبردن تولد ایدر * دینلمشدر که
 عاقل اولان کسه نه ده عجب اولمز زیرا عجب حقیق افرط ایدر که صاحبنه نه محله
 کیده جکنی اونوتدروب حیرت و یرمکه کبر و غرور ورطه سینه ایصال ایدر
 (حکایت) اولان مهلب بن ابی صفره بر کون البسه فاخره ایله تلبس ایلایوب جر اذیال تخت
 و تکبر ایدر کیدر کن بر کسسه تصادف ایلایوب مهلبک تعظم و تکبر ایله یورودیکنی
 کورد کده مهلبه خطاب ایدوب یا ابا عبد الله یوریش ندربویله یورویله چناب
 باری و رسولی بغض ایدردیمکه * مهلب دخی سن بنم کیم اولدیغمی بلزمیشن
 دید کده یلورم ابتدای خلقتک بر قطره نطفه فاسده و عاقبت و انجامک خال سیاه
 عدم در دیمکه * مهلب سرفروبرده خجرات و حیا اولمش * بعض بلغادیمش که
 ملوکک کندولرینه اولان عجب و اعتمادلری سوء نتیجه مصلحتی مقتضیدر * معلوم
 اوله که بر کسسه که عجب کتوره جک سبیلری منع ایلیمه البته ورطه عجبیه واقع اولور
 عجب کتوره جک سبیلرک اقواسی مداهنه یی کندویه وسیله انتساب و تقرب بکار
 انام و سبب تحصیل مقصود و مرام اتخاذ ایدن مداح و متعلق مبالغه دروغ
 آمیزلریدر * زیرانفوس بشریه البته استماع مدحه مائلدر و هرچن بر مدحه
 مبالغه و حددن تجاوز اولسه اول مدح کذب و مداهنه اولور * صاحب سعادت
 افتد من علیه الصلاة والسلام حضرت تری استماع مدح و مداهنه دن نهی
 ایدوب بیوررلرکه (ایاکم و کثرة المدح فانه الذبح) معنای شریفی سز کثرت مدحی
 استماعدن احتراز ایدل زیرا کثرت مدح ذبحدر یعنی بر حیوان ذبح اولاندیغی آنده
 هلاک اولدیغی مثلاً و کثرت مدحه قولاق طوئوب فریفته اولان کسسه دخی
 هلاک دوشر * بعض حکما دیدیلرکه بر کسسه کندوی مدحه رضا کو سترمک مخزیه
 اعانه ایلش کبی اولور * بعض علما دیدیلرکه عاقل اولان کسسه مدح مادح ایله
 محظوظ و قدح قادح یعنی ذم ذمام ایله متأثر و منفعل اولمق غایت قبیحدر بلکه
 کرک مدح و کرک ذمی استماعدن نصکره کند و نفسنده تأمل و تحری و تدقیق ایلایوب

مدح اولنان فعل یا خود ذم اولنان عمل کند و ده وار میبرد بوقیدر تحقیق ایلک
مقتضای درایت در * زیرا بر عورتی حسنله مدح یا خود چر کینلک ایلک ذم ایتسه لر
البته الله آینه الوب حسن و قبح صورتی مشاهده و تحقیق ایتد بکجه اعتماد ایتد
بوصورتده حسن و قبحی آینه ده امتحان و تحقیق ایدن عورت مدح مادح و ذم
قادحی قبل التحقیق فریفته اولان کسنه دن افضل اولق لازم کلور * بو تقدیر بجه
عاقل اول کسنه در که مدح مادحی و ذم قادحی بعد الاستماع صادق القول و معتد
و امین و ادیب و متدین و حق کو کسنه لری استصحاب و کند و به آینه قیلوب
بجمله احوالی انلر عرض و ارائه ایلک مجاسن و معاینه اطلاع حاصل ایلک * زیرا
کشینک هوایی عقانه مستولی اولدیغندن انسان خود بخود معایب نفسنه
واقف اولق غایت ک و چدر هر کیمکه بو وجه له عیوب نفسنی تحقیق ایدرک
کند و بی تهذیب ایلک علی التحقیق اول کسنه کمال شرفه ناثل و جمله ناسک میل
و محبت لری اول کسنه ایلک حاصل اولور (اوصاف ذمیه دن اوننجی وصف کبردر)
معلوم اوله که کبر نفسی حد اعتدالندن اخراج ایدر و کبرک حقیقی کشی کند و نفسنی
بیولک و غیر یلری حقیر بل کدر و بونک سببی یا کثرت قدرت و قوتیه و یا خود فضل
و معرفتنه مغرور اولمقدرو هر چن بو غرور حدینی تجاوز ایلک صاحبک دینی
سلب و ایمانی افساد و رتبه و میزان تنزیل و محاسن الغا و فضائلن مسلوب
و جمله یه منفور ایدر * حدیث شریفده وارد اولمشدر که (لا یدخل الجنة من کان
فی قلبه ذره من کبر) معنای شریفی هر کیمکه قلبنده ذره مقداری کبر اولسه اول
کسنه جنته کیرمز * و صاحب سعادت افند من علیه الصلاة والسلام
حضرت لری عم عالی تبار لری حضرت عباسه رضی الله عنه یوردیلر که *
جناب خالق بیچونه شرکدن و کبردن سنی نهی ایدر مزیرا جناب عزوجل کبر
و شرکدن احتجاب ایدر یعنی شرک و کبردر کاه باریدن بعدیتی موجبدر
(حکایت) اولنور که حضرت سلیمان بن داود علیهما السلام بر کون مسند
سلطنتده جلوس ایدوب انس و جن و طیور و وحوشدن جنود و افره حضور
عایلرنده مجتمع و حاضر اولدقلری حالد ه امر قدر نفاذ جهانداریلری صدورینه بناء
روز کار تخت سلیمانی بردوش ایدوب جانب سمواته طوغری اولرتبه رفع
ایلدیکه سرای نه قباب سمواتده حجره نشین تسبیح و تهلیل اولان ملائکه کرامک
صدالری استماع اولمغه باشلدی * اول اثنا ده غرفه نشینان بالا خانه آسماندن
بومضهونده بر صد الاستماع اولندیکه ای دائره نشینان دوات سلیمانیه بو قدر نفوذ

در این عظیم اثر ایدر در این عظیم اثر ایدر
و در این عظیم اثر ایدر در این عظیم اثر ایدر

او امر واحكام و توافر خدم واحتشام سبيله سرك صاحبكز اولان حضرت
 سليمانك قلبنه مقدار ذره كبر كلك لازم كايدي بونده تخت سلطنتني روي ارضدن
 جانب سمائيه نه قدر رفيع وعالي قلند يسه سطح زميندن جانب اسفله طوغري
 اولقدر خسف وتنزيل اوانوردی * بعض علماء ديدلر كه هر دولت ايچون امراض
 عديده وعال متعدده وارد ر كه سبب موت وهلاك اولسندن قورقلور اما
 غايت خطري اولان مرضي درتدر * بريسي اول دولتك صاحبي بولنان ذاته
 غضب عارض اولق * ايكنجيسي كبر طاري اولق زيرا بوايكي حاليه اول دولت
 حدود سياستدن خروج ايتمه كه اضطراب واختلال حدوث ايدر * اوچنجيسي
 حرص و طمعي زياده اولق بو حاليه دخی رعایايه ظلم و حيفي ايجاب ايدر *
 در دنجيسي رعایا طائفه سنك ربه مطاوعتدن خروج ايله غلو و هيچانلر ايدر *
 بوعلملر ظهور ايلديكي آنده منع و قطعنه مسارعت واجيد ر * مدائني نقل
 و روايت ايدر كه موسم مجده عرفاتده اسباب زرین ايله مزین بردابه اوزرنده بر آدم
 كورد مكه اطرافني غلمان و خدام كشيده احاطه و حله ناس كندويه نظر ايدوب
 اول آدم كمال كبر و غرور ندين ناشي كسنيه قطعاً حواله چشم مبالات والتفات
 ايلز بو وضعندن بكا تعجب الوير مكاله اي آدم بو محل كبر ايله جاك بردكادر دابه كدن
 نزول و جمعيت خدامكي يانكدن دفع و روي تضرع و نیازی فرسوده خال تذل
 و افتقار ايدر ك درگاه باري يه توجه و اقبال ايله كه جناب عزوجل س
 مغفرت و مرحمتيله اقبال ايدوب سندن راضي اوله ديديكده * بكا دخی قطعاً
 التفات ايلديكندن ياتندن منصرف اولوب كتم * بعده سنه مستقبلا ده حسب
 الاقتضا حدود بغدادده واقع بر كوپريدن عبور ايدر كن اول ادعي كوزلرينه عي
 كلوب خلقدن سوال ايدر كوروب اي آدم چكن عرفاتده كورد يكم كسنيه سن
 دكلميدك ديديه كه مده بلي بن ايدم لکن اول وقتده عامه ناس تواضع و تذلل
 ايلدكاري موضعه بن تكبر و تعظم ايلديكم ايچون جناب باري بني بو محله
 بو حاليه وضع ايلوب شمدی جمله ناس بكا تكبر و تعظم ايدر لر ديدی * معلوم اوله كه
 بر كسنيه كه كبر و فخوري مستلزم اولان اسبابي كندودن قطع و رفع و جسم و منع
 ايلوب تكبر و تعظمي لله تواضع و خشوعه تبديل ايلسه اسباب شرف و عزتي
 تكميل و قاب ناسك كندويه ميل و محبتلرني كسب و تحصيل ايدر (اوصاف
 ذميه دن اون بر عي وصف حسد در) معلوم اوله كه حسد نفسه عارض اولان
 امراضدن بر مرض جسم و درد و خيدركه بر درلوشفا پذير و صاحبك دیننه

ووجودینه اضمراردن خالی اولمزیرا حاسدک هم ونمی دائم اولدیغندن جسمی
 اریدوب عقلنی صواب رأیدن اغفال وقابنی فکر صحیحندن اشغال ایدرو حسد
 بخندن زیاده قبیحدرزیرا حاسد کندونک مالک اولدیغنی شیئه هیچ کمسنه نائل
 اولدیغنی استمزدو حاسدندن زیاده ضرر وخسار صاحبی یوقدر * حدیث شریفده
 وارد اولمشدرکه (ان الحسد یأكل الحسنات کما تأكل النار الحطب) معنای شریفی
 تحقیقه حسد حسنین اکل ایدر یعنی ازاله ایلرنتکیم آتش اودونی اکل یعنی یا قوب
 زائل ایلدیکی کبی * بعض حکما دیشلرکه محسوده بوجزا کفایت ایدر که
 محسودینک وقت سرورنده مغموم ومتنع و مرزوق اولدیغنی وقتده متکدر
 ومهموم اولور * دینلشددرکه حسد حسدده بر آتش کیدر که حاسدی دائمایاندر
 معلوم اوله که حسدک سبیلری اوج شیددر * بریسی حسدک محسوده عداوت
 وبغض سابقه سی واریکن محسود حقنده بر نعمت ظهور ایدوب یا خود
 محسودی فضائلدن بریله مشتهر اولسه بوبغض وعداوت حسدی موجب
 ومنجج اولور * ایکنجیسی محسود بر نعمت شامله وفضیلت کامله یه نائل اوله که
 حاسد اول نعمت وفضیلتی تحصیلدن عاجز اوله بو تقدیرجه کندو اول نعمته
 ادرالک ایده میوب محسودینک ادرالک واختصاصی باعث حسد اولور *
 اوچنجیسی حاسده بخل بدرجه ده بولنور که محسودی حقنده ظهور ایدن نعم
 موهوبه یی دفعه قادر اوله میوب ومقتضای بخلی دخی بروجهله لایق
 کورمدیکنندن بونعم جلیله یه حسد ایدر * بواوچنجی سبب بر درلوزائل
 اولمیوب اول درجه لره رسیده اولور که حسدک النندن کسه محسوددن اخذ انتقام
 ایدرو انتقامه قادر اوله مزایسه هم دائم وعلت زائده یه مبتلا اولور * نعوذ بالله
 من ذلك بوتقدیرجه لایق اولان اولدرکه کشی بواسباب حسدی قطع وازاله
 وهجنت واساءتدن احتراز ایله ضررندن تحفظ ایلیه بو حسدک کمال تأثیرینی
 وضرر عواقبنی ایضاح ایچون بو حکایت عبرتنامه تحریر وامللا اولنور * اهل
 تواریح بو کونه ذکر ویان ایندیله که ملوک فرسدن بهرام بن یزدجرد ملوک
 اترا کدن خاقان ایله بربرلینه محبت و صداقتلری برکمال اولدیغندن دائماتهادی
 وتلطف اوزره لرایکن بهرامک قوت وشجاعت وکرم ورعیت حقنده حسن سیرت
 وعلوهمی کنده که مشتهر اولقدن ناشی بو حالت خاقانک بهرام حقنده
 شدت اوزره حسدینی موجب اولغله برکون خاقان وزرا سندن برینه سیرینی
 اظهار و بهرامه اولان حسدینی اخبار و بهرامک هلاکی ضمننده تدبیر سوال

ایلد کده وزیر دخی پادشاهم بوسری قواکزدن غیره اظهار ایلوب کتم
 یورک و قواکزدن بویا بده بر حسن تدبیر ملاحظه ایدنجیه دل بر مدت مهلت
 ویرلدیوب بو حال ایل بر مدت هرور ایدوب بو کیفیت دائر وزیردن بر اثر و اماره
 ظهور ایلدیکندن خاقان نه کونا تدبیر ایلدک دیوسوال ایلد کده وزیر هر قوم
 صبر ایل پادشاهم دیوب بر مدت دخی هرور ندن صکر خاقان نه سوال ایلد کده
 اول وزیر عاقل پادشاهم بوسنک بکا تکلیف ایلدیکک خصوصک اسکافی بو قدر
 سزک بوا مرکه سبب فقط حسد اولدیغنی فهم ایلدم و حسدک مضرتی حاسده
 عائد و رایج اولدیغنی بلدیکمدن بلکه امرار وقت ایل بو حسد زائل اولور
 امید ایل سزی صبر ایلد دیوشده دیک تعویق ایلدم بو خسه بن ملوک حقنده نصب
 خیال مکیده ته جسارت ایده مم شامتندن قورقارم دیک که خاقان اول وزیره غضب
 ایلدی ببعده خاقانک آخر بر وزیر و ارایدیکه فرط حیل و خدعه و خبت طبیعه ایل
 مجبول بر مرد شیر ایدی اول وزیر شیر بر ناصاف ضمیرینی احضار و بومر امنک
 تشیتی اکا حاله و تکلیف و اول دخی تعهد ایلد کدنصکره اول وزیر شیر
 واروب افراد عسکریه دن حیل و جسارت ایل مشهور بر شخص فتاک کی کتوروب
 بو خصوصک نظامنی انک عهده خباثتنه احاله و کید و حیل ایل بهرامک اعدام
 و ازاله سی خدمتنده بولندیغنی صورتده کندویه وبعده اولاد اولادینه تأیید
 و جملله ریاست جنود خاقانیه رتبه سن توجیه تعهد و سائر دلخواه لری نک اسماعقنه
 تکفل مثلاً و وعده لرایدرک اول شخص فتانی تعیین ایتمکله شخص هر قوم دخی
 طریق فساد و خباثتده کندونک بولداشی و قرنداشی اولان بر مرد قلاشی
 یله جه الوب طوغرو بهرامک دارالملک کنه وارد قلنده اول شخص فتاک کی قرنداشی
 مذکور غلام اسیر مدر دیو بهرامک خدمه خاصه سرایندن برینه فروخت
 ایلد کدنصکره اول شخص فتال اجرای ملعنت مافی الضمیر لری نه وسیله اولمق
 خیال ایل کندوی میبایعه ایدن اغاسنک لیل و نه ار تحصیل رضا سنده
 و خدمات لازمه سنده ظهور ایدن جد و اهتامی اغاسنک کمال محبت و فرط اعتمادینی
 موجب اولمغله کافه امور و خدمتک اکا حاله و کندونک خدمت خاصه سی
 اولان محافظه و محاربه قصر بهرامی دخی تفویض ایلدی بر کیجه اغاسی خسته
 اولوب فتال برینه قصر بهرام محافظه سنده قیام اوزره ایکن اول قصر نه مقابله
 واقع بهرامک جبه خانه سنی تاشا ایچون بکچیلرندن استیذان ایل جبه خانه یه کیروب
 کنار و گوشه سن سیر ایدرکن بر تقریب کیزلوجه جبه خانه نک بر طرفنه قونداق

بر اقوب برازمدند نص کره جبه خانه طو توشوب اشتغال و خدمه و حراس جبه خانه
 آتشی سوندرد که مبادرت و اشتغال ائناسند به کیفیتی بهرام دخی ایشیدوب
 حرم سرایندن آتیه بوب و جبه خانه یا تته کلوب اول آتشی سوندرد که اتمام ایدن
 خدمه به نظارت اوزره ایکن اول شخص فتاک ائته از فرصت خیالیه خنجری
 غلافندن اخراج و اینه الوب یکیله اورته رک بهرامه یقلا شد قد بهرام اول
 شخصک وضع و حرکتندن سوء قصد دینی فهم ایتمکه علی الغفله آتندن اول
 شخصک اوزرینه آتیلوب ایکی قوللرندن قبض و خنجرینی الندن اخذ و مأخوذ
 ایدرک قصرینه کتوروب بر مقدار خلوت و کیزلوجه بوب کیفیتک سبب
 و حقیقتندن سؤال و ابرام ایدوب اول شخص دخی حقیقت کیفیت اولدیغی کی
 تقریر ایلد کده بهرام دخی اول شخصه تأمین و تطمین ضمننده سن خاقانک
 بنده لرندن اولدیغکه بناء خاقانک امرینه امتثالاً بویله مهله کی اختیاری و رضاسنی
 تحصیل بذل نفس ایلد لکن بوبابده خاقان سنی صیانت ایلماش بن صیانت
 ایدوب برقاج کون حبس و بعده اطلاق و اکرام ایلد سبیل کی تخلیه ایده رم سن
 رفیق کی بزه کو ستردید کده * خبر ویرمکه انی دخی کتوروب ایکسنی دخی قید
 و بنددن آسوده اوله رق مسافر یوللومکر ما برخانه ده کوز حبسنه قویوب بوسری
 کتم ایلرینی تنبیه و تأکید ایلدی * اول ائناده بهرامک اولکه سنده واقع قرا
 اها ایسندن بر چفته چینک بر قزی و ارایدیکه قد و قامت بالاسی مانده سرو سبی
 آزاده و زلف مشکین سیاهی تابحال مالیده * صفای جسم نازنینی رونق شکن
 لؤلؤ تر حسن چهره دلارایی رشکین ساز مهر و قر * تاتار غمزده دل آشوبی یغما کر
 خاتمان عقل فلاتون * و جنبش و رفتار قشقه پردازی یاد آور خیال کونا کون
 برد خشرین ادا و د و شیزه بیثل و همتا ایدی * بوب کیفیت وقوعندن
 مقدمه اول دخترک حسن و جمال و عقل و ادب و کمالی بهرامه اخبار اولمغله
 کتوروب تماشا ایلد یکنده اگر چه اول جوهر کان ملاحظتک قطعه حسن و بهاسی
 تمام نکیندان طبع بهرامه موافق و مطابق ظهور ایدوب لکن سفالت نسب
 و خساست رتبه ابی اول الماسپاره لطافتی زیب انکشتین ازدواج ایلد کدن باعث
 انقه و امتناع بهرام اولمغله * اول قزل اولدیغی قریه حاکمه امر ایلد یک اول قزی
 بر کسه به عقد و تزویج ایتدیر میوب باباسی خانه سنده توقیف ایده لر * خاقان
 طرفندن بوحادثه ظهور ایدوب اول شخص فتاک سوء قصدی فهم و اخذ
 و حبس اولند قد نص کره بهرام دخی کند و اصحاب بدن عقل و ذکا و حیل و دهاده

متفنن و ماهر بر مردمکاری احضار و خاقانه جنس عمایه مکافات قصه را یلد یکن
 اخبار و کند و خیاالنده مصنع ورنکین طرح ایلد یکی زمین کیمد و احتیالی بیان
 و تفهیم و وقتی وافر زروسیم و انواع جواهر و ذخائر تسلیم اینکله اول
 مردمکار تجار هیئتینه کیردی اهالی اقلیم فرسك عادتلزندن ایدیکه چن
 شاهاری طرفندن برکسنه وسع و قدرتیدن زیاده تکالیف تحمیلی ایلد
 تضییق اوانسه اول کسنه اولادینی فروخت برله ادای تکلیف ایدرایدی
 بودفعه دخی بهرام طرفندن اول قزلک باباسنه لاجل المصلحه تکالیف
 کران تحمیل اولغنه فرمان یورلدیغنه بناء اول قزلک اولدیغی قریه حاکمی
 طرفندن قزلک باباسنه تکلیف کران تحمیل و تضییق اولنوب باباسی ناچار
 اول قزی عرض بازار مباحعه ایلد کده اول مردمکار وافر دینار و یروب
 اشترا و استعجاب ایدوب بلادترکه عزیمت و طوغرو خاقانک اولدیغی بلدهیه
 واروب اقامت ایلد کدنصرکه مقدمه خاقان طرفندن ترتیب مقدمات سکیدت
 ایدن وزیرینه تقدیم هدایای کثیره نفیسه ایلد بولشوب وضع اساس معارفه
 و مناسبه و صبح و مسا تردد و تلاقی ایلد تحکیم بنیان موانسه ایلد کدنصرکه
 برکونینه وزیر ایلد ملاقاتلزنده اثنای محبتده اول مردمکار بوزمینده طرح دام
 سکیدت و احتیاله مباشرت و آغاز ایلد یککه برمدتدنبرو سزکله اولان الفت
 و موانستهمیل محبت درونمی درجه غایبه ایصال ایلد کدن ناشی بوانه دل
 عندمده جوهر خاتم کبی نفیس و کند و کوزمدن ستر و حفظ ایلد یکم بر تحفه
 بی مثل و عدیل و اردرانی سزه اهدا ایلد استرم دیوب وزیر دخی اول تحفه نه مقوله
 نقایسدندر دیوسوال ایلد کده بالاده ذکر اولنسان جاریه نک حسن دلاراسی
 مدح و وصفه آغاز ایدوب بر درجه مبالغه و اطرا ایلد یککه وزیرک صبر و آرامه
 مجالی قالمیوب اول جاریه نک احضارینی نیازه باشلدی و وقتا که جاریه احضار
 اولنوب بر توحسن دل افروزی روشناساز عیون وزیر اولد قدده شعله لطافت جمالی
 جان و جگرین پنبه مثالی سوزان و عقل و هوشن دخی صبر و سکونی کبی پریشان
 ایلد یکنندن وزیر ناچار همان پرنندن صبر ایوب دودست آرزوسین منطقه سوی
 میانی و رنجه بوس کردن و دهنی تسکین ساز حرارت دل و جانی ایلد کدنصرکه کمال
 مخلوطینندن ناشی اول مرده نه استرس استه سکا و برهیم دید کده اول مردمکار
 دخی برشی استم مطلوب همان سنک سایه قرب و حمایه کده بوانمدر دید کدنصرکه
 وزیرک مجلسندن خروج و طوغرو خاقانک سراینه واروب خواص اتباعندن

برینک و ساطتیه حضور خاقانه دخول و تقدیم رسم تکریم برله بوجمله عرض
 مافی الضمیرہ باشلیوب قولکز تجارت ایلہ بوحوالیلرہ عزیمت مراد ایلدیکمده
 مخصوص جنابکز ایچون بر تحفه نفیسه تدارک ایلدیکمده او مقوله تحفه لطیفه
 جناب ملوکانه کردن غیره شایسته دکادر کتوروب حضور خاقانی به عرض
 و تقدیم ایچون وزیر کزه و بردیه کده وزیر کز اول تحفه بی کند و نفسیچون
 ایقویوب بوسری کتم ایتک ایچون بکافتی وافر مال عرض ایلدی قبول ایتدم
 دیوب * خاقان دخی ندر اول تحفه دیوسؤال ایلدیکده اول جاریه بی مدح و ثنا
 و وصفنده غایت مبالغه ایلدیکده خاقان قولاقدن عاشق اولوب در عقب آدمیر
 تعیین و سر یعاروب علی الغفله وزیرک اوزرینه هجوم و جاریه ایلہ ایکسی معا
 عیون ناسدن مستورا حضور خاقانه ایصال اولندقلزنده وزیرک نه کونام عامله
 ایلدیکنی جاریه دن سؤال ایدوب جاریه دخی وزیر مذکورک همان فخل
 دلجوی باغ وصلندن اقتطاف شفتالوی رخسار * واجتنبای میوه بوس کردن
 تابدار ایلہ شرینکام اولوب هنوز غنچه سر بسته عصمتنه حواله دست فضاحت
 ایلدیکسزین مأمورینک هجوم ایلدکارین تقریر ایتدیکله * در حال وزیر مذکورک
 ایکی الارین قطع و کوزلرین قلع و اسان و شفاهنی بریده مقراض جزا
 ایلدکدنصکره خاقان بی آرام اولوب جاریه ایلہ خلوت و اول سرو دلکشی مانند
 سایه * افکنده زمین وصلت و مهر کنجینه عفتن برده دست مواصلت * ایلدیکده
 جاریه دخی در عقب باشندن نقابنی انه الوب نقایله خاقانک آلت رجلیه سن
 سیلوب تطهیر ایلدیکی آنده خاقانک آلت رجلیه سنده بروجع پیداودقیقه بدقیقه
 نورم و انتفاخ ایلہ خاقان غایت مضطرب اولوب اطبایه مراجعت ایلدیکده
 اتفاق اطبا ایلہ عضومذکوری قطع و ازاله دن غیری چاره اولدیغندن ناچار
 اول عضوی قطع ایدوب درد و المی تسکین و بوحالت آثار سم قاتل اولدیغنه
 تحصیل یقین اولمغله * جاریه بی کتورن اول مردمکار طلب و تحری اولندقدده
 بوانمیوب برمدت تدبیر و مداوات ایلہ خاقانک اثر علی کلیا مندفع و زائل
 اولدقدنصکره اول جاریه کتوردلوب نفسندن واهل و بلادندن سؤال
 اولندقدده * جاریه نقل سرگذشته به آماز ایدوب قریه مزک عاملی بابای تحمیل
 تکالیف کران ایلہ تضییق ایتدیکله بابامدخی عادت بلده من اوزره بالضروره بی
 فروخت و بو آدم اشترا ایا یوب بوحوالی به وصولزده بونقابی بکاویروب سنی بن
 پادشاه بیع ایده حکم چن پادشاه سنی بعد الاشترا تقرب و توصل ایدرایسه

بونقاب ایلد یادشاهک آلت رجه سن سیلوب تطهر ایلد قاعده وادب ملوک ایلد در
 دیوتعلیم ایلدی بوندن غیری سینه واقف دکلم دیوتقریر ایتمکله * جاریه ناک
 بونده صنع و قباحتی اولدیغی معلوم اولدیغندن سوء مجازات معامله سندن
 مصونه اولدی * وقتا که اول مردمکار بو حیل و خدعه بی اجر و انفاذ دندن صکره
 فرار و طوغرو بهرامه واروب کیفیتی اخبار ایتمکله * بهرام دخی خاقانه بر مکتوب
 تحریر و درو تنده بغی و حسد سنی و وزیر یکی گرفتار قیدندامت و بلا ایلدی
 بن سنک خبث نیت و حسد یکی آکلزدن مقدم سکا درجه اخوتدن زیاده مودت
 و محبت ایلشیدم و سکا اولان نیت و اعتقاد م خالص و صالح اولدیغنه بناء بنم
 حقه ده اراده ایلدیکک سوء قصدک اثر بی جناب باری سنک طرفکه ارجاع
 ایلدی اسکر سن میانه مرده اولان مسالیه به و محبت و موالاته رعایت ایتمش
 اولیدک طرف خزدن بو کونا سوء مکافات ظهور ایلزدی ما کنی درج و تسطیر و مقدا
 خاقان طرفندن اشعال نائرة مکیدت ایچون بهرام طرفته ورود ایلد کد نصکره
 طو نیلوب اخذ و حبس اولنار هر دفته الیه جانب خاقانه تسیر ایلدیوب بعد الوصول
 خاقانک حیت نفسانیه سی فوران ایتمکله تجهیز عساکر ایدوب بهرام ایلد مقابله
 ایچون اقلیم فارسه عزیمت و بهرام دخی اشیدوب اجناد کثیره ایلد مقابله به
 مبارزت و طرح نطع معرکه و مبارزت ایلد کارنده عسکر خاقان منہزم و بهرام
 غالب و خاقانک مما لکنه مستولی اولوب اموال و اسرای و افره ایلد مغتتم اولمغله
 خاقانک بو مرتبه بلایا به و خسارات بی انتهایه مبتلا اولمسنه مجرد حسدی باعث
 و سبب اولدی (اوصاف ذمیه دن اون ایکنی وصف عجله در) معلوم اوله که
 تحقیق عجله انجمای قبیح و اثری مذموم بروصفدرکه نتیجه سی خفت و تهو و واولی
 ملوم و آخری ندامت اولوب زالی و خطادن خالی دکادر * حدیث شریفده وارد
 اولمشد که (العجله من الشیطان) عجله شیطان طرفندن ظهور ایدر * دینلمشد که
 عجل اولان کسنه ممدوح اولمز و غضوب اولان کسنه مسرور اولمز و حریص
 اولان غنی اولمز (حکایت) اولنور که ملوک رومدن درت کسنه بر حکیمک عندنده
 جمع اولوب بزه امر ملکه دفع و فائده ویره جک بروصیت ایلد دید کارنده مذکور
 دخی قنغیکر نفسکزی درت شیندن منع ایدر سکر مکر و هدن یعنی استمدیککز
 حالت ردیه دن امین اولور سکر * اول درت شی بونلدر عجله بلججه غضب توانی
 زیرا عجله دن ندامت و بلججه دن حیرت و غضبدن بغض و توانی و کسلدن ذلت
 حاصل اولوریدی * دینلمشد که نواب یعنی حوادث کونیه وقوعنده ثبات

کو ستر ملک ارباب تجربه نیک معقل و قلعه سیدر * یعنی صبر و ثبات و تحمل ایله کشی
 حادثه دن مصون اولور و عجله کلی محذوری داعی و موجب در * ملوک یغندن بری
 خلفه بویه وصیت ایدوب دیدیکه * اللهدن قورقا کر اللهدن قورقارسک سکا
 زیاده لک و پروب سندن رانی اولور * و جناب باری سندن رانی اولد قده سنی دخی
 رضا ایدر * و فوتدن قورقلیان امورده عجله ایله زیراعجله موجب ندامت دروچن
 برایشده شک و اشتباه ایدرسک مشاوره ایله * و چن برکسنه دن تهمت ظهور ایدر
 ایسه بعد التحقیق اول کسنه یی خدمتندن تبدیل ایله * و اعتنا ایلدیکل شئی
 تجربه ایله * و کلامکده صادق اول * و عده که انجازه ایله * و تهدیدیکه انفاذ و ایقاع ایله
 معلوم اوله که کند و دائره کده بولسان خواص اتباعکی ضبطه قادر اولورسک
 خارج و بعید بولسان عوام نامی ضبطه قادر اولورسک * و دخی برواحساندن غیری
 فعاده عجله مذموم در بر واحسانده عجله مدوح و محمود در * بعض حکم ملوک
 اوج خصلت ایله عجله وصیت ایلدیلر * بری وقت غضبه عفو بیک تأخیری *
 ایکنجیسی افعال حسنه و خدمات مستحسنه ده بولسانلره مکافاتک تعجیلی *
 اوچنجیسی وقت نزول حادثه ده تأنی و صبر * زیرا عفو بیک تأخیرنده عفو و بر
 واحسانک تعجیلنده رعایانک سرعت مطاوعتی * و وقوع حادثه ده اولان تأنی
 و صبرده رأی صوابک وضوحی مأمول و ملحوظ در * ملوک کن بعضیسی ولی
 عهدینه بویه وصیت ایلدیکه چن خیر قصد ایدرسک عجله ایدوب خلافی مراد
 ایلدکده تأنی ایله * و ناسه مرحمت ایله که تگری دخی سکا مرحمت ایله * دینلشدر که
 اوج شیئدن غیریده عجله مذموم و قبیح در * بری انعام واحسانده بری نکاح
 اولسان بیکری زوجنه ایصالده و بری دفن میتده (اوصاف ذمیمه دن
 اون اوچنجی وصف مزاحدر) تحقیقا مزاح کشی یی امور مهمه دن اشغال
 و حوادث نازله دن اغفال و هیبت و وقاری ازاله و حسن و بهاء آدابی اذهاب
 و سفهای جری قیلر اولی شیرین و آخری عداوت رهیندر * عمر بن عبدالعزیز
 رضی الله عنه بیوررلر که سز مزاحدن صا قنوب احتراز ایدک زیرا
 مزاح بر در لوجه قدر که حقد و عداوت کتورر * اکتم بن صفی دیر که مزاح محاسن
 و مهابتی کیدرر * مسلم بن قتیبه رحمه الله علیه اولادینه وصیت ایدوب دیر که سز
 ممازحه دن احتراز ایدک زیرا سزی عیون اعدا کرده حقیر ایدوب اقرانک
 دخی سزک علیه کزه جرائت لینه بادی اولور * زیرا مزاح مهابتی ازاله و صحبتی قطع
 ایدر اولی فرح آخری ترحدری یعنی کدر در * دینلشدر که مزاح عیون رعیتده ملوکک

عظمت شانه نقص و پرورسفه حرمتن زائل ایدر * دینلمشدر که هر کیمک عقلنده
 قلت اولسه هزلی کثیر اولور * و دینلدیکه مزاح بر درلوعلاج قبول ایلمیان علتدر
 و دینلمشدر که مزاحک خیری نابود و شری نامعدوددر * عمر بن الخطاب رضی الله
 تعالی عنه حضرتلری بیوررلوکه برکسنه علی الدوام نه ایله مألوف اولور ایسه
 اول شی ایله مشهور اولور و برکسنه مزاح ایدر ایسه عیون اقرانده حقیر اولور
 چوق کولر ایسه مهابتی زائل اولور و برکسنه نفسی تهمته عرض والقا ایله
 بردخی سوء ظندن قورتالمز * محمد بن العاص اوغلنه نصیح ایدوب دیرکه
 کندو کدن یوکار ایله هزل و مزاح ایتمه که سکا حقد و عداوت ایدر لرودلی کسنه لر
 ایله مزاح ایدر ایسک سکا ذل و حقارت کتورر * و دینلمشدر که هر شیئک تخمی
 وارد در عداوتک تخمی دخی هزل و مزاحدر * معلوم اوله که نفوس انسانه
 هر چن حددن زیاده سامت و کلال کلوب مضطرب اولسه اولوقت دفع کلال
 و سامت ایچون جزو یجه مزاحه میل لازمه دندر * زیرا فرط کلال و سامت انسانی
 سیء الخلق ایدر بوعلته بناء دفع سامت ایده جک قدر مزاحه رخصت وارد
 و ابوالفتح بستی بویاتی خوش نظم ایلمشدر
 * (شعر) *

افد طبعک الماکدود بالکد راحة * ترحمه وعله بشیء من المزح
 ولكن اذا عطيته المزح فليكن * بمقدار ما تعطى الطعام من الملح
 مضمون ایات چن بر شیء له اشتغال کده طبعکد سامت یعنی اوصانوب کمال ثقلت
 کولر ایسه اولوقت اول شیء برمه دار ترک ایدوب طبعکی اراحه و جزو یجه
 مزاح ایله تنشیط ایله لکن اول حالده دخی مزاحی اول مرتبه ایله که طعامه طوز
 نمقدار قونور ایسه اولقدر اوله یعنی طعامه زیاده و نقصان طوز قونسه لذتی زائل
 اولدیغی کبی مزاح دخی غایت آزا و اسه تنشیط خاطر ایتمز افراط اولسه بالاده
 ذکر اوانان محذورلری ایراث ایدر همان تنشیط خاطر ایده جک قدر اولور
 حدیث شریفده وارد اولمشدر که (انی لا امزح ولا اقول الا خفاء) خوای لطیفی
 تحقیق این مزاح ایلم و مزاح سو یلم الا حسب الاقتضا خفاء ایدرم دیمکدر *
 معید بن العاص اوغلنه دیمشکه ای اوغل مزاحی غایت آزا ایله زیر افراط مزاح
 محاسن انسانی زائل وعلیهنه سفهائی جری ایدر * و مزاحی کلیات ترک دخی
 مصاحب و مواسک اولان احباب و یارانک بغض و انقطاعلرینی موجب اولور
 بو تقدیرجه احبابکله انس و الفتی ایجاب ایده جک قدر مزاح واطیفه بی ترک ایله
 لکن بو حدی تجاوزدن حذر ایله * بعض حکما دیمشدر که اعدا الایله بمزاحه ایلمک

عیوبی اظهار ایدر (اوصاف ذمیه دن اون دردنی وصف نمکدر) یعنی
 کولسکدر کثرت ضحک دخی مزاح مثلاً و مذمومدر * و ملوک عظام حضراته
 و مناصب عالیہ اصحابہ کثرت ضحک مناسب دکدر * زیرا هیبت و وقاری ازاله
 و ادبی تقلیل ایدر * ابوذر الغفاری رضی الله عنه حضرت تری نه صاحب سعادت
 افند من علیه الصلاة والسلام حضرت تری بیورر لکه کثرت ضحکدن احتراز ایله
 زیرا کثرت ضحک قلبی امانه و بهاء و جبهی ازاله ایدر * عمر بن الخطاب رضی الله
 تعالی عنه حضرت تری بیورر هر کیمکه چوق کولرایسه هیبتی قلیل اولور و هر کیم
 نه کوناشیئی چوق ایشلرایسه اول شیء ایله شهرت بولور و لکن حسب البشر به بعضا
 انسانی کولدوره جنک شیء کورلوب یا خود اشیدلوب کولمک لازم کلسه اول
 وقتده تبسم ایله اکتفا و انوب قهقهه ایله کولنمیه و مزاح باینده تحریر اولنان
 شروطه رعایت اولنه (اوصاف ذمیه دن اون بشنی وصف غدر در) معلوم
 اوله که بعد العهد غدر حرام در و غدرک انجای هلاک و دمار ایجاب ایدر و غدر
 برکسنه ایله عقد رابطه معااهده ایلد که نصکره اول عهده وفا ایلمکه دیر لر لایق
 اولان اولدر که ماده معهوده نک یعنی عهد اولنان ماده نک مدتی تمام اولمزدن
 اول عهده نقض ایلیمه لر جناب عزوجل بیورر (یا ایها الذین آمنوا و فوا بالعقود)
 وینه حضرت جل و علا بیورر (فا استقاموا لکم فاستقیموا لهم) معنای
 ظاهری سی طائفه قریش یوم حدیبیه ده سز که عقد ایلدکاری معااهده لرنده
 ثابت و مقیم اولد بجه سزدخی عهد کرده ثابت اولک دیمکدر و الله اعلم * سلیمان بن
 عامر دن هر ویدر که حضرت معاویه ایل طائفه روم بیننده رابطه معااهده
 معقود ایکن حضرت معاویه اراضی رومه اغاره قصه دیکه لشکر کش عزیمت
 اولد قده عمرو بن عبسه حضرت معاویه به دیدیلر که بر کون صاحب سعادت
 افندیمزک علیه السلام مبارک لسان لرندن مسموع اولدیکه برکسنه نک بر قوم ایله
 بینلرنده رابطه معااهده منعقد اولور ایلسه تامدت معااهده منقضیه اولد بجه
 عقد معااهده بی حل و حله و هجومه ابتدایلسون یا خود نقض عهده
 مقدحجه اول قومه اخبار ایل طرفین نقض عهده بلمکده مساوی اوله لکه حتی
 غدر بولنمیه بیوردیلر دید کده * حضرت معاویه اول عزیمتدن منصرف اولدی
 بعض حکما دیدیلر که غدر هلا که مسارعیت و زوال ملک اقتصا ایدر * دینلر دیکه
 غضبک طاولیسی ار قدر یعنی غضب ضعف و وهن نتیجه ویرر و والیء غدار
 معزولدر یعنی غدار اولان و الینک زوالی سر یعدر و جیش عدوان مغلولدر یعنی

ظلم وعدوان ايله مألوف اولان عسکر باغلودر کویا ایشه پرامن لر و عرنین طغیان
 مشلول در یعنی طغیان ايله مألوف اولان رؤسا و سادات قوم مقطوع الید در کویا
 دست همت و قدرت لری قاصر در * و دینلمش در که هر دوشکنک بر قولته قلیوب
 قالدیر بجیسی وارد رالا غدر ايله مألوف اولان دوشکنه کسنه دستگیر اولمز بلکه
 او مقوله غدارک دوشمه سنه قلوب عامه مترقیدر لر و مسرور اولور لر * حکمادن بری
 عصرینک ملکنه دیدیکه سکا بش خصات ايله وصیت ایدر که اول خصلمتله
 رعایت ایدر ايسک جناب باری سندن راضی و رعایا طائفه سی دخی شا کرو صالح
 اولور * اولان ایشدن صعوت بلوا اولان یوقشه سهولت ايله چیقدیغکه الدائم یعنی
 نتیجه ووراسنده صعوبت اولان امورک بدایتنده کوریشان سهولته مغرور
 اولمه * ثانیاً و فافاجازینه قادر اولمه چغک وعدی ايله * ثالثاً امورک
 جاه لرندن حذر اوزره اول * یعنی نیچه امور واردر که آکسزین ظهور ایدر دائماً
 بصیرت اوزره بولان * رابعاً امور ایچون مجازات و مکافات در کاردر عوایقندن
 اتقا ايله یعنی اموره تراخی و اهماله رخصت کوسترمه که بر عائق ظهوری
 تمسیتنه مانع اولمه * خامساً غدردن حذر ایلدیرا انسانی ورطه هلاکه دوشر
 ابو مسلم خراسانی اعدایی اوزرینه محاربه ایچون تعیین و تسبیح ایلدیکی
 عسا کره بویه توصیه و تنبیه ایلدی که قلیبکزه جرات و جسارتی شعار ایدلر زیرا
 جرات سبب ظفر در دشمن حقنده کین و عداوت کزی چوق چوق ذکر ایدلر زیرا
 بوحالت اقدامی اقتضا ایدر و طاعت باری به ملازمت ایدلر زیرا غدار ورطه هلاکه
 او غرر (حکایت) اولنور که ملک عجم فیروز ايله ملک هیاطله اولان خوشنوازک
 میانه لرنده منعقد اولان رابطه معاهده بی نقضله فیروز بلاد خوشنوازه لشکر کش
 عزیمت اولد قده حکمادن بری فیروزه خطاب ایدوب ای ملک جناب خداوند بیچون
 بر پادشاه مادامکه ارکان دینی هدمه مبادرت ایلیمه اشلدیکی جور و ظلمک مجازاتنده
 امهال و تأخیر ایدر هر چن هدم ارکان دینه مبادرت ایدر ایشه اول وقتده
 بلامهال سوء مجازاتی اجرا و انفاذ ایلر و عقد میثاق ارکان دیندن اولغله بونقض
 عهد عزیمتدن نکول ايله دیدکده * حکیمک بو کلام حکمت انسامنه قطعاً
 التفات و اصغایلیوب خوشنوازه ملاقات و محاربه وقتاله در کار اولد قلرنده
 عسکر فیروز منهرم و ممالک و بلاد ایشه لشکر خوشنوازه مستولی اولوب بلاموجب
 نقض عهد و خاتمن مشاهده ایلدی * اوصاف ذمیجه نک بیانی بو محمله تمام اولغله
 حد اعتدال دن خروجی موجب اولان اعراض ثلاثه ردیه نک بیاتنه شروع

او اندی (عرض اول و ثانی هم و غم در که) بویکی عرض چن بر کس نه به افراط و زره
 طاری و عارض اولسه لراول کس نه نک نفس نه الم و اذا ایراث و جسم نه دخی
 بر حالت ردیه کتورر لکه تلافی و تد او یسی ممکن اولمیوب امور مهمه ده تقصیر
 و تد بیر عقل و شعورینه ضعف و خلل طریانه سبب اولور لرو بویکی عرض دن بر احد
 ایچون مخلص اولمیوب حوادث مله و نوائبات مهمه مقتضایله البته هر کسه
 طاری و لاحق اولور * هم شول شیئه دیر لکه نفس کله جک زمانده اول شیئن
 حد و ثنه متوقع و امید وار اولور * و غم زمان ماضیده کیچن شیئی ایچون نفسک
 متکدر و محزون اولسنه دیر لرو صورتده ملوک عظام حضراته لایق اولان
 اولدر که بویکی عرض دن بری طاری اولد قده نفس نفیس همایونلرین و وجود
 عالمسودلرین اراحه و شرع شریفده مباح قلنان مسراتدن بریله تلذذ و انبساط
 تحصیلده دفع غموم و هموم و حفظ صحت ییوروب لکن بو عرضلری دفع ایده جک
 قدر اسباب سرور ایله اکتفا ییوره لور * زیرا اهل افراطی دخی تد بیر مصالح ملکیده دن
 اشغال ایلک حسیله ضروری غمدن آزاد دکلدر * ملک عادل نورالدین محموده چن
 غم و هم طاری اولسه و نذر زلده ساحه سرای خاصه سنده لعب کوی
 و چوکان ایله کیجه لرده لعب شطرنج ایله دفع غم و همه تد بیر ایدر لر ایش (اعراض
 ثلاثه دن اوچنجیسی سکر شرابدر) معلوم اوله که سکر جله ادیانده حرامدر
 اختلافلری همان سکر و یرن شیئه در تحریم شرایعدن بشقه سکر ک قبحنده
 اصحاب عقول دخی اتفاق ایتمشلدن زیر اسکر بر عرض ردیدر که صاحبی انواع
 بلایه و اسقامه گرفتار ایدر * حکمای طب بیان ایلمشلدن سکر ک افراطی صاحبنه
 بغته سخته و اختناق و امتلاء بطن علت هائله لرین ایراث و اکثریاحیات حاره
 و اورام دمویه و صفراویه و ریشه و فالج مثل الواسقاهی احداث ایدر * مع هذا
 صاحبی عقل و هوشدن دور و درک مطالب بدن مشغول و مهجور و استقامت
 تدبیردن محروم و عیون ناسده و قارینی مسلوب و مرتبه سن منخط و دون ایلر *
 خود دار عقبا ده بمقدار عذاب الیم و نکال و خیمی اقتضا ایلیه جکی آشکاردر

* (یدنجی باب ملوک عظام حضراتک حضور عالی لرنده و رکوب همایونلرنده
 اولیای دولت لر ینک مراتب لری بیاتنده در) *

معلوم اوله که ملوک امم سالقه مختلفه الاجناسدن هر بری کسب امتیاز
 ضمننده برر کونه می اسم و آداب رعایت ایله اقامه ایهت ملوکانه ایتمکله جمله سنک
 آداب و رسومی احاطه حیطة تحریردن خارج و شرح و بیان لرنده فائده معتد

بهانایاب اولدیغندن غیرى انلره نشیبه شرعامنه و ممنوع اولوب و خلفاء عباسیه
 عمده ملوک سالغه اولدقلرینه بناء بویا بده همان دولت عباسیه به اقتصار ایله رسوم
 و آداب مرعیه لری علی وجه الاختصار ذکر و بیان اولنور * خلفای مشارالیم
 طبقات اعوان و اولیا لرینی اوچه حصرا یشملر ایدی (طبقه اولی) افراد
 جنود و عسکر به و هنوز اکتساب درجات و مراتب ایلمیان غلمان (طبقه ثانیه)
 ضابطان عسکر به دن و سائر خدمه دولت دن وسط مرتبه لرده بولنا نلر (طبقه
 ثالثه) سرعسکران و وزرا و رؤسا و کبرا و علما و قضات که بو طبقه ده بولنا نلر
 دولت سرای شاهانه ده موقع و موقعی سرپرده ملوکانه به قریب
 دهلز خاصه در * و هر چن وزرا و وکلا و رجال و ضابطان و افراد عساکر و سائر
 خدمه دولت حسب الرسم سرای عالیه ملوکانه ده مجتمع اولسه لر ذکر اولنان
 طبقات ثلاثه اصحاب دن هر بری موقع لایقنده قیام ایلیوب بربر لرینه
 قارخیز لردی * و بریسی کندونک مافوقنه تقدم ایلمزدی و برنقریب تقدم ایلسه
 حاجب لر ترتیب لرینه نظام و بربر لر ایدی * و سر حاجبین نزد سریر خلافته مورد اولان
 باب سعادت ایله وزیر عصره ملاصقه قرار ایدوب و باب سعادتک و راستنه کسنه
 نظرا یشمون ایچون پرده عالیه سی صالیو یریلوب چن خلیفه جناب لری خدمه
 خاصه لر یله معا قرار کاهلرندن خروج و باب السعادتک داخلنده موضوع
 و مفروش اولان سریر سلطنت لرنده قعود بیوردقلرنده خادم معین و مخصوص لری
 اولان غلام نظافت ارتسام انه بریولم مذبه یعنی سنکک الوب نزد سریر شاهانه ده
 خدمت مکرر ایدیه قیام بعده خادم حرم خاص باب سعادت دن خروج
 و سر حاجب نی دعوت و اول دخی پرده عالیه سی اراق ایدوب دخول و صحن دارده
 حضور ملوکانه ده قرار بعده وزیر دخی دعوت اولمغله اوکنجه بر حاجب تقدم
 ایدرک و اروب سریر سلطنته تقرب ایلدکده حاجب عودت و وزیر منفردا
 رومال خاکبای ملوکانه دنصکره جانب یمین سریر شاهانه به بش ذراع مقداری
 قریب محله توقف بعده امیر الجیش یعنی سرعسکر لری دخی وزیر لری کبی
 حاجب اوکنجه تقدم ایدرک دخول و بعد از ادای رسم عبودیت جانب یسار
 سریر سلطنته قیام بعده حجاب زمره سی و رؤسای خدم دعوت اولنوب دخول
 و علی مراتبهم میمنه و میسره موافق لایقه لرنده وقوف بعده علما و فقها و قضاة
 دخی بالدعوه دخول و جانب یمین سریر پرده وزیرک آلت طرفنده قرار بعده رؤسای
 اطباء دعوت اولمغله کلوب آحق میدانده توقف و کندولردن برسوال افتضا

ایلد کده ناسک خروجی وقتنده حضور خلیفه به تقدم ایدرلردی * بعده غلمان
 و جنود و عساکر و سائر حاضرین چاغریلوب انلردخی اوستی آچق میدانده بجهلنک
 خلفنده صف بسته اولوب قیام و بو ترتیب ایله بر ساعت قدر آرام ایله بجهل مشهور
 لحظه خلافتیناه اولدقدنمه کده علی مراتبهم خروجه آغاز ایلد کده وزیرلری
 بجهلدن تأخرو بر مدت طویل دخی توقف و بعض کره ~~مکسر~~ سرائلق ایدن خادم
 مذکور کیر و چکیلوب وزیرلری النسه بر کوچک سنکک الووب برار زمان هم
 مکسر سرائلق خدمتنده قیام و بعض امور مهمه مذاکره ایدر ایکن بالاده مذکور
 اولان سر حاجین دخی چاغراسه ایشیده جک قدر اراقده آرام و بعده وزیرلری
 حاجب ایله معا خروج و دهلیز مخصوصده ینه معا او توروب امور ملکیه و حوائج
 سائر به نظارت و رؤیت و بعده بجهل سی محالار ینه عودت و رجعت ایدرلردی *
 و هر چن حاجب اولیای دولتلرندن برینی تقبیل ید و یا خود بر آخر خدمت ایچون
 حضور خلیفه به تقدم ایلاسه اول تقدیم ایلدیکی کسنه نک صول جانبنده بازوی
 یسار ینه محاربا یوریه رک کتوروب دست خلیفه یی تقبیل ایلدیکی کبی
 کیر و چکوب کیروده بربر ینه متقارب متوالیه قیام ایدن حاجبلردن یقیننده
 بولنان تسلیم و اول حاجبلردخی بربر ینه تسلیم ایدرک اخراج ایدرلردی * و چن
 خلیفه موکب خاص ملوکانه لرله بر محله عزیمت مراد ایلد ~~کده~~ ذکر اولانان
 زممرات مختلفه به امر اولنوب بجهل سی مسلح مواضع رکوبه ماشیا ورود و اول
 محله رکوب ایلیوب بر مقصدار حاجبلر یوللرده موکب اوکندن کسنه یی
 کچور میوب منع ایچون بجهل به تقدم و بعده خلیفه نک یدکاری و بعده شاهین و سائر
 حیوانات شکار لرله آوجیلری * و بعده ینه قدام موکبدن کسنه یی کچور عمل ایچون
 بر زممره حاجبلر * و بعده سر حاجبین و بعده سس ایشیدیلر جک قدر کیر و وجه موکب
 خاص ملوکانه لرله خلیفه جنابلری و ورای موکب خاصده وزیرلری بولنوب چن
 خلیفه جنابلری استدیکه وزیرلری ایلر و کوب خلیفه به بر درلو کافتی موجب
 اولیه جق درجه تقرب و بعد التکلم ینه محل مخصوصنه رجعت ایدرلردی * و بعده
 وزیرک خلفنده وجوه خدمه و رؤسا و سائر طبقات اولیا و بعده سة الری کسنه به
 مزاجه و یرمک ایچون آچقدن کیدوب و انلر ملاصق خلع معده و بعض کسوه
 و اطعمه خفیفه ایله مملو صندوقلری حامل قطارلر و خدمه نک و راستنده صدقات
 و جوائزه مأمور خادم مخصوص کفایه درجه سنده صرملری بره کبه به موضوعا
 استصواب ایلیوب علما و فقه و مؤذنین موکبلری و سطنده سیر و عزیمت

ایدرک یا ابواب قصر خلیفه دن و یا خود نزهتگاهدن برینسه و اصل اولد قلارنده حاجب و خدمه نك جمله سی نزول و اول محلی تجاوزاید نخبه دك ركاب خلیفه ده مشی و سیر و بعد التجاوزینه جمله سی ركوب ایدوب و هر قن خلیفه قصر ینسه عودت ایدر ایسه جمله سی ینسه نزول و قصر خلیفه ده اولان حاجب لک محل موقوفارینه دك ماشیا کیدر لردی * و خلیفه نك وقت ركوب و نزولنده بورور و طبلار ضرب اوانوردی * و پادشاه لک کثرت ركوب و ظهوره میل ییور میه لر زیر اارسلانی نادر کورن شهر اهالی سنك عیون و قلوبنده اارسلانك مهابتی عظیم اولوب دائمًا صحرالرده کزن چوبانلر صقجه صقجه اارسلانه تصادف و مشاهده ایلد الفت ایلد یکندن قلبنده مهابت اسد اول مرتبه دك در * و ركوب و ظهور دن کلی امتناع و انقطاع دخی کور میه لر زیر اقورد اراق اراق قیونك رای و کوز جیسی کور میسه در و نندن خوف رای کلیا زائل اولوب قیون سور یسنه هجومدن قطع اتحاشی ایلزدی * مؤلف رساله شیخ مر حومك وقتنه کنبه بوسرای سیخ فائیده چند روز نوبتن حکومت اولان ملوک سالقه میاتنده دولت عباسیه نك آداب و رسوم سلطنتی طوائف سائر یه نسبت مستحسن اولدیغنه بناء بوبابده آداب و رسوم دولت عباسیه بی انموزج اوله رق شرح و بیان ایلیموب بوعبد حنیر دخی خدمت ترجمه ده نسبت تقصیر و تسکاسدن تحاشیاترک ایتیموب ترجمه و تحریر ایلدم * یوخسه حالامسند آرای سریر سلطنت و رونق افزای تختگاه خلافت فرمانفرمای هفت کشور داور ینك بخت سعد اختر سلطان البرین و خاقان البحرین پادشاه نقوی پناه و شه نشاه عطوفت دستگاه افند هنر لدولت علیه ابد قرین و خلافت سنیه ابهت رهین ملوکانه لر یکه چار جهت اقطاره دمدمه انداز کوس شوکت و شان * و الیوم بر بنده فرمان برداری مسند حکومتگاه عباسیه ده حکمراندر * بویله بردولت عظمایشید الله ارکانه بالتأیید الی یوم الانتهانك اسباب فروحشت و آداب و رسوم شوکت و سلطنتی شیخ مومی الیه مشاهده ایلسه ایدی درون کابده بوبابی متضمن اولان چندین اوراقی پراکنده ساز نخبه الغا * و زبان ترجمان خامه عاجزانه مدخی بریده کزلاک استخیا اولوردی

*(سکزنجی باب مشورتك فضیلتی بیانده در) *

معلوم اوله که مشورت بر امره و ایضاح رأی مهمه هدايتك عینی و رشادك سبیلی و باب مغلق صوابك مفتاحیدر یعنی مبهم و مستور و مخفی اولان رأی صواب مشورت ایلد واضح و آشکار اولوردی و شارح یعنی حضرت عالم السیر و الخفایا و حبیب

جناب خدا عامه خالق مشورته ترغیب بیوررلر * جناب عز وجل صاحب
 سعادت رسول اکرم اند من علیه الصلاة والسلام حضرت تارینه بیوررلر که
 (فاعف عنهم واستغفرهم وشاورهم فی الامر) حسن بصری رضی الله تعالی
 عنه حضرت تارلی بیوررلر که مشاوره ایله امر اولاندیکه رأی صحیح واستنباط
 مقتضایه عمل اولنه * ضحاکدن منقولدر که مشاوره ایله انک ایچون امر
 اولاندیکه مشاوره نیک فضیلتی وفوائد عانده سی معلومدر * زیرا خواطر ناقبه
 وافکار صائبه برامره صرف واحاله اولنسه اول امرده صورت امکان مستور
 و مخفی قالمز * واستشاره یه رغبت ایتیموب کندی رأیه مستبد و مستقل اولان
 کسنه سز حد صوابدن بعید و حفره زلال و خطایه قریب اولور * حدیث شریفده
 وارد اولمشدر که وحدانیت واجب الوجوده ایمان واعتقاد د نصکره رأس العقل
 یعنی کمال عقل ناس ایله توددر یعنی سوشوب دوست اولمقدور * و رأیه مستبد
 اولان خود رأی آخردن مستغنی اوله من و مشورته رغبت ایدن کسنه هلاکدن
 مصون اولور * و جناب حی لایموت برقوانی هلاک ایتک مراد ایلسه انک کندو
 رأیی اسباب هلاککنک اول واقعه اولور * و حدیث شریفده وارد اولمشدر که
 (تفحصوا عقولکم بالذاکره واستعینوا علی امورکم بالمشاوره) معنای شریفی سز
 بربریکز ایله مذاکره ایدرک عقلکزل اصابت ایلدیکنی و ایلمدیکنی تحری و امتحان
 ایدک و امورکزل تشبیه مشاوره ایله استعانه ایدک دیمکدر * و حضرت علی بن ابی
 طالب رضی الله تعالی عنه بیوررلر که استشاره عین هدایتدر هر کیمکه کندور رأیی
 بکنوب آخر ایله استشاره دن مستغنی اولسه البته خطر و قوعبولور * و بعض
 بلغادیدیلر که آخر ایله استشاره و استرشاد د نصکره خطایلمک کندور رأیه مستبد
 اولوب استشاره سز صواب ایلمکدن زیاده مجوددر * بعض حکما دیدیلر که سنک
 رأیکک نصفی قرنداش که در یعنی قرنداش مثلاً و خلوص اوزره سنی سون کسنه
 ایله بیله در سن اولیه کسنه ایله مشاوره ایدرسک رأیک تام و کامل اولور *
 دینلمشدر که چقن امور کده اشکال واقع اولسه عقلانک رأینه مراجعت ایدوب
 استشاره دن امتناع ایلمه * و رأیکله مستبد اوله زیر اسوال ایدوب سلامت بولمق
 خود رأی اولوب ندامت چکمکدن خیرلوردر * حکماء یوناندن بعضیسی
 دیمشدر که حیل و تدبیر لغایت ضعیفی شدت غضبک چوغندن خیرلوردر و خطا
 و زلل قضاء مبرم و محکمک رسولیدر * یعنی قضاء مبرم دن وارد اولور چقن برملک
 کندور رأینده مستبد و استشاره دن مستغنی اولسه رشد و هدایت محملری اکا

مستور اولور * حکای فریدن بری دیدیکه اموره نظر یعنی دقت و امان ایملک
عزمدر * وعزم دخی رأیدن اقتضایدوب و رأیده دخی تفریط و نقصانیدن سلامت
وفوز و ظفره باعث و سبب حاصلدر * تدبیر و تفکر فطنت و ذکایی مستلزم و حزم
و احتیاطی موجبدر * و حکمتك مشاوره سی یقینده ثبات و بصیرتده قوتدر یعنی
حکیم اولان کسنه رأی صواب صاحبی ایکن ینه مشاوره ایلد کارنده رأیلرنده
ثبات و بصیرت لرنده قوت فائده لرین تحصیل ایدر لر بو تقدیرجه بر شیده عزمیدن اقدام
تفکر و قطع و حسمدن اول عزم و هجومدن اول تدبیر و قدومدن اول مشاوره
ایلدینلور که مشاوره کبی صوابی اظهار ایدر برشی یوقدر و مساوات کبی نعمت لری
محافظة ایدر برشی یوقدر یعنی کشینک نعمتی کندونک حوصله تحمیلنه مساوی
اولوب زیاده و نقصان اولماق نعمتی محافظه ایدر و کبر و غرور کبی بغض و عداوت
ایراث ایدر برشی یوقدر * عبدالملک بن مروان دیمشکه بر امرده مشاوره
ایلد کدنصکره خطا واقع اولمسی رأیله مستبد اولوب مشاوره ایتمکسزین اصابت
ایلمکدن زیاده بکا خوش کلور زیرا کندو رأیله حرکت ایدن کسنه یه ایکی شی
ذل و هوان ایراث ایدر * بریسی کندو رأینی تکذیب واجب ایکن تصدیق ایلمسی
بری زیاده بصیرتی ایجاب ایدن مشورتی ترلایلمسی

(طقوزنجی باب ارباب مشورتک اوصافی و بعض حکایات لایقه بیانده در) *

ملوک عظام حضراتی اهالی مشورتی بر رأیده جمع ایلوب مجلس جمعیتده عقد
شوری ایلمکمی اولی دریو خسه اهالی مشورتک هر بریله منفردا مشاوره ایلمکمی
اولی در اختلاف اولمشدر * عرب و فرس و ملوک هند مجلس جمعیتی ترجیح ایلوب
مجلس جمعیتده هر کس کند و قریحه سن بیان ایلد کده اگر نقض توجه ایدر ایسه
نقض و مخذوری ایضاح و اثبات اولنه رق قرار بولان صورت رأی اجماع
قرایمک نتیجه سی اولمغله خالدن عارید ردیدیلر * و روم و ملوک قبط منفردا اولان
مشورتی ترجیح ایلوب منفردا اولان کسنه استنباط رأی صوابده فکر
و خاطر نه الحاح و ابرام و حد تام ایتمکله نتیجه فکری بکراطه و راید * اما مجلس
جمعیتده هر کیم بر رأی ایله ابتدا ایدر ایسه اول کسنه مشبوع اولوب سائر لری
اکانابع اولور دیدیلر * اهالی مشورتده یدی شروط موجود و مجتمع اولمق الزمدر که
اول شروط مدار مشورت اولدیغنه بناء رأی صواب انلرایله صورت اکتساب
ایدراول شروطدن بری فطنت و ذکا در که حتی مشورت اولسان اموره
اشتباه لری اولیه زیرا اشتباه ایله عزم و حزم صحیح اولمز * ایکنجیسی اما تدرکه

حتی کند و لردن امنیت مأمول اولان امورده خیانت و خلوص مأمول اولنان
 شیئ لرده جنایت ایلمیه لر * او چنی صدق اساندر که حتی انها ایلدکاری خبرلرینه
 اعتماد و رأ یلرینه عمل اولنه * دردنجیسی بربرلرینه حسد و نفسانیتلری
 اولیه زیرا نفسانیت رأی صوابی کشفه مانع اولور * بشنجیسی سائر ناس ایله
 اهالی مشورت بینلرنده بغض و عداوت اولماق زیرا بوعداوت نصفت
 و حقانیتدن منع و صواب رأی محبوب ایلر * التنجیسی هوای نفسانیه
 اربابندن اولیه لر زیراه و اصاحبنی حقدن اخراج و باطله ایصال و عقولی اغفال
 و رأی صوابدن صرف ایلر * یدنجیسی کبرای دولتدن و مشایخ اعوان سلطنتدن
 اوله لر زیراعقلای مشایخ و پیران کرم و سرد روزکاری و نوائب سپهرنا برقراری
 و اطوار مختلفه ادواری مشاهده ایله اکتساب رأی صوابه قابل و مستعد لردر *
 طائفه عرب دیرلر که مشایخ و قارک اشجاری و اخبارک چشمه ساریدرانلرک
 فهملری صوابدن منحرف اولمز و وهم انلره وقوع عیولمز * و دینلمشدر که سزلر پیرانک
 رأ یلرله عمل ایلرک زیرا هر نقدرد کاء طبعلرینه وهن تطرق ایتمش ایسه دخی
 ینه انلر عبرت و یره جک چوق صورتلر کورمشلردر و آثار تعلیمات دهری چوق
 ایستمشلردر (حکایت) اولنور که مأمون خلیفه برکون اوغللرینه نصیحت
 ایدوب دیمشکه ای اوغللر سزک شبهه کز اولان امورده ارباب تجربه و اهالی
 حزمندن اولان اعوانکزل و شفقت صاحبی اولان اختیارلرک رأ یلرینه مراجعت
 ایدیکز زیرا انلر سزک کورمدیککز شیلری سزه کویسترلر و بادی یککز شیلری سزه
 بلدیرلر یعنی کشف ایدرلر تحقیقا انلر نیچه مدتدند و خبر و خدمت دولتمده بولنوب
 سزک امور کزده عمارسه و تفنن و حوادث و عوارض ازمنه یه و اقبال و ادبار دوره
 آشنالق حاصل ایلمشلردر * سزلر انلره تسلیم اولوکز و انلره ملایمت و مطاوعت
 کویستروب و کلاملری هر نقدرد آجی اولسه دخی تحمل ایدیکز زیرا صحت و شفای
 مورث شربت و یریمی حکیم باعث تر ایدسقم و علت اولور طاعتی شربت و یرن
 حکیمدن زیاده شفقت لودر * و مجلس مشورته بخیل و جبان و حریص و معجب یعنی
 خود رأی و کذاب کسنه لری ادخال ایلامک الزم و اهمدر زیرا بخیل اولان
 کسنه نک بخلی عقلنه باعث تقصیر و خال اولور و جبان کسنه بعض جسارت
 لازم اولان خصوص لرده سنی اخافه ایدر و حریص اولان کسنه انجازی مأمول
 اولنمیان و عدی ایلر * و دینلمشدر که بخل و جین و حرص بر طبیعتدر که جمله سی
 سوءظنندن اقتضا ایدر * عبدالمکین مروان بعض عمالنه بوجمله تنبیه ایدوب

دیشکه مهم اولان امور کده کذاب و کند و رأینی بکنش معجبک رأیه
 قناعت و اکتفا ایله زیرا کذاب اولان کسنه سندن بعید اولان شیئی تقریب
 و قریب اولان شیئی تبعید ایدر یعنی نفس الامری سویلر * و کند و رأینی بکنش
 خود رأی معجبک دخی رأیی صحیح دکلر بو تقدیر چه معجب و کذابک رأیلرله عمل
 موجب خطا اولور * ملوک عظام حضراته لایق اولان بودر که مجلس شوراده
 چن بر کسنه بر رأی ایراد و بیان ایلسه همان قول مجردینه عمل و اعتبار
 اولنم یوب اصول و اسبابندن استکشاف و نتیجه و عاقبتندن بجمده جمله اهالی
 مجلسی تشریک ایدر ل بعد التنقیح قبول اولنوب قبل امعان النظر اول رأیه
 عادن حذر اولنه * دینلمشدر که رأیک غایت ضعیفی بالبداهه سنوح ایدندر
 و رأیک افضل بعد السنوح اول رأیده افکار تکرر ایدر که علم یقین تعلقیله تحکیم
 اولناندیر * و دینلدیکه هر بر رأیده که بر کجه اخشامدن تا صبا حه دلفکرت صحیح
 انی تمحیض و تدقیق و تنقیح ایلمیه اول رأی نا تمام در * عبد الله بن وهب دیشکه
 بر رأیی بعد السنوح اوج کون ترک ایدوب اعمال افکار و امعان انظار ایدر که حتی
 صحیح و سقیم و خالص و مغشوشی کشف اولنه * ابن هبیره او غلنی تأدیب نمونده
 دیشکه زنه ار اول مشیر اوله * یعنی محل استشاره ده خاطر که خطور ایدن رأیی
 جمله دن اول ایراد ایلمه * و امعان نظر و دقت ایله تنقیح اولنم یان رأیدن حذر ایله
 و معجب و خود رأیک رأینی تصویب ایلمه * و تأمل و ملاحظه ایتدین ارتجال
 کلامدن اجتناب ایله * و هر چن ملوک عظام حضراتی عندنده فکرت تامه و رویت
 کامله د نصکره بر رأیک صحیحی تقرر ایدر ایسه بعده اول رأیک امضا و اجرا سینه
 مباشرت و انکله عمل ایچون انتهاز فرصت اولنوب وقت مناسبی فوت اولنمیه
 و نا صحره مخالفیدن و نصیح و پند لرینی استحقار دن حذر اولنه که هر کیم کندویه
 نصیحت ایدنه مخالفت ایدر ایسه بر عدویه ایدر * دینلمشدر که امر ملک افساد
 واد بارینه بشئی ایله استدلال اولنور * اولکیسی امورک مصادرو مواردینه
 آشنا و خبر اولم یان حدیث السن کسنه بی امور ملکیه ده کافی یعنی مدبر اتخاذا
 اینک * ایکنجیسی اهل مودته جور و اذا اولمقی * او چنجیسی خراج ملک مؤتندن
 ناقص اولمقی * در دنجیسی صاحب ملک بر کسنه بی کندویه تقریب و تبعیدی
 رأی رتد بیر غرضه مبنی اولم یوب انجق کندو هواسیچون اولمقی * بشنجیسی
 نصایح عقلا و آرای ذوی الخفله استحقار اولمقی * کسری نوشر و ان دیشکه عالم
 بالامور اولان کسنه ایله استشاره و رأینه متابعت ایلمک رأی متین صاحبی اولان

و اولیای دخی حزم و احتیاط در بوبابده شرح اولیان مزایای ایضاح ایچون
 مؤلف مرحوم اوج حکایه مبسوطه نقل و بیان ایدر (حکایه اولی) منقولدر که
 هند بلده لرندن ممالک فرسه قریب بر بلده نک حسن منظر و طیب هوا و ماء
 و کثرت عمارت و حصانت و متانت قلعه سی و اها لیسند دخی جسامت و شجاعت
 و قوت ابدان و ملوکارینه کمال مطاوعت لری نوشر و انک مجاسنده و وصف و ثنا
 اولمغله نوشر و ان اول مملکتی تسخیر و تملک سودا سنده دوشوب کیمک زیرنکین
 حکمنده در دیو سوال ایلد کده حدیث السن و هوای شهوانیه سنده تابع و منقاد
 و لذات نفسانیه سیله متلذذ و مشغول ارکت نام مالکک زیر حکمنده در لکن
 رعایا سنده کندوی سودر دیکندن کندویه غایت مطاوع و متوجه در لر دیو تقریر
 و اخبار ایتلریله نوشر و ان دخی وزرا و وکلای جمع و اول مملکتده دسترس سودا سنده
 اولدیغنی و ملک ارکتک کیفیتنی و رعایا سنک اطاعت و محبت اوزره اولدیغنی
 تعریف و بیان و تفهیم ایلد کده بومر امک حصولی انجق ملک ارکتک رعایا سنی
 تحریک و افساد و ملک ارکتدن تغیر و نوشر و ان جانبده استعماله دن غیری وجهله
 صورت بولمزدیو بجه وزرانک رأی لری نتیجه یاب اتفاق اولمغله در حال تقلیب قلوب
 برایا و اضلال و افساد رعایا فنلرنده سبق آموزا بلیس دهات عربدن بر قاج
 کسنه لری تدارک و کندولره بخش اموال و تحصیل آمال مثللو و عده لر ایلد بومر امک
 حصولی عهده لرینه احاطه ایتد کله اول کسنه لر دخی ملک ارکتک مملکتنه واروب
 هربری بر رقصیات و قریایه متفرق اولوب طوائف رعایای بهایم سیمایه انواع
 علف احتیال ایلد یلرد و کدرک برایکی سنده ظرفنده افساد و اضلال و نوشر و ان جانبده
 استعماله ایلد کارند نصکره نوشر و ان کاغد تحریر و عموم رعایای ملک ارکتی استعماله
 ایلد کارین اشعار ایتلریله نوشر و ان دخی اول حوالی به قریب مجملده بولنسان
 و الیلرندن برینی عساکر کثیره ایلد اراضی ملک ارکنه دخول و استیلا ایلک اوزره
 تعیین و والی مذکور دخی مأمور اولدیغنی اوزره حرکت واللی بیکدن
 متجاوز سوار ی عسکر ترتیبده مباشرت ایلد یکنی ملک ارکتک بعض جاسوسلری
 خبرالوب ملک ارکته تحریر و ان ایتلریله بو کیفیت شیوعبولوب مملکت ملک
 ارکنده صورت فساد و شقاق رونما و بین الناس انواع ارا چیف هویدا اولمغله ملک
 ارکتدخی بو کیفیتنه تحصیل و قوف ایلوب اما کند ی امور مملکتنی بش
 کسنه اداره ایدر دیکه دردی کندونک مصاحب و سمیری و بری رئیس الزمام
 ایدیکه اخذ و عطاده موکلی ایدی در حال بوبش کسنه پی جمع و کیفیتنی تفهیم

وعقد انجمن مشورت ايله دفع ماده فساد واختلال خصوصنده استكشاف
 رأى صواب ايلد كده * اول درت وزيردن برى فتح كلام ايدوب شمدى رأى
 صواب بودر كه رعایا طائفه سنيه عطایا واحسان وعقد مواعيد ايله اصلاح وتصفيه
 اولنه لر زير رعایا طائفه سنك بو وجهله تصفيه لری عدومزك معلومى اولد قده
 اقدام واقحامدن پاكشیده اجتسار اولور * واکر اقدام ايدرايسه دخی كلمه
 مجتمعه و قلوب سليمه ايله مقابله ومدافعه لری میسر اولور دید كده * رئیس الزمامه
 بورأی تخطئه ومنع سیاقنده بو وجهله جواب ویردیكه بورأی اول زمان صواب
 اولور ديكه اگر فساد رعایا به سبب جور وتعدی اوییدی زیراسبی دفع ايله مسبب
 دخی من دفع اولور اما رعایانك فسادى جور وتعدیدن نشئت ایلیموب بلكه
 کندولرینك آسایش و راحتلى قدرینی بلرکارندن اقتضا ایلدی * دینلمشدر كه
 درت طائفه راحت وآسایشلى قدرینی بلما مكدن ناشی کندولره فساد طاری
 اواسه انلره كرم واحسان اولمق فساد لرینك ترایدینی موجب اولور اول درت
 طائفه دن برى اولاد برى زوجات برى خدمتكار و برى رعایا در چن بودرت
 طائفه دن برى كمال راحت وآسایشندن ناشی طغیان ایلسه اول طائفه یه رفق
 وملايمتله معامله ومدارا اولدلقه طغیانلری هنر داد اولور بلكه بونلرك ماده
 فساد لرینی قطع وحسمه اهتمام اولملودر دید كده ملك اركت صادقسن ای حکیم
 دیدی بعده وزیر ثانی كلامه آغاز ایدوب رأى صواب بودر كه رعایا دن اهل صلاح و
 صفوتلرینی ارباب فساد وعصیانلری اوزرینه حواله ايله تأدیبلرینه اهتمام
 اولملودر كه حتى عصاة رعایا بزلره منقاد اولوب بعده اول غائله دن امین اوله رق
 دشمنزه ملاقی اوله لم دید كده * رئیس الزمامه بورأی بو وجهله نقض ایلدیكه
 بو صورت دشمنزه کندو عسکرندن زیاده نافع ورعایا منزله دشمنزه تبعیت
 وتمائللرین موجبدر زير رعایا طائفه سی عاقل محزومدن خالی دكلدر یعنی
 ایچلرنده اومقوله لر واردر كه مجرد پادشاهدن خوف لرینه بناء سل سیف شقاقه
 وعصیاننه جرأت ایده هنرلر سنك دید بلك صورتده اومقوله لر مسل سیفه رخصت
 ویرمكدن انلرسل سیفه رخصت بولد قده بزم له هنر سعى ایتیموب علیه هنر اقدام
 ایلیمه جکاری ظاهرو جههور دخی اومقوله لره موافقت ومتابعیت ایده جکاری
 آشکاردر زير ایچلرنده چوق کسنه لر واردر كه طرف ملو کانه لرینه حسد و گروه
 ضعیفایه بغض و خصومت ايله مجبول ومطبوعلردر * دینلمشدر كه درت ثنی
 واردر كه درت حالده اول شیئه عنف ايله مقابله ایدن کندویي هلا که القا ایدر

بری پادشاهه غضبی حالنده * بری دخی سیل صوینه طغیان و هجومی حالنده * بری
 دخی فیل کوکره دیکی حالده * بری دخی رعایا به طغیان و هیجانلری حالنده * بونلره
 بو حاللرنده عتف ایله مقابله ده خطر درکاردر * حکما عموم اوزره ناسک طغیانلری
 حالنده طمین و تسکینلری تدبیرینی وجودانسانده ظهور ایدوب جمله جسدی
 استیعاب ایدن کیچیک دیدکاری عاتک علاجنه تشبیه ایدرلر بوعلمته طلای
 ادهان نافع ایله مداوا اولنوردید کده * ملک ارکت یننه صادقسن ای حکیم دیدی
 وزیر ثالث دخی بویابده رأی صواب معتمد و امین جاسوسلر کوندر یلوب اومقوله
 فساداته اجتناسار ایدنلر تصحیح و تحقیق اولندقدنصکره قلت و کثرتلر یننه کوره
 اقتضاییدن معامله اجرا اولنقدردید کده * رئیس الزمامه بورایده دخی خطر
 واردر زیرا بو کیفیت البته شیوعبولور و شیوعبولدیغی کبی تهمت و فساد
 اصحابی ایشیمیدوب خوفه تابع اولورلر بو تقدیرجه ایکی شقدن خالی اولمز
 یا خوفلرندن ناشی دشمنز طرفنه فرار و دشمنزه کلی معاونت و بزه موجب عار
 اوله جنی سرائر احوال مزه دلالت ایتمکین دشمنز طرفندن اقدام تام ایدرلر بزمه
 مقاتله به مبادرت ایدرلر زیرا اوطان و عیال و مال قدیملرینه عودت طلب ایدرلر
 و یا خود دشمنز طرفنه فرار ایتیموب تجمع ایلوب ورعایا طائفه سندن
 بعضیلری واردر که جایگیر ضمیری اولان بعض دنخواه و مرامنه دسترس اوله مامق
 تقریبیلر مایوسا دیده دوز فرصت * و بعضیلری دخی واردر که مقدما حقلرنده
 اجرا اولانان بعض کونا تأدیبات و سیاسات مورث حقد و کین اولغله مترقب
 اخذ ثار و انقام و خصوصاً جهور رعایا عسکری طائفه سندن ستمیده اولملریله
 زمره عسکریه به خصومتلری اولدیغندن بومقوله لرک بوفساداتده هر نقدر
 مدخللری بوغیسه دخی اغراض مذکوره به بناء بونلردخی اصحاب فساداته ملحق
 و منضم اولوب بزم علیه مزه دشمنزه نصرت ایدرلر * بوضورتده بونلرک حقلرنده
 مسامحه اولنسه مملکته فسادات عامه طاری اولور و اکرا ایچلرندن اصحاب
 قباح و اسائته عقوبت مراد اولنسه بی جرم و قباحات اولنلردخی عقوبت
 کندولره تجاوز و سرایتی خوفندن مشاکاه و مجازستلری حسدیلر اصحاب
 اسائته تلاحق و تکثیر ایدرلر و افراد رعایا بیننده اولان بغض و عداوت بویابده
 کندولره مانع اتفاق و اتحاد اولمز * شونک کبیه که ایکی کاب بربریه مهارشه
 و مشاجره اوزره ایکن بر قورت ظهور ایلر بربریه اولان مهارشه و مشاجره لرین
 ترک و اول قورده اوزرینه هجومده بربرلرینه معاونت و معاضدت ایدرلر کذلک

رعایا طائفه سی دخی ملوک عظام حضراتک تفرد و علوهمت و قوت مالیه
 و شجاعت لریشه بنا بجانب ملوکانه دن تنافر و تباعد و جهالت طبیعیه و سفالت
 اصلیه ده کند و له مماثل و مجانس اولان بنی آدم نوع لریشه بینلرنده هر قدر عداوت
 صوریه اولسه دخی ینه بر بر لریشه میل و متابعت ایلمک مقتضای خلقه لریدر * و رعایا
 طائفه سی ایچلرنده البته عابد الحق بولنوب بومقوله الحق دخی کمال حق
 و جهلندن ناشی اولوالامرک واجبۀ اطاعتندن خروجی غضب و عداوت
 دینییه در ظن ایتملرله اومقوله لرک رعایا بینلرنده امر و نهیلری ملوکک زمره
 عسکریه به اصدا ر بیوریلان امر لرندن زیاده نافذ اولور * و دینلمشدرکه اوج
 زمره بی اوج حالده امتحان و اختیار ایلمک مطلوبک اولان اوج شیئندن خاسر
 اولورسن * بری مؤدب و معلمک اولان استاد یلمک علمنی امتحان
 ایلمک * ایکنجیسی برصدیه کل فقر و فاقه ک حالده بذل و عطاسنی امتحان
 ایلمک * اوچنجیسی زوجه یعنی منکوحه درکه پیرلک حالده محبت و مودتنی
 اختیار ایلمک * بو اوچنجه ده دخی امتحان ایلدیکک شیئلری مأمولدن دون
 بولورسن رعایا مقوله سی دخی بو حاللرنده انلره مشابهدر * حکما دیمشدرکه تحقیقا
 دوات ایچون بعض امراض وارددر که سبب موت اولمقدن قورقلور اول
 امراضدن غایت مخاطره ایسی درت شیئدر * بریسی اول دولتک ملکنه عارض
 اولان کبر و غرور * ایکنجیسی ملکه عارض اولان غضب زبرا بوا یکی حالده
 ملکک تدبیر و سیاستده حد اعتدال دن خروج و اهمه سندن دولتی مضطرب اولور
 * اوچنجیسی ملکه عارض اولان حرص و طمع زبرا بوا حرص ظلم و تعدی موجب
 اولور * در دنجیسی رعایانک طغیان و هیجانلر یدر کلامیله وزیر ثائکک رأینه
 ملحوظ اولان محاذیری دخی تفصیل و بیان ایلدکده * ملک ارکک رئیس
 زمامه به خطاب ایله صدق الحکیم دیدی * بعده وزیر رابع وزیر اسنک اعلم و افضل
 ایدی بو وجهله کلامه آغاز ایلدیکه بنده کن و سائر رفیق و صاحبلم اولان
 بنده لریکنز بربر مرزه احتیاجده برالده بولنان بش بارمق مشابه سنده یز و نجوم
 ممانک نور خورشید عالمه سایدن استمداد ایلدکاری کبی بزم دخی جمله هنر جناب
 ملوکانه لرک سراج و هاج عقل حکیمانه کردن استمداد و استفاده ایدرز قولکزلک
 خاطر مه پورای مجردک مغایری بررأی خطور ایلدی لکن بو مخالفتدن مرادم
 انلره تفوق و ترفع و یا خود انلرک رأیلرینی رد دکادر ورأیی رد و قبول جنابکزلک
 اراده سنه منوطدرا کراذن و بر سر کنز سولیم دیدکده * ملک ارکک دخی ای وزیر

ناصح کران سن و کران صاحب و رفیق ملک بنم عندمده معتمد سکر و بوبایدہ رأی
 صوابک نفی جملہ مزہ عائد در سربکا مناصحہ دہ قلب انسانہ نصیح ایدن حواس
 خمسہ مقامندہ سزدیکلہ * وزیر رابع بوزمیندہ بسط مقال ایدوب تحقیقار عایا
 مقولہ سی عواقب امورہ نظر ایدہ میوب همان پیش نظر لرندہ اولان صورت
 کورد کلرندہ ورطہ ہلاکدن تحفظ و موصل منزل سلامت اولان مسلک
 سلوک ایلیہ مز بر طائفہ کو تہ نظر در لر * والحالہ ہذہ طائفہ مر قومہ یہ فساد
 عارض اولوب و بوجالہ انلری تأدیب و تکمیل صورت لرندہ خطر عظیم ظاہر
 و دشمنزل دخی حرص و طمعی زیادہ و بزلردہ مقابله و مدافعہ بہ قدرت و وسعت
 نایاب * بوضورتہ بزمہ لازم اولان اولدرکہ اول امر دہ اولیا و اتباع خالصہ کزی
 و اہل و عیال و ذخیرہ لرینی و رعایای مطیعہ کزی تأمین ایچون بر حصن حصینی
 مأمین و معقل اتخاذ ایدہ لم و سرنک داخل حوزہ ملک کز دہ بن بر معقل بیلور مکہ
 مناعت و حصانت جہتندہ عدیل و نظیری عدیم و آب و ہواسی لطیف بر محل
 اولدیغندن اسلاف کزدن بعضیلری تعمیر قصدیلہ بر مقدار بنا انشا ایلمش لرایدی اول
 معقلک بناسنی تکمیل و تحکیم و ذخائر و لوازمات تشحین و بعدہ نقل و اقامت و دشمن
 ظہورندہ مقابله و مدافعہ سی میسر اولدیغنی صورتہ اول معقلہ التجا و تحصن
 ایلیوب مہب الطاف خیر الناصریندن وزایش نسیم فرج و ظفرہ انتظار اوزرہ
 اولورز دید کدہ * ملک ارکت بور ایدہ اظہار محظوظیت و سائر حاضرین دخی
 بالاجماع استحسان ایتمیلہ در عقب ملک ارکت خواص و محتایلہ رکوب و اول
 معقلہ واروب اعوان و انصارین جمع و امر بنایی تکمیلہ مسارعت و اموال
 و ذخائر و خزائن و مهمات نقل و تشحین و سائر ثغوری تسدید و نوشروانک طرفندن
 مأمور اولان والیء مذ کوردخی جنود وافرہ ایلہ اطراف بلادہ اقتحام و دخول
 ایلدیکہ مقدمار عایای اضلال و افسادہ تعیین اولانسان مفسد لر اضلال و افساد
 ایلدکاری رعایا لر ایلہ فوج فوج والیء مذ کوری قارشو ایوب تلاحق و بوجالہ
 طی مسافہ ایدرک کیدر لر ایکن ملک ارکتک دخی عسکری ظہور و بر مقدار
 مدافعہ یہ ابتدار ایلد کلرندہ ملک ارکتک جمعیتندہ بولسان بعض خونہ سی اول
 امر دہ صورت انہزام کو سترملریلہ * بوضورت عساکر خالصہ یہ دخی سرایت ایلہ
 جمعیت ملک ارکت منہزم و شکست اولوب روگردان و والیء مذ کوردخی اول
 حوالیلرہ مستولی اولوب عسکر ملک ارکتی تعقیب ایدرک اول معقلہ وصول لرندہ
 ملک ارکت توابعات خالصہ سیلہ معقلہ دخول و تحصن و والیء مذ کور معقل

من بورك مناعت و حصانين مشاهده ايله ساحه سنده نزول و قرارك عدم
 امكانى فهم ايله رجعت و مستولى اولد يغبى بلده لره واليلر و عامللر نصب
 وركى كې قبضه تصرفه الد قد نصكره طائفه اعجام اهالىء هنده شدت و قسوت
 و تخفيف و حقارت ايله معامله يه باشلد قلر ينى و بلاد هندن قى و افراموال
 خراجيه تحصيل و مملكت فرسه نقل و تسير اولنديغبى و طائفه عجمك زير
 حكومتنه كيرد كلر ينى اهالىء هند كورد بكه تحمل ايده ميوب كوندن كونه
 كند و لره غيرت و حيت مستولى اولغين اولكى راحتلر ينى و صكره دن مبتلا
 اولد قلرى محنت و مشقتى فرق و درك ايلديلر * و ملك اركت دخی و زراسنك رأى
 و تدبيرلى اوزره صبر ايدوب زير حكمنده بولسان رعایا و ضعفايه عدل و احسان
 و ترفيه و نظم ين و بذل اموال و مجرم ملك جرملر ينى عفو و متو حش لر ينى تأليف ايله
 ملك اركتك عدل و نضفت و احسانى و والىء مذ كورك ظلم و غدر و عدوانى
 آوازلى بجه اهالينك سامعه لر ين طولديردى * بواثناده والىء مذ كورك بعض
 قلاعه حاكم نصب ايلديكى عامللر دن برى اولديغبى ناحيه ده سوء حرکت ايدوب
 علمادن برى اول عامله و عظ و نصيح صددنده اولغله * عامل غضبه كلوب اول ناصحى
 قتل مراد ايلد * كده اهالىء بلده جمعيت و اتفاق ايله عاملك اوزرينه هجوم
 و قتل ايلد كلرى خبرى والىء مذ كوره واصل اولغله والىء مذ كورد دخی عساكر
 كثيره ايله اول ناحيه اهاليسنى تأديب ايچون اول جانبه عزيت ايلد كده * اهالى
 دخی باجمعهم ملك اركت طرفنه ورود و التجا و سائر نواحى اهاليلرينه مخصص
 آدملىر كوندروب بو كيفيتى خبر و برمليله * بجه نواحى اهاليلرى تجمع و اتفاق
 ايله هر كس * كند و ناحيه لرنده والىء مذ كور طرفندن نصب اولنان حاكملىر
 اوزلرينه اقتحام و اعدام و على العموم ملك اركت جانبنه ورود و التجا ايتلميله
 والىء مذ كور ناچار اولوب مملكت فرسده اولان قرارگاه قدیمه عودت و ملك
 اركت دخی دارالملكنه نقل بارخانه معاودت و بسط بساط اقامت و بعد ازین پیروى
 نفس و هوادن فراغت و اصل عدل و انصافدن خارج آهنگ و رفتن باردن
 مساعدت ايدرك آواز و حسن حرکتى آفاق كير اشتهار اولدى (حكايه ثانيه)
 خلفاء عباسيه دن هارون الرشيدك وفاتد نصكره اوغلى محمد امين امير خراسان
 اولان قرنداشى مأموندن نزاع خلافته عزم و قصد ايله مأمونه بر كاغذ بازوب
 بعض امور مهمه مذاكره سيچون البته جنابكرك بو طرفه ورودى مقتضيدر
 ديهرك عزيمتنى طلب ايلد كده مأمونك بعض طرفدارلرى امينك صورت

مافی الضمیر بنه تحصیل وقوف ایله مأمونه کاغد تحریر وقرنداشکرا مین حله
 عهد خلافتی سزدن نزع و خلع و اوغلو موسی الناطقه الباس و تنویض مراد
 ایدر دیواشه سارا یتلریله * مأمون دخی خواص رجالی احضار و کیفیتی تقریر
 و اخبار ایلد کده * بالاتفاق مأمونک قرار کاهنده ثبات و استقرار وقرنداشی
 امینه بعض کونا عمل و اعذارى متضمن کاغد تحریر و تسبیح ایلمسی
 استصواب ایتملریله بوجهله امینه کاغد ارسال ایلد کده * امین دخی کاغد
 هر قومی بعد القرائه مأمونک ایراد ایلدیکی عمل و اعذار مجرد کندونک مستکن
 درونی اولان ضمیر فاسدک مرجعی دیده درایت مأمونده مکشوف و ظاهر
 اولدیغن مال کاغددن فهم و بویکیفیتدن مأمونه قوحش تام عارض اولمغله
 فیما بعد هر نه زمینده نصب خیال دسایس ایله مأمونک بوجهله افتاده دام
 احتیال اولمیه جغن جزم ایدوب بوقصد و عزیمتن ضروری اعلان و مأموندن
 عهد خلافتی نزع ناسی دعوت و بعده علی بن عیسی بن همامان ایله مشورت
 و هر قوم ابن عیسی مقدمه خراسانه والی اولدیغی اوانده اهاالیسنه اکرام و انعام
 فراوان و عدل و نصفت و احسان ایتمکله بنه ولایت خراسانی علی بن عیسیایه
 تقلید * و عده و عتاد و افره و ترتیب جنود کثیره و بخش اموال و ضمان حصول
 آمانی و آمال ایله تلطیف و تجهیز و ابن عیسی دخی لشکر جراریله حرکت و خراسان
 جانبنه طوغری عزیمت ایلدیکی خبری مأمونه ایرشد کده * مأمون کندونک
 مقابله و مقاومتیه عدم اقتدارینی و ابن عیسانک مقدمات ولایتی هنکامنده انعام
 فراوان و عدل و احسان ایله اهاالی خراسانی کندویه متمائل و منجذب ایلدیکی
 کیفیتلرینی تفکر و مطالعه ایله مضطرب اولوب * در عقب وزرا و وکلای
 دولتیله تفرج صورتده حرکت و نزهت کاهلرندن برینه عزیمت اوزره ایکن
 اثنای طریقده فرط هرم و پیریدن خنکشته قد بر اختیار مجوسی به تصادف
 ایلد کلرنده اختیار هر قوم فارسی زبان ایله بعض ظلمه نك دست ستمندن
 فریا دو تظلمه آغاز و مأموندخی پیر هر سومك حالنه ترجان نزهت کاهه وصوللرنده
 پیر هر سوم بلا استیذان حضور مأمونه دخول و اذن ویریلوب کاره مجلس
 خلیفه ده قعود ایلدی * پیر هر سوم مقدمات خلال طریقده حین مصادفه ده
 فارسی زبان ایله تکلم و تظلم ایلدیکندن عربی لسان ایله آشنا دکلدر خیالیله
 کندودن تحریر اولمیه رق مأمون خلیفه ماجرای گذشته یی و زراسنه تقریر
 و تفصیل ایلد کده * و زراسندن بری فتح کلام ایدوب چونکه اهاالی خراسانک

ابن عیسی ایله معارفه سابقه و میل و محبت کامله لری واردربوبایده رأی صواب
 ابن عیسی کور مامش بلز طائفة اعجامدن ترتیب عسکرایله واروب خراسانه
 دخولندن مقدم مقابلدومدافعه سنه اتمدار اولمقدردیدی * بعده وزیر ثانیسی
 دخی بوزمینده عرصه فخریه افکار ایلد کده چونکه مدافعه و مقاومت بزد یارای
 اقتدار نایابدربوبایده رأی صواب صبر و تحمل ایله قعود ایلوب برادر کز
 محمد امینه اعتذاری متضمن واراده سنه مطاوعتی محتوی بر کاغذ ارسال
 ووراسنده نصرت خیر الناصرین ظهورینه انتظاریه ورمقدردی * زیرا عهد خلافتدن
 خروج کرده مجبور اولدیکز و خلافت سزک حق صریحکز اولدیغنی جمله ناس
 یلورلر هر نوقتده مساعدۀ امکان اولورایسه طلب و دعوا یه قادر سکز و حجت
 قویه کز ظاهر در دیدی * بعده وزیر ثانی بو وجهله ارائه صورت افکار ایلدیکه
 بوا مرده بزره مناسب حرکت رابطه انقیاد و اطاعتلری موثوق و معتمد به سادران
 و شجعاندن لشکر جمع و علل و اسباب عائقه لرین ازاله و دفع ایلد کد نصکره بزر
 مجاور ارلان ممالک کفار اوزرینه عزیمت و کفار ایله مقاتله هزی تحقیق
 و اشاعت ایدرز مأمولدرکه عون خیر الناصرین ایله ظفر یاب اولنوب بزره
 ملجأ و پناه اوله جق بر مملکت منیعیه به دسترس و بعضیلری دخی بزم حقمزده ظهور
 ایدن حالانه مماثل اسباب و علله بناء طرفه التجا ایتمکله قوت بولوب احکام نافذه
 الهیه نک ظهورینه دل سل سیوف جهاد ایله اشتغال ایدرز دیدی * بعده وزیر
 رابعی کلامه آغاز ایدوب بوبایده رأی صواب ترکستان ملکی جانبیه عزیمت
 و واروب استجاره و استعانه و سزله غدر اراده سنده اولان قرنداشکزلک علیه
 استمداد ایدرز ملوک بیننده بومقوله کیفیات و حسب الاقتضا بر بر لرینه التجا
 و استجاره و استمداد و قوعی چوقدردیدی * بودرت وزیر بر منوال محرز نتیجه
 افکار لرین بیان و مأمون دخی اصغا و استماع ایلد کد نصکره مأمون و زراسنه
 خطاب ایدوب بنی بر مقدار خالی بر اقوب طشریه خروج ایدیکز که
 کند و خلوتده بورا یلر یکزی مطالعه ایده یم دیگاه * وزیرای مذکور دخی حضور
 خلیفه دن خروج ایلوب اول کاره مجلسده قعود ایدن ذکر مسبق پیر
 مجوسیدن غیر خلیفه نک یاتنده کسنه قالمامغله * مأمون خلیفه اول پیره توجه
 و رفق و نوازشلر ایله حاجتندن سوال ایلد کده * پیر سوم دخی بن سزه بر حاجت
 نمونده کلمشیدم لکن بوسزک حق کرده ظهور ایدن داهییه بکابنم حاجتندن
 اشد کوزندی دیوب * مأمون خلیفه ای پیر روز کار دیده بزم کیفیتنر مسعودک

اولدی سن بو خصوصه نه دیر سن دیمکله * یا امیر بنم حقارت صورت ظاهریه
 نظرایله زیرادریه نفیسه هر تقدیر الوده وحل و دنس اولسه دخی لازمه خلقت
 ذاتیه سی اولان نقاستنه نقصان کلمزدید کده * مأمون خلیفه یا شیخ دره نفیسه نک
 قدری معلومدر البته و شاح الصدر حسن قبول اولور همان سن و دیعه درج
 خاطرک اولان فراند آرای ثاقبه بی زیور سلت بیان ایله دیمکله * اول پیردخی
 بوزمینده کوه رنثار تقریر اولدیکه * سنک وزرا کزک مجلس کزده بسط ایلد کیری
 رأیری بالجله مشهور و معلوم اولدی و انلر سنک صداقت کارلری بکزدن اولد قلزنده
 هربری اگرچه رأیلزنده اصابتیه سعی و اجتهاد ایلدیلر لکن بنده انلر ایراد ایلد کیری
 رأیلزندن بریله عمل بیورلمسینه راضی دکلم آبا واجداد مدن یاد کار صحیفه
 حافظه م اولان نقوش نصایح حکمت ما آلدن بری بودر که * چن بر عاقل کسینه
 مسبوق بالمثل اولمیان برداهیه یه دوچار اولسه لایق اولان بودر که واهب العقل
 وقاسم المظوظ اولان جناب حکیم مطلق حکمنه تسلیم و رضایه نفسی
 الزام و صورت ظاهرده دخی وسع و طاقبت بشریه سی قدر مدافعه سنه سعی
 و اهتمام ایلیه که اگر امر نده ظفر یاب اولمز ایسه دخی جله عندنده معذور اولور
 دیمکله مأمون خلیفه دخی بوبنم اوزر مه سوء قصد ایله ورود ایدن خصم و جوه ایله
 قوی الاقتدار و مقابله و مقاومتیه بزنده تاب و طاقت نایا بدر دید کده
 شیخ مرسوم دخی ای امیر جناب کز بوفکری و عاء درون کزدن رفع و ازاله ایدوب
 بوبابده مقتضای حکمت قدر بیچون و اطوار ادوار سپهر بوقلمونه آشنا اولمیان
 بعض کوتاه بینانک اب حقیقه تدن تهی بو مقوله کلا ملرینه حواله سمع التفات
 دخی بیورمالک * زیر ابغی و غدر ایله تکثر ایدن عسکر کثیر دکادر و ظلم ایله قوت
 کسب ایدن قوی دکادر * بو خصوصه قرنداش کز سزه ظلم سودا سننده در
 زیر اسزک طرف کزدن بوحالی موجب بروضع ظهور ایتمیوب قرنداش کز سزک
 اوزر کزه بغی و غدر قصد ایتمکله لامحاله اول ورطه هلاکه وقوعی بولوب سز ظفر یاب
 اوله جغکزمقرر در * بو کما مثل و نظیر اوله رق سز لره بر حکایه واقعه سردو بیان
 ایلم استماع بیورک دیوب * خیال باز سپهر نابرقارک بازیچکاه عالمده و رای پرده
 قدردن ارائه ایلدیکی صور عبرتفر ما دن برینی نقله آغاز ایلدیکه * زمان
 ماضیده فرس ملک کی بولنان فیروز بن یزدجرد ملک هیاطله اولان خوشنوازل
 برتقریب اقتضای حکمت حکیم مطلق ایله قیداسرینه گرفتار و مأسور ابر مدت
 قرار دنصکره بر کون خوشنوازل ملک فیروزی یاتنه احضار و فیما بعد خوشنوازل

اولكه سینه محاربه قصدیه ورود و خوشنوازل حقهنده سوء قصد ایلك
 فكرنده اولماق شروطلرینی توثیق و تحکیم ایلمیه رك رابطه صفوت و موالاته
 قرار و ایکسینک مملکتلری بیننده حد فاصل اولماق اوزره رأس حدودلرینه
 بر سنك نشان وضع و هربری آخرینك حدودینه اوسنك نشانیدن ایلمه و عسکر ایله
 کیمامك اوزره تعهد و عهدلرینی دخی ایمان غایظه ایله تأکید ایلمه کدنصکره
 بربرلندن معاهده بی متضمن قوی سندلر اخذ ایلمیوب ملک فیروزی اطلاق
 ایلمدی * وقتا که فیروز دارالملک کنه ورود و چند مدت مسند حکومتنده قرار
 و قعودی اثناسنده بو کیفیت گاه بگاه خاطر فیروزه خطور ایلمه که کانون دروتده
 نائرة تأثر و انفعال توقد و اشتعال ایدرک آخرالامر دیک نفسانیت بشریه سی
 غلیان * و مقعر دماغنه صعود ایدن بخارجیت جاهلانیه سی مورث
 صداع بی پایان اولمغله * بودرد مرک دفعنه قانون اجتهادنده صندل نهاده مقابله
 و مجازاتدن غیری علاج بوله میوب در عقب وزیراسنی جمع و عقد مجلس مشورت
 و خوشنوازل حقهنده اولان سوء قصد ملاحظه سنی بیان ایلمه کده * وزیراسی
 ماجرای سابقه آشنا اولد قلرینه بناء مقدمات خوشنوازل اولان معاهده و مابین
 الحدودین وضع اولنان سنك نشانی عسکر ایله تجاوز ایلمامك اوزره ایمانی تذکر
 و بلا موجب نقض معاهده نك و خاتمت انجاسنی بیان ایدرک پیش راه عزیمتنه القاء
 سنکباره ممانعت ایلمه که مفید اولمیوب اول سنك نشانه وصول زده اول سنکی فیملره
 تحمیل و مقدمه الجیشمز پیشگاهنده کتوردیرم بو تقدیرجه عسکر ایله اول سنکی
 مرور ایتماش اولوب عیمنده حانث اولم دیوب جواب ویرمکله * وزیراسی دخی
 دفعنک عدم امکاننی فهم ایلمه سکوت ایلمه یلر * وقتا که فیروز اللیشریک سواری ایله
 درت عدد امراسنی کتوروب خوشنوازل محاربه ایچون حاضر انملرینی فرمان
 ایدوب بعدالتهی فیروز ایکیوزیک عسکر جرار ایله حرکت و کثرت جمعیت و شدت
 شوکت و وفورته اغترار عزیمت اوزره ایکن * اثنای راهده بر حکیمه تصادف
 ایلمه کده حکیم مزبور فیروزه خطاب ایدوب ای ملک بو عزیمتدن فارغ اول زیرا
 جناب رب عزت جور و ظلم ایلمه مألوف اولان ملوکک مجازاته ده تأخیر و امهال ایدر
 لکن هدم ارکان دینه مبادرت ایدن ملوک حقهنده امهال و تأخیر ایلمز سر یعاجزا
 ایدر و معاهده ارکان دیندن در نقض معاهده ایلمه زیر اهلاکی موجب در دید کده کلام
 حکیمه دخی حواله مع التفات ایلمیوب کیدرک اول مابین الحدودین وضع اولنان
 مذکور سنك نشانه رسیده اولد قلرنده سنك مر قومی بر فیل قوی البنییه به تحمیل

و پیشگاه عسکرده چکدیره را داخل حدود ملک خوشنواز سیلاب پر جوش کی
 دخول ایلدیلر * وقتاً که فیروزک بوضع ایله هجوم و قدوم لرینی خوشنواز استماع
 ایلدکده قرار کاهنده ثبات و قرار و امورینی تفویض جناب پرورد کار و شرط
 معاهده به عدم رعایت مجازاتن اجرا و انفاذی دعا لرینی سوق درگاه حضرت
 قادر و قهار و بر طرفدن دخی سد ثغور و جمع جنوده بذل اقتدار ایلایوب * متوکلا
 علی الله فیروزی استقبال و وسط زمین مملکتند تصادف ایلایوب بلا توقف بغتة
 عسکر فیروزه اقتحام و جلالت صادق ایله هجوم ایلدکده لشکر فیروز در حال منهزم
 و عسکر خوشنواز غنائم اموال اعدا ایله مغتنم اولدقد نصکره ملک فیروز دخی
 بالذات کندوسی قتی وافر جماعت و خواصیله معا گرفتار کند اعدا و اراضی
 ممالکی پامال لشکر استیلا اولوب شامت نقض عهد و میثاق فیروز بوجهله
 مورث خیبت و خسران و موجب انواع خذلان اولدی * یا امیر پدر کز
 هارون الرشید ک حیاتده عقد ایلدیکی عهد و میثاقی دخی سنک قرن داشت سندن
 نزع و نقض و سکا غدر اراده سنده اولغله لا محاله سن منصور و مظفر اوله جغک
 آشکاردر * کلامیله شیخ مذکور ختم کلام ایلدکده * مأمون خلیفه شیخ
 بسط و بیان ایلدیکی سرگذشت عبرت و نصیح و پند حکمت احتیوان
 منبسط اولوب یا شیخ تحقیقا سنک کلامک صادق و بکا تأثیر ایدوب قبول
 ایلدم دیه رل شیخ مذکور اکرام و احترام و رأیله حرکت و قیام ایلایوب
 ظفر یاب و نصرت و اصل و دلخواهی اوزره خلافت نائل اولدی (حکایت ثانی)
 منقولدر که عبدالملک بن مروان عبدالله بن زبیر ایله محاربه و قتال ایچون ترتیب
 جنود ایله جانب مکه مکرمه به طوغر و لشکر کش عزیمت اولدقده موجود
 معیتی بولنان عمر بن سعید بن العاص جایگیر ضمیری اولان افکار فاسده سن
 اجرایه مقدمه منتجه اولق خیالیله اثنای طریقه تمارض و عبدالملک کن
 استیذان ایدوب عودت و دمشق شامه دخول و اقامت ایلدکده نصکره برکون
 منبره صعود و عبدالملک حقنه قدح و طعنه آغاز ایله عبدالملک دن نزع خلافت
 ناسی دعوت و ناس دخی دعوتیه اجابت و کندویه بیعت ایتمکده دمشق شامه
 مستولی و سورینی تحصین و قلاعنی حایه و بذل عطا یا ایله استیلاب قلوب اهالی به
 مبادرت ایلدیگی خبری اطرافه منتشر اولغله * حص بکی نعمان بن بشیر
 و قنسرین بکی زفر بن الحارث و فلسطین ملاکی نائل بن قیس دخی خلع ربقة
 اطاعت و اهل ثغور دخی اختیار سمت خلافت ترده اوزره اولدق لری عبدالملک

ابن مروانك مسموعی اولغله در عقب وزرا و خواص رجالی جمع و عقد مجلس
 مشورت و بو کیفیتی بعد التقریر بوباید استکشاف رأی صواب ایلد کده * وزرا
 و خواص جمله سرفرو و برده زانوی حیرت و مد هوش و ساکت و خاموش
 اولد قلزنده * عبد الملك تکرار جمله سنه خطاب ایله نیچون سکوت ایلد بکزر سنل
 ایشه یرایه حق و قنکرانجق بو وقتدر شمدی بزم بو محمدن طوغر و دمشقه می
 رجوع عمر صوابد ریوخسه مقدمه مشقندن خروجه مرده اولان قصه و نیتزی
 بوز میوبینه اولوقت توجه ایلد بکمز جانبه می عزیمت ز اولی دریا خود فلسطین
 و حص طرفلرینه ورود و نعمانی تأدیپ و طرده مبادرت ایلام می احسنه ندر
 یوخسه بو وقتده مصر جانبه میل و توجه می مناسبدر نه رای ایدر سکر خاطر کره
 خطور ایدن صورت رأی بیان اید بکزدید کده * اهل مجلسك اعلم و افضل
 بولنان شخص بوباید بزم عند مرده بر در لور رأی یوقدر جمله مزب شیور اولدق
 والله العظيم بوقضیه نك انقضاسنه دلتهامه جانبلرنده اغصان اشجارده توطن
 ایدن حربا دیدکاری حیوان اولوب انسان بولنمایدیم جائمه منت ایدی دیو
 اظهار عجزا تمکله * عبد الملك وزرا و رجالتك رأی و تدبیر لرندن نومید اولوب اول
 محله توقفلر بنی امر و تنبیه و کندوسی اسبنه سوار و شجاعان عسا کردن
 بر مقدار سواری صدا استماع اولنه جق قدر بعیدجه ورا سندن کلمر بنی
 فرمان ایل یوب عزیمت و جمعیت عسا کردن وافرجه مبادت ایلد کده * بر پر
 ضعیف الجسمه تصادف ایل یوب قرار و پیره سلام و یروب شو عسکر نه محله نزول
 ایدم جکار در ییلور میسن دیو سوال ایلد کده پیرمذ کوراشتی بکمه کوره فلان فلان
 طرفه نازل اوله جقلر ایش دیدی * یا عبد الملك حقننده خلق نه سویلیور لر برشی
 اشتد کی دید کده * پیرمذ کور نیچون سوال ایدرسن دیمکله عبد الملك دخی
 بن خلیفه یه واره جنم اشتد مکه عمر بن سعید دمشق شامه مستولی اولمش
 دید کده * پیرمذ قوم سن برادیب و حسیب کسنه یه بکزر سن استرسك سکا
 بر نصیحت ایدیم دیمکله * عبد الملك دخی بنمده مطلوبیم سنك نصیحت کدر دید کده
 پیرمذ سومدخی بوسودادن کیچ زراسنك قصه ایلد بکک خلیفه نك مملکتنده
 اختلاف و اختلال و رابطه اتباع امورنده انحلال و کند و سنده دخی اضطراب
 حال پیدا اولوب و ملول اضطراب حالی وقتنده غایت فورته لی دریایه بکزر که
 اول حالده انلره تقرب جائز دکدر دیمکله * عبد الملك دخی سن بنی نزد امیره عزیمت
 و تقر بدن منع ایدم یورسن بن ایسه بای توجه کن نزد امیره وروده محتاجیم

قال يکه اميرك حقنه دفعيد اوله جق برتد بيرك وارايسه بکا خبر ويرکه حتى بن
 واروب اميره عرض وافاده ايلديکده اميره نافع ومستحسن کلامه کله نزد اميره
 باعث رفعت شام اوله دید کده پيرمز کور بوجله جوابه آغاز ايدوب تحيةقا
 بعض حوادث نازلده جناب خداوند بچونک حکمت خفيه سی ظهور
 ايدو جک اولد قده عقول و آرا نفوذدن محجوب و ممنوع اولورو بن ظن ايدو رکه
 بو خليفه نك حقنه ظهور ايدو جک حالت رأى و تدبير عقول ايله دفع اولميه جق
 احكام نافذه الهيه دندر * اما چونکه بدن تدبير سؤال ايلدک بدخى سنک
 سؤالکي خيبت ايله ردی کريه کوردیکدن سکابر شئ سويليه يم ايوچه حفظ
 ايله دیدي * عبد الملك دخی سن بنی بو خصوصه ارشاد ايله جناب باری دخی سنی
 ارشاد ايلسون دیکله * پيرمر قوم دخی بوزمينده بسط کلام حکمت ارتسامه
 باشليوب تحقيققا عبد الملك عبد الله بن زبير ايله محاربه نيتيله حرکت وعزيت
 ايلد کده وراه پرده مشيت الهيه دن عبد الملك بونيتنه مانع بر صورت غريبه
 رونما اولدی * بو تقدیرجه بنم سکا نصيحت بودر که اول امرده عبد الملك حالي تفقد
 و تحری ايله اکرينه اول نيت وعزيتندن نمک قول ايلیوب عبد الله بن زبير ايله
 محاربه يه قصد وعزم ايدو رايسته لا محاله مخذول و منهزم اوله جغنی جزم ايله * زیرا
 بو صورتده حکم قدر ايله کندونک ممنوع اولدیغی امرده لج و عناد ایتش اولور *
 واکر بو عزيتدن رجوع ایلش بولور ايسه ک سلامت و نصرت اميدینی ايله زیرا
 بو تقدیرجه قدرک خلافي اولان نيتنی فسخ ايله حکم تقدیره تسليم اولمش اولور
 دید کده * عبد الملك دخی ای پير بوکلام حکيمانه کی دخی زیاده جه ايضاح و تفصيل
 ايله که صورتی ذهنده ثابت و مستقر اوله دیکله * پيرمر قوم بوجله تفصيله آغاز
 ايلديکه تحيققا عبد الملك عبد الله بن زبير ايله محاربه يه قصد وعزيت ايلد کده
 عبد الملك بو خصوصه ظلم و غدره نيت ایلش اولدی زیرا عبد الله بن زبير اکا
 عصيان و يا خود بر مملکتنه حمله و هجوم ايلما مشیدی بو حالده عبد الله بن زبير
 مظلوم اولمش اولور * اما عمر بن سعيد دمشق شامه سوء قصد و استيلا ايلسنده
 عبد الملك مظلوم و عمر بن سعيد ظالم اولمش اولور * زیرا عمر بن سعيد عبد الملك
 رعایاسندن معدود احاد ناسدن ايکن خلافت سوداسنه دوشوب کندینک
 و باباسنک استحقاقی اولمیوب عبد الملك ارثا و استحقاقا مالک اولدیغی دار
 الخلافتی غصب ایلدی * بوجهتدن عمر بن سعيد ظالم اولدیغندن قطع نظر
 عبد الملك بنده لرندن اولدیغنه بناء عمرک عزتی عبد الملك عزتيله

حاصل اولوب مع هذا عبد الملك عمر حنّنده بوقدر لطف واحسان ايلمش. ميكن
 عمر بن سعيد غدري ارتكاب وبويله شماتت اعداي موجب برخيانتی ايتـگله
 عمر بن سعيد ظالم و غدار و عبد الملك مظلوم و مغدور اولدی * بوصورتده عبد الملك
 جانب دمشق رجوع و عزيتي امر حقه تسليميت صورتی اولغله عمر بن سعيد
 غالب و مظفر اوله جغی ظاهر * و عمره ظفر باب اولد قده نعمان و زفر و سائر اهل
 تغور باسره هم کردن داده طوق اطاعت اوله جقلمی باهر در دید کده * پیرمذ کورک
 بوکلامی عبد الملك مورث انبساط عظیم اولوب رأی پیرایله عمل و حرکت
 عزيت ایدوب یاشیخ تحقیقا بکا اعلانصح و پند ایلدک جناب خدای عزوجل
 دخی سکا خیر جزا ایل جزا ایلسون اسمک زندر و منزلک ز قنده در بکا خبر ویر دیگله
 پیرمذ کور تیچون سوال ایدرسن دید کده * یاشیخ تحقیقا عبد الملك بنم و سن
 بنی ارشاد ایلدک و بندخی استرمکده سنک بعض حوايج کرده بولمغله حق نصیحتی
 ادا ایدیم دید کده * پیرمذ کور دخی سن و بن جناب ملک المتعاليک عبدی یز
 جمله من حاجتزی انک درگاه عزتته عرض ایدرز بنم سکا متعلق حاجتم بوقدر
 دیوب عبد الملك و داع ایدوب مفارقت و عبد الملك کلوب پیرمذ کورک رأیله
 عمل و حرکت ایدوب نائل نجاح و ظفر و حصول مرآمنه موفق و مظهر اولدی

*(اونجی باب اصول سیاستک معرفتی بیاتده در) *

معلوم اوله که تحقیقا ملوک عظام حضراتی تدبیر و سیاستده سکز شیئه تشبث
 ایلک مستحسن اولور که اول سکزئی بولردور * یغمور شمس قر روز کار
 آتش صو ارض موت * اما یغمور برسنه ده درت ماه مقداری یاغوب
 مرتفع و منخفض یعنی بولک و آلتق برلوده اولان نباتاته سنه کاملده
 و فالیده جک قدرافاضه نمور طوبت ایلدیکی کبی * ملوک عظام حضراتی دخی
 اعوان و انصار و عسکر یسندن شریف و حقیر و رفیع و وضعینه علی مراتبهم
 برسنه ده مدار معاش اوله جق و طائف واجبه مرتبه لرین اوچ درت آی ظرفنده
 اعطا و احسان بیوره لر * اما شمس سنه ده سکز آی مقداری مدته تأثیر حرارت
 وحدت گرمیتله وجه ارضده بولنان نداوه و رطوبتی جذب و استیفا ایلدیکی
 کبی * ملوک عظام حضراتی دخی سنه ده سکز آی مقداری مدتلرین رعایا ذمتلرندن
 اقتضا ایدن اعشار و رسوم و سائر حقوق واجبه نک تحصیل و استیفا سنه صرف
 بیوره لر * اما قریب در تمام اولدیغی کیجه لرده ضیا و تابی جمله جهانیه منتشر اولغله قریب
 و بعید عامه ناس ضیا سیده مانوس و مبتجع اولدقاری کبی * ملوک عظام حضراتی

دخی مجلس عالیارنده نشر انوار بخت ایله قریب و بعید رعایا فقراسنه ضیایاش
 ایناس و عدالت اولوب ضیاء بدر عدالتلرین خواص اعوانلرینه تخصیص
 ایلیموب قریبی فیضان نور عطوفتلرین خواص و عوام و شریف و وضعیه عام
 و شامل بیوروب بر فرد ظلم و ستمده محجوب و مکدر قالمیه * اما روزگار کمال
 لطافتیه جمله جهانی احاطه ایلیموب بر محلی خالی براقدیغی کبی * ملوک عظام
 حضراته دخی لایق اولان اولدرکه کندو لطافت تدبیرلری و حاذق و صادق
 و معتمد و مجرب جاسوسلری واسطه لرله جمله رعایاسنک و والی و حاکم لرینک و قلاع
 محافظلرینک و اعوان و عساکرینک و خدمه خاصه و عامه سنک و اعداسنک کیفیت
 حرکت و حاللرینه اطلاع تام حاصل ایلیموب بونلردن برینی مهمل و خالی
 براقیه لر * اما آتش خار و خاشاک یاقوب اعدام ایلدیکی کبی * ملوک عظام
 حضراتی دخی اصحاب شر و فساد و زمره طغات و بغاتی آتش تیغ قهر ملوکانه لرله
 احراق و ازاله بیوره لر * اما صوده لطافت و کمال ملایمت و ارا یکن
 وقت جریا تنده کنده ویه ملایمت و مطاوعت کوس ستر نلره رفق
 و ملایمت کوس ستروب شدت و صلابت ایله سدراهی اولنلرک اوزرلرینه
 خار و خاشاک جمع و تحمیل ایله نیجه اولو و بیوک اغاجلری کویکارندن
 برکنده و برکشته ایلدیکی کبی * ملوک عظام حضراتی دخی کندولره مطیع و منقاد
 اولنلره رفق و مکرمت و اظهار خشونت و رعونت ایله مخالفت ایلینلره شدت
 کوس ستروب اعدای دولتی سیلابه پر جوش کبی لین و رفق یوزندن غوائل کثیره یه
 کرفتار و یوما فیوما احوال ثقیله بلایسن اکثر و توپیخ ایدرک دشمنک عروق
 خبیثه سن قلع و ازاله بیوره لر * اما ارضه یعنی زمیننه هر نه که دفن اولنسه ستر
 و کتم و اوزرینه هر تقدربار کران تحمیل اولنسه تحمیل ایلدیکی کبی * ملوک عظام
 حضراتی دخی اسرارینی کتم و حوادث روزگار مقتضاسیله ظهور ایدن
 مکارهه تحمیل بیوره لر * اما موت بغته ظهور ایدوب اهل لذات دنیویه بی غافل
 بولوب رجا و رشوت مثلاً و برشی قبول ایلیمه رل قبض روح ایلیموب بر دقیقه امان
 و زمان و برمدیکی کبی * ملوک عظام حضراتنک دخی اعدای دولتنک و یا خود
 بر مفسد قوینک قهر و استیصالیچون ترتیب و تسبیر ایلدیکی مأمورلر اهل
 عداوت و مفسدتی بویله بغته غفلتده باصوب و جهها من الوجوه مساعده
 و مساعدیه ایلیمه لر * معلوم اوله که مملکتی بر بستانه تشبیه ایلشدرکه بستان صاحبی
 لیل و نهار اول بستانک تدبیر و تربیه سنه نه کونا اهتمام و التزام ایدر ایسه مملکتک

دخی علی الدوام تدبیر و تربیه سنه اهتمام و التزام اولنق اهدر * شویله که صاحب
 بستان درون بوستانده ظمور ایدن ایشه پراض خار و خاشاک خبیثه و غیره ممره بی
 دیوشروب و آیرتلیوب دائر مدار بوستانی اطرافنه وضع و جمع ایله هم درون
 بستاندن اومقوله خار و خاشاک کی تطهیر ایله نباتات ممره و طیبیه باعث قوت
 و طراوت اوله جق اشیای تحصیل و هم خارجدن اغیارلک مداخلارین اول خاشاک
 ایله فی الجمله سد ایلدیکی کبی * ملوک عظام حضراتی داخل ممالکنده سرزده
 ظهور اولان شدید الشکیمه اصحاب رعونت و خوشونتلی درون ممالکدن افراز
 و سرحدات ممالکنه ضابط و محافظ نصب ایله هم درون ممالکنی اصحاب رعونتدن
 تطهیر ایله رعایا فقراسنی اراحه و تأمین و هم سرحدات ممالکنده مداخل اعدای
 دولتی بو وجهله سد و تحصین پیوره لر * و رعایا اوزرینه ادا می واجب
 اولان حقوق رعیتک وقت تحصیلی حلوانده تحصیل اولنوب تأخیره جواز
 کوسترلیه که بعض عوارض ظهوریله تلف و هلاک اولمیه * تکیم صاحب
 بستان بستانده حاصل اولان میوه بی وقتیله دیوشر میوب تأخیر ایلسه یاشدت
 روز کار و یا خود عارضه آخر ظهوریله بره دو کیلوب تلف و هلاک اوله جفی امر
 مقرر در * و خدمات پادشاهیده اولان اعوان و جنوددن قوت اولنلرینک صبی
 اولاد لرینه بیت المالدن قدر کفایه نفقه تعیین اولنه که حد بلوغه ایرد کارنده
 مادقانه خدمات پادشاهیده بذل اقتدار ایللرینی موجب اولور * تکیم بستانده
 بر میوه اغاجنه آفت اصابت ایدوب قور یسه صاحب بستان اول اغاجک
 قور یلرینی آیرتلیوب کویکندن ظهور ایدن اوافق شاخلرینی صولیبوب
 تربیه سنه زیاده اهتمام ایدر که بیود کده طیب و لطیف میوه ویره * و هر چن بر برینه
 یقین و مجاور بولنان و الیلر و حاکمردن ایکیسنک بیننده نفسانیت و عداوت تکون
 و حدوث ایلسه بر برندن تفریق و تبعید اولنق اهدر * زیرا بونلر بو حال ایله بر برینه
 مجاور بولند بجه بونلردن حقانیت اوزره خدمت مأمول اولند یغندن بشقه
 بعضا برقتنه عظیمه حدوثنه باعث اولور که قوت و مکننت ملوکانه بی صرف ایله
 دفعی میسر اوله من * تکیم بستانده بر برینه یقین بولنان اغاجلرک داللری بر برینه
 قارشوب دولاشسه صاحب بستان در عقب بر برندن آبروب بینلرین تفریق
 و تنقیح ایلر * زیرا علی حاله ساترک اولنسه لر اول اغاجلر کتدیکه میوه ویرمد کارندن
 قطع نظر بر برلرینه موجب هلاک اولور * و معلوم اوله که رعایا طائفه سی
 هر قدر پادشاهلرک دیوشر لاش میوه بی و حاضر لاش ذخیره بی و قلاغیلو

قلیجی مشابه سنده یعنی سبب قوت و مکنی ایسه نه انلک حقننده حرم و احتیاطی
 ترلک قطعاً جائز دکلدر * زیرا طائفه هر قومه نیک بعضاً وحشی حیوانات مثل
 اورکک و سیل صوبی کی طغیان ایلک مقتضای خلقت لیدر * هر نه زمانک اطاله
 اسانه قدرت بولور لایسه حله و هجومه دخی قدرت بولورلر * و رعایا مقوله سی اوج
 صنف اولغله حقارنده اوج صنف سیاست اولمق لازمدر * طائفه هر قومه نیک
 بر صنفی عقل و دیانت و فضل اصحابی اولغله ملوک عظام حضراتک تنظیم
 احوال انام ضمننده اختیار بیورد قلمی متاعب و مشاقی بیلوب علی الدوام توفیق
 خداوند بیچونه مظهر یتلر یچون دعوات خیریه لرنده مواظبت و مشابرت اوزره
 اولورلر * بومقوله لر حقارنده سیاست وقت مشاهدده اظهار بشاشت و کلاملرینی
 حسن التفات ایله استماع و اصغای یورمغله حاصل اولور * بر صنفی دخی وارد در که
 بعضاً خیر و بعضاً شره میل ایدر لر بومقوله لر حقارنده سیاست * کاه ترغیب و کاه
 تخویف و ترهیب ایله حاصل اولور * بر صنفی دخی وارد در که اسافل و ادانی
 قبیله سیدر که هر دعوت ایدنه اجابت و هر طرفدن استمالت اولنسه میل
 و متابعت ایدر لر بومقوله لر حقارنده سیاست * کندولره یأس قطعی و برمیجه جک
 قدر اخافه و افراط اولمیه رق عقوبت ایله حاصل اولور * ملوک عظام حضراتدن
 بروجه محرر سیاست ظهوری رعایای حقننده مرحمت و شفقت ملوکانه نیک
 وجود ایله اولور * زیرا ملوک عظامک آحاد ناسدن امتیازی ایکی فضیلت ایله
 حاصلدر بری فضیلت ذات و بری فضیلت آلات * اما فضیلت ذات بشخصه
 بری مرتبه که رعایا فقر اسنه مرحمت قوت و مکنی ایرات ایدر * ایلنجیسی یقظه
 یعنی احوال رعایادن خیر و آگاه اولمق بویقظه خصلتی رعایا فقر اسنک
 کوزنجیسی و یکنجیسی سیدر * اوچنجیسی شدت بطش و قهر در که بوخصه رعایا
 فقر اسندن ظلم و اذایی دفع ایدر * در دنجیسی فطنت در که اعدای دولتی حقننده
 بوخصه ایله اجرای لطائف الحیل و مکیده قدر نیاب اولور * بشنجیسی حرم
 و احتیاط در که بوخصه ایله وقت فرصت لری فوت ایلر * اما فضیلت آلات التیدر
 بری کثرت مال * ایکنجیسی کثرت عسکر * اوچنجیسی متانت قلاع *
 در دنجیسی قوی و متین بنالرا اتحادی * بشنجیسی البسه سنیه و فاخره نیک تهیه
 و اعدادی * التنجیسی ذخائر نفیسه تحصیلدر * و ملوک عظام حضراتک
 هر قدر فطنت و ذکا سی و قوت حیله سی و کثرت مال و عساکری و حصانت
 و متانت قلاعی بر کمال اولسه دخی نه بونلر اعتمادا بعض حوادث نازله ایچون

استعداد و تهییّی تر که ایملک بر در لوجا تراولم یوب بلکه هر نقدر وقوع و حدوثی جائز
کوریلان و هنوز ظهور ایملیان صور حوادث خاطره کورایسه حسب الامکان
احتیاطا جمله سنک اسباب مدافعه تدبیری ایملک الزم و اهدر * شونک کییکه
فصح اللسان و قوی البدیه و حسن القریحه بر خطیب منبره قبل الصعود
قریحه دن بر خطبه لطیفه انشادینه قدرتم وارد در دیوقوت بدیهه سنه اغترارا
مقدمه او قویه جفی خطبه بی ترتیب و تقدیم ایملیکسزین منبره صعود ایلمسه
احتمالدرکه منبره کندویه یعنی طوتغونلق مستولی اولوب انشاد
خطبه به قادر اولیه * هر امرده بوکونا احتمالات عقلیه بی ملاحظه ایله بر حالتک
حدوثندن مقدم اقتضا ایدن حیل و تدبیری ترتیب ایملک مقتضای حزم
و احتیاط در زیر بعد وقوعه حیل و تدبیر فائده ویرمز * شونک کییکه بر محلی
صوبایحق احتماله بناء صوکه جک جانبه برسد متین یا پلق مراد اولنسه اگر
هنوز صویک وجودی یوغیکن احتیاطا اول سدیاییلورایسه ثابت و متین
اولور * بعده هر نقدر شدت و طغیان اوزره صور و هجوم ایلمسه اول سد
متینه بر ضرر و رخنه ایده من اما بو احتمال وارایکن بلکه صوکلز دیه رله سدک
بنایی تأخیر اولوب صویک ورود و هجومند نصکره ضروری سدک بناسنه
مباشرت و هر نقدر صرف و سع و کنت اولنسه فائده ویرمیوب صرف
اولتان مال و همت هیا اولور * و ملول عظام حضرائی اعدای دولتی حقنده
برکونا کید و حیل و تدبیر و ترتیب یورسه لر کند و حقلزنده دخی دشمن طرفندن
اول حیل و تدبیر و ترتیب یورندن امین اولم یوب دخی مثلی ظهور ایملک ملاحظه سنی
ایدرله مقدمه احتیاطا اسباب مدافعه سنی تهییه و تنظیم اهدر زیرا بوباید
دشمن جانبندن غفات اولنق شونک کبیدرکه * برکسنه اثنای محاربه ده
دشمنه آتدیغی تیرده هر نقدر مصیب اولسه دخی البته دشمن طرفندن دخی
کندویه آتیلان تیری اصابندن منع ایده جک اسباب و اوضاعه تشبث ایلمسه
هدف تیر اعدا اوله جفی مقرر در * کذلک ملول عظام حضرائی دخی اعدای
حقنده بر کونا حسن تدبیر و حیل و ترتیب ایلیوب اعدای طرفندن ظهور
و وقوعی محتمل و ملحوظ اولان صور حیلدن تحرس و تحفظ ایلمسه بو حالده
ترتیب اولسان حیل و عمل کند و لر مانع اولم یوب بلکه اعدا الرینه مؤنه اوله جفی
آشکار در دینلمدر که اعدا کک حقنده ترتیب ایملیکک تدبیر و حیلدن
تحفظ ایله سنک حقکده اعدا کک ترتیب ایملیککی حیلدن تحفظ ایملیککی

زیرا چوق کمسنه وارد رکه کند و تدبیری کند و بی تحفظدن اشغال ایستگاه
موجب وقوع ورطه هلاک اولور و حفر ایلمدیکی بتره ایقاع ایدر * ملوک عظام
ایچون لایق اولان اولدر که کافه امورنده کمال حزم و صدق و عزمه رعایت
ایلیوب اول امورده خلاف مأمول عارضه حد و ثنده غایت احتیاس و حذر
اوزره اوله لر * حدیث شریفده واقع اولمشدر که حزم دیدکاری سوء ظن در لکن
حقیقتده سوء ظن دکادر بلکه بر عارضه غیر مأموله حد و ثندن احتیاس و احتیاط
ایچون مأمولک خلا فی ظهورنی ظن ایلمکدر * بعض حکمایه حزم ندر دوسوال
اولند قدده هر بروقوعی ممکن اولان شیدن احتیاز ایلمکدر دیدی * بعض علما
بوابیاتی نظم ایتمیلر

لا تترك الحزم من شيء تحاذره * فان سلمت فما للحزم من باس
الذل نقص وفعل الذل منقصة * واحزم الحزم سوء الظن بالناس

مضمون اییات هر بر حذر اولنه جق شیده حزمی ترک ایلمه کر اول محذور دن
سالم اولور ایست حزمک سکا ضرر ویر من اما حزمی ترک ایلمه ظهور ایدن ذل و اول
ذلی ایستلک تقیصه ویرر * و کمال حزم جمله ناس حقه ندده سوء ظن ایدر کی حرکت
ایلمکدر * و ملوک عظام ایچون هر بر امر که وقوع عیوله اول امرک تمشیقی امکائی
فرصت اتخاذ ایدوب وقت امکاتنده تمشیت و یروب اول امری حقیر و صغیر
عدایله نه زمان اولسه اولور دیه رک تأخیر بیور میوب مصلحت جسمیه نه کونا
اهتمام بیور یلور ایسه امر جزوی و حقیره دخی او یلجه صرف همت بیوره لر * شونک
کبیکه ارسلان بر فیل جسم اوزرینه حمله و هجومده نه کونا اهتمام ایدر ایسه
بر حقیر طو شان اوزرینه حمله و هجومده دخی اولقدر صرف مقدور ایدر * زیرا
چوق امور وارد رکه اول امرده صغیر و حقیر کورنوب دفعی تدبیرندن اهمال
اولسه مدت قلیله ده تعظم ایلیوب کات تدبیره محتاج بر ماده عظیمه اولور
بعضیلر بو نظمی انشاد ایلدیلر

ولا تحقرن عروا رماک * وان کان فی ساعده القصر
فان السیف تحز الرقاب * وتعجز عما تنال الابر

مضمون اییات سکا رمی سهام عدوان ایدن دشمنک هر قدر قصر الباع یعنی
عاجز و حقیر اولور ایسه دخی نه سن انی حقیر عدایلمه زیر اسیف آلات جارحه نک
حدید و زیاده مؤثری اولوب بر ضرب به ده قوی و غلیظ کردنلری قطع و دوپاره
ایدرا یکن بعض وقت اولور که برضعیف و حقیرا کنه نک ایستلدیکی ایشی

اینست که من و اقتضای طبع تقلب نمای سپهر ناهموار ایله بعضا صورت مساعد
 روزگار چند روز اعدای بد کردار جانبندن بیدار اولوب اقتضای مدت
 استدر اجنه دل حسن حیل و تدبیر ایله قبول علاج ایلمک متعذر اولسه امور
 ملکه خطر اصابی و اهرمه سن دفع نمونده بالضروره جانب اعدایه مدارا و حسب
 الامکان مماشات و ارضا معامله لرین کوستروب و بر طرفدن دخی کین
 خفادن متیقه و وقت فرصته مترقب و اخذ ثاره منتهی و مستعد بولوب هر
 چن مرآت وقت و حالدن شاهد فرصت یوز کوستر رایسه فوت ایلمیوب شیرانه
 حملات کوه انداز ایله هجوم و اقتحام و اخذ ثار و انتقام و تحصیل مقصود
 و مرامه اقدام ایلمه لر دینلمشدر که عدونک قوت و مکنت و اقبالی برقرار
 اولدجه مدارا معامله سن التزام ایلمکه حزم دینلد یکی کبی * دشمنک ضعف
 و ادباری وقتی حلولیه اخذ انتقام فرصت الویرمشیکن فوت ایلمکه دخی عجز
 و تهاون دینور * و هر چن امور مملکتدن برآمده برحالت تحملاکد از حادث اولغزه
 اول امر کلیاندهابه یوز طوتمشید مکن اول امردن بعضیسنک محافظه
 و ابقا سیچون آخر بعضی فدادن غیری تدبیر اولمیوب ضروری بو تدبیر اختیار
 اولسه تأسف اولمزیرا اول بعضک فدا اولغسی اول امردن آخر بعض دخی
 کیدوب کلیان زائل اولما مق غرضنه مبنی ایدی بو تقدیر چه غرضی حاصل
 و سودمند اولمش اولور * شونک کبیکه بر عاقل کمسنه نک ایکی نفر اولادی خسته
 و مویه مشرف اولوب ای کیسنک معا و فاتلری مصیبتنی ملاحظه ایله برینک
 و فانیله دیگرینک صحتنی طمع و امید ایدر کن بری فوت اولوب بری صحت
 بولسه ایکیسنک دخی کدرینی چکمزیرا بری صحت بولوب برینی دخی
 کندوسی صحت بولان ولد یچون اختیار یله فدا ایلمشیدنی * و ملوک عظام
 حضراتی کندولره معادی و مخالف اولان اعدا لرینک هر تقدیر همجنس
 و هم ملتی و ارایسه جمله سنه عداوت معامله سن ایلمه لر * زیرا کاه اولور که اعدانک
 همجنس و هم ملتی بولسان بعض طائفه کند و همجنسینک خلافتده اولنلرک
 انتفاعنه صاد قانه سعی ایدوب همجنسیتی موجب اتفاق اوله من * شونک
 کبیکه قلی ایله زرهنک ایکیسی دخی بر تیموردن یا یلوب همجنس ایکن قلی کند و
 حد نیله قاتل و قاطع اولوب زره دخی قلیک تاثیر و قطعنه مانع و دافع اولور *
 و فوت اولوب یکن امور ایچون ملوک عظام حضراتی تأسف و جزع ایلمک لایق
 دکادر * زیرا ارجاع و اعاده سی مستحیل اولان امور فائدهیه تأسفدن انسانه

بعض حالات مؤثره عارض اولور که اول حالت امور آتیه و خصوصیات سائر مملکت
 صلاح و تدبیرندن کند و لرینی اشغال ایدر و تأسف و جزعک شدتی نفسه دخی
 مضر در (حکایت) اولور که ملوک فرسیدن بری رأس سنه لری اولان
 نوروز کونی مسندنده او توروب عادتلی اوزره هر کس علی مراتبهم و سنجیه
 حضور مملکه عرض هدایایه باشلد قده * حکمادن بری دخی حضور مملکه دخول
 و بر اورتولی ظرفی هدیه اوله رق تقدیم ایتمکله ملک دخی اورتوسنی آچدر دقده
 ظرفک ایچنده ایکی عدد کور پارچه لرندن غیری برشی اولمیوب ملک دخی بوند
 دیو سوال ایتمکله * حکیم من بور جوابه آغاز ایدوب بونلک بری شاهین و بری دخی
 دراج دیدکاری قوشدر بوشاهین بودراجی صید و شکار ایملک سودا سیله جو
 هواده تعقیب و اول پیچاره دراج دخی سهام قضا کی سرعت طیران ایله شاهینک
 اوکنجه کیدرک بر اورماناغه تصادف ایلدیلر که آتش اصابت ایدوب جله اشجار
 و نباتاتی طوتشوب ینارکن پیچاره دراج کمال اضطراب و جزعندن آتش اولدیغن
 حس ایتمیوب جانی قور تارمقی خیالیله کندوی اول آتسه القا * و شاهین
 دخی دراجی صید سودا سیله کمال حرصندن دراجک اردنجه آتسه کیروب
 ایکیسی دخی یانوب بو حالی کسب ایلدکارینی کوروب و پادشاهمک عندنده
 دخی وعظ و نصیحت و بو مقوله موجب اعتبار و بصیرت اوله جق شیلردن
 اعلا برهدیه اولدیغنی بیلد یگمدن حضور کزه تقدیمه جسارت ایلدم *
 پادشاهم حرص ایله جزعک افراطی انساندن شعوری و حیواناتدن حسی
 سلب ایدوب بویله حالاره دوچار ایلدیکنی معاینه ایله حرص و طمعک افراطندن
 اجتناب ییورک دیدکده * اول ملک دخی بکا بوندن انفع و خیر لو هدیه تقدیم
 اولمادی دیو فوق الغایه محظوظ اولدیغن اظهار ایلدی * و هر چن خطاً اشلمان
 بر فعل و عملده ضرر و خسار بیدار اولسه بو فعل و عملده برکوناضرر بیدار
 اولمادی دیو اول فعلک مثلی تکرار اشلمک جائز دکدر * شونک کییکه برکسنه خطاً
 بر ییلا نک اوزرینه با صوب ییلان کندوی صوقاسه بعده ییلان صوقدی
 دیو تکرار با صمق جائز دکدر * و دخی معلوم اوله که ملوک عظام حضراتک
 سلفلری وقتندن قلان رجال و اعوان مجربه لری دعایم دولتک اقواسیدر
 هر تقدیر می و رازمان ایله وجود لرینه ضعف و هرم طریان ایلش ایسه جوودت
 جواهر خلقیه و خلوص صداقت جبلیه لری باقی اولمغله ملوک خلوصلری
 و وقت بآس و محنت روز کارده صبر و جلادتلی من داد اولور * شونک کییکه

برخانه نك دعایى يعنى قل دیرکاری ساج دیدکاری صلب اغاجدن یا پلد قدہ
 هر نقدر زمان مرورایدوب اسکیسه اواقدر قوت و صلابتی زیاده اولوب
 اوفاق قورد جغزلردخی بر درلور خنه ایدہ میوب اول خانه نك قتی وافر زمان قوام
 و نباته سبب اولور * و ملوک عظام حضراتی اعوان ورجالنه کذب ایلہ مألوف
 و شر و شقاوت ایلہ مطبوع و مشغوف اولان کسنه لری قارشدر میوب طرد
 و تبعید بیورہ لر * زیرا کاذب اولان کسنه هر نه سویلرسه کذب ایدوب ملوک
 عظام حضراتی طرفندن کندویه هر نه کونا خبر واصل اولور ایسه تصدیق ایلر
 و شر و شقاوت ایلہ مطبوع اولان کسنه دخی مقتضای طبع شقاوت پیشه سن
 ترک ایلک قابل اولدیغندن بومقوله بی استصحاب خطر عظیم اولوب و کذاب
 و شریر اولنلرک اصلا بی دخی ممکن دکلر * زیرا میون دیدکاری
 حیوان تا اولنوب حسن صورت کسب ایتسون دیوهر نقدر نفیس اطعمه
 و بر یلوب تریبه اولنسه اولقدر زشتلک و بحر کنلکی زیاده اولدیغی کبی * شریر
 و کذاب اولان کسنه لردخی هر نقدر تریبه و نادیب اولنسه لرفائده و یرمیوب شر
 و شقاوت و کذب و دروغلری زیاده اولور * ملوک عظام حضراتی رأی و حفاظنه
 یعنی ذل و دنائی ارتکابدن تحفظنه اعتماد اولنمیان کسنه لراعانه سیله ضبط
 امور دولت و حرب و قتال ایچون اعدا اوزرینه عزیمت بیورملرنده خطر
 عظیم واردر بومقوله لرک کثرت جمعیتلرندن توهم اولنسان قوته اغترار جائز
 دکلر * زیرا بومقوله لرک قوت جمعیتلرینه مغرور اولان کسنه ارسلانه سوار
 اولان آدمه بکزرکه هر کیم کورسه ارسلاندن خوف ایدر مع هذا اول آدمک
 دخی سوار اولدیغی ارسلانه عدم اعتمادی تقریبیله خوف و احترازی
 برکالدرو رأی و حفاظی هنوز مجرب اولمیان کسنه لرک دخی تجربه و امتحان
 و یا خود حال و شانلرندن امارات صادقہ ایلہ استدلال اولنہ رق امور دولت
 و اعدا اوزرینه عزیمتده اعتماد جائز اولان قبیلدن اولدیغی متحقق اولدقدن صکره
 اعتماد بیوریلہ * و ملوک عظام حضراتی عسکری طائفه سنک اقوات
 و ارزاقلرین قدر کفافدن زیاده توسیع ایدر لرسه طوائف عسکریه نك حد عبودیتی
 تجاوز ایلہ کفران نعمت ایللرینی موجب اولور * و ارزاق عسکریه بی کفافدن
 نقصان ایلہ مضایقه و یرلدیکی صورتده دخی حقد و کین ایراث ایتمکله بوا یکی
 حاله فتنه و اختلال حدوشدن حذر اولنور * زیرا اوج شیء امور ملکیده ده
 مہامہ عظیمه به سببدر * بریسی صاحب ملک شہوات نفسانیه سنک

عقلنه غالب اولمی * ایکنجیسی وزرا بیننده تحاسدیعی بربرلینه حسد
ایلمری زیرا بوحسد تعارض آرای موجب اولور * یعنی برینک ایلدیکی رأی
وتدبیری صواب دخی اولسه دیکری حسده بناء فسخ والغایه سعی ایدر *
اوچنجیسی طائفه عسکریه نك واعوان دولتک اعدا ایلدیحاربه ومجاهده دن
نکول ایلمریدر * وبومقوله عساکر واعوان دخی ایکی صنفدر * برصنفی اولدرکه
اقوات وارزاقلرینک وسعت وسرفی حد عبودیتدن تجاوز و کفران نعمت
ایلمرینی ولذات نفسانیله تلذذلرینی ایجاب ایلمکدن ناشی اعدا ایلدیملاقاتلرنده
نفسلرین محافظه وهلا کدن ضبط وصیانت ضمننده محاربه ومقاتله دن نکول
ایدرلر * ایکنجی صنفی اولدرکه طائفه عسکریه نك ارزاقلری تقطیر وتقلیل ایلد
مضایقه به دوچار اولمری حقد و کین ونفاقلرینی موجب اولمقدن ناشی بعض
غوائل حادثات نازله ظهورنده سرعسکرلرینی ترک ایدوب پریشان اولورلر
وهرچن برفتنه واختلال وقوع عموالسه منشأ وسبب نه اولدیغنی واختلاف کلمات
نفوس و اطاعتدن خروجلرینی موجب نه ایدوکنی بلك لازم واهمدر * حتی اول
سبب وموجب اولان ماده نك حسم وفصلیلله لهیب فتنه واختلال منطقی اوله *
منقولدرکه ملوک عظام عجمدن بری بر حکیمه کاعغد تحریر ایدوب اسباب
فتنه نك وصفنده حکماچوق کلام سويللریله سبب حدوث فتنه ندرونه ایلد تسکین
واماته سی میسر اولور بکا تحریر وتفهیم ایلد دید کده * حکیم مذکور دخی جوابنده
ملوک حقنده قلوب ناسده حقد و کین تکیونی سبب حدوث فتنه دروهیبت وجرات
ملو کانه عوام ناسک طمع خاملرینی قمع وازاله ایلمدیکی حالده اطماع عوام دخی منج
فتنه اولوب خواص اعوان ورجالت استخفاف واستحقاری تولد ایدر * وفتنه نك
غایت اشدی السنه ناس مضر درونلری اولان اغراض فاسده وافکار کاسده لرین
علمنا تفوهه رخصت بولوب امیرملکه دخی کند ولذا ائذ نفسانیله سیله التذاذ
واشتغالی بدهان ممانعت ومستعدتدبیر اولان اصحاب آرادخی زبون قید عجز
وضجرت اولمقدر * وسبب تسکین واماته فتنه دخی سلب وازاله فتنه به مبادرت
ایده جک اعوان صادقانه نك عزتی وایقظ فتنه به مستعد بولنانلرک عجز وذاتی
وحسب الوقت والحال بعضا تحصیل مرام وقطع آمال وخوف ورعبک تمکن
وتحققیدر دیو بیان ایتمکله * ملوک عجم دخی ای حکیم تحقیقا جواب کده نفس
الامری بیان ایلش سن اما فتنه بی دفع وازاله ایده جک اسبابک غایت قویسی
ندردیو تحریر وسؤال ایلمد کده * حکیم مزبور دخی تکرار جوابنده حدوثی مظنون

و مخوف اولان ماده فتنه نك قبل الوقوع اسباب دافعه سنی آماده قلمغله تداركنی
 كورمك وهزلی ترك ایدوب جدی اختیار و غضب و رضا و قتلرنده عدل ايله
 عمل و حرکت ایلدكدر دیدی * عبد الملك بن مروان حجاج بن یوسفه كاغد تحریر
 ایدوب بكافتنه بی بروجه له تعریف و توصیف ايله كه او وصفلری مطالعه ایتدكجه
 فتنه نك عیننی كورمش قدر اطلاع و وقوف حاصل ایدیم دیدكده * حجاج بن
 یوسف جوابنده فتنه اینه داء خلق بیننده طرف طرف فساددی دیدكاری كیزلو
 و مخفی سوزلردن نشئت و تكون ایدوب بعده ناسك كثر و اتفاق ايله برشیدن
 نظام و شكایتلری باعث ظهور فتنه اولوب تسکین و ازاله سی سیف صارم ايله قابل
 و میسر اولور دیدی * حکایت اولنديكه عثمان بن عفان رضی الله تعالی عنه
 حضرتلری محصور اولدقلری حالدہ جلسا لرینه ییوردیلر كه استرمكه بر صدیق
 دوستم بنم و بنی محاصره ایدن قومك کیفیتلرینه واقف اولوب بكا خبر ویره
 دیدكارنده * انصار دن بر ذات قیام ایدوب یا امیر المؤمنین بن واقفم سزہ حقیقتنی
 بیان ایلیم جنابكزل بوقومه اولان کمال تسلیت و حلمكز و مسامحه و مساعدہ كز
 بویه حرکات ارتسكاب و اختیار ایللرینه باعث اولدی * بوجراء تلرینی انجق سزك
 افراط حلمكز ایجاب ایلدی دیدكده * حضرت عثمان رضی الله عنه دلخی صادق سین
 او تور ییوردیلر * بعده تکرار حضرت عثمان رضی الله عنه حدوث فتنه به سبب
 ندر ییلور میسن دیوسوال ییوردقلرنده * اول ذات ینه جوابنده یا امیر المؤمنین
 بن بر عالم و فاضل دن سبب حدوث فتنه بی سوال ایلدی كمدہ بویه جواب
 ویرمشیديكه فتنه بی هیچ و تحریك ایدن ایکی شیدر * بری خواص ناسك
 حقد و کینلری * ایکنجیسی عامه ناس حقدنده علی السویه حلم ايله معامله اولمشیدر
 دیدی * بعده حضرت عثمان رضی الله تعالی عنه یافتنه بی تسکین ایدن ندر دیو
 سوال ایلدكیدی دیدكارنده * ایلشیدم یا امیر المؤمنین بویه جواب ویرمشیديكه
 فتنه نك ابتدای ظهورنده بعض اصحاب جرایمك جرملرین عفو و فقط خواص
 اعوانه استقلال ویرمك ايله تسکین فتنه میسر اولور * اما ابتدای حدوث
 فتنه ده دفع و تسکین میسر اولمیوب ماده فتن قوت و استحکام بولور ایسه
 صبر دن غیر چاره سی یوقدر دیدكده * حضرت عثمان رضی الله تعالی عنه
 اشته شمدی بوقوع بولان فتنه دخی قوت و استحکام بولمغله جناب حاکم
 مطلق جات قدرنه ماده نزاعی فصل ایدنجیه دل صبر ایدرز ییوردیلر

* (اون برنجی باب کشف مظالم انام ضمننده ملوک عظام حضراتك ترتیب

معلوم اوله که مالوک ختام حضرت اتک کشف مظالم انام و فصل نزاع خاص و عام
ایچون ترتیب دیوان معدالت و تشریف مسند حکومتگاه نصفت پیرا بیورملری
قوانین عدالت اعظمیدر * زیرا اصلاح ملک و مملکت اکارعایت ایله پذیرای قوام
ولوازم عدل و انصاف انکله تمام اولور * مالوک فرس برر یوم معلومی استماع دعاوای
متظلمینه تخصیص ایلیوب و بوماده بی قواعد ملکدن و دفع مظالم اقدم
اسبابندن عدایدوب اول کونده امور اخرایه مباشرت ایلمز لردی * و عبدالمملک بن
مروان اول کونده وقوع عیولان دعاویدن بعضا مشکل اولان دعاوایی قاضی
و حاکم الشرع اولان ادریس الاوری به حواله و امر ایدوب ادریس الاوری
مباشرت و انفاذ احکام شرعیه به مباشرت ایدردی * بعده و الیلر کیدرک
ظلمری و نوابک جورلری متزاید اولمغله عمر بن عبدالعزیزنک وقتنده اقتضای
حال ایله عمر بن عبدالعزیز اجرا ای احکام و دفع مظالم انامه بالنفس مباشرت و سنن
عاده به رعایت و بنی امیه نک ظلم الدقلری اشیایی اصحابنه ردایتکله * بعضیلری
یا امیر المؤمنین بو کیفیت باعث رنجش اولمقدن ناشی بونک نتیجه سندن بز خوف
ایده یوززدید کلرنده * عمر بن عبدالعزیز بن قیامت کوتندن قور قرم غیری برشیدن
قور مقام بیوردیلر * بعده خلفای عباسیه دن مهدی دخی بالنفس کشف مظالمه
مباشرت و املاکی مستحقینه ارجاع و شرائط عدله رعایت و بعده هادی و بعده رشید
و بعده مأمون تاممتهدی بالله وقتنه کالجبه مسندن نشین خلافت اولنلر بالذات
کشف مظالمه مباشرت ایلیوب مهتدی بالله نصکره کلان خلفا و مالوک سائر
کشف مظالم امورینی و زراسنه رفع و حواله ایله کنه رولری احتجاب ایلدیلر * وقتناکه
ملک شام عادل نورالدین محمود بن زنکی به انتقال ایلد کده دمشق قلعه سی
داخلنده بر سرای عالی بنا ایدوب دارالعدل اسمیله بعد التسمیه ایام معینه ده
اول سرایده تشریف مسند حکومت و فقها و علمایی جمع و کروه مظلومینک
دعوالرین استماع و فصل نزاع و امور مشکله ده فقها و علمایه مراجعت ایلیوب
وسائر مداین شامک جمله سنده امور ارباب مصالح بو وجهله رؤیت اولمسنه
صورت و برمشیدیکه * فقیه ابو طاهر ابراهیم بن حسین بن الحصین الحموی
نقل ایلمشکه بن برکون سالف الذکر دارالعدل دمشقده محمود بن زنکینک یاتده
موجود ایکن اهل شامک املاکی دفتری اخراج اولنوب ملک محمودک منظوری
اولد کده معرة النعمانک اخراج املاکی ذکر اولمغله ملک محمود بن زنکی معره

اهالیسنک املا کار بنی اللرنندن نزعہ عزیمت ایلدم * زیرا ثقاتدن بعضیلری
 بکا خبر ویردیلر که اهالیء معرہ بربرلری حقندہ شہادت زورایتمکله بلا استحقاق
 املا کہ مالک اولمشلر دید کده * بندخی پادشاهم جناب خداوند بیچون سنک
 اوزریکه رعیت حقندہ عدلی واجب قیلدی سنندخی سکا عرض وانہا اولنان
 اموردہ نظرو کشف و توقف ایدوب خبر مجرد ایله حکمہ عزیمت ایلمہ زیرا
 اهالیء معرہ نفوس کثیرہ دن عبارتدر نفوس کثیرہ نك شہادت زور اوزرینہ
 نواطی و اتفاقلری محالدر اخبار مجردہ ایله املا کار بنی یدلرندن نزع ایلمک جائز
 دکادر دید یکمدہ * بر ساعت قدر سرفرو بردہ نامل اولدقد نصکرہ باشنی قالدیروب
 شدیلک امسال ایدوب بعدہ صورت تملک لری کشف ایدرم دیوب طرفندن
 معرہ دہ اولان والی یہ املاک مزبورہ یی اهالی یدلرندہ امسال وینہ طلب
 اولنمسیچون کاغد تحریرینی کاتبینہ امر ایدوب کاتبی دخی اولوجهلہ برکاغد
 تحریر و علامت ملو کانه ترسیم اولنق ایچون محمود بن زنکینک پیشکاهنہ
 وضع ایلمکدہ ملک محمودک قصری جوارندن جریان ایدن بردا تعبیر اولنور
 نہر کارندہ برصبی غلام بلند صد ایله بویاتی او قومغہ باشادی * (یت) *

اعدلوا ما دام امرکو * نافذانی النفع والضرر
 واحفظوا ایام دولتکم * انکم منها علی خطر
 انما الدنیا وزینتها * طاب ما بقی من الاثر

مضمون ایسات ای دولت و حکومت اصحابی سزک کرک ضرر و کرک منفعت
 ضمنتہ امر و حکم کنز نافذ اولدقہ حکم مکزده عدل وانصاف ایله دولتمکزی
 محافظہ ایدیکز * زیرا بوجہلہ محافظہ یہ اهتمام ایاز سکز سز اول دولتدن خطرہ
 دوچار اولورس * ز دنیا وزینت دنیا اثر خیر ابقا سیله طیب اولور دیمکدر *
 ابراہیم بن جوی دیرکہ وقتا کہ ملک عادل اول صبیعدن بویاتی اشتهد یکی
 آنده لوئی متغیر اولوب کوزلرندن اشک تأثر و تأسف آقہ رق بکا باقوب (فن جاہ
 موعظہ من ربہ فانتهی فله ما سلف وامرہ الی اللہ) آیت کریمہ سین تلاوت ایلدی
 بو آیت کریمہ کیفیت تحریر ربایی مبین اولمغله * قاضی مر حومک خلاصہ عبارتہ
 تفسیری بودرکہ هر کیمکہ برشیدن کندوی نہی ایچون جانب حقندن موعظہ
 بالغ اولدقدہ اول شیدن منتهی و منزجر اولسه مثلاً ربایی استحلالدن نہی کبی قبل
 التہی اخذ ایلدیکی ربا اول کسنہ دن استرداد اولمزلکن قیامتده موعظہ نہی
 صدق قبولدہ مقتضای حالی هر نہ ایسه اولوجهلہ مجازات اولنور

دیکدرو الله اعلم * ملک مشارالیه بآیت کریمه بی تلاوتدن مرادی اول صبینک
 او قود یغنی ایساتک مضمونندن متأثر و اولکی نیتندن منزجر اولدیغنی تقریر الیه
 مقدم ایشلدیکی اعمالک عفویتی جناب باریدن امیدورجا ایلدکدر * بعده ملک
 مشارالیه قبله به متوجهها (اللهم انی استغفرک واتوب الیک مع اعزمت علیه
 الان) دعاسیله استدعای عفو و مغفرت ایدرک اول کاتبک یازدیغنی کاغدی
 آلوب پاره پاره ایلد کد نصکره اول کون استغفار الیه مشغول اولدی *
 و ملوک عظام رؤیت مصالح عباد و کشف مظالم ارباب عناد ایچون
 ترتیب دیوان عالی بیورد قلزنده ناسدن بش صنف کسسه لورک حضور
 ملوکانه لرنده وجود لری الزمدر زیرابش صنفک وجودیله منتظم اولور *
 صنف اول اصحاب فتوا و فقهها و علما که بر امر ده اشکال واقع اولسه بونلره سوال
 و مراجعت بیورلر * ایکنی صنف قضاة و حکامکه حقوق ثابته بی استعلام
 و مجلس لرنده بین الخصما جریان ایدن دعاوی به معرفت و قضایا و احکامک
 تنفیذی انلر الیه اولور * اوچنی صنف اول بلدهک مشایخ و صادق الاقوالی که
 ثبوت بولان احکامه اشهاد اولنلر * دردی صنف کابدر که بین الخصما جاری
 اولان موادی و موجب حکم شرعیسنی ثبت ایدلر * بشنی صنف حاکمات دواتک
 بکار و رجال و اعوان و خواصیکه بونلرک سواد جمعیتلرندن بر مهابت عظمی
 حاصل اولور که اول مجلسه احضار اولنان ظالم و معنده ایران دهشت و ایجاب
 میل صدق و حقانیت ایللیوب مظلومه دخی باعث قوت و نصرت اولور * چن
 بو وجهله کشف مظالم خصوصی تمام اولدقده بعض حوادث و اخبار
 مذاکره سی و امور سائرتهک تنفیذ و اجرایی و احوال رعایا و کیفیت ولایة و اعمال
 مثللو خصوصات رؤیتنه شروع والتجی باید و وصف عدله بیان اولنان و جمله
 جمله امور و تمشیت و بریلر

* (اون ایکنی باب ملوک عظام حضراتی حضور لرنده صحبتک ادبی بیاتده در) *
 یارئ طالع مسعود الیه خدمت مورث المفخرة ملوکانه به خاص ویاوری بخت
 سعید الیه تقرب درگاه سپهر اشتباهه باهر الاختصاص بیوریلان بندکان
 صاحب عرفان حضور لامع النور حضرت جهاندا دیده صحت و سکونی و کمال
 مسکنیت و وفاری التزام ایللیوب * بدأسخن و کفتاره آغازدن و برکلامی مکرر
 تکلمدن و سائر یله مناقشه و معارضه دن و آخر کسسه هر نقدر کثرت عیوب الیه
 معیوب اولسه دخی اول مقوله بی تعییدن احتراز * و حین تکلمده صوت

خفی و مختصر مفید تعبیرات ایله تکلم و لایقین بربرینه ضم و فرط خشوع ایله پیش
قدمنه نظر ایدرک قیام ایلیوب و حضور ملوکانه ده سو یلیه میه جکی کلامی
غیا بده دخی لسانه کتور میه بلکه بعض جاسوسلر موجود بولونوب استماع
و سمع همایونه القا ایلیه لر بعضیلر بویایانی انشاد ایلمش لدر * (شعر) *

اذا صحبت الملوك فالبس * من التوق اعز ملابس
وادخل اذا مادخلت اعمى * واخرج اذا ما خرجت اخرس

مضمون ایات چن ملوک عظام حضراتنه مصاحبت شرفی احراز ایدر سک
سوء ادب و کستاخیدن توق و حذر لباس سیله تلبس ایدوب هر چن
حضور همایونلرینه شرفیاب دخول اولور سک اعمی کبی دخول ایله یعنی
صاغه صوله باقیوب او کو که باقه رق دخول ایله و خروج ایله کده دلسر کبی خروج
ایله یعنی اول مجلس منیفده کذران ایدن کلامدن بر حرفی خارج محمله لسانه
کتور میه و هر چن حضور همایونه عرض ایده جک بر حاجتی وقوع بولسه
آفتاب جهات تاب وجه منیر شاهانه ده لمعه انبساط و بشارت و آینه عالمای
طبع پادشاهانه ده صورت انکشاف و صفوت مشاهده ایله بکه عرض حاجت
ایلیوب و معروض اولان حاجتی کندونک حق و حدی درجه سی اولوب و ملال
کتوره جک قدر تطویل کلام و طرف ملوکانه دن میل و التفات صورت
کورسه دخی سؤالنده بسط و تفصیل مرام ایلیه زیر رتبه اعتبار ینک تنزلی
و حرمتنک ذهابی موجب اولور * و هر چن طرف همایوندن شرف خطاب
مستطابه شایان کور یلوب بر کلام ثریا نظام عنایت بخش صدور اولسه جمله
وجودیله جانب شاهانه به توجه و اقبال * و جان قول اغیله استماعه اشتغال
و کوزلر بنی مبارک دو چشم جهان باینلرینه مقابل ایلیوب بر بشارت عظمی
استماع ایله کبی اظهار فرح و ابتهاج ایدرک دکلیه * و عتایی ایهام ایدر کلماتدن
احتراز ایلیه زیرا موجب انفعال و اغیار و مستوجب دوری درگاه فلک
مدار اولور * و حسب الاقتضا انها و ایراد و القا ایله یکی نصیح و پندی اظهار
و افشا ایلیوب وجه یتده دخی بسط مقدمات نصایحدن بغایت تمحاشی ایلیه زیرا
ملا ناسده نصیح تقریع و بسط اولسان کلمات پند آمیز تضییع قبیلهندن اولور *

بعض علما بویایانی انشاد ایلدیلر

نعم مدنی بنصح فی انفراد * و جنبی النصیحة فی الجماعه
فان خالفنی لترید نقصی * فلا تغضب اذا لم تهط طاعه

فان النصيح بين الناس ضرب * من التوبيح لا ارضى استماعه

مضمون ابيات خلوتده يعنى تنهاده بكا نصيح وپندايه اما خلق ياتنده بكا نصيح
 قيدنده اولورسك سن بنم حقهده نقص وذل مراد ايتش اولورسن بو تقدير چه
 بن سنك نصيحه اطاعت وحسن قبول صورتن كوستر من ايسهم صاقدوب غضب
 وانفعال ايله زيرا خلق ياتنده نصيحت لوم و توبيح نو عندن اولديغنه بناء نصيحتكي
 استماع ايلم ديمكدر * وهر چن ملوك اعظام حضراتي كمال عنايت
 بنده نواز يلزندن ناشي سائربنده لرندن زياده چه انس والتفات شاهانه لرينه
 تخصيص و تقرييب بيورسه لر بو عنايته شايد بيوريلان ذات نيك بخت دخی
 فرط احترام و كمال اعظام مر اسمنه رعايته جدت نام ايليوب **بو** كونا مظهر
 اولديغى التفات ملوكانه به اغترار احد عبوديتدن خارج حركت و فرط مزاج
 و ملاطفه به وتيز و بلند آواز ايله تكلمه جسارتدن و رفع حياء و حجابدن
 وترك حرمتدن زياده مباعدت ايله * زيرا بومقوله بي ادبانه اوضاع و حركات
 ملال طبع تابناك هم ساپوني مورث اولور * و حضور ملوكانه ده آخر بر كسنه ايله
 منازعه و غلمان خاصه شهر ياريدن بعض ساده رخا آيينه سيالره حواله چشم
 نظر كي كستما خلقلردن تحاشي ايله * و اول مقام عالي به دخولنده كمال تواضع
 و ابتهالى التزام و دعا ايلك لازم كلكده اكار ايليوب اختصار و حال بيت
 شاهانه دن سؤالدين و افراط مد حدن احتراز ايله * زيرا بونلر سوء ادبنددر
 وهر چن بسط خوانچه طعام اولنسه افراط حرصله اكل طعام ايليوب كندو
 او كندن اكل و انجق او **ك** كنده كي طعامه نظر و اكل ايده چكي لقمه بي
 اغزنده زياده چه چكنيوب اطرافنه احواله نظر دن و بش بار مغيله طعام
 طوطقدن و طوي بنجيه دل سفره باشنده او تور مقدن حذر و مبارك دهان در افشان
 حضرت شاهادن **ك** كلام جوهر انتظام صدورنده نظريني انجق دو چشم
 جناب عنايت آف جها نداري به تعليق ايدوب حضرت خلافتينا
 تناول طعام بيوررلر كن باقايوب او كنه نظراييله * و صحنندن او كنه طعام
 چيقاروب وضع و ميوه مقوله سنك بيوجك لريني انتخاب و بر لقمه بي اغزنده
 عين و بساره تقليب و اداره و طعام چ **ك** كنر كن اغز ينك و ديشنك صدا سني
 اظهار كي شيلردن اجتناب * و طعامدن قالدقده غسل يدايچون نزد ملوكانه دن
 رتبه سنه كوره مناسب موضعه تباعد ايليوب الي بيور كن لکنه تو كورمك
 و بار مقاريني چاتلدوب او ندرمك و استكراره ايدرك طعام ايلك و ياغلي الي بي

دستگاه سالک و خلل است عمل ایالت اسائنات ادب در ~~مملوک~~ مملوک عظام حضرتانیه
را بکار محله عزیمت اولند قدیم یولده بر خذاده یوریم یوب و آتک باشی رخس
خورشید درخش مملوکانه دن بعید جبه اولوب روز ~~کار~~ کار که جک طرفندن
کتیوب و سرکش و حرون و چوق چوق صمیل چکر و معیوب اولان آنلردن
برینه بنیوب و خلل طریقده نظر همایون تعلق ایلیوب سوال یورملق احتمالی
اولان صولر وارمقلر و نباتات و اشجار و هر آنده لیل و نهار در قیاح ساعت گذران
ایلمشدر بونلرک جمله سنه واقف و عارف و یلدزلرک کیفیتلرینه و بروجانه نقل
و تحویللرینه و منازل قره و بونلرک هیئات و ~~الارینه~~ الارینه مطلع اولوب
و یور غوناق و اوصاف کوسترمیوب و ارکسورک و آقسرق عارض اولور
ایسه سنی چیقار میه رق دفع ایلیوب و هر شیئک حسب الامکان کنه و حقیقتنه
اطلاع حاصل ایدوب و خوش صحبت و ظرافت صاحبی و اویقوسنراغه صبر
ایدیجی و مطلع اولدیغی اسراری حفظ ایلیجی و امانت و صیانتی معتمد اولوب
و هر چن مملوک عظام حضرتانیه لعل شطرنجه باشلسه لر حذاقت و مهارتی
جانب مملوکانه ده اثبات هورتن کوستروب * اما مملوک عظام حضرتانیه دخی اجاله
کیت فروسیته و لعب چو کانه حذاقت و مهارتی فرسان میدان هنوری
اولان بنده لرینه نسبت یوره لر

* (اون اوچنی باب بعضا مملوک عظام حقلرنده جانب اعدا و حساددن وقوعی
متمم اولان ضوره مکایدک معرفتی بیاتده در) *

معلوم اوله که ~~مملوک~~ اید اعدا و غوائل حساد و طرف مضرات و اسباب دواهی
و مصائب و آفات کثیره احاطه علم بشر حدندن خارج و حصر عقول ذوی
الافکار درجه لرندن بیرون اوغله * مملوک عظام حضرتانیه عقل ایله تصور اولنان
هر بر اعمال مکایدن و فعلی ممکن اولان غوائل و شرور دن احتراز و تحفظ برله
کمال حزم و احتیاطه رعایت و مملوک سالقه و قتلرنده وقوعی بولان صور مکایدک
نه کونا تدبیر ایله دفع و الغاسنه استدارا و انمشدر * مثلاً بهرام ایله خاقانک ینلرنده
توقن ایدن حسده مبنی التخی بایدن تفصیل و بیان اولنان حکایت غریبه
عبرتقرماکی صور مکایدن و وقوف و اعتبار اولنه که حتی امثالندن تحفظه مدار اوله
اسباب مکایدن سلفده اکثریا وقوعی بولانلری بویابده ذکر اولنور که * اول اسبابدن
بری عموم قاتله در که مملوک سالقه حقلرنده جوارری و نسوان و علما و جوانان
واسطه لرله اکثریا اون شیده اجرا اولنه کلمشدر که اول شیلر بونلردن سرج یعنی

اتا کرى سر بر يعنى تخت ملوک کرى يعنى اسکمله حلى يعنى يوزک وزه کير
 وسائر بونلر مثل اولواس باب زينت واحتشام وآينه يعنى اطعمه واشربه وضع
 اولنان ظروف ميوه لباس فراش يعنى دوشک * وملوک عظام حضراتى
 هر حالده متيقظ بولنوب مکاپد اعدادن احتراز و تحفظ ايلک مقتضى اولديغنه بناء
 ذکر اولنان اشياده ارباب فطنت و ذکايه کفايت ايدم جک قدر علايم واضحه سم
 ذکر اولنديکه اول علامى حس ايدن مرد فطين اول شينک مسموم اولديغنى
 فهم ايدرم * ملوک عظام حضراتيچون هر کون تلبس بيورد قلري ائوابلرينه
 وميقتلري اولان فراشرينه وراکب اولد قلري اگر اوزرنده اولان غاشيمه به
 وجلوس بيورد قلري اسکمله مندرينه امعان و تدقيق و تفقد بيورملري لازمدر
 * بونلردن قنغيسى مسموم اولسه علامتى بودر که * رنگلري بر مقدار سياهه مائل
 اولوب يال و تيزايکن کيرلى بر پارلديجق ظهور ايدرم و صيقللري و کارلري اسكى
 کي کورينور اما اگر که سر بر واسکمله نک اغاچلرينه سم سورلمش اولسه
 علامتلى بودر که * اول اغاچلرک رنگلري منغير واسر لکه مائل اولور * اما حلى
 وآينه وسائر التون و کش و باقر و قلای و تيمور کي معدنيانندن معمول اولان
 ظروف مسموم اولسه علامتى اولدر که * آثار سم و سبخ کي ظروفک يوزنده
 ظهور ايدرم * اما طبراقدن معمول اولان ظرفلر چن مسموم اولسه اول ظرفلرده
 يا غلغش کي اثرى ظاهر اولوب و صرلى مجلا قابده دخی قابک ذاتده اولان
 جلاسنه زياده صفوت کتور مکله بر بشقه پارلدى ظهور ايدرم * و بعض کره دخی
 قابک جلا ذاتيه سنى ازاله ايدرم * اما طعام مسموم اولسه ايکي شئ ايله سميتى امتحان
 اولنور بريسى اول طعامدن براقمه سى آتسه براقلمه ظهور ايدن توتونى سائر دخان
 مثل اولايه امته داد و صعود ايليو ب اواقمه نک اوزرنده دور ايدوب و قغلمنک
 دخی صداسى ظهور ايدوب اول توتونک آتشدن ظهور ايدن طرفى طاوس
 قوشنک بيوتنک رنگنده کورينور وياندخه رايحه سى غايت کريه کور سميت
 طعام امتحان اولنان شينک ايکنجيسى * اول طعامدن براقمه سنى برقاج نوع
 طيور دن و يا خود برقاج دوايدن برينه يديرمکدر * اول برقاج نوع طيور دن
 برى قارغه ديد کلى قوشدر که چن طعام مسموم دن يسه صداسنده قيرقلق
 ظهور ايدرم * ايکنجيسى صرددر که تر کچه کز کن قوشى ديرلچن مسموم طعام
 رايحه سن شم ايلسه صوت بلند ايله چاغرمغه باشلر * اوچنجيسى اطيش ديد کلى
 قوشدر که چين ملکى اوردکى جنسندندر چن طعام مسمومى کورسه يا خود

رایحه سن شم ایلسه سرم اولوب یوارلنسه رق پقر * دردنجیسی طورنه
 دیدکاری معروف قوشدرکه طعام مسومک رایحه سن شم ایتدیکی کی
 کندویه باغلق کی برحالت کلوب طولانمغه باشلر * بشنجیسی قری و صاقصغان
 دیدکاری معروف قوشلردرکه طعام مسومی اکل و یاخودشم ایلسه لهلاک
 اولورلر * التنجیسی طاوس دیدکاری مشهور قوشدرکه طعام مسومی
 کوردکده یکه حریص اولور و غایت سورو طعام مسومه سکا دوشه درحان
 هلاک اولور * اما اول برقاچ نوع دوا بدن بری کدیدرکه معروف درقن طعام
 مسومی اکل یاخود رایحه سن شم ایلسه اول محله بر آن طور میوب فرارایلر *
 ایکنجیسی میون دیدکاری معروف حیواندرقن اوکنه مسوم طعام وضع
 اولنسه درحال مضطرب اولوب فرارود یوار و انجبار کی مرتفع محلله صعود
 و فرارایلر بوندلر جمله سی طعامک مسومیتنه دلالت ایدر علامتلدردر * بوصورته
 لایق اولان اولدرکه حضور همایونه تقدیم اولانسان طعامه مأمور و متعین اولان
 خادم خاص طعامی حضور ملوکانه یه قبل التقدیم تفصیل اولندیغی و جمله
 براقمه سن ناره القا یاخود ذکرا اولنسان طیور و دوا بدن برینه اعطایله امتحان
 و اختیار ایلر * و حاذق و صاحب بصیرت آشی دخی طعامی بشوررکن ایچنه سم
 القا اولندیغی فهم ایدر زیراعلامات و امارات سم بودرکه اگر سم القا اولنسان
 طعام پرنج آشی ایسه پرنج دانه لری کیچ بشر و آتشدن قالدردیغی کی انعقاد یعنی
 طونقلق و پکاک ظهور ایدوب و دانه لری صلب وقتی اولور و آتشدن قینارکن
 طاوس قوشی بویننک رنگنده بر بخار ظهور ایدر * و اگر سم شور یا تنجره سینه
 وضع اولنسه عقبنده شور بانک صوی چکیلوب اتی و دانه لری قورومغه باشلر
 و قلان صوینک دخی لونی تغیر اولور * اما اثر به مسومه نک علامتی هر قدر
 طاتلی اولان شربه سم وضع اولنسه اول شربه باقردر نکنده براوزنجه جزکی
 کی خط ظهور ایدر * و حوضتلی یعنی کشیجه اثر بیه سم وضع اولنسه بشل
 و صاری و اهر خطلر پیدا اولور * و بال صوینه سم وضع اولنسه شعاع شم
 رنگنده خط ظاهر اولور * صوبه یاخود نبیذه یعنی خرمة شرابنه وضع اولنسه
 سیاه خط ظاهر اولور * و مسوم اولان میوه ده علامت بودرکه  کراول میوه
 هنوز اولوب کمالن بولماش ایسه اولمش کی کورینور اگر کمالن بولماش ایسه
 هنوز ایشوب کمالن بولماش کی کورینور زیرا سم میوه نک رن  کنی تغیر
 ایلیم پکاک کتوررتازه میوه بی چوریش واریش کی کوستر قوری میوه بی

یکشد یروب طمر طمر کوستر و جلد میوه نك صفوت لونی کیدروب بوز و قره متق
 بر نك و یروب ذات شده یومشق ایسه قاتی ایلو و اگر ذات شده قتی ایسه
 یومشق ایلو * معلوم اوله که بومقوله خیانتی ارتسکاب و بویله ملعنته اجتسارایدن
 نسوان و غلمان و غیریدن قنغی خبیث و خائن ایسه انك دخی علامات و اماره لری
 واردر که البته انده ظاهر و بوملعنته دلیل اولور که اول علامات و امارات بوندر
 * اول مقوله خائنك لونی متغیر اولوب البته یاصاری به و یایشله مائل اولور و ضیق
 ضیق نو کروکنی بودار و قلبی خفقان و اضطراب اوزره اولور و آلت دوداغی
 دیشیمله اصیرر و یا خود دیلنی آلت دوداغی اوزرنده دوندروب اوینار و چابک
 چابک صاعنه و صوانسه بقر و اموزیه بو کرینك بینی دتر و بورید که
 ایاقلری طولاشوب سمه لروزیاده جه خفت ایلیوب صحرایه رق کز و آلتی درله که
 باشلر و اکثر ایاسنك کنار و صحاقلری بی بوکوب اوینار و طور دجه ایاغنك باش
 بار مغنی یره دیکر و برشی سویلر کن کسه رنک سویلر و برایشه باشلاسه بلا عذر چوق
 چوق قالقوب بر باشلاشده تمام ایده مز * بونلرکجه می علامت و امارت
 ملعنتدن اولمغه استدلال و انور * اما سائر اسباب کید و مضرتدن دخی بری
 ضیق محملار و مجهول یوللردر که اعوان و خدمات برجاعت اوکارنجه کتمینجه
 ملوک عظام حضراتی بویله ضیق و مجهول طریقله ملوک بیور مق مناسب
 دکادر * ایکنجیسی ضیق محملره و عید شریف و سائر اوقاتده وقوع بولان جمعیت
 مز دجه اراسنه دخوللری مناسب دکادر * زیرا از دحام اراسنده اوله ارباب
 شرور و خیانتك بولمسی محملدر * اوچنجیسی محل صید و شکاره عزیمت
 بیوردقلرنده صید طلبیه جمعیت خواص و ثقات اعواندن منفردا تبعاع
 ایملری چسبان دکادر * زیرا بویله انفراد وقتلرنده دشمن طرفندن اجرای عمل
 مضرت ایچون کمین خفاده مترصد فرصت بر صاحب مفسدت بولمق و یا خود
 بر صعب المرور یرده خیول سریعه ایله بغته دشمن ظهور ایملک یا خود یرتیجی
 حیوان تصادف ایملک احتماللری واردر * دردنجیسی منفردا برنهره ورود
 در که ماه جاری دشمنك اجرای سوء قصدینه معین و مدار سهواتدر بویله انهاره
 ورود اولندجه ملوک عظام حضراتنك اوکارنجه اول نهرلرک کنارلرینی و کیفیت
 حجارلرینی بیلور اعواندن برجاعت بولمق الزمدر * بشنجیسی کثرت یغمور
 و شدت حرارت شمس و ظلمت شب و قتلرنده زیر ابویله وقتلرده معیت ملوکانه ده
 بولنان اعواندن هربری کند و نفسیه مشغول بولمق تقریبیه اعدا فرصتین
 بولوب اجرای ملعنت مافی الضمیرینه جسارت ایملک محملدر * بودکر اولنان

اسباب مکیدت و قوعی **ک**ثر اولد یغندن تحریر اولمغله قضا و قدره تسلیم
اوله رق ظاهر حالده حسب الامکان بواسطه اسبابک امثالندن و بونلره مشابیه اولوب
سائر خاطره خطورایدن صور محتمله دن احتراز و احتیاط لازمه دندر

(اون دردنجی باب سیاست جیوش و تدبیر جنود معرفتی بیانده در)

معانوم اوله که ملوک عظام حضراتی اعدای اوزرینه ترتیب و تسمیر عسکر بیورد قلزنده
اول عسکرک تدبیر و سیاست امور لرزنده اون پدی و جهله رعایت بیورملری
لازمه دندر * اولکیسی عسکری تحریرک و تسمیر ایلزندن مقدم پیشگاه لرندن
امرار و سوار اولد قلری آتلیزینه دقت ایله نظر و تحری بیورملق لازمدر **ک**
آتلیزینک ایچنده جنکه برامز غایت کوچک یا خود پک قوجه و سقط و علیل
حیوانات اولیه که غزاة و مجاهدینه آتلیزینک ضعفی مورث و هندر زیر اعدا ایله
مقاتله وقتنده قوت و خوف و هیبت ویره جنک اشیانک اقدمی آتدر جناب عزوجل
بیورر که (واعدوا لهم ما استطعتم من قوة ومن رباط الخیل ترهبون به عدو الله
وعدوکم) معنای شریف ظاهر یسی ای زمره مؤمنین و مجاهدین موحدین سز
کفار اوزرینه غزاة و جهاده عزیمت ایلدیکز وقت محاربه ده سزه تقویت ویره جنک
و جناب بارینک و سزک عدو کز اولان کفار و خوف و هراس ایراث ایده جنک
اشیانک جله سنی اعداد و استصحاب و فی سبیل الله جهاد ایچون بسانوب قوت
کسب ایلش توانا و بهادر آتلیزیکزه سوار اولکزدیمکر و الله اعلم * و حدیث
شریفده دخی وارد اولمشدر که (ارتبطوا الخیل فان ظهورها لکم عز و بطونها
لکم کنز) معنای لطیفی ای غزاة موحدین سز آتلیزیکزی **ک**روه مشرکین ایله
جهاد ایچون بسله یک زیر ابراهم ادرآت اسباب قوت مجاهدیندن اولمغله سزک
موجب عزتکزد و بطنلری دخی خزینه کزدر یعنی اصلاح طایلری حاصل
اولوب مالکز آرتکویا مال خزینه دن ظهور و خروج ایلدیکزی کبی مالدن معدود
اولان طایلردخی آتلدن ظهور ایدر دیمکر و الله اعلم * و اول ترتیب بیور بلان
عسکرک اسلحه و آلات حرییه سائر ره لری دخی تحری و تفقه بیوریلوب ایشه
یرامیانلری دکشدیروب ضعیفلرین قویلریله تبدیل ایللرینی امر و تنبیه بیورملر
* ایکنجیمی یوللرده مسافه منازل یومییه ضعیفای عساکرک حاللرینه کوره
تقدیر اولنه که قوناقدن قوناغده لک اوزون اوزاق یوللرده یوریمکله عسکرک
ضعفای تلف و اقویا سینه ضعف عارض اولیه * حدیث شریفده وارد اولمشدر که
(ان هذا الدین متین فاعملوا فیه برفق فان المثلث لا ارضاقطع ولا ظهر ابقی)

معنای لغوی سی تحقیق دین محمدی متین و محکم در سز طریق دیانتده رفیق الیه سیر
 و سالواید یک زیر ابرو غون کسینه نه یول قطع ایدونه حیوان براغور دی **کدر**
 بوکلام جوهر نظام امثال عربند در منشأ مثل بودر که صاحب سعادت افندی
 علیه الصلاة والسلام حضرت تلی بر مرد عابد عبادات و طاعات باریده کمال
 مجاهده سندن ناشی مانند خلال جسمه ضعف و هزال عارض و کوزلی
 چقور چقور اولوب **ح** کته تاب و توانی قائم دیغنی مشاهده ییورد قلزنده
 بو حدیث شریف و کلام لطیف مبارک دهان جوهر افشانلرندن شرف بخش
 صدور اولغله بو خصوصده افراط سعی الیه اتعاب نفسیدن منع مراد اولانه
 اول زمان ضرب و ایراد اولور * او پنجیسی اعدا الیه مقاتله ضمننده ترتیب
 و تسبیح اولنان عساکر ایکی صنفدر بر صنفنه مسترزقه دیرلر آخرینه مطوعه
 دیرلر * امام مسترزقه صنفی دولتک موظف و مرتب **ع** کری اولغله قدر
 کفایه عطایای معینه لری خراج و غناییدن مجتمع اموال دن و مطوعه صنفی که
 عساکر مرتبه دن خارج اولوب تقویت جنود مرتبه ایچون مجتمع اولان نفقات
 اولغله بو صنفه دخی بیت المالدن صدقاته تخصیص اولنان مال دن اعطا اولانه *
 در پنجیسی طوائف عسکریه نک اوزرلرینه کفیل و ضامن و افراد عسکریه به
 ضابطان نصب و تعیین اولنه که اول ضابطان واسطه لویه سر عسکر بوانان دخی
 افراد **ع** کریه نک احوال لرینه واقف اولور * صاحب سعادت افندی علیه
 الصلاة والسلام حضرت تلی بونی اجرا ییور مشلر * بشنجیسی هر صنف عسکرک
 قائد لرینه برر علامت و یریه که اول علامت الیه هر صنف صنف آخر دن فرق و تمیز
 اولانه * التنجیسی بردشمن اوزرینه محاربه به عزیمت اولند قدده اصناف عساکر
 بیننده جنک و جربدن عسکری منع ایدنه جنک حرکاته اجتناسار ایدنلر و بعض کونا
 اراجف اشاعه سنه بادی اولنلر و اعدا طرفندن جاسوس بوانانلر کی کبی تحری
 و دقت برله میانه عساکر دن طرد و تبعید اولانه حتی صاحب سعادت افندی
 علیه الصلاة والسلام حضرت تلی دخی بواصرده دقت ییور و بعض غزوانده
 عسکره مانع جنک اولان منافقیندن عبداللہ بن ابی سلولی دفع ورد ییوردیلر
 ایدی * یدنجیسی اعدا الیه مقابله و مقاتله وقتنده عقائد و مذاهبدہ مخالف
 اولان یا خود سر عسکره بی ادبک **و** کستما خلق ایدن و یا خود صورت
 و حرکتندن بغض و حقده علانی احساس اولنان و یا خود خدمتنده تقصیرات
 ایلیان کسینه لره تعرض اولنیه * زیرامقابلة اعداده بومقوله لره تعرض افتراق کلمه

واختلافی وجین و فشل عساکری موجب اولور * جناب عزوجل بیورر
 (ولایتازعوا فتغسلوا و تذهب ریحکم) معنای شریفی چن سز کفار ایله التقا
 ایلدیکزده نزاع و اختلافدن بجانبت ایدیکز زیرا اولیه وقتده نزاع و اختلاف سزه
 جین ایراث ایدوب قوتکزل ذهابنی موجب اولوردیمکدر والله اعلم * سکزنجیسی
 اعدانک حیل و خدعه و مکر و مکیدت سدن عسکری محافظه ایله مکدر مثلاً
 دشمنک مظانه ظهوری اولان کینکاه محالردن صاقنوب عساکری صیانت و امین
 و معتمد یکجیلر و قره قوللر ایله احاطه ایلیموب قور و تکی که محاربه وقتنده عسکر
 و رالینی فکر و خوفنی چکیم یوب فراغتلی وقتنده دخی نفس و ماللرندن امین
 اوله رق ساکن و مطمئن اوله لر * طقوزنجیسی اعدا ایله محاربه ایچون برهموار
 و صوبی و اونی چوق و اطراف و اکافی محفوظ و طاع و اشجاره قریب موضع
 اختیار اولنه که بونلر عساکرک محاربه و مجاهدلرینه معیندر * اوننجیسی
 عساکرک زاد و ذخیره و علوفه لری کبی مایحتاج الیه لری حاضر بولنوب وقتلرله
 تفریق و توزیع اولنه که حتی مطمئن و ساکن اولوب طلب حوایج قیدنده
 اولیه رق افسکار و قدرتلرین اعدا ایله منازله و محاربه یه صرف ایده لر *
 اون برنجیسی معتمد و طبیعت اعدایه آشنا جاسوسلر ایله اخبار اعدایه تحصیل
 و قوف اولنه که حتی دشمنک مکرندن و اوزرینه هجوم اولاندقده حیل
 و دسیسه سندن امنیت حاصل اوله * اون ایکنجیسی دشمن ایله جنک وقتنده
 عسکری قاعده جنک اوزره ترتیب و هرجه تنه مناسب کوریلان رؤسای معتمده
 تعین و سرعسکر بولنان ذات درایتسمات بالذات صفوف عساکری یوقلا یوب
 خلل کوردیکی محالرینی ترتیب و تنظیم و دشمن قنغی قوله میل ایدر ایسه
 اول قوله کیرودن امداد ایرشد یوب قوت ویره * اون اوچنجیسی زمرة مجاهدینی
 جنک و قتاله ترغیب و تشویق ایله تقویه و غیرت و یرمک و اعدا اوزرینه غلبه
 و ظفر و نصرت اماره لرین اشعار و اشاعه * و اعدای عیون عساکرده حقیر و صغیر
 کوستره جنک صورت و حالتلر ارا نه * و طوائف عسکر به دن قهر و تدمیر اعداده
 هنر و دلاورلک اظهار ایدنلرمدار معاش اوله جق قرا و اراضی و ترقیات وعد
 و عطا لرین تحقیق ایلمک * اون دردننجیسی جناب خدای بیچون زمرة مجاهدینه
 ویره جکی نوابی و آخرتده انلر ایچون تهیته و اعداد اولانسان نعم نعیمی و شهدانک
 کندولری حقتده مبین اولان فضائل اخرویه دن بشقه مدار معاش دنیویلری
 دخی بعد الشهاده اولادلرینه ویریلجکی و سائر بولنملار کلمات ترغیب آمیزی

اعلان ايلك * اون بشيخيسي زمره عسكريه دن امور حريميه واقف و خبردار
اولان صاحب رأيلر ايله واعوان و رجال دولتك دخی اختيار لريله مشاوره
و اشكال واقع اولان اموره انلره احاله و تسليم بيوريله كه حتى خطا و زللدن
سلامت حاصل اوله * اون التجیسی غزايه ترتيب اولنان عساكر جناب خداوند
بيچونك واجب قيلديغي حقوقی تمامها ادا * و حدود شرعيه به مراعات و امر مالك
الملك امتثال ايلارينه غایت اهتمام اولنه * زیرا با احكامه حلال و حرامی
فصل و تمیزه كوره مجاهدین زیاده احقر * صاحب سعادت افند عزیز علیه السلام
حضرتلری بیور مشردر كه (انهموا جیوشكم عن الفساد فانه ما فسد جيش
قط الا قذف الله في قلوبهم الرعب وانهموا جیوشكم عن الزنى فانه ما زنى جيش
قط الا سلط الله عليه الموتان) معنای شریفی سز عسكریكزی فساددن یعنی
خلاف شرع حرکتدن نهی ایديكز زیرا قنغی جيش كه فساد ايله مألوف اوله
جناب عز وجل اومقوله جيشك قلبلرينه اعدا خوفنی القايدرو وكذلك
زناندخی جيشكزی منع ایديكز زیرا زنا ايله مألوف اولان جيشه جناب
باری موتانی مسلط قيلر معنای موتان حیوانك خلافی اولمغله
بو تقدیرجه معنای زنا ايله مألوف اولان عساكر حس
و حرکت ارادیه حیوانیه دن بری اولوب قطعاً ایشه قادر اوله منلر ديمك اولور
والله اعلم * اون یدنجیسی طائفة عسكریه دن برفردی تجارت و یا خود زراعت
ايلك قومیبوب زجر و منع ايلیه لر زیرا تجارت و زراعت عسكری مقوله سنك
مصايرت اعداده و صدق ايله جهاد و غزاه اهتمام و اقداملرينه مانع اولور *
منقولدر كه انبيای بنی اسرائيلدن بری اعدا اوزر ینسه غزايه عزیمت ایلد كده
قومنه بو وجهله خطاب ايلیوب ایچكزدن بناتعمیرینه باشلیوب هنوز تكمیل
ايلینلرودخی اوله نوب هنوز كویكوا و ایلانلرودخی اكینا كوب هنوز بچمیانلر
بزمه غزايه كتمسونلردیو تنبیه ایلش زیرا بو مقوله لك عقل و فكرلری اول ناتم
بر اقدقلری امور لرنده در * و ملوك عظام حضرتلك ترتیب و تسیر بیوردقلری
عسكرك قراقوللری و مقدمة الجیشی اعداسی حدودینه داخل اولدقلرنده
نهر جاری مثل و سیر و حرکت ايللری اقتضايدر زیرا نهر جاری ابتداء جریانه
هر تقدیر هموار و دوزیرلره اوغرر ايسسه ایركلیوب مرور ایدر اما چن
بربو كسه چك دبه به راست كسه توقف و كبرودن و رود ایدن صوامد ایللیوب
اول دبه بی باصه حتى قدر جمعیت و قوت كسب ایتدكجه ایلرویه عبور ایلیمه من

كذلك حدود اعدایه داخل اولار قراقول ومقدمه بجیش دخی اوکارنده جمعیت
وقوت اعدای مشاهده ایلد کارنده حمله وهجوم فکرنده ایلیموب توقف وکبرودن
استعداد ایل اول جمعیت اعدایه غلبه یه وافی قوت کسب ایلد کد نصکره حمله
وهجومه اقدام ایلیمه لر* وجه اول الاحوال اراضی واولی که به دلیل وره بر سر
عسکرامرار ایلیموب بلکه اول اراضی واولی که نک احوالنه آشنا کسنه لردن
قولاغوز بولوقراقول ترتیب وعسکرل ایلروسنه تقدیم وتعیین ایلیمه لر* زیرا
دینلمشدر که دشمن طبراغنه یاغکی صاقنه رق وقورونه رق باص زیرا احتمالدر که
دشمن اول طبراغنه مکاید وشروردوزاغنی کینلش اوله

(اون بشخی بار عسا کره لایق وحقوق جیاددن لازم اولان اشیانک بیاتده در)

چن ملوک عظام حضرتک ترتیب وتسمیر بیوردقلری عسا کرقاء اعدایه توجه
ایلد کارنده حق باری تعالی بی وحق پادشاه معدلتفرمای اتزام ایللمری الزمدر*
امالازم اولان حق باری تعالی درت شیدر* بریسی اعدایه وقت التقاده
صبرو ثبات ایلیموب کندولر بیک ایکیسی مقداری ودخی نقصان کفاردن
پوزچو یرمیوب اظهار شجاعت ایدرلک اقتحام واقدام ایلد کدر* زیرا جناب
خدای متعال مقدماهر براهل اسلامک اون نفر مشر کین ایلد مقاتله ایللمسنی
فرض ایلیموب (حرض المؤمنین علی القتال ان یکن منکم عشرون صابرون
یغلبوا مائتین وان یکن منکم مائة یغلبوا الف) بیورمشدی معنای شریفی جناب
خدا عزوجل صاحب سعادت افتدیز علیه السلام حضرتلرینه خطاب ایلد
حبیبم سن غزاة موحدینی کفار ایلد محاربه ومقاتله یه ترغیب وتشویق ایلد اگر سزدن
یکرمی نفر مؤمنین صبرو ثبات ایدر ایسه ایکیوز کافره غالب اولورلر اگر سزدن
پوز نفر موحدین صبرو ثبات ایدرلر ایسه بیک نفر مشر کینه غلبه ایدرلر دیمکدر
والله اعلم* بو تقدیرجه برنفر مؤمن صابر اون کافره غالب ومظفر اولمق
اقتضا ایدر بو آیت کریمه د نصکره جناب خدا عزوجل زمرة موحدیندن برنفرلک
اون نفر کافر ایلد مقاتله مشقتی تخفیف ایچون هر براهل اسلامک ایکی نفر کافر ایلد
مقاتله ایللمسنی واجب قیلوب (الا ن خفف الله عنکم وعلم ان فیکم ضعفا فان یکن
منکم مائة صابرة یغلبوا مائتین وان یکن منکم الف یغلبوا الفین باذن الله)
بیوردی معنای شریفی شدی یه دل برنفر اهل اسلامک اون نفر کافر ایلد مقاتله
ایللمسی واجب ایدی لکن جناب خدای متعال سزک ضعف بدنکزی
ییلوب بو آنده مقاتله مشقتکزی تخفیف ایتمکله فیما بعد اگر سزدن پوز نفر

مؤمن دقت تله اعداد صبر و ثبات ایلر ایسه ایکیوز نفر مشر کیسه غالب اولور و اگر
 سزدن ییک نفر مؤمنین صابر اولور لر ایسه خدای متعال حضرت تلیزینک اذن و عنایتیه
 ایکی ییک نفر مشر کیسه غلبه ایلریمکدر و الله اعلم * بوضو رتده هر بر نفر مؤمنک
 ایکی نفر کافرا یله مقاتله ایلمسی واجب و حق الله اولدی بوند نص کره خدای متعال
 هر بر مسلمک ایکی نفر مشر کدن منہزم و روگردان اولمسی حرام قیلدی مکر ایکی شی
 ایچون منحرف و روگردان اوله بریسی تکرارینه مقاتله ایللری مقرر اولدیغندن
 بر مقدار استراحت ایچون منحرف اولمش اوله و یا خود دشمنه بر حیل و خدعه
 ضمنتده منحرف اولمش ایکن ینه مقاتله یه عودت ایلیمه * ایکنجیسی جماعت
 اخرایه انضام ایدوب کثرت جمعیت ایله قتال اعدایه ابتدا ریتیله میل و انحراف
 ایتمش اوله زیرا جناب خدا عزوجل پیوررکه (ومن یولهم یومئذ دبره الا منحرفا
 لقتال او متحيزا الی فئمة فقد بآء بغضب من الله) فخرای شریفی زمرة مؤمنیندن
 شول کسنه که اعدا ایله ملاقات کوتده یا اعدایه خدعه و تغیر برضمنتده
 صورت فرار کو سترمک و یا خودیقین بولسان آخرتیه مسلمینه استعانه ضمنتده
 توجه ایلان غرضلرندن برینه مبنی اولیمه رق اهل اسلامک ضعفندن زیاده اولمیان
 رمة مشر کیندن روگردان اوله تحقیقا اول کسنه غضب باری یه احق اولور
 دی که در و الله اعلم * حق باریدن ایکنجیسی مقاتله کفار ایله مجرد دین محمدی یه
 نصرت و کروه مخالفینک کلمات مخیفه لرین ابطال قصد اولنه که حتی بواعتقاد
 موجب نیل مشوبات و مستوجب اطاعت امر باری مکونات اوله * و اگر مقاتله
 کفار ایله غنائم فوایدی تحصیل قصد اولور ایسه بومقوله مقاتلین مجاهدیندن
 معدود اولموب مکتسبین عدادندن عد اولور لر * حق باریدن اوچنجیسی
 اموال غنائمدن هر نه که حاصل اولور ایسه کتم و اخفا اولموب اول وقعه ده
 حاضر اولان غنائمین بیننده حق اوزره تقسیم و هر حصه صاحبنه تسلیم اولنه
 * حق باریدن در دنجیسی بعض اقربا و دوستانک خاطر لرینه رعایه نصرت دین
 اللهده مسامحه تجویز اولیمه زیرا حق الله رعایت اوجب و نصرت دین الله
 الزمدر * جناب خدا عزوجل پیورر (یا ایها الذین آمنوا لاتخذوا عدوی وعدوکم
 اولیاء تلقون الیهم بالمودة وقد کفروا بما جاءکم من الحق) بوآیت کریمه صحابیوندن
 حاطب بن ابی بلتععه حقه نازل اولمدر که رسول الله علیه السلام حضرت تلیز
 اهل مکه اوزرینه غزایه نیت پیوردر قلنده حاطب بن بلتععه خبر الدقهده تحقیقا
 رسول الله صلی الله علیه وسلم سزله اوزر بکزه عزیمت قصدنده اولمغله تدارک کزی

كورك دپواهل مكه به كاغد تحرير و ساره نام خاتون ايله ارسال ايلد كده افنديز
 عليه الصلاة والسلام - حضرت تلي نه جبريل امين نازل اولوب خبر و بر مكله افنديز
 عليه السلام - حضرت تلي حضرت علي ايله بر قاچ نفر اصحاب كرام رضوان الله تعالى
 عليهم اجمعين - حضرت اتني تعيين بيورده ليله واروب روضه خاخ نام موضعه خاتون
 مرسولي بولوب اول كاغدي اخذ و - ضرور سرور كائنات عليه الصلاة والسلام
 حضرت تلي نه كتورد كارنده افنديز عايه الصلاة والسلام - حضرت تلي دخی حاطي
 احضار و كفتي استفسار بيورده قلنده حاطب دخی امر دياننده خلوص و صدقني
 تبیین و كاغد تحريري مجرد مكه ده عيال و اولادي بولمق تقریبيله اولمق عذريني
 تقرير ايلد كده افنديز عليه السلام - حضرت تلي دخی تصديق و عذريني قبول
 بيور مشرايدی * ايت كريمه نك معنای شريفی ای زمرة موحدين دين اسلامي
 و قرآن عظيم الشانی انكار ايدن كفار كه جناب اللهك و سرك عدو كزدر اوليه
 كفره بي كاغد تحرير ييله مودت اظهار اولانه جق دوست اتخاذا ايله كزديكدر و الله
 اعلم * اما عسكري متولسي اوزر يته لازم اولان حق ملوك درتدر * بري اطاعت
 ملوكي التزام و ولايتنه دخول و مادامكه معصية الله ايله امر ايتيه امر و نهينه
 قبولد رزيرامعصيتك غريده اطاعت ملوكي قبول واجبد رخدا جناب عزوجل
 بيورر كه (يا ايها الذين آمنوا اطيعوا الله و اطيعوا الرسول و اولي الامر منكم)
 و حديث شريفده وارد اولمشد كه سرك اوزر ييكزه بر عبد حبشي دخی عامل اولور
 ايسه سرك سوزيني استماع و امر يته اطاعت ايدك اما چن معصيت ايله امر ايدر
 ايسه اول امره اطاعت جائد كادر زير حديث شريفده واقع اولمشد در
 خالفه معصيته مخلوقه اطاعت اولمز * حق ملوك دن ايكنچيسي بمله امور
 ملوك اعظام - حضرت اتك رأيته تفويض و تدبير نه تسليم اولمقدركه - حتى اختلاف
 كله و افتراق جمع واقع اوليه * اكر بر شيعه صورت رأي صواب ملوكه مستور
 و مخفي اولسه تنهاجه مخفيا صورت صوابي ملوكه كشف و بيان ايلك لازمدر
 * حق ملوك دن اوچنچيسي معصيتك غريده صدور ايدن امر و نهينه
 مطاوعتمه مسارعتمدر * حق ملوك دن در دنجيسي قسمت غنايمده نزاع ايلميوب
 ملوك كن تقسيمه راضي اولمقد رزير قسمت جناب بارينك تسويه و تقسيم
 بيورديغي كبي ملوك اعظام دخی قوی و ضعيف و شريف و حقير ييشنده تسويه
 و تقسيم ايدرو قسمتك تفصيلي قريبا بيان اولانه جقدر

بچن فریق مؤمنین فریق مشرکین ایله محاربه و مقاتله به درکار اولوب مدت مقاتله
 هر نقدر ممتد اولور ایسه دخی مادامکه رمة مشرکین صبر و ثبات ایلیوب وقوت
 فریق مؤمنین باقی اولدجه ملوک عظام و سرداران کرام دخی مصابره بی یعنی
 اعدادن زیاده کمال صبر و ثباتی التزام و اعدادن یوز چویر میه رک اقدام و اهتمام ایلمک
 واجبد * جناب خدا عزوجل بیورر (یا ایها الذین آمنوا صبروا و صابروا و اصابوا و ابطوا
 و اتقوا الله لعلکم تفلحون) حسن رمة الله علیه دیمشکه معنای آیت کریمه
 بودرکه مشاق طاعانه صبراید یکنز و وقت محاربه ده اعدادن زیاده شدائد حربه
 تحمل اید یکنز و فی سبیل الله غزا ایچون ثغور و سرحداته اقامت و ملازمت
 اید یکنز دیمکدر * و ملوک عظام حضراتی عسکری نی ترتیب و لشکر اعدادن هر
 طبقه سنه اول جنس دن مشابه و نظیر طبقات عساکری تنظیم ایلمک لازمدر شونک
 کییکه بچن قولاغه صود خول ایلسه اخراج و دفعه نیک غیری چاره سی اولیوب ینه
 همجنسی اولان صودن بر قطره سی اول قولاغه تقطیر و ادخال ایتمکله اخراجی
 میسر اولور * و طاہور اعدا اوزر ینه حمله ده غزاة موحدین نهر جاری به مشابه اولمق
 لازمدرکه ماہ نهر جریان ایدرکن تامة نهای هجر اسنه واصل اولنجیه قدر بر طرفه
 توقف و رجعت ایلیوب مجتعا و متسلسلا جاری اولدیغی کبی غزاة موحدین دخی
 رمة کفار اوزر ینه حمله ده تاغایت اعدایه رسیده اولنجیه دیک قطعاً میل
 و توقف و رجعت ایلیوب مجتعا هجوم و اقتحام ایله اعدای غرقه سیلاب قهر
 و دمار ایلیه لر * و معرکه کاهده رمة مشرکیندن بر نفری میدان مبارزه به متفردا
 خروج و کندویه معادل بر مبارز دعوت و طلب ایلسه جانب اسلامیان دخی
 بر نفردلا و رک اول مشرک مغرورک دعوتیه اجابت ایله میدانه خروج و مقابله
 ایلمسی جائزدر زیرا احد غزاسنده ابی بن خلف میدان مبارزه به خروج و صاحب
 سعادت افندی علیه السلام حضرت تلری نی میدان مبارزه به دعوت ایلد کده
 افندی علیه السلام حضرت تلری دخی آفتاب عالمساب آسا میدان مبارزه به
 پرواندا از ظم و روبرو ز اولوب تاب شمشیر عدو کیر ایله اول بد بختی شبیره وار متواری
 تیره خال قهر و دمار بیوردیلر * و بدر غزاسنده دخی عتبه بن ربیعہ و اوغلی ولید
 و قرندانی شیبہ بن ربیعہ میدان مبارزه به حیة قوب دعوت مبارزا یلد کلرنده
 انصار دن غفرانک اوغللری عوذ و معاذ و عبد الله بن رواحه رضی الله تعالی
 عنهم میدانه خروج ایلد کلرنده سز بزم کفو من د کلسز بزم کفو منی دعوت ایدرز
 دید کلرنده حضرت علی کرم الله وجهه و رضی الله تعالی عنه ایله حمزه بن

عبدالمطلب وعبيده رضى الله عنهما حضرت تلى ميدانه خروج ايليوب حضرت
 حيدر كرار و جناب شير پروردگار رضى الله عنه و ايد پليدى و حمزه رضى الله عنه
 حضرت تلى دخی عتبه بنى القصى حفره قهر و دمار و ايصال ساحه دار البوار
 بيور و ب حضرت عبيده رضى الله عنه ايله شبيهه مصاوله و متنازله به اشتغال
 و بربرلر ينه ضربات مؤلمه ايصال ايتاريله شبيهه بد كردار در حال افتاده خاك دمار
 و حضرت عبيده دخی بعد مدة يدرة شهادت ايله عازم دارالقرار اولدى *
 مرويدركه اينكجى كوفى عمرو بن ود العاصرى ميدان مبارزه به ورود و دعوت
 مبارز ايلد كده جانب اسلامياندن براحد اجابت ايليوب او چنجى كون ينه
 ميدانه خروج و تكرار دعوت مبارز ايلد كده دعوتنه اجابت اولما مغله ترهات
 مغروران به باشليوب يا محمد سرك مقتولكز جنت اعلا ده و دينكزك عندنده
 نعم جزيله ايله متنع و مرزوق اولور لرو بزم مقتولكز قعر نار بحيمده معذب اولور لرو
 اعتقاد بنى ايلازميسز يا نچون بريكز بونعمتى استحصاله و دشمنى نار بحيمه ايصاله
 اقدام ايجون ميدان مبارزه به كليورد يوب بو اياتى مغروران انشاده باشلدى

واقده بخت من النداء * بجمعه هم هل من مبارز
 و وقت اذ جبن الشجاع * بموقف البطل المناجر
 انى كذلك لم ازل * متسرعا نحو الهزائن
 ان الشجاعة والسماحة * فى الفى خير الغرائز

مضمون ايات تحقيقا بن جمعيت اسلاميانه ايجو كزده بنمله جنكه قادر بهادر
 و ارايه ميدانه كلسون ديوجا غرمقدن مجروح اولدم شجاع اولان مرد قورقوب
 ميدانه چقميوب بن جنك آور بهادر موقفنده توقف ايلدم و بن اشته بويلجه
 ناسه خوف و هراس و بره جنك شورشي كا هله سرعت و شتاب ايدرم
 زائل اولم تحقيقا شجاعت ايله سماحت مرد اولنله طبائع خير لو سيدر
 ديمكدر * اول بد بخت مغرورك بو اياتى او قود يغنى حضرت على كرار و نره شير
 ميدان كبر و دلر عليه رضوان الغفار كوش بيورد قلزنده عرق حيت شيرانه لرى
 نبضان اولوب در حال قيام و افتد يمز عليه الصلاة والسلام حضرت تلى دن ما ذونا
 ميدان مبارزه به شتاب و اقتحام و بو اياتى انشاده آغاز بيورد يلد

ابشر انك محيب صوتك * فى الهزاهز غير عاجز
 ذونية و بصيرة يرجو * الغداة نجاة فائز
 انى لا رجوان اقيم * عليك نايحة الجنائز

من طعنة نجلاء بقي * ذكرها عند الهزائن

مضمون ایات ای میدان معرکه ده مبارز دعوت ایدن احق سوينوب مسرور
اولکه شورشکا هارده دامن شجاعتی قطعاً غبار عجز ايله آلوده اولماش بر مرد
شجیع سنك دعوتی که اجابت ایدوب کلدی اویله مرد شجیع که نیت صادق
وبصیرت صاحبی و روز جزاءه نجات فائز مأمول ایدر * تحقیقاً امید ایدر مکه
بعد ازین وقوع عبوله جق شورشکا هارده ذکر اولمغه شایان سکابر زخم نمایان
ایصاله جنازه راوزرینه نوحه ایدن نایحه عود تلی سنك جنازه راوزرینه
دخی نوحه ایتدیره یم دیمکدر * وقتا که حضرت علی المرتضی ولیت غالب و غا رضی
عنه المولی میدان معرکه یه خروج ایلایوب بر مقدار مصاوله و منازله دنصکره
یلک دیکره بر رحله شیرانه شدیده حواله ایلدیلر که فضای معرکه کاهدن توران ایدن
غبار میانه زمین و آسمانده مانند ظلام شب تار آشکاره و وجه منیر آفتاب
عالمتابه پرده دار اولوب برقاج دقیقه هرورنده آثار غبار منجلی اولدقده * حضرت
علی کرم الله وجهه خون عمرو ايله آلوده اولان شمشیر عدوتد میرلین مسح
وتطهیر بیوروب عمرو دخی افتاده حفره سعیر اولدیغن حاضر و ن مشاهده
ایلدیلر * و اهل اسلام طرفدن دخی مبتدأ میدان مبارزه یه بروز و دعوت مبارز
ایلمک جائزدر * زیرا اصحاب کرام رضوان الله تعالی علیهم اجمعین حضراتدن
بر جماعت ایشله مشردر * حضرت ابی هریره دن رضی الله تعالی عنه هر ویدر که
رسول الله صلی الله علیه وسلم بین الصغین مبارزه دن سؤال اولند قده شجاعتی
معلوم و مشهور اولمیان کسنه میدان چیقوب دعوت مبارز ایلسون زیرا
ضعیف اولان کسنه دعوت مبارز ایلایوب کندویه خطر هلاک اصابت ایلسه
قلوب مسلمان سائر یه ضعف ایراث ایدر * و غزات موحدیندن بر نفر مرد دلاور
و بهادر شجاعت پرور منفردا جیش مشرکینه شیرانه و رستمانه حمله و اقتحام
ایلمک جائزدر زیرا اصحاب کرام رضوان الله تعالی علیهم اجمعین حضراتدن
بعضیلری بویله منفردا اقتحام ایلشرایدی * هر ویدر که خنسانت عمرو بن الشدید
السلیمیه نام خاتون کوفه حوالیسنده واقع قادیسیه نام موضعه و وقوعبولان
محل محاربه ده درت نفر اولاد لر یه معا حاضر و موجود بوانمغله براخشام
اوغلارینه بوضورتده نصیحتیه باشلیوب ای اوغلارم سز کند و طوع و اختیار گزایله
اسلامی قبول و مختار اوله رق مهاجرت ایلدیلر و جناب خداوند بیچونه قسم
ایدر مکه انا کزوبابا کزبر اولوب نه بن بابا کزه ونه بابا کزبا که خیانت ایلایوب نسب

و حسب کز صحیح و سالم در کفار ایله محاربه ایدن غزات موحدینه جناب باری
 تقدیر اجرو ثواب کرم ایلیه چکی محققا جمله کزک معلومیدر و دار بقا بودار فنادن
 خیر لودر و جناب باری پیور مشدر که فی سبیل الله کفار ایله محاربه ده قتل
 اولنا نلری سز امواتدن ظن ایتمه کز انلری اولوب رب عزت عنده ندمه نعم جلیلله
 ایله مرزو قدر لر بو قدرجه چن جنک قوریلوب بازار حرب و قتال کرم و اعیب
 خدای و نزال رسیده سطح فلک چارم اولدقده سز بلا تردد معرکه کاهه اقتحام
 و رؤسای مشرکین ایله مصاوله و مجادله یه دلیرانه اقدام ایدرسکزدار عتبادده
 غنائیم و کرامته ظفر یاب اولور سز دیه رک مقاتله یه ترغیب ایلدکده اوغلارنک
 دخی عروق شجاعت و جیتلری جنبان اولوب خاتون مر سومه نک یاننده قیام
 و علی الصباح جمله سی معرکه کاهه شتاب و تقابل صفین عنده اولابریسی
 لشکر مشرکینه اقتحام و بویایاتی انشاد ایلایوب

یا اخوتی ان العجز الزاحم * قد نصحتنا اذ رعتنا البارحة
 مقاتله ذات بیان واضح * فبادروا الحرب الضروس السالمة
 فانتم بین حیاة صالحة * ومیتة تورث غنا رایحه

مضمون اییات ای بنم قرنداشلم تحقیقا بزه نصیح ایدن عجز کدون کیجه بسط
 ایلدیکی بلیغ و واضح کلامی خلوصه مقرون ایدی سزده متنصح اولوب حرب
 شدید مسارعت ایدرسکز یا حیات صالحة ایله باقی و یا خود غنیمت رایحه بی مورث
 اولان موت ایله شهید اولوب بویایکی سعادتدن برینی احراز ایدرسز دیمکدر
 بویایاتی او قویوب کفار ایله ضرب سیف و طعن رخ ایدرک نائل سعادت شهادت
 اولدی رحمة الله علیه * بعده ایلکنی اوغلی دخی بویایاتی او قویوب

قد امرت بالسداد و الرشاد * نصیحة منها وبرا بالولد
 فباکروا الحرب حیاة فی العدد * اما لقوز بارد علی الکبد
 او میتة تورثکم غنم الابد * فی جنة الفردوس والعیش الرغد

مضمون اییات تحقیقا اول عجز بزه نصیحت و احسان اولماق اوزره رشاد و سداد ایله
 امر ایلدی سز دخی شجیع و بهادر لر دن نیجه لرله حرب و قتاله شتاب ایدیکز یا سزده
 تسکین حرارت ایده جک فوز یا خود جنت اعلاده غنیمت ابدیه و رفاهیت عیش
 سرمدیه ابراث ایده جک شهادت سعادت لرندن برینی تحصیل ایدرسز دیمکدر
 اولدخی ضرب سیف جهاد ایدرک تحصیل مر مایه شهادت ایلدی * بعده او چخی
 اوغلی بویایاتی انشاد ایلایوب

نصحا وبرا صادقاً واطفا * فبادروا الحرب العوان زحفا
حتى تلاقوا آل كسرى افا * وتكشفوهم عن حماكم كشفا
انا نرى التقصير عنهم ضعفا * والقتل فيهم فجدة وعرفا

مضمون آیات اول مجوزه بزه نصیحت و احسان صادق و لطف ایلادی سزدخی
منکر را قیام ایدن جنک و حربه سوینه رک شتاب ایدیکز که حتی آل کسریه
مجموعاً ملاقی اولوب تسلط لرینی کرکی کبی دفع ایلیمه سز زیر بن انلردن تقصیری
ضعف ییلورم و انلرایله محاربه ده قتل اولمغنی شجاعت و متانتدن عدا ایدرم دیمکدر
اولدخی احاله کیت دلاوری ایدرک سرحد شهادته رسیده اولدی * بعده در دنجی
اوغلی بویایاتی انشاد ایلایوب

اسنا لخنساء ولا لاکرم * اعنی عمرو اذا السماح الا قدم
ان لم ارد فی الحرب جيش الاعجم * عاجل او مغنم اولوفاة فی سبیل الا کرم

مضمون آیات یافوز عاجل یا خود غنایم یا خود فی سبیل الله وفات سعادت لرندن
برینی تحصیل ایچون جيش اعجمی اگر بزرده ایده منسک سماحت و کرم ایل
متصف اولان عمرو و لخنسانک اولادندن دکلزدیمکدر * اولدخی هزار ماح اقتحام
ایدرک حاتم مغنم شهادت اولدی * وقتما که بودرت نفر اولادینک میدان محاربه ده
نوش شربت شهادت ایلدکاری والده لری خنسانک مسعودی اولدیغی انده
جناب باری یه شکر ایلایوب بکا بودرت نفر اولادینک شهادت لری شرفنی کویسترن
خدای متعالدن رجا ایدرمکه روز جزا ده دخی انلرایله بنی جمع ایلیمه دیدی خنسانک
بو کیفیتی حضرت عمر بن الخطاب رضی الله عنه یه بالغ اولدقده اولدورت
نفر اولادینک سنوی مرتب اولان ایکیشریوزدرهم علوفه و وظیفه لرین
اول خاتونه ترتیب و تعیین بیوروب وفاته دکل اخذ و تعیش ایدرمش رحیم
الله * و سواد عسکر و جمعیت مویکب ظفر رهبر نهر سائل پر جوش کبی
تظیم و ترتیب اولتق لازمدرکه نهر سائل پر جوش نه محله اوغررایسه باصوب
استیلا ایلایوب اوکنه برشیء حاجز اوله مدیغی کبی عسا کرم و حدین دخی
هر نه محله اوغررلرایسه بلا انفصال جوشش و اقتحام ایل باصوب استیلا ایلیمه لر

* (اون یدنجی باب اهل الرده و اهل البغی و قطاع طریق قتالی معرفتی بیاننده در) *

بویابده ملول عظام حضراتیچون جائز اولان افعاله قصر ایلدکر خلاف و تطویلدن
احتراز اولنه رق قواعد مذهب ایضاح و بیان اولنور که حتی وقوع عبولان افعال
شرع شریفه موافق اوله و بویاب اوچ فصل ایل تفصیل اولندی

(فصل اول مرتدا و انحراف قتالی معرفتی بیانده در)

چنانکه بر قوم حقنده اسلام ایله حکم اولند قد نص کره اول قوم دین اسلامه
مخالف اولان ادیان دن برینه مرتدا اولسه اول قومی دین مخالفده ابقا و تقریر
ایملک جائز دکادره زیرا مقدمه اسلامی اقرار و اعتراف ایملری احکام اسلامی التزام
ایملرینی ایجاب ایدر * ارتدادی قبول ایدن قوم ایکی شق دن خالی دکادر بر شقی
اولدر که ینه دار الاسلامده فردا ساکن اولوب بر محل منیع اختیار یله اهل
اسلام دن آیرلمز * بومقوله اهالی ارتدادی حسب یله مقاتله به حاجت یوقدر تحت
قدرتده اولملریله همان اخذ و افعال باطله وردیه لرندن توبه و رجوع تکلیف
اولنوب نائب اولور لرایسه توبه لری قبول و اوزر لر ینه حکم اسلام اجرا * و اگر تردد
و ارتداد لرنده قیام و اصرار ایدر لرایسه کرکذکور و کرک انانندن اولسون قتل اولنور لر
زیرا حدیث شریفده وارد اولمشدر که هر کی که دین اسلامی آخر دینه تبدیل
ایدرایسه قتل ایدیکز * و علما مرتد لقتلی کیفیتنده اختلاف ایتمشدر بعض
علما در حال قتل اولنور زیر احق باری واجب اولدقه تاخیری جائز دکادر دیدی
و بعضی لر دخی اوج کون تا جیل و امهال اولنور زیر حضرت علی کرم الله وجهه
مستور و عیلمنک ارتدادنده اوج کون تاخیر ایدوب بعده قتل ایلدی و ضرب
سیف ایله قتل اولنور دیدی * و بعضی لر دخی مرتدا غایب ایله ضرب اولنوب قتل
اولنور دیدی * و مرتد بعده اقل غسل و تکفین و مقابر مسلمینه دفن اولنوب
و جنازه سی نمازی دخی قیلنمز و مالی بیت مال مسلمینه عائد اولور * و مرتدا و انحراف
بر شقی دخی اهل اسلام میانندن آیر یلوب بشقه جه بردار منیعده تمیز و امتناع
ایلر بوشق ارتداد لر ینه بناء مقاتله لری واجب اولوب اهل حرب و کفر منک
مقاتله لرنده بعض حیل حریه اجرا سی و بغتة شجخون و وقت اقبال واد بار لرنده قتل
اولنمز جائز اولدیغی کبی بوشق مرتد لرک حقلرنده دخی جائز در اما اسیر لری استرقاق
اولنوب قتل اولنور و مقتولار ینک اسوال لری اغتنام اولندقه غانمین بیننده
تقسیم اولنوب بیت المال مسلمینه عائد اولور * و قتل اولنمیان لر ینک مال لری
موقوفاً حفظ اولنوب اگر اسلامی قبول ایدرایسه ینه کند و یه رد اولنور

(فصل ثانی ارباب بغی و عصیانک قتالی معرفتی بیانده در)

چن اهل اسلام دن بر طائفه رأی جماعته مخالفت و انحراد و دائره مطاوعت امام
المسلمیندن خروج و بر محل منیع تمیز و اظهار امتناع ایلمه لر ابتدا بومقوله لره
باعث انفعال نه اولدیغی استفسار و تخویف و انذار اولنور زیر حضرت علی

کرم الله وجهه طائفة خوارجه اولا عبد الله بن عباس رضی الله عنهم ای بعث
 وارسال وسبب انفعال الی بن سوال و تهدید و انذار بیوردیلر * اگر بعد الانذار سمعت
 اطاعتهم میل و رجوع ایدرلرایسه فیها و ا صورت امتناع کو سترلرایسه
 مقاتله لرینه ایدار و انور جنساب عزوجل بیورمشد رکه (وان طائفتان من
 المؤمنین اقتتلوا فاصلحوا بینهم فان بغت احدیهم علی الاخری فقاتلوا الی تبغی
 حتی تنفی الی امر الله) بوایت کریمه نك سبب نزولی تفسیر مدار کده بو وجهه
 مسطور در رکه بر کون رسول اکرم افندیز علیه السلام حضرت تری بر شماره را با
 انصار دن بعضی لرینک جمعیت کاه لرینه هر ورو اول عده توقف ایلد کلرنده شمار
 قبول ایتمکله ابن ابی بوردنی طوئوب شمار یکزی یوریدک که رایحه بولی بزه
 اذ اویریور دید کده * ابن رواحه دخی ابن ایسه خطاب ایدوب اول شمارک بولیندن
 رایحه سی سنک مسک از فرک رایحه سندن اطمینان دید کده * ابن ابی دخی ابن
 رواحه به سبب ایتمکله بر لرینه مشاجره به باشد قلی بنی طرفینک قوم لری
 اولان اوس و خزرجی لر ایشیدوب تجمع و بر لرینه اللریله و یا پوشلریله و خرما
 داللریله مضارب و محارب به ایدار ایلد کلرنده بوایت کریمه شرف بخش نزول اولدی
 فحوای شریفی بقی زمره مؤمنیندن ایکی طائفه بر لرله مقاتله ایلد سه لرسر
 بینلرینی اصلاح ایدیکز اکر اول ایکی طائفه دن بری اخری اوزرینه تعدی و تجاوز
 ایدرایسه اول تعدی ایدن طائفه تا امر الله یعنی حقه رجوع و قبول ایدنجیه دک
 طائفه باغیه ایلد مقاتله ایدیکز دیکدر و الله اعلم * و حضرت ابی بکر الصدیق
 رضی الله تعالی عنه مانع زکوة اولنلر ایلد مقاتله ایلدیلر * و حضرت علی کرم الله
 وجهه دخی نهر و انده خوارج ایلد و صفینده معاویه ایلد عظیم قتال ایلدیلر *
 و معلوم اوله که طائفه باغیه ایلد اولان قتال زمره مشرکیر ایلد اولان قتاله طقوز
 وجهه ایلد مخالف و مغایر در (وجه اول) طائفه باغیه ایلد اولان قتالده حیل
 و شبنون صورتده هجوم جائز دکادر زمره مشرکین قتالنده جائز در (ایکنجی
 وجه) طائفه باغیه نك قتالده انجق حقه رجوع لری قصد اوانوب قتالری
 مقصود بالذات دکادر (اوچنجی وجه) مقاتله ایدرلرایسه مقاتله اولنور روکردان
 اولد قلی حالده قتال ترک اولنور (در دنجی وجه) مجروح لری قتل اولنور (بشنجی
 وجه) اسرا لری قتل اولنور (التنجی وجه) اموال لری اغتنام و ذریت لری سبی
 و استرقاق اولنور (یدنجی وجه) طائفه باغیه نك قتالنده مشرک معاها ددن
 و ذمیدن استعانه اولنور (سکزنجی وجه) طائفه باغیه بروقت معین و انقضای

مدت معلومه به دلمهادنه یعنی مصالحه ورهن اولمق اوزره بر مقدار مال النوب
موادعه اولمز اکر بر مدت معینه به دلم مصالحه اولنسه دخی وفا اولمق لازم کلز
واکر انلرایله مقاتله ده ضعف و عجز نمایان اولور ایسه تامقاتله به قدرت و قوت
کاخجیه دلانظار و توقف اولنور و اکر مال ایله موادعه اولنسه دیسه موادعه لری
باطل اولور و **اص** رودیعه ایلدکاری مال دخی بیت الماله عائد اوله بحق اموال دن
ایسه رد اولمز اکر طائفه باغیه نك خالص اموال لرندن ایسه رد اولنوب تملاکی جائز
اولمز (طقوزنجی وجه) غزاده منجنیق استعمال و خانه لری احراق و اشجار لری
قطع اولمز زیرا دارالاسلامده بونلر کجمله سی ممنوع اولوب قتال مشرکین بونلر
خلافته در اما حق طائفه باغیه تغلب و اهل عدلی احاطه ایلیوب استیصال لرندن
خوف اولنسه اول وقت هر نه ایله قتلارینه قادر اولنور ایسه انکله مقاتله و منجنیق
نصبی و احراق بالنار و سائر بونلر مثلوشیلر استعمال اولمق جائزدر * زیرا اهل
اسلام دن برکسنه کند و بی قتل مراد ایدن کسنه بی قتلدن غیری دفعه چاره بولمسه
اول حالده قتل ایلمک جائزدر و طائفه باغیه نك ادوات و اسلحه لریله انتفاع اولمق
و امر مقاتله ده بوانتفاع ایله استعانه اولمق جائزدر * امام ابوحنیفه رحمه الله
تعالی علیه ادوات و اسلحه لریله انتفاع و استعانه بی تجویز یوردیلر

(اوچنجی فصل قطاع طریق قتل قتالی معرفتی بیاتنده در)

حقن ارباب فساد و شقاوت دن بر طائفه اسلحه مشهوره ایله تجمع و قطع طریق
واخذ اموال و قتل نفوس و منع سبیل ایلمسه لرحقه لرنده جناب بارینك
(انما جزاء الذین یحاربون الله ورسوله ویسعون فی الارض فسادا ان یقتلوا
او یصلبوا او تقطع ایدیم و ارجلهم من خلاف او یقوا من الارض) بیوردیخی
محاربین نوعندن اولور لکه بیضاوی هر حومك تفسیرنده مسطور اولان معنای
آیت شریف بودر جناب بارینك و حبیبینك دوستلری اولان زمره مسلمین ایله
محاربه و یریزنده فساد و شقاوتیه سعی ایدنلرک جزالری انجق قتلدر اکر اول
مفسد لر قتل نفوس ایله اکتفا ایلمشیر ایسه * یا خود جزالری قتل اولدقد نصکره
صاب اولمقدرا اکر قتل نفوس و اخذ اموال ایتمشیر ایسه * یا خود صاغ اللری
وصول ایاقلری قطع اولمقدرا اکر یا لکز اخذ اموال ایله اکتفا ایلمشیر ایسه * یا خود
بربلده دن بلده آخرایه نفی اولمقدرا اکر یا لکز اخفه نفوس ایله اکتفا ایلمشیر ایسه
دیگدر * امام شافعی رحمه الله تعالی علیه بیوردلر که اول قطاع طریق
اشقیاسندن قتل نفوس و اخذ اموال ایدنلر قتل و بعده صلب اولنور و ایچلرندن

بالکز قتل نفوس ایدوب اخذ اموال ایتمیانلر قتل اولنور صلب اولنور و اخذ اموال
ایدوب قتل نفوس ایتمیانلر خلاف جهتندن الری و ایاقلری قطع اولنور یعنی
بری صاعندن و بری صولندن و قتل نفوس و اخذ اموال ایتمیوب بالکز ابنا سبیلی
اخافه ایدنلر نفی اولنور * و امام مالک رحمه الله تعالی علیه یورر که قطاع طریق
اشقیاسندن صاحب رأی و تدبیر لری قتل و قوت و شجاعت صاحبی اولنلر حبس
و تعزیر اولنور * معلوم اوله که قطاع طریق اشقیاسنک قتالی جمیع احوالده طائفه
باغیه نک قتالی کبیدر الالبش و جهندن بر برینه مخالف اولور * بری قطاع
طریق اشقیاسی مقابله ایلمسه لرو یوز چویر سه لرده مقاتله لری جائزدر * اما اهل
بغی یوز چویر دکاری حالده مقاتله لری جائز دکادر (ایکنی وجه) حین محاربه ده
قاتل اولنلرینک قتلی مقصود اولور و طائفه باغیه نک قتالری مقصود اولموب حقه
رجوع لری مقصوددر (اوچنی وجه) محاربه و محاربه نک غیري حالده استهلاک
ایلدکاری قان و مالدن مؤاخذه اولنور لراهل بغی یونک خلافتنه در (دردنی وجه)
ایچلرندن اسیر اولنلر براءت حالی معلوم اولمق ایچون حبس اولمق جائزدر اهل
بعیک خلافتنه در (بشنی وجه) بیت الماله عائد اوله جق اموالدن هر نه که جبايت
و تحصیل ایلمش لرایسه غصب و نهب قیلندن اولمغله اول اموالی جبايت
ایلدکاری کسنه لک ذمتلری ساقط اولموب قطاع طریقندن تغریم اولنور اهل
بنیک خلافتنه در

* (اون سکرنجی باب غنائم و انفال قسمتی معرفتی بیاتده در) *

زمره مؤمنینک ایجاب خیل و رکاب ایله گروه مشرکیندن اخذ ایلدکاری
غنایمی ملوک عظام حضراتی بش قسم ایدوب بر قسمتی اهل خمس ایچون افراز
یورر لکه جناب عزوجل اهل خمس حقنده یورمشدر (واعلموا انما غنمتم من شئ
فان لله خمسہ و للرسول و لذی القربی و الیتامی و المساکین و ابن السبیل) بیضاوی
مرحوم تفسیرنده بیان ایلدیکی معنای شریفک خلاصه سی بودر که ای زمره
غزات موحدین سزک کفاردن قهرا اخذ ایلدیکلر اموال و اثباتک خمس محققا
معلومکز اوله که رسول الله علیه السلام ایله اقربالرینک و یتام و مساکین و ابنا
سبیلکدر یعنی خمس غنائم یونلره صرف اولنور دیمکدر * بو آیت کریمه نک حکمی
باقیدر الاشوقدر واردر که رسول اکرم علیه السلامک سهملری مصالح مسلمینه
صرف اولنور * و امام اعظم حضرتلری رسول الله علیه السلامک وفاتلرند نصکره
کندولرینک و اقربالرینک سهملری ساقط اولوب خمس غنائم انجق یتام و مساکین

و اینها سبیله صرف اولنور بیوردیلر دیوقاضی مرحوم بیان ایدر * مال غنایمک
 قصور درن قسمی غنیمته توزیع اولنور و بوا مالک کایسی دارالخریده تقسیم
 اولنور * زیرا رسول اکرم صلی الله علیه وسلم حضرت تلی بنی المصطلق غزاسنده
 اخذ اولسان اموال غنایمی اول طائفه نک داخل حدود لرنده واقع میاه عندنده
 و حنین غزاسنده اخذ اولسان غنایمی دخی ینه حنین مضافاتدن اوطاس نام
 وادیده تقسیم بیورمشلرایدی * وائشای محاربه ده قتل اولسان مقتولک اوزرنده
 بولسان اشیاسی غنیمته ادخال اولغیوب انجیق قتل ایدم نک اولور * زیرا رسول الله
 صلی الله علیه وسلم مقتولک اشیاسی قاتله تخصیص بیورمشلرایدی اگر عسا کر
 موحد ینک جمله سی سواری یا خود جمله سی پیاده ایسه اموال غنایم مساواة اوزره
 تقسیم اولنور و اگر بعضیسی سواری و بعضیسی پیاده ایسه پیاده سه بر سه
 و سوار یسه کرکاتی ایکی اولسون و کرک دخی زیاده اولسون ینه بر فرس حسابیه
 ایکی سه فرسیچون و بر سه دخی کند و ایچون ویریلور و مقاتله ایدن ایله ایتمیان
 غنیمته مساوی اولور * و ملوک عظام حضراتی جانب کفاره سر عسکر ایله بعث سریه
 بیورسه لر دخی جیش سریه نک الدقلری غنایم جیش سریه به تخصیص قانغیوب
 جمله عسا کر یننده تقسیم اولنور * و کذلک اهل جیشک اخذ ایله کلری غنایمه
 دخی اهل سریه شریک قلنور زیرا رسول اکرم صلی الله علیه وسلم حضرت تلی حنین
 غزاسنده هوازن قبیله سنی کسر و هزم بیورد قلزنده اوطاس جانبنه بعث سریه
 بیورمشلرایدی غنایمی اهل جیش ایله اهل سریه نک جمله سی یننده تقسیم
 بیوردیلر و عسکری طائفه سندن برکسنه جاسوسلق و دلالت طریق و قلعه
 و یا خود دارالخر به دخوله تقدم کبی موجب نصرت و ظفر اوله جق بر حرکت
 ایلمسه اوله کسنه به اموال غنایمدن سهمندن زیاده اکر ام و احسان اولمق جائزدر
 زیرا رسول اکرم علیه الصلاة والسلام واکرامی ایلمشلرایدی

* (اون طقوزنجی باب ملوک عظام حضراته جیوش موحدین ایله غزادن
 عودت و قفول لرنده مستحسن اولان افعال لایقه نک بیاتنده در) *

صاحب سعادت افتد یمز علیه الصلاة والسلام حضرت تلی غزادن یا خود سفر دن
 عودت و قفول لرنده هر مرتفع بر لره مرور ایلد کجه اوچر کره **تکبیر** ایلیوب
 (لا اله الا الله وحده لا شریک له له الملك وله الحمد یحیی و یمیت و هو حی لا یموت یدیه
 الخیر و هو علی کل شیء قدیر) تا بیون عابدون ساجدون لرینا حامدون صدق الله
 وعده و نصر عبده و اعز جنده و هزم الاحزاب و حده کل شیء هالک الا وجهه

له الحكم واليه ترجعون) بود عالی قرائت بیورملریله * ملوک عظام حضراتی دخی
 بوسنت شریفه بی اجرا و هر چن دارالقرار سلطنتلرینه تقرب ایلد کده (اللهم
 اجعل لنا بها قرارا ورزقا حسنا) دعاسنی قرائت ونواب واهالی دارالقرار
 ملوکانه دن استقباله خروج ایچون مقدحه آدم گوندروب قدوملرینی اخبار
 بیورملری انسبدر * زیرانات ارضیه فیض قطره باران الیه کسب حیات
 ایلدکاری کبی زمرة رعیت یعنی عامه اهالی دخی ملوک عظام حضراتنی مشاهده
 الیه حسن انتعاش کسب ایدرلر * وچن دارالسلطنتلری اولان بلده بی تشریف
 بیورسه لر اولا مسجد شریفه دخول وایکی رکعت صلوٰة ادا بیوره لر که سنت
 سنیه رسول اکرم صلی الله علیه وسلم * وچن مقرذات ملوکانه لرینه دخول
 و سریر خسروانه لرنده قعود بیوردرقلرنده (توباتوبالربنا اوبا لا یغادر خطیئة
 ولا حوبا) دیوب رفع حجاب وفتح ابواب و تهنیه قدوم میمنتلر و ملری هر اسمی
 ادا ایچون اعیان و اشراف بلده و خدمه به اذن و رخصت و بعد ادای رسوم
 بذل صدقات و صلوات و عطایا و موهبات و عفو و اطلاق مجرمات و محبوسات
 ورد غصوب و ظلمات و انعام و احسان الیه اجرای لازمه شکر نعمت بیوریلر

* (بکر منجی باب عابد و زاهد کسسه لرک نصیحتلرینی استماع و قبول بیانددر) *

دنیانک ملوک عظام حضراته اقبالی برکمال اولدیغندن بعضیلرینی بواقبال امور
 اخرویه دن اشغال و مهمات دینییه دن اغفال و لذات نفسانییه به ایغاله سبب
 اولور * زیرا نفوس بشریه میل ترفه و راحت و ایشارتم و کراحت تکلیف الیه
 مطبوعه دربناء علیه مجالس ملوک علماء دین و صلحا و عابدین کروهندن خالی بولمق
 لایق دکلدرحتی طریان غفلتدن نهی و مضرات شهوانیه بی تذکیر و جاده مستقیمه
 شریعت و طریق واضح آخرتی بیان ایلدیه لر و ملوک فائزین پیشین و خلفاء راشدین
 کزین حضراتی مجالس عالییه لرندن حکما و علمای دینی دور ایلیوب مواعظ
 خالصه لرین استماع و قبول بیوررلرایدی * و ملوک سالقه بوباید اوج طبقه به منحصر
 اولوب بر طبقه سی مواعظی استماع ایلد کلرنده حسن قبول الیه تلقی و قبول
 بیوروب دائم و باقی اولان ملک آخرتدن فانی و زائل اولان ملک دنیایی تعویض
 ایلیوب افکار و اشغال دنیویه بی کلیادرون و بیرونلرندن طرد و رفع و فوزا کبر
 و نعیم دائمه نائل و واصل اولمق ایچون انجق امور اخرویه به اهتمام ایتسدیلر
 بر طبقه سی دخی وعظ و نصیحت علماء دینی ایشتمد کلرنده ملک دنیایی فقط
 قلوبلرندن اخراج و ظاهرده امور دنیویه بی بنه دست نصر قلرنده ابقا ایلیوب

درونلریله امور اخرویة به قیام و بیرونلریله ملک فانی به اتمام ایدرلردی * بو طبقه ده
 بولان ملوک عظام حضرتانی هر کونا لدا بد نفسانیة لریله تلذذ مهقتدر ایکن مجرد
 مخافة الله بنه صحائف درونلرین تفوش حب دنیا و میل مقتضای هوادن
 ساده بیورملری حسیله حقیقه تنده مجاهده عظمه در زیر ابو خصوص عینیه
 ایام صیفده صوسزاق حرارتی ایلده محروور و مضطرب اولان کس نه نلکار
 جویبار خوشه کوارده بولندیغی حالده نوش آب ایلایوب صوسزلغه صبر
 ایلمسندن زیاده کوچدر * و بو مجاهده خلفاء راشدین رضوان الله تعالی علیهم
 اجمعین حضرتانک و امر او عمالک و بونلرک مساکرینی اختیار اید نلرک حاللریدر
 و بر طبقه سی دخی حب دنیا و متابعت هوا سامعه انتباهلرینه بنیه غفلت و سد
 راه قبول نصیحت اولوب صحائف مرا یای قلوبلری فرط انهمالک شهوات
 نفسانیة ایلر نلک بسته اولاق حسیله ظاهرده مشهودلری اولان صور
 مذکوره عالمندن دخی عکس پذیرایقاظ و اعتبار اوله میوب لذت دنیویه کندولری
 مهمات اخرویة دن غافل و حلیه طاعات دینیة دن عاقل قیلر * اشبو رساله نلک
 حاوی اولدیغی **رحمی باب** بو محملده تمام اولغله مواف رساله قدس سمره
 العزیز اصحاب ابصار و بصائر شکوفه نمای عبرت و یاد آور تیقظ و نباهت اولاق
 ایچون بواوج طبقه دن طبقه اولی و ثانیه ده چندین **کایات** بسط و ترقیم
 و اول حکایاتدن هر بریته روضه اسمیله تسمیه و توسیم * و طبقه اولی بی بش عدد
 روضه انیقه ایلر ترین ایلدی (روضه اول) اصحاب حدیث نقل و روایت ایدرلرکه
 عمر بن الخطاب رضی الله تعالی عنه حضرتلری انصار دن عمر بن سعید رضی الله
 عنهما حصه و اعمال حصه عامل نصب ایتمکله برسنه اقامت ایلد کد نصکره
 برکون عمر بن سعید حضرت عمر رضی الله عنه طرفندن اموال مجتمعه بی اخذ
 ایچون ورود ایدن آدم ایله معا او تورلر ایکن برخراجکزار ذمی ظه و رایدوب
 رفع صوت ایلر تکلمه باشلقدقه عمر اول ذمی به اسکت اخزال الله دیو آزار ایلد کده
 اول موجود اولان آدم عمیری مؤاخذه صورتده خطاب ایدوب یا عمر اخزال
 الله من اصحاب عمر * سن اشمک کی حضرت رسالتیناه علیه الصلاة والسلام الا
 اله * بن معاهد یعنی خراجکزار ایلر یتیمک خصوصت لری و ایسیم هر کیم معاهد ایلر
 یتیمک محاسبه ایدر ایسه بندخی اکا خصوصت ایدرم بیورمشدر یا عمر سن جناب
 خدا دن و حبیبندن قورقکه سندن دون اولنلر دخی سندن قورقسونلر جناب
 مولانک سنک حقکده نه کونا صنعنی استرسک سندی رعایا حقکده اول صنعنی
 ایشله یعنی زیر حکمکده بولان رعایا به نوجمله معامله ایدر ایسه ک سندی طرف

باریدن اول معامله نك مثالیله مجازات او انورسك * دید كده عمیر بو كلا مدن متاثر
 اولوب بكا شدید ایله بر مقدار بكا ایلیوب بعده قالقوب خانه سنه واروب بر طغارجق
 وبر مطهره وبر چناق ایله عصابی بردوش ایلیوب حصدن خروج و طوغری
 حضرت عمر رضی الله عنه واروب بطائت اوزره سلام ویردیكنه بناء حضرت
 عمر رضی الله عنه در سلام ایلد کد نصکره یا عمیر خسته میسین یوخسه اولدیغك
 بلده نك هوامی وخامتندن ضعیفمی اولدك یوخسه قصدك تمارض کو سترمکمیدر
 دید كده یا عمر جناب باری سنی تجسسدن نهی ایتدی نیچون تجسس ایده یورسن
 بنم طامده نه مشاهده ایلدك و جردم صحیح اولیوب علیل اولسه بو قدر یوکی
 یوکلنوب بو محله دك کتوره بیلورمیدم دیمکله * حضرت عمر رضی الله عنه دخی
 نه کتوردك یوکلندر دید كده یوکم ییه جکمی قویاجق بر طغارجق و صومی
 قویاجق بر مطهره و شیرینک ایچون بر چناق و بعض مؤذیاتدن نفسی محافظه
 ایده جك بر حربه لی عصاد و دیوب * بعده حضرت عمر رضی الله عنه صادقسن
 رحك الله عامل اولدیغك حوالینك اهل اسلامی نه ایشده درلردید كده * توحید
 باری ایلیوب صلوات مفروضه لیه مشغوللرد راوته سنی صورمه دیدی * یا اهل
 ذمت نه یبارلردید كده جله سی مطیع و منقاد اولدقلری حالد جزیه لرینی اخذ
 ایلدم دیدی * بعده حضرت عمر رضی الله عنه اموال میریه نك کیفیت تحصیلندن
 سؤال ایلد كده عمیر دخی بن حصه واردیغده زمره مسلمینی جمع و ایچلرندن
 بر قاج نفر کسنه لری اختیار و تحصیل امواله تعیین و سعی و اهتمام ایله بر مقدار مال
 جمع ایدوب ویریه جك محلا ره ویردم اکر فضله قلایدی سزه کتوریلوردی دیدی
 بعده حضرت عمر رضی الله عنه یا عمیر راحله کقنده در دید كده راحله م یوقدر
 دیدی * یا حص اهل یسندن بری سکار کوب ایچون بردابه ویرمدیلرمی نه الحق
 آدملا ایش دید کد نصکره اوغلاری حضرت عبداللهم خطاب ایدوب یا عبد الله
 بر کاغد کتور که عمیره تجدید عهد * سندینی تحریر ایلیم وارسون نه حصه عامل
 اولسون دید كده * عمیر لا والله بعد ازین بر محله عامل اولم دیمکله حضرت عمر رضی
 الله عنه دخی علی عدم قبول سببندن سؤال بیورد قلزنده * یا عمر بن وقت عملده
 خطادن نجات بوله مدم زیرا حضرت رسول اکرم صلی الله علیه وسلم بن معاهد ایله
 یتیمك خصوصت لری و لیسیم هر کیم انرا ایله مخصوصه ایدر ایسه بندخی اول کسنه یه
 خصوصت ایدرم بیورمشیکن بن بر کون غافل یوانوب معاهد یندن برینه
 انزال الله خطایله آزار ایلدم رعایت حقوق ایدم دید كده * حضرت عمر

رضى الله عنه قيام و عميرك النذن طوئوب معا قبر انور حضرت سيد الدونين عليه
 الصلاة والسلام واروب السلام عليك يا رسول الله وبعده السلام عليك
 يا ابا بكر سزلدن مفارقتدن نصكره بنم بوملاقى اولديغم كيفيت ندر ياربى بنى بوايكى
 صاحبلمه لاحق قيل كه بو آنه دك تدبيل وتغير حال ايلدم ديوب * عمير ايله
 معامدت طويله بكاء شديد ايله بكا ايلد كدن نصكره يا عمير وارايمدى اهلان ياتنه كيت
 ديوب عميرى مدينه دن اوج فرسخ مسافه محله اولان عيالى جانبنه كوندردى
 * بعده اطرافده اولان بعض عمال دن حضرت عمره رضى الله عنه بر مقدار
 مال ورودايمكلاه اصحاب دن حبيب نام كسسه يه بيك التون صره باغليوب
 تسليم وبوصره يى عميره كوتوروب ياتنده اوچكون اقامت وبعده تفقد حال ايدرك
 بوصره يى اعطا ايله ديوب تنبيه يورسلايلا * حبيب دخى واروب عميرى خانه سنك
 حوايه سنده بولوب سلام ويرد كده عمير دسلامدن نصكره نه طرف دن كلك
 ديوب حبيب مدينه دن كليورم ديمكلاه * حضرت عمر لرضى الله عنه حال دن
 استفسار واولدخى حسن حالن اخبار ايلد كدن نصكره حضرت عمر رضى الله تعالى
 عنه اهل قبله حقنده وضع سوط ايلدي ديد كده ايتدى لكن اوغلنه ضرب حد
 ايدوب اوغلى وفات ايلدى ديمكلاه * ياربى سن عمره مغفرت ايله زيراسنى ورسوايكى
 واقامة حدود شرعيه يى سور تعبيريله دعا ايلدى * بعده حبيبى اوچكون اتمك
 وزيتون اطعاميله توقيف و اوج كون ~~تكميل~~ ميلنده يا حبيب رحمتك الله اوج
 كون سنى مسافرة اختيار ايلدم يوخسه ذخيره نك قلى وقتنه راست كلك
 بعد از ين شد حرام ارتحال ايله ديوب حبيب دخى مستعصي اولان صره يى دستنه
 تسليم و حضرت عمر رضى الله تعالى عنه بعث ايلديكن تفهيم ايلد كده صره يى
 انه الوب يا حبيب رسول اكرم صلى الله عليه وسلم وبعده ابوبكر الصديق رضى
 الله عنه صاحب اولدم دنيا لقدم بر شيئه نائل اولدم بعده حضرت عمر رضى
 الله عنه صاحب وقرين اولدم ايام وزمانى مسرور قيلدى ديد ~~كده~~ نصكره
 اول صره يى تفريق و اوج دردر التونى بشقه بشقه صره ايليوب همچو اري
 بولنان فقرابه تقسيم ايلدى * بعده حبيب حضرت عمر رضى الله عنه كلوب
 بو كيفيتى خبر ويرد كده تعجب يورديلر * برقاچكون مرورند نصكره حضرت عمر
 رضى الله عنه عميرى ~~كوتور~~ دوب التونلرى نه ياپدك ديوسوال ايلد كده
 يا عمر روز جزاه وقت احتياجده عوضنى حاضر بولاق ايچون جناب بارى به
 قرض ويردم ديمكلاه * حضرت عمر رضى الله عنه يا عمير بورجان وارميدر

ثم انصرفوا الى دهرهم وكذلك الدهر طال بعد حال

مضمون ابیات کو یا اول اشجار لسان حال ایلدیر که هر کیم بزی کور رایسه
اول کسینه وقت زواله متوجه اولدیغنی و صرف دهرانی بقا ایلیمه **ج**کنی
و صرف دهره طاغیر تاب آور اولیمه جغنی اول کسینه کند و نفسینه خبر
ویرسون * زیرا چوق قافله لر بو محمدن عبورانشا سنده بزم اطرافزه نزول و ماء
زال ایلد آمیخته شراب نشئه بخش انبساطی نوش ایلیمه بر زمان حسن عیش
ایله معمر اولوب زمانلری انلره محمد اولور کورند کدنصکره دهر جمله سنی کیدروب
زائل قیلدی و بوندنبویه دخی عادت دهر بویه انقلاب اوزره دردیمکدر * وقتا که
نعمان اول محلی دخی تجاوز و قصرینه وصولانده عدی طرفته باقوب مقبره
و اشجار تکلم ایلر **ک**کن سن بکاو کلامر که وعظ و نصیحت هر ادا ایلدک و بن
متنصح اولدم یارین علی السحر بنم یانمه کل سکا بر خبرم وارد در دیدیکندن عدی
فرداسی علی السحر نعمانک قصرینه وارد قده نعمان پلاس درویشانه ایلد
تلبس و اسباب سیاحتی تهیئه و آماده ایلش بولمغله * عدیه و داع ایلیمه بر جمله
صعود و آخر عمرینه دک عبادت حضرت واجب الوجوده بذل وجود ایلدی
(اول بش روضه نک او چنجیسی) عبدالله بن عمر رضی الله عنهما دن مرویدر که
ملوک سالقه دن برینه ناسک فرط اطاعت و تعظیملری موجب عجب اولمقدن ناشی
برکون وزرا و کارگذارلرینه خطاب ایدوب بکا بر سرای بنا ایدیکز که سر موعیب
و قصوری اولسون دید کده * استدیکی کبی بر سرای بنا ایلدیلر بعده بوسرایده
بر طعام ترتیب ایدیکز که اول طعام ره دخی قطعاً شورابه عیب و قصور آمیخته
اولیمه دیمکله * اول طعام دخی طبخ اولند قد نصکره سرای مذ کورده بر ضیافت
ترتیب ایدوب عامه ناسی دعوت و باب سرایه ایکی نفر بواب نصب و تعیین و بعد
الطعام باب سرایدن خروج ایدنلره طعام مذ **ک**کورده و بنای سرایده بر قصور
منظورلری اولمشیمیدردیوسؤال ایلرین اول بوابلره تنبیه و تأکید ایتمکله وقتا که
عامه ناس فوج فوج ورود و سرای مذ کورده اول ضیافتدن تتم ایلیمه خروج
آغاز ایلد کارنده اول بوابلر مأموریتلری اوزره فردا فردا سرایدن خروج ایدنلرک
هر برندن سؤال ایدرلر ایکن افواج ناس بیننده پلا سپوش ایکی نفر آدمه دخی سرای
و طعامک عیب و قصورندن استفسار ایلد کارنده * بلی سرایده ایکی عیب قبیح
بولدق بری بوکه البت خراب اوله جقدر * ایکنجیسی بوکه صاحبی البته زائل اولوب
ترک ایلیمه جکدر دیوب کتد کارنده اول بوابلر کلوب بوا یکی آدمک جوابلرینی ملکه

خبر و بر ملریله ملک دخی اول ایکی آدمی احضار و تکرار سؤال و استخبار ایلد کده
 بنه اول وجهله جواب ویردیله * ملک بر ساعت قدر اوکنه باقوب بعد اول
 آدمیره یا منز اولیه بناییلور میسر که خراب و صاحبی زائل اولیه دید کده بلی
 یلورز خراب اولمز بنایجناب بارینک دارالجنانیدر که نعیمی دائم و ملکی باقیدر
 دیوب اوصاف دلارای بهشتی بسط و بیان ایلدیله * ملک تکرار اول داره
 دخول نه ایله میسر در دید کده ماسوا دن قطع رشته تعلق و فقط حضرت
 خداوند بیچونه ربط رابطه قلب ایدوب خلوص اوزره عبادت رب العباد ایله
 میسر اولور دیدیله * یا عبادت نوجهله اولور دیو تکرار سؤال ایلد کده ارئه
 طریق دیانت و دلالت راه انابت ایلد کارنده * اول کسنه لرک بو کلامی حق
 اولدیغن جرم ایلد یکنه بنای بو کجه بنم عنده اقامت ایلد بو کیفیتی مطالعه
 و ملاحظه دنصکره اگر ملکده قرار ایدر ایسم سز لری کندومه
 وزیر ایدرم و اگر ملکمی ترک ایلر ایسم رفاقت و امرکز اوزره حرکت ایدرم دیو
 اول آدم لری توقیف و کندوسی حرمته دخول و فهم و ذکا و عقل و دها را باندن
 برد ختر بعد اختری اولغله اول دخترک یانته واروب بوقضیه بی نقل و ترک ملک
 و مملکت اید جکین بیان ایلد کده * اول دختر دخی ای پدر من ترک ماسوا ایله قید
 علا یقندن نفکزی تخلیص و بنی در د تحسیر و فراقه تخصیص بیوره جقس سزدید کده
 ای قزم سن نسواندن اولدیغکه بنای بو طریقده بکار رفیق اولمالک ممکن دکلدر دیکله *
 دختر دخی بن تبدیل قیافت و تلبس ثیاب سیاحت ایدرم بنم نسواندن اولدیغمی
 کسه بلزدید کده * ملک دخی قالی ایدی تبدیل جامه ایدوب حاضر اول
 دیوب دختر در حال کلاه درویشانه بی بر سر و اهسته سیاحتی دربر ایلدیوب
ملک ایله معا خروج و اول آدم لریله تلاق ایلدیوب ملک اول آدم لره بودخی بنم
 او غم و رفیق و شفیع مدد ریورک ظلام شب پرده عیون شیخ و شتاب ایکن سز کله
 عزم طریق اغتیاب ایله لم دیوب قطع رشته ماسوا و اول اقلیمک حدودندن
 تجاوز و اقلیم آخره دخول ایدنجیمه دلک سیر و سلوک ایدرک بر دیره ایصال طریق
 انتها ایلد کارنده اول ایکی آدم لرا اشבודیر بزم قدیمه نبرو قرار کاهمز و جناب
 خداوند بیچونه عبادت کاهمز در دیوب جمله سی داخل دیره دخول و مدت طویله
 انده اقامت و مشول ایلدیوب تعلم احکام دین و شریعت ایله مشغول اولدیله بعد
ملک اول دیردن دخی عزیمته متبی اولدیغنی اول ایکی آدم کورد کارنده نیچون
 اختیار عزیمت ایدم یور منر عجب بو محله برکسنه دن رنجیده خاطر می اولدیکن

دید کارنده بر کس نه دن رنجیده دکام لکن سز بنی سر بر ملاکده کورد یکگزدن
 بکا اگرام واحترامده مبالغه ایلدور سز استر که قطعاً بلنیمیه جک بر محله واروب
 آحاد ناسدن معدود اوله یم دیوب * اول رفیق لری نه وداع ایلد کد نص کره قزیله معا
 اول محلدن رفع پوشنبارۀ اقامت و تحریک پای عزیمت ایلد یوب **کیدرک**
 بردیر کبیره دخی رسیده اولدیلر که حجرات عدیده و مساکن متعدده سنده
 نفوس کثیره تمکن ایدر لر بودخی بر حجره سنده اختیار مسکن ایلد یوب قرار و قزیله
 معالیل و نهار عبادت حضرت پروردکاره ابتدار ایلدیلر * اول دیرده ساکن
 اولدیلر که اقوات یومیه لری تدار کیچون موقوف و مخصوص اولان بر قطعه
 مزرعه ده اهالی دیردن هر بری بر رسته نوبت ایلد واروب زراعت و محافظه
 ایچون اول مزرعه ده اقامت ایلان عادت لرندن اولوب و نوبت زراعت و محافظه
 اول ملک حصه سنه اصابت ایلد یوب کندوسی خسته بولمغله قزی و کاله مزرعه
 مرقومه یه واروب اقامت ایلدی * لکن هر کیم اول مزرعه حواله سندن هر روز
 ایدر ایسه اول قزی عبادتده قائم و دائم کورردی اول دیرک جوارنده آخر
 بردیر صغیر اولدیلر صغیر صغیر صغیر صغیر صغیر صغیر صغیر صغیر صغیر صغیر
 مزرعه دن عبور ایدر ایکن اول دختر عابده بی کوروب زمره مردان و طائفه
 غلامدن اولاق طنیه لهامعان نظر ایلد کده تابش نیر حسن و بهاسی اول قزل نقطه
 سواد سویدا سن شبنم مثال جذب ایدوب آتش عشق و محبت آرام سوزیله بیقرار
 اولمغله * ناچار زلال موصلتی ایلد تسکین حرارت مهر و صحبت سودا سیله عرض حال
 پر ملال ایلد یوب طلبکار ماه الحیات وصال اولد کده * اول دختر عفت پرور
 اظهار صورت عفاف و عصمت و سماعت و معالمتدن مباحثت و مجانبت ایتمکله
 اول قزدخی مشاهده شاهد امیددن محروم اولدیلر غندن البته سنی و بابا کی هلاک
 ایتدروم دیو قسم ایدرک انفعال عظیم ایلد عودت و اول حوالیده کشت و کذار
 ایدن بر راعینک یاتمه واروب اول راعی به کندویی تسلیم و عرض متاع و صلت ایلد
 حامل اولمغله * کوندن کونه آتار جل آشکار و انتفاخ بطنی خم کبی بدیدار
 اولوب بابامی سبب انتفاخدن سؤال ایلد کده اول مزرعه ده اقامت ایدن دختر
 غلام صورتی آلوده و سخی اتهام و بوزمینده اخذ انتقام ایلان خیالیله اول
 مزرعه ده اقامت ایدن غلام صورت صلاح و تقوا سنه فریفته اولوب دعای
 خیر بنی استجلاب ایچون یاتمه وارد یغمده بوجمل ثقیلی جبراً بکا تحمیل ایلدی
 دید کده * قزل بابامی دخی بو کیه می دیر صغیر اها ایسنه افاده و دیر کبیر اها ایسنه

دخی اخبار ایچکاه و من بعد بو غلام ایله باباسنک بودیرده اقامتلی مناسبت
 دکدر دیو بالاتفاق اول ملک ایله دخترک دیردن اخراجنه قرار ویردیلر * امام ملک
 او وقتده غایت خسته بولندیغندن اخراجلی قابل اولمیوب چند روز مرورنده
 وفات ایلیوب دختری حقنده بو تهمت غیر واقعه نک وقوعنه بناء غسل و تجهیزنده
 اهالی دیر بر مقدار تردد ایتمشلا یکنینه علماری جمع بو تهتمده بو آدمک صهی
 یوقدر دیلرله * غسل و تجهیز و دفن ایلد کد نصکره اول دختری دیردن طرد
 و اخراج مراد ایلد کلرنده دختر دخی بکا چند روز مهلت ویرک تا که صحرا ده
 کدومه بر قولبه جک یا یوب یرتیجی حیواناتدن نقسمی محافظه ایچون انده
 اقامت ایلم دیوب * بر قاقچکون ظرفنده بر قولبه یا یوب در و تته نقل و انده عبادت
 و کاه و بیگاه جوارنده واقع پدیری هزارینی زیادت ایله امرار وقت ایدرایدی
 بر کچه اول دیراها ایسنرن بر آدم اول قولبه یه مرور ایلیوب اول قولبه نک
 قپوسنی اچق کورد کده * اول دختره یافتی دیوند ایدوب دختر دخی صوت ضعیف
 ایله جواب ویرمکله اول آدم غالباً خسته اولق کرکسن صدا کده ضعیف
 وارد یوب دختر دخی بلی خسته یم دید کده اول آدم هیچ بر حاجتک وارمیدر
 کوریلجک کوره یم دیگاه * دختر دخی حاجتم بودر که اگر بن وفات ایدرایسم
 اوزرمده بولسان اباسمی چقارمیوب همان اباسمه بنی غسل و پدیرمک قبری
 قرنده بنم حفر و آماده ایلد یکم قبره دفن ایدیکزدید کد نصکره فرداسی اول دخترک
 وفاتی شیوع بولده اول آدم دختر مر سومه بو کچه بکا وصیت و لباسیله غسل
 و دفن ارنمسنی التماس ایلدی ایدی دیمسنی علماء دیر استماع ایلیوب بزم سنتمز بویله در
 دیو جله اهالی دیر جمع اولوب لباسنی اخراج ایلد کلرنده اول دخترک نسواندن
 اولدیغنی علامت تأنیسنندن فرق و معاینه ایلد کلری آنده لباسیله جسمنی
 پوشیئده و زمره رجال تباعد و دیرده بولسان نسوانی کوندروب غسل
 و جنازه سن مصلا یه نقل و وضع ایتدیرد کلرنده مقدا دیردن طردینه سبب
 اولان تهمت غیر واقعه دن برائت ذمتی بجه یه واضح و آشکارا و اغله اول حوالیده
 قدر انسان و ارایسه صلوتنه حاضر انوب ادا ایلد کد نصکره وصیتی اوزره
 باباسنک یا تده حفر و آماده ایلد یکی قبره دفن ایلدیلر * اول ناحیه ده چن قحط و غلا
 و انقطاع باران وقوعه و لسه اهالی ناحیه بالاتفاق اول دختر ایله باباسنک قبرلرینه
 جمع واستسقا ایلد کلرنده جناب باری دعا لرین قبول و امطار ایله اسقاواروا
 ایلرایدی دیو عبدالله بن عمر روایت ایدر (اون بش روضه دن دردنجیسی)

قل او انور که ملوک یونانیه دن بری بر صبح قاقوب عادت مألوفه سی اوزره
 البسه فاخره لریله تلبس ایلد کد نصکره جاریه می الینه بر آینه و پروب رخسارینه
 نظر ایلد کده حلیه سنده بر موی سفید **==** وروب جاریه دن مقراض طلب
 واول موی سفیدی قطع ایلد کده جاریه اول موی سفیدی الینه الوب بر مقدار
 مطالعه و ملات دخی سبب مطالعه سندن سوال ایلد کده ای ملک بوسلک حلیه
 مبارکه و حلیه شریفه کزدن مفارقت ایله مصاب اولان بوموی ضعیفک کلامی
 استماع ایده یورم دید کده ***** ملکه غضب و انفعال عارض اولمقدتاشی غضوبانه
 استماع ایلد یکن کلام ندر دید کده ***** جاریه سطوت ملو کانه کز خوفندن
 سویلکه جرات ایده میورم دیوب ملک خوف ایته سویله دید **==** کده
 جاریه بوموی ضعیف ندا ای دیوب ای مدت قوت و مکنی قصه بر اولان ملک
 تحقیق ابن سنک سواد حلیه کده نمایان و آخر شب شباده مائده عود صبح صادق
 عیان اولدیغده سن بنی بریده مقراض بطش و قهر ایده جککی ملاحظه ایله
 بند نصکره سنک وجود و دماغ **==** کدن قوت و لذتی سلب ایله بنم انتقامی اخذه
 اخوانله عهد و میثاق ایلمینجه بن سر ذره ظهور اولدم دیوردید کده ***** ملک
 جاریه نک بو کلامی بر لوحه یه یازدیروب بر ساعت قدر تدبیر و مطالعه د نصکره
 قاقوب مهابد لوندن برینه واروب تاج و ثیاب ملو کانه سین نزع و القا وردای
 نساک و زهاد ایله ارتدا ایلدی ***** بو کیفیت اهالی مملکتک مسمو علی
 اولد قده یا جمهم حرکت و واروب ملک و تدبیره عودتنی رجاونیاز ایلد کلرنده
 امتناع و ملکی کنندن نزع و آخر کسنه بی نصب ایلملرین استعدا ایلدیلر
 اهالی مملکت راضی اولیوب قهر را اخذ و ملکنه ارجاع قصد ایتمریله اول معبدک
 سکنه و خدمه سی توسط و ملک هر سوم معبد مذ کورده اقامت و بر کسنه بی
 مملکتته نائب و قائم مقام نصب و امور جسمیه بی ینه بالنفس رؤیت ایلمک اوزره
 بیلرین اصلاح و ارضایلیوب بو وجهله قرار و نظام و بر مریله ***** ملک آخر عمر ینه دل
 معبد مذ کورده عبادت و طاعت باری یه مواظبت ایلدی (اول بش روضه نک
 بشیحیسی) ابو عبدالله محمد بن ابی محمد بن ظفر الحجازیدن منقولدر که کفره
 ملو کنندن بری حدیث السن و غایت کبر و نخوت و تعظم ایله مجبول اولدیغدن
 کندویه مدح و مداهنه دن غیری کلام ایله کسنه تکلم و رفع صوت ایده مزیدی
 ملک هر سومک بعض جماعت عیسویه یه ملاقاتله قبول ایمان ایلمش مؤمن بالله
 بر وزیر اولوب ایمانی کتم و اخفا ایدوب و ملکی دخی دعوت ایمانه مترقب وقت

فرست ایدی * بر کون ملک موسکب ملو گانه سیله بر محله عزیمت ائنا سنده
 براختیار کسنه نک رفع صوتله تکلمنی استماع ایلد کده اول اختیاریک اخذ
 و تادیبی اعواندن برینه امر ایدوب اول مأمور اولان اعوان دخی اختیاری
 اخذه مباشرت ایلد کده * اول اختیاری ای ملک بنم ربم جناب خدای متعالدر
 دیکله اول وزیر مؤمن اول اختیاریک سبیلنی تخلیه ایتدردیکندن ملک غضبه
 کلوب لکن خلق وزیرک اول اختیاری صالیویردیکنی ملک امرینه بناء درظن
 ایتد و نلردیو اول محله سکوت و قصرینه بعد العود وزیری احضاروبن
 اول اختیاری اخذ ایتدرمشیکن سن بنم امر ملک خلاقی نیچون سبیلنی تخلیه
 ایتدردک دیو مؤاخذهیه ایتدار ایلد کده * وزیر ای ملک عجله ایلایوب امهال
 یورر سکز سزک حق کزده قصد ایلدیکم شفقت و نصیحتی سزه تمثیل و تصویر ایلیم
 دیوب بالا جازه تصویر مثاله آغاز ایلد اولامدکی بر مخفی محله اجلاس و بعده
 منظور ملک اوله جق یرده سکندوسی قیام و الله بر قوس الوب غلاملرندن
 برینه تسلیم و اشبو قوسک صانعنی شمدی بومحله کتوردوب انکله بر صحبت
 ایدرکن سکا اول قوسک اوزرنده یازیلان استادینک اسمنی او قود یوامر ایلدیکمده
 سندخی جهرا اوقیوب صوت بلند ایلد بکا خبر و یرد کدنصکره سکا اول قوسی
 قیردیدیکمده سندخی اول صانعک مواجهه سنده قوسی قیوب ایکی پاره ایلد
 دیو تنبیه ایلدی * بعده صانع قوسی احضار و غلام مذکور دخی تنبیهی اوزره
 مواجهه صانعه اسم صانعی اوقیوب وزیره خبر و یرد کدنصکره قوسی قیردیغی
 آند صانع قوس کمال انفعالنندن بی آرام اولوب غلام مذکور برسله چهره فرسا
 ایلد ضرب ایلد کده وزیر سن بنم حضور مده غلامه ضرب ایتک کستاخلقنه
 نیجه جسارت ایلدک دیکله * صانع قوس دخی اول غلام بنم بوقدر زحمت
 ایلد بایدیغم قوسی مواجهه مده کسر و شکست ایلدی دیوب وزیر بلکه
 سنک ایشک اولدیغنی بلزدید کده * صانع قوس قوسک اوزرنده یازیلان
 اسمی اوقیوب بندخی ایشتم نیجه بلزدیدی * بعده وزیر غلام ایلد صانع قوسی
 دفع ایدوب ای ملک بن سنک حق کزده قصد ایلدیکم نصیح و شفقتی تمثیل طریقله
 ایضاح و بیان ایلدم منظور کز اولدی جناب کزدخی وقتا که اول اختیاره قهر
 و غضب ایلدیکم کزده صاحب و ربی هر محله حاضر و ناظر اولان جناب
 مالک الملک لایزال اولدیغن خبر و یردی * بندخی اشبو صانع قوسک مصنوع اولان
 قوسی مواجهه سنده غلام مذکورک شکست ایلدی موجب اشتداد غضبی

اولوب غلام مذ کوره ضرب سله ايله انفعال ایلدیکی کی جناب مولانا مخلوق
 و مصنوعی اولان اختیاره طرفه کزدن صورت رنجش و شکستکی اصابت
 ایلدکده اول صانع عامه مخلوقاتک دخی سزک حق کزده صورت شدت بطش
 و غضبی ظهورندن سزی صیانه و شفقه اول اختیارى تخلیه و اطلاق ایلدم
 دیدی * ملک دخی اول اختیارک بدن غیری ربی وارمیدر دپدکده وزیر
 ای ملک کورمدیکز می اول آدم مسن و اختیار و جناب کز حدیث السن بحوانه سز
 بو تقدیرجه سزک ولادت کزدن مقدم اول پیرک ربی و صانعی اولمق لازم کاور
 دیدی * ملک دخی بنم ولادتدن مقدم اول اختیارک ربی و صانعی پدرم ایدی
 دیدکده وزیر ای ملک پدرکز فوت اوله لی مدت وافر اولوب و اول اختیار
 هنوز حیاطده موجود اولغله بو تقدیرجه دخی ربی و صانعی هلاک اولوب
 مر بوب و مصنوعک باقی اولمسی لازم کاور بو صورتده دخی عقلا متصور دکادر
 جواب ملزومانه سین ایراد و بیان ایتمکله * ملک بعد التامل ای وزیر تحقیقا
 شدی بادمکه بوملک و مملوکک باقی و لایزال ربی و صانعی و ارایش اول صانع
 لایزال سن یلور ایسک بکا توصیف و دلالت ایلدیمکله * اول وزیر صافی ضمیر
 صفات ثبوتیه صانع عالمی بیان و دلایل واضحه وجود واجبی ایضاح و اتیان
 ایتمکله * ملک انشراح صدر حاصل اولوب در عقب رشحه زلال ایمان ایلدیک
 و وسخ کفردن شست و شوی صحایف دل و جان ایللیوب وقتا که پرتو خورشید
 توحید باری منور ساز ظلمتخانه درونی اولدیه ای وزیر بزم ربمزل خدمتی
 یوقیدر که اول خدمتله اشتغال و تقرب درگاه متعال ایده لم دیدکده * ای ملک
 جناب خداوند بیچون بر شیمه محتاج دکادر که حتی خدمتی اوله کافه اشیا دن
 غنیدر دیدی * بعده ای وزیر ریمز بر شئی ایلدیم یورمدیمیکه اول شیئی ایشلمکله
 عندنده منزلت عالییه واصل اوله لم دیدکده * وزیر دخی بزه و ظایف عبادت
 ترتیب و تعیین ایلشد که هر کیم اول و ظایفی مأمور اولدیغی وجهله ادا ایدر ایسه
 اول قولی حقنده نیل عزت رضوان و تقرب درگاه سعادت ارکانی وعد
 یورمشدر دیمکله * اول و ظایفدن سؤال ایلدکده وزیر ارکان صلوة و صیامی
 و فرائض سائر بی تعریف و تعلیم ایلدی * بعده ملک لیل و نههار ساحه فضای
 عبادت خالق بیچونده نفس حرون نوآموزین تذلیل و شرائط و آداب ایمانی تأدیه
 و تکمیل ایلدکدنصکره * برکون وزیر بنه خطاب ایللیوب بنی ایمانه دعوت
 ایلدیکن * کی مملکت مزده موجود اولان جمله قوممزی دخی بیچون دعوت

ایستورسن دید کده * وزیر شد یکی حالدہ بوقومک قلوبلری قسوت وفهملری
 قصور و نفوسلری عصیان ایلده ألو ف اولغله بالبداهه تکلیف ایمان اولنسه بکاسو
 قصد و تلافی نفسه جسارت ایدہ جکاری ظاہر در دیوب * ملک دخی ای وزیر سن
 محذور ملاحظه سیله بود عوتی ایدہ هنر سن بن ایدہ یم دید کده وزیر ای ملک
 بود عوتی بن ایلمسم سترک هیبت ملوکانه کز بنی اصابت خطر دن محافظه
 ایدر لکن ستر دعوت ایلمسم ~~که~~ مفسد تلمذدن بن ستری محافظه ایلمسم
 نفس کزدن حذر اوزره اولک اذن کز اولور ایسه بنده کز نفسی فدا ایدوب
 خلاصه دن مأیوس اوله رق دعوت ایدہ یم دیوب حرکت و واروب سر اینده وجوه
 اهالی مملکتی احضار و جمع و کندوسی قیام ایلیوب مواجعه عامه ده توحید
 حضرت ذی الجلاله دعوت ایچون بر خطبه بلیغه انشادینه باشد قدہ اول اهالی
 ضلالت رهین بالاتفاق حرکت و وزیرک اوزرینه هجوم و سیف انکار ایلہ قتل
 و اتلاف ایلد کد نصکره عوما ملکه کلوب بو کیفیتی اخبار ایلد کارنده ملک
 بالضروره وزیرک قتلنه رضا صورتن کو ستر ملکه عوما عودت ایلد یلر * بعده
 ملک وزیرک کدر یله متأثر و متعجب اولوب بعد ازین ترک ملک و مملکتی اول قوم
 اوزرینه حاکم اولغله ترجیح و ایثار ایلیوب بعد العشا ظلام شب پرده عیون شیخ
 و شاب اولد قدہ دوشندن رفع و خلع تاج و قبای ملوکانه و تلبس سکه و عبا
 درویشانه ایلد سر ایندن بدر و حلول اجل مد عوده دل بیغوله عزالت و انزواده
 عبادت خالق بیجونه سجاده کستر اولوب سر گذشت عبرتنامه سن مرسومه صحیفه
 اثر ایلدی (ذکری مسبوق طبقات ثلثه ملوک سالفه دن ایکنی طبقه دخی
 کذلک بش عدد روضه بی مشتاملدر) اولکی روضه مالک بن انس دن رضی الله عنه
 منقولدر که عمر بن عبد العزیز رضی الله تعالی عنه سر یر خلافتی تشریف
 یورد تلمذ نصکره بر کون محمد بن کعب نزد خلیفه یه ورودنده هشام بن مصادی
 نزد خلیفه ده موجود و نشر لائی مواظظه ایلد مشغول و خلیفه جنابلری دخی
 دوز کس چشم حقیقت بینلرندن ریزش شبیم سر شکر ایلد مشغوف کوروب
 یا امیر المؤمنین نیچون بکا اید یور سکر دیوسوال ایلد کده هشام بن مصادیارین
 دیوان عدالت عنوان محشرده حضور مالک الملک لایزالده وقوف و قیام می ذکر
 و بیان ایتمکله اول یوم موعودک تصوری بکا موجب بکا اولدی دید کده * محمد بن
 کعب دخی ده نکشای نصیح و پند اولوب یا امیر المؤمنین بودار قنابر کارگاه امتعه
 اعدا لدر که آمد و رفت ایدن ناسدن بعضیسی یارین روز بازار قیامتده راجع

و کند و به نافع کالای خلوص تمغای اعمال خیریه استحصال واستصحاب و نقل
 چارسوی ملک عقبی ایتمکله اکتساب سود بی پایان ایدر * و به ضیعی دخی مردود
 سودا **ک**ران محشر و کند و به زیان و ضرر اوله جق پلاسپاره سیئانی جمع
 و نقل ایله عزم بندرگاه عقبای ایدر * یا امیر المؤمنین اول قومدن اولمه که اقبال سریع
 الزوال دنیای چند روزه ایله غروری حالنده بغتة گرفتار سر بنجه اجل اولغله
 سرمایه سعادت عقبای اوله جق نقود حسنة اتدن محروم و مملوم اوله رق بو عالم فانیدن
 کذران و اعذار واهییه مقبول اولمیه جق دیوان عدل عنوان حضرت حکیم
 مطلقه روان اولوب جمع ایلدیکی اموال و اشیای متروکه سنی کند و نصکرة قطعاً
 نامنی یاد و منظومه حمد و ثنائین انشاد ایتیمان ورثه لری اقسام ایلیمه * یا امیر
 المؤمنین دار تعیمده نیل سعادت مغبوطه بی موجب اولان اعمال التزام و وقوع
 سیئاتدن اتقاء تام ایلیمه یارین ارتحال حضور رب عزت ایلد کده سکا زاد راه
 آخرت اوله جق صنایع حسنه یه سعی و اهتمام و بذل وجود و اقدام ایله بوسوق
 فانیده بذل نقود عمر نازیر ایدرک بازار عقباده کاسد اولان کالای معیوب
 و ورطه هولناکی ایجاب ایدر جک سیئانه خریدار اولمه * یا امیر المؤمنین الاهدن
 قورق و ابواب برواحسانی عامه ناسه مفتوح قیلوب مظلومینه نصرت و ظلمه بی
 زجر و منعه صرف مقدرت ایلیمه * یا امیر المؤمنین اوج خصلت هر کیمده موجود
 اولور ایسه اول کسسه نك ایمانی کامل اولور * بری وقت رضاده باطل اولان
 شیئه مداخله ایلامک * ایکنجیسی وقت غضبده حقندن عدول ایلامک *
 اوچنجیسی کند و به حلال اولمیان شیئی اخذه قادر ایکن اخذ و تساول ایلامک در
 دیو محمد بن کعب مواعظه رادعه بی تفصیل و بیان ایلد کده عمر بن عبدالعزیز رک
 بکاسی مشتهد و نخب و فریادی ممتد اولوب (اللهم اعنی علی ما ابتلیتني به
 من امر عبادک و بلادک و ارزقنی فیهم العمل بطاعتک و اختم لی منک بخیر عاقبة
 آمین) دعاسن قرائت ایلدی (اول بش روضه دن ایکنجیسی) منقولدرکه
 سلیمان بن عبد الملك مدینه منوره یه قدوم و اوج **ک**ون آنده اقامتی
 خلانده عجبا بونده اصحاب کرام رضوان الله تعالی علیهم اجمعین حضراتک
 زمان سعادت لرینه ایرشمش برکسنه وارمیدرکه کور شوب بر مقدار صحبت
 ایلیمه لم دیوسوال ایلد کده اهالی مدینه دخی تابعیندن ابو حازم اسمیه مسمی
 بر ذات تقوی سمات واردرکه اصحاب رسول علیه الصلوة والسلامدن
 برجاعته ایرشوب انلردن احادیث شریفه نقل و روایت ایدر دیو خبر و برملرله
 ادم کوندروب طلب و دعوت و ابو حازم دخی اجابت ایلیمه مجلس سلیمانه

حاضر اولمغه سليمان بن عبد الملك يا ابا حازم بزم موتی کر به کور ممزک سببی ندر
دید کده * یا سلیمان سز آخر تکزی خراب و دنیا کزی معمور ایلد یککزه بناء معمور
محملدن خراب محله نقلی کر به کورر سکر دیدی * بعده یا ابا حازم حضور باری به
قدومک کیفیتنی بکایان ایلد دید کده * انسان ایکیدن خالی دکلدر یا محسن در یعنی
اعمال حسنه صاحبیدر یا خود مسیئدر یعنی سیئات صاحبیدر محسن اولان
کسنه نک حضور باری به قدومی دیار آخرده بولان غائبک و طننده اولان
اهلی جانبنه قدومی کبیدر که بر آن اقدم وصوله شتاب ایدر امامسی اولان
کسنه نک حضور باری به قدومی بعد الفرار اخذ اولنوب مولاسی جانبنه
ارجاع اولنسان عبدملوک قدومی کبیدر که جبرایله عودت ایلر دیکله * سلیمان
بکا ایلایوب یا ابا حازم عجب عند الله بزم حالمز نیجه در دید کده * یا سلیمان
نفسکی کتاب الله عرض ایلد نتیجه حالک نیک و بدنه صورت بوله جق ایسه
معلومک اولور دیدی * بعده یا ابا حازم بنم نتیجه حالمی مبین اولان آیت کریمه بی
کتاب اللهم نه محله بولورم دید کده (ان الابرار لانی نعیم وان الفجار لانی بحیم)
آیت کریمه می عندنده بولورسن دیدی * بعده یا ابا حازم بکامو عظه اولمغه اقرب
قنی آیت در دید کده (ان رحمة الله قریب من المحسنین) آیت کریمه سیدر دیکله
سليمان بن عبد الملك بکا ایدرک بر ساعت قدر سرفرو بردة تأثر اولد قد نصکره
باشنی قالدروب یا ابا حازم ناسک غایت عاقلی کبیدر دید کده * کندوسی حکمتی
تعلیم و ناسی تعلیم ایدن کسنه در دیدی * بعده یا ابا حازم ناسک احقی کبیدر دید کده
شول کسنه زیاده احمد در که بر ظالمک هواسنه تبعیت سببیلد آخر تنی اول ظالمک
دنیا سنه یسع ایلیدر دیدی * بعده یا ابا حازم بزم بواندیغمز حاله نه دیرسن
دید کده یا سلیمان بوسؤالک جوابندن بنی عفو ایدرک دیکله * سلیمان
نیچون استعفا ایدر سن مطلوبم سزدن نصیحتدر سز اول نصیحتی تبلیغ
ایلیه جکسز دید کده * ابو حازم جوابه آغاز ایلایوب تحقیق ناسدن برکروه
زمره مسلمینک مشورت و اجماع و اتفاقلر ایلد اولیه رق بوا مره شروع و مباشرت
ایدوب طلب دنیا ایچون بو قدر سفک دما ایلد کد نصکره ترک و رحلت ایلد یلر
بلم کده نه دید یلر و انلره نه دینلر دیکه بونعلی ایشلد یلر دید کده * سلیمانک
جلساسندن بری سوء تعبیر ایلدک یا شیخ دیکله * ابو حازم ای سوء جلیس بن سوء
تعبیر ایلدم حتی سو یلدم اللهم قسم ایدر مکه سن کذب ایلدک زیر اجناب خدای
متعال ناسدن حتی کتم ایتمیوب بیان و ایضاح ایلک اوزره علما زمره سندن

اخذ میثاق ایلمشدر دیدی * بعده سلیمان یا ابا حازم بزم صلاح حال
 کسب زنه کیفیتله اولور دید کده * یا سلیمان تکلفی ترک و عدل و انصافه تمسک
 ایله اولور دیدی * بعده بونک طریق مأخذی ندر دید کده وجه حلال اوزره
 اخذ اموال ایدوب واهلنه صرف ایلمکدر دیدی * بعده بو وجهله اخذ و صرف
 امواله کیم قادر در دید کده جناب باری نیک سکا تقلید ایلدیکی امور ملکیه بی
 هر کیمه تقلید ایدر ایسه اول کسسه قادر اولور دید یکنده * سلیمان بن عبد الملك
 بوسکون بزمسندن نصایح و افره استفاده ایلدک سندخی فائده مند اولور سن
 دیو کویا کندویه برمه قدر دنیایق ویره چکنه تلمیح ایلد کده * ابو حازم اعوذ بالله
 من ذلك کلامیله دنیایق قبولدن صورت امتناع کوستروب سلیمان
 دخی نیچون استعاضه ایلمسن دید کده یا سلیمان دنیایق قبولی سزله جزو میجه
 میل و رکوعه سبب اولمغله حق تعالی دینا و آخرتده عذابی تضعیف
 ایلمکدن خوف ایدرم دیدی * بعده یا ابا حازم نه کونا فعلی و عملی التزام ایلم
 بکایمان و دلالت ایله دید کده * یا سلیمان جناب باری هر نه دنکه سنی نهی
 و منع ایلدیسه سنی اول شئی ایله مشغول کورمسنندن اتقا و هر نه که امر ایلدیسه
 اول امر ایلدیکی محله سنی بولماسسندن احتراز ایله دید کده نصکره یا ابا حازم
 بکادعا ایله دیونیا زایل کده (اللهم ان کان سلیمان ولیک فیسره خیر الدینا
 والاخرة وان کان عدوک فخذ بنصایتیه الی فعل الخیر و اصلحه فی الدینا والاخرة)
 تعبیراتیه دعا ایلدی * بعده سلیمان ابو حازمه یوز التون صره احضارینی
 خادمه امر و تنبیه ایتد کده ابو حازم بکا التونک لزومی یوقدر اسمم
 زیرا قورقمرکه سزه بسط و بیان ایلدیکم کلام نصیح آمیزه عوض اوله بو تقدیرجه
 لحم میته بی اکل اول التونی اخذ ایلمکدن زیاده بکا خوش کلور دیوب قیام
 و سلیمان و داع ابلیوب تحریک پای اعترام ایلدی * فرداسی سلیمان ینه
 آدم کوندروب ابو حازمی بعد الاحضار بکاتفع و فائده ویره جک بروعظ
 و نصیحت ایله دیونیا زایل کده * یا سلیمان بوملک سکا سلف کان وفاتی تقریبیله انتقال
 ایلدی و سندن دخی خلفه که انتقال ایده چکدر دید کده * سلیمان
 بکا ایدرک کندودن کچوب بر جانبنه ساقط اولدی برمدتد نصکره افاقت
 بولوب کندویه کلد کده ابو حازم یا سلیمان سن برملک معظمسن هر نه دنکه
 محظوظ اولورسک کرک خیر و کرک شر بر فرد تردد و ممانعت ایلمیه رک در عقب
 اول محظوظ اولدیغک شئی بول بول سنک حضور که کتورر لر بو صورتده سن دقت

ومطالعه ایلد کد نص کره خیر و شردن قنغیسی دیلرسنک نفسک ایچون
 آنی اختیار ایلد دیدی * بعده سلیمان یا ابا حازم سکا عرض ایده جنک
 حاجتم یوقدر تحقیق این حوایجی درگاه ملک متعاله عرض ایلشمدر هرنگه
 بکا اعطا ایدر ایسه اسکافانع و هرندن بنی منع ایلر ایسه راضیم بن بوامره
 امعان نظر ایلوب ایکی قسمه منقسم بولدم * بری بنم قسمتم دیکری آخرک قسمتی
 اما بنم قسمتم اولانی تحصیلده هر نقدر حیل و تدبیر ایلسم وقت مقدرنندن
 اول دسترس بولق میسر دکادر * و آخرک قسمتده دخی نفسک طمعی یوقدر زیر
 بنم قسمتمدن آخر ممنوع اولدیغی کبی بندخی آخرک قسمتندن منع اولنشمدر
 دیو کلامنه انجام و پرو ب حرکت و عزیت ایلد کد نص کره سلیمان
 حلول وقت ارتحالنه دلجمله به تلافی ایلد امرار وقت ایلدی (اول بش روضه دن
 اوچنجیسی) ابوالقاسم عبدالعزیز بن حسندن هر ویدر که منصور خلیفه
 برکون اوزاعی به آدم کوندروب حضورینه احضار و اوزاعی دخی سبب
 احضارینی سؤال واستفسار ایلد کده منصور یا اوزاعی سندن اخذ نصیحت
 وسنک انوار مواعظ کدن اقتباس معرفت ایچون احضار ایلدم دید کده
 اوزاعی دخی یا امیر المؤمنین بنم سزه سویلیه حکم کلامک جمله سی معلوم کزد درلکن
 استماع ایدر عمل ایلز سکزد دیکله * اول مجلسده موجود اولان ربیع اوزاعینک
 بو کلامنی سوء ادیدن عدایله یزندن صیچر ایوب قبضه شمشیر عقوبته ال اورنجه
 منصور دخی بو مجلس مجلس مشورتدر مجلس عقوبت دکادر دیو ربیعی منع
 و دفع ایلد کد نص کره اوزاعی دهنکشای و عطا اولوب یا امیر المؤمنین مکحول
 ان عطیه دن مسموعم اولدیکه رسول الله صلی الله علیه وسلم حضرتلری قنغی
 قولکه امر دینده جناب باریدن کندویه موعظه وارد اولسه اول موعظه طرف
 باریدن اول قوله سوق و احسان اولمش بر نعمت عظمادر ییلوب اول موعظه بی
 قبول ایدر ایسه جناب باری اول قولندن راضی و خشنود اولور و اگر قبول
 ایلز ایسه اول موعظه سببیه اول قولک کاهی مر داد اولور * حقنده سخط
 و غضب بارینک مضاعف اولدیغنه طرف باریدن حجت و برهان اولور
 یور مشدر * و كذلك مسموعم اولدیکه رسول اکرم علیه الصلوٰة والسلام
 حضرتلری قنغی والیکه رعایاسنه ظلم قصد ایتسه جناب باری اول والی به جنقی
 حرام قیلر یور مشدر * یا امیر المؤمنین برکسنه حق کربه کورسه جناب باری بی
 کربه کورمش اولور زیرا خدای متعال حضرتلری حق مبیندر تحقیق

قلوب استی سکا منقاد ایلین جناب مالت الملك لا يزال سنك رسول اکرم علیه
 الصلوة والسلام ايله قرابتک حسبيله اول امتک امورینی سکا تقلید ایلدی
 بو تقدیرجه سکا دخی لایق اولان اولدرکه اول امت حقه حقه رعایت وعدل
 ونصفت اوزره حرکت وعرض وناموسلرین صیانت وفتح ابواب برواحسان
 واطف ومساعده که شایان وانلرک تتم ایلر یله ابته حاج ومصاب اوللر یله تألم
 وتحرز ايله * یا امیر المؤمنین صغیر وکبیر ومسلم وکافرینک جمله سی مملوکک کبی
 اولوب هر برینک سنک عدلکدن حصه ونصیبی وارایکن سنک نفسک سنی انلردن
 مشغول قیلدی * بوضورتده روز جزاده کیفیت حال نه کونا اولورکه ناسدن
 برفرد یوقدرکه سنک طرفکدن بر بلیه یه دوچار وبرمظلمه یه کرفتار اولمیوب
 سندن شکایت ایلیمه * یا امیر المؤمنین مکحولدن مسموعم اولمشدرکه رسول اکرم
 صلی الله علیه وسلم حضرتلرینک مبارک دست شریقلرنده برچوب پاره
 وارایدیکه هم انکله استیالک وهم کروه منافقینک قابیلرینه القای روح وبالک
 ایدر ایدی * برکون جبریل امین علیه الصلوة والسلام نازل اولوب یا محمد دست
 مبارک زده اولان بوچوب پاره ايله امتک قلوبنی کسر وروع ورعب ايله مملو ایلدک
 دیو خبر ویردی * یا امیر المؤمنین رسول اکرم افندیملک مبارک دست شریقلرنده
 اولان برچوب پاره قلوب امته القای رعب ایلدی دیو جبریل امین نازل اولوب
 خبر ویریمک یا ضعفای رعیتک پرده ناموسلرین هتک وخونلرین ریزان
 وخانه لرین خراب وماللرین اخذ وبلده لرندن نفی واجلا وتخویف وتذلیل
 ایدن حکامک **کیفیتی** ملاحظه بیورک * یا امیر المؤمنین مکحولدن
 مسموعم اولدیکه رسول الله صلی الله علیه وسلم طرفندن من غیر عمدا اعرابی یه
 طرناق یاره سی اصابت ایلیم قصاص دعوا اولندقدده جبریل امین نازل
 اولوب یا محمد جناب باری سنی جبار و**متکبر** بعث ایلدی دیدکده درعقب
 اعرابی بی دعوت وبندن قصاصکی اخذ ایله بیوردقلرنده اعرابی یا رسول الله
 جنابکزه حلال ایلدم ایدی مطلوب ایلیم دیدکده * رسول الله علیه الصلوة
 والسلام دخی اعرابی یه دعای خیر ایلدی * یا امیر المؤمنین نفسکی نفسکله تأدیب
 ایلیم غضب باریدن امین قیل وجه ارضین وسموات قدر پهن اوراولان جنت
 اعلا یه راغب اولکه او جنتک وصفنده پیغمبر عز علیه الصلوة والسلام حضرتلری
 بیورمشدرکه جنتک برقوس مقداری محلی جمیع دنیا و ما فیها دن خیر لودر
 یا امیر المؤمنین اکرم ملک سزدن مقدم کلان مملوکله باقی قالمق لازم کلیدی شمدی

من مالک ملک اوله نزدیکز یا امیر المؤمنین بیلور میسن (مالهذا الکتاب
 لا یغادر صغیرة ولا کبیرة الا احصاها) آیت کریمه سنک تفسیرنده نه واقع
 اولمشدر رسول الله صلی الله علیه وسلم بیوررکه صغیره تبسمدر کبیره ضحکدر
 بوقدیرجه دست جوروستله اعمال والسنه رنجش و آزار ایلله استحصال اولنان
 قبیح اعمال ایلله سود وفائده نیجه حاصل اولور * یا امیر المؤمنین مسموعم
 اولدیکه عمر بن الخطاب رضی الله عنه حضرتلری بیورمشدرکه فرات نهری
 کنارنده برقوزی ضایع وتلف اواسه یارین روز جزاده اندن مسئول اولمق خوفی
 جکرم * بوضورتده عدل سنک جمله حقنده مبسوط بساطک ایکن سایه
 عدلکدن محروم اولان کسنه ایلله شانک نیجه اولور * یا امیر المؤمنین بیلور میسن
 سنک جدک عبدالله بن عباس رضی الله عنه (یا داود انا جعلناک خلیفة
 فی الارض فاحکم بین الناس بالحق ولا تتبع الهوی فیضلک عن سبیل الله)
 آیت کریمه سنک تفسیرنده بویله تحریر ایلمشدرکه ای داود حقن سنک حضورکه
 ترافع ضمنتده ایکی خصم کسه لراول کسنه لردن برینه اولان محبت رهواکه
 بناء نفسک احقاق حقه اول کسنه بی تمیز و یدیکرینک علیه ایلک
 لازم کاورایسه سنی نبوتدن احوالیدرم * یا داود تحقیق ابن عظیم الشان عبادم
 اوزرینه رسوللرمی شول دوه راعیلری کی قلمشدرکه اول دوه لردن اعضالری
 شکست اولنلری جبروتیه وزبون وضعیفلری صولوواوتلویرلره سوق و دلالت
 ایلر * یا امیر المؤمنین تحقیق اسن امر جسمی احتمال ایلش سکدرکه اول امر جسم
 سموات و ارضین و جباله عرض اولنسه بوکنمکدن امتناع و خوف ایدرلر
 یریدبن جابردن مسموعم اولدیکه عمر بن الخطاب رضی الله عنه حضرتلری
 انصاردن برکسنه بی صدقات بیت المال اوزرینه عامل نصب ایلد کدنصکره
 برکون عامل مذکورى خانه سنده مقیم کوروب بوکون خدمتکی ترکه سبب نه
 اولدی بلزمیسنکه سن خدمتده اولدقچه فی سبیل الله مجاهده ایدنلرک اجرى
 قدرسندخی اجره نائل اولور سن دیدکده بلم یا عردیوب حضرت عمر دخی
 نیچون بلزمین دیدکده اول عامل یا عمر مسموعم اولدیکه رسول الله صلی الله علیه
 وسلم بیورمشکه بروالی و حاکم بو قدرکه امور مسلمیندن برشی کندویه تفویض
 اولنه الا یوم قیامتده اللری بو بنه بغلوا و لرق کاوب آتشدن برکوبری اوزرنده
 توقیف ایدرلر کدنصکره اول کوپری اول والی بی برمر تبه سکرکه مجموع
 اعضاسی بربرندن آیریلوب دوکیلور * بعده اول دوکیلان اعضاینه برلو برینه

وضع ایلانوب محاسبه سی کوریلورا کرا حسانی ظهوراید رایسه نجات بولوروا کر
 سیئانی ظهوراید رایسه کو پری پاره لنوب نارجمه وقوعبولوب یتیم سنه
 تعذیب اولنور دیمکه * حضرت عمر رضی الله عنه دخی سن بوحدیث شریفی
 کیدن ایشتهدک دید کده ابی ذرایله سلیماندن ایشتهدم دیوب عمر رضی الله
 عنه ابی ذرایله سلیمانی کتور دوب سوال ایلد کده بلی یا عمر بوحدیث شریفی
 رسول اکرم صلی الله علیه وسلمدن ایشتهدک دیلریله حضرت عمر رضی الله عنه
 بکا ایلایوب واعراره دیواظهار تأسف و تنجیع ایلدی دید کده * منصور خلیفه
 دخی بر مرتبه بکا و فزع ایلدی که حاضر بولنانلره دخی مورث بکاء شدید اولدی *
 اوزاعی بر ساعت قدر توقف و امسا کدنصکره یا امیر المؤمنین تحقیقاسنک جدک
 حضرت عباس رضی الله عنه رسول الله صلی الله علیه وسلمدن مکة و طائف
 وینک امارتنی طلب و سوال ایلد یکنده رسول اکرم صلی الله علیه وسلم حضرت تبری
 یاعم النبی سنک یا الله کز برنفسکه جواب ویرمک سکا امارات عدیده دن
 خیر لودر بیور دیلر * و رسول اکرم افندیز علیه الصلوة والسلام حضرت تبری
 جد کز حضرت عباس رضی الله عنه بو کلامری طرفلرندن تمام نصیحت و کمال
 شفقتهلر بدر دیوب * بعده مسموعم اولدی که حضرت عمر بن الخطاب رضی الله
 عنه حضرت تبری بیور مشلر که امر ا درت قسمدر بر قسمی اولدر که هم نفسنه
 وهم عمالنه تکلیف مشاق امور ایدر بر قسمی مجاهد فی سبیل الله کبیر
 و شایان رحمت باریدر * بر قسمی دخی ضعفنه بناء بالکز کند و نفسنه تکلیف مشاق
 ایدر اما عمالنه ارخای عنان مسامحه ایلر بر قسمی خطر دن امین اوله مز مکر جناب
 باری مر رحمت ایلیه * بر قسمی دخی عمالنه تکلیف مشاق امور ایدر اما کند و
 نفسنه تکلیف ایلز بر قسم اول حطمه قبیاندندر که حقنده حضرت رسول
 اکرم صلی الله علیه وسلم بیورر (شر الرعاء الحطمة) یعنی راعیلرک غایت اشری
 حیواناته مر حتی قلیل اولاندردیمکدر * و بر قسم بالکز کندی نفسنی خطر
 ایقاع ایدر و بر قسمی دخی نه کند و نفسنه تکلیف مشاق ایدر و نه عمالنه * بر قسم
 کند و سی و عمالی خطر و وقوعبولورلر * یا امیر المؤمنین مسموعم اولدی که حضرت
 عمر رضی الله عنه دائماً استمدعای توفیق حق ایلایوب یاربی سن ییلور سنکه
 ترافع ایچون حضورمه کلان خصماندن اصحاب حقوقک احقاق حقنه
 بن صرف مقدور ایلایوب مر موقصورا یلم سندخی بتی موفق ایله دیودعا ایدردی
 یا امیر المؤمنین شدت لک غایت اشدی حق الله ایله قیامدر عند الله اکرم

الکرما تقوی اصحابیدر و هر کیم طاعة الله الیه عزت طلب الیه جناب باری
رتبه سن عالی ایلر و هر کیمکه معصية الله الیه مألوف اوله رق عزت طلب الیه
خدای متعال اول کسنه بی ذلیل و حقیر ایلر یا امیر المؤمنین اشته بنم سکا
نصیحتم بودرد دیوب اوزاعی ختم کلام ایلد کده منصور خلیفه یا اوزاعی سنک
قولک صادق و نصحتک خالص اولدیغدن قبول ایلدم دید کد نصکره ربیع
اوزاعی یه وفالیده جن قدر عطیه ویردیو امر ایلد کده اوزاعی یا امیر المؤمنین
بنم عطیه یه احتیاجم یوقدر سندن برشی اخذ ایلسم نصحتک عوضی اولمش
اولور اکابناه اخذ ایلم دیوب منصوره وداع و عزیت ایلدی (اول بش
روضة دن دردنجیسی) عبدالبردن منقولدر که خلیفای عباسیه دن منصور
خلیفه ادای فریضة حج ایچون مکه مکرمه یه واروب دارالندویه یه بعدالنزول
آخر ایلمده کعبه شریفه یه دخول و بر احوده کندوی بلدیرمیه رک تاطلوع
خیره دن طواف و صلوایله اشتغال و بعده ینه دارالندویه یه عودت ایلیوب
ناس الیه معادای صلوۃ صبح ایلدی و بعده ینه بر کعبه شریفه یه دخول
ایلیوب وقت سحرده طواف الیه مشغول ایکن ملتزم نام محل مبارکده بر آدم
اللهم انی اشکوا الیک ظهور بغی و الفساد فی الارض و ما یحول بین الحق و اهله
من الظلم و الطمع) دعاسی ارقور ایکن منصور اینس دوب سرعت الیه ایلرویه
واروب بودعایی ایدن آدمی بعد المعاینه رجعت و کلوب مسجدک برکوشه سنده
قعود و اول آدمی احضار و سن بواقودینک دعاده پر یوزنده ظهور بغی
و فساد دن و ظلم و طمع دن جناب باری یه شکایت عرض ایده یوردک سببی ندر
دیو سوال ایلد کده اول آدم دخی تهور و غضب ایاز سکز سو یلیم دیوب
منصور دخی امین و مطمئن اوله رق سویله دید کده اول آدم یوزمینده سبب
شکواسی بیانه با ایلوب یا امیر المؤمنین جناب باری کافه مسلمینک امور
و اموالا رینه سنی راعی ایلمشیکن سن امور مسلمینده اهمال و جمع امواله ابتدار
و کدک الیه زمره مسلمین بیننده سد و مانع اولور کار کیر بنالر و تیمور قبول
انشا و مسلح حاجبلر تعین ایلیوب کندوکز احتجاب و اطراف و اکنافه جبايت
اموال ایچون محصللر بعث و ارسال و او یله ستکار و زرا و اعوان اتخاذ
ایلد بکزر که نه سز و مواد خیریه بی تذکیر و نه اعانت ایدر لر بعده او مقوله ستکار لر
مال و صلاح و مائر اسباب الیه تقویت و پردیکز و برقاج نفره تعینسندن ماعدا
کسنه لر حضور کزه دخولدن منع اولمغله مظلوم و محتاج وضعیف اولمغر

تبعید اولند یلر بعده اول خلوص کار عد اولنان متعینین ضعیفای ناسک امور لرینی
 جنابکزه اعلان و اخبار ایلیموب دیلد کارینی سوق و دیلد کارینی طرد و قنغی
 عاملکه انلره مخالفت ایلسه اول عامل حقه بده بعض افک و افترا و خلاف واقع
 طرفکزه انهایه جسارت ایلد اول عامل بی جرمی چشم التفات ~~کزدن~~ اسقاط
 و تبعید ایلد کاری شیوع بولمقدن ناشی بالضروره عامه ناس انلردن خوف
 وهراس اوزره اولدیله و خارجده بولنان عمالکزدخی فقرای رعیتیه ظلمده اتفاق
 ایلریمچون اومقوله متعینینه هدایا و اموال ایلد رشوت و یرمکه باشدیله بعده
 بوصورتی مشاهده ایدن سائر اصحاب ثروت و یسار دخی انلره عرض رشوت
 و کند و لردن دون اولنلره ظلم و تعدی به رخصت و قدرت بولدیله بوجهمتلر ایلد
 جمله بلادده بغی و فساد مال مال اولوب بومقوله قوم تغلب ایتمکاه چن بر مظلوم
 عرضحال پریشان ایچون ظهور ایلسه حضور کزه دخول و تظلمدن منع
 اولنور و سر ایکزدن خروج و بر محله عزیمت کزده خلال طریقده رفع رقعه
 استرحام ایلسه دخی رقعه سی اخذ اولمز و اخذ اولنسه دخی حضور کزه تقدیم
 اولمز و هر چن متظلمین تقاضای سوزش ظلم ایلد فریاد و فغانه باشلسه ضرب
 شدید ایلد ضرب اولنور * بنی امیه وقتنده بر مظلوم خلیفه یه کلوب
 رفع صوت ایلد تظلمه آغاز ایلسه در حال عرضحالی اخذ و حضور خلیفه یه ایصال ایلد
 رفع ظلمنه سعی اولنور دی * یا امیر المؤمنین بن بروقت چین مملکتنه مسافره
 واردیم اثناده اول مملکتک بر ملککی وار ایدیکه قواقلری ایشتمز ایدی بر کون
 اول ملک بکا ایدر کن و زراسی سبب بکاسندن سؤال ایلد کده اول ملک ا کابکا
 ایدیه یورمکه گروه متظلمین کلوب بنم باب سر ایدمه تظلم و فریاد و فغان ایلد کارنده
 ایشیده میورمکه رفع ظلم و ستلرینه مسارعت ایلیم دیدی * بعده احوال متظلمینه
 اطلاع ایچون بوصورتی تفکر ایلیموب هر تقدیر مظلومین واریسه قرمز یلر
 کینوب انلردن غیری کسنه قرمزی کیمسون دیو چارسو و یاز ارده
 منادیلره ندا ایتدیردوب بعده هر کون اسپنه سوار اولوب سوق بسوق کشت
 و کزار ایلیموب بو علامتله بولندیغی مظلومک احقاق حقنه ایتدار ایلدی
 اول ملک مشرک بالله ایکن قومی بولنان مشرکینه بویه شفقت و انصاف ایدر
 ایدی * یا امیر المؤمنین سر جدا لله تعالی مؤمن بالله و ابن عم نبی الله اولدیغکزدن
 سزدخی زمزمه مسلمینه شفقت و محبتکزی بذل و صرف ایلد کز مقتضیه
 یارین روز حسابه ندامت و پیشمانی فائده و یرمز دید * کده منصور

بکا ایدرک کاشکی و رای عدمه مستور قلوب و جوده کلامش اولیدم
 دید کد نصکره شمدی بو وقتده ناسدن کور دیکم انحصارک جله سی اصحاب
 جرم و جنایتدر بکا نه کونا حیل و تدبیر تعلیم ایدرسن دید کده * اول آدم دخی
 یا امیر المؤمنین ائمه راشدینکه صادق الاقوال و مستقیم الاحوال حقو
 و حقه شناس علمای تقوی استیناسدن عبارتد ربوبیه علمایله مجالسه و مصاحبتی
 التزام ایله دیوب * منصور دخی اولمقوله علمایندن فرار ایدرلر دید کده * اولمقوله
 علمایک سندن فرار ایلرلی انجق بعض عاملر یکن طرفندن ظهور ایدن ممانعت
 خوفندن لکن سز باب عدالتکزی فتح و تنظیم مصالح عامه بی تسهیل و مظلومه
 نصرت و حلال اولان اموالی اخذ و اهلنه صرف مثللو وجوه شرائطه رعایت
 بیورسکز بندخی اولمقوله علمایکروهنک کلوب سزله صلاح امورده معاونت
 ایلیه جکری نه کفیل و ضامن اولورم دیمکاه * منصور (اللهم وفقنی بان اعمل بما قال
 هذا الرجل) دیودعا ایلیوب عقببنده جماعت ایله ادای صلوة ایچون قیام ایله کلرنده
 منصور نو بتجیانندن برینه بو آدمی حفظ ایله دیوب صلاته شروع و بعد التکمیل
 نو بتجی اول آدمی موضعنده کوره میوب منصوره خبر و یرد کده منصور دخی
 غضبه کلوب نو بتجی به اول آدمی البته بول والا سنی قتل ایلرم دیو تهدید
 ایتمکله نو بتجی طشره خروج و اول آدمی تحری ایدرک برطاغ اراسنده
 صلوة قیام اوزره بولوب سنی منصور استر دید کده بنم منصور ایله ایشم یوقدر
 دیو تررد و نو بتجی دخی اگر کتیز ایسک منصور بنی قتل ایده جکدر دید کده
 اول آدم جیببندن یاز یلو برکاغد چقاروب نو بتجی به و یروب بود عامر جدر
 جیبکد وضع ایله بودعا اوزر کده اولدجه منصور سکا نوازش و لطفدن غیری
 بر شیشه قادر اوله مز دیوب نو بتجی دخی اول دعایک خواصندن سوال ایلد کده
 اول آدم بودعایی هر کیم اخشام و صباح او قورسه ذنوبی مغفور و سروری
 دائم و رزقی واسع واعداسی اوزرینه مظفر و ظلم جبار ه دن امین اولوب
 انجیامنده شهید ا فوت اولور دیوب * اول آدم نو بتجینک یالندن غائب اولدی
 وقتا که نو بتجی کاوب منصوره کیفیتی نقل و اول کاغدی البته و یرد کده
 منصور بکایه باشلیوب اول دعایک بر صورتی استفساخ و نو بتجی به دخی اون ییک
 درهم اعطا ایلد کد نصکره حضار مجلسه اول آدمی بلاد یکنمی دید کده جله سی
 بملک یا امیر المؤمنین دیلر یله * منصور اول آدم خضر علیه السلام ایدی دیوب
 اول دعایی او قودی و اول دعا بودر (اللهم کما لطفت بقدرتک دون اللطفاء و علوت

بعظمتك على العظما، وعلت ما تحت ارضك كعلمك بما فوق عرشك وكنانت
 الوسوس كالعلانية عندك وعلانية القول كالسر في علمك فانقاد كل شيء
 لعظمتك وخضع كل ذي سلطان لسلطانك وصار امر الدنيا والاخرة كل بيدك
 اجعل لي من كل امر امسيت فيه فرجا ومخرجا اللهم ان عفوك من ذنوبي
 وتجاوزك عن خطيئتي وسترك عن قبيح عملي اطمعني على ان اسألك
 بما لا استوجب به مما قصرت فيه ادعوك امنا واسألك مستأنسا وانت المحسن
 الى توابنا المسيء الى نفسي فيما بيني وبينك تتودد الى وتبغض اليك ولكن الثقة بك
 حملتني على الجرأة عليك فعد بفضلك واحسانك علي وانت التواب الرحيم
 بعده منصور ببغداد رجعت وجهه عمال ونوابني تبديل وتنقيح وابواب نصفت
 وشفتني تفتيح وحجاب ممانعتي دفع وتسهيل ايليوب آخر عمر ينه ذلك اول
 ناصحك قوليله عمل ايلدي (اول بش روضه دن بشنجيسي) فضل بن ربيع نقل
 ايدركه وقتا كه هارون رشيد ايله معاج شريفه عزيمت ايدوب بركيجه بيتده اوپور
 ايكن قبوچالغله اويانوب طشره خروج ايدوب هارون الرشيدى كورد يكمدده
 يا امير المؤمنين خبر كوند رسكز بنده كز وارردم وجود كز نه زحمت ويرديكر
 ديد يكمدده يا فضل در ونه بعض خواطر خطوري بني آرام ايلدي سوال
 مافي الضمير ايدو جك بر كس نه بيلورسك بكادالات ايله ديوب فضل شو محمد
 سفيان بن عيينه نام بر ذات وارد در ديمكده * معا سفيانك خانه سنه واروب دق باب
 وسفیان دخي كيدر ديوسوال ايلد كده امير المؤمنين رشيد ديوب جواب ايتكمكده
 سفیان خروج ايدوب بر ساعت مقداري محادثه ومكالمه دنصكره يا سفیان
 دينك وارميد در ديد كده وارد در ديمكده * رشيد اداي دين ايله
 ديوب بر مقدار عطيه ويروب واول محمد بن منصور ف اولد قد نصكره يا فضل بو ذات
 بكاشغاي صدر وپرمدي بر آخر كس نه دخي بيلورميسن ديد كده * فضيل بن عياض
 نام ذاته دخي سوق ودالات ايتكمكده انك دخي خانه سي قرب نه وارد قننده فضيلك
 قرائت قرآن ايلدي كني ايشدوب قرع باب ايلد كزنده فضيل كيدر
 ديوب انلرد دخي امير المؤمنين در ديد كزنده فضيل بنم امير المؤمنين ايله مناسبت
 يو قدر ديمكده * فضل بن ربيع امير المؤمنين اطاعت ايلازميسن ديد يكمنه بناء
 فضيل بالاى خانه سندن نزول وفتح باب ايلديكي عقبنده سراجنى اطفاء
 وبركوشه ده اختفا ايتكمكده * قرا كولدده اللريله يوقليه رق بر كزنده الى فضيل
 ابن عياضه اصابت ايلد كده فضيل قيام ايليوب رشيد عرض

مافی الضمیر ایتمکله * فضیل دخی یا امیر المؤمنین وقتا که عمر بن
 عبدالعزیز بر سر بر خلافت تشریف جلوس ییورد قلزنده سالم بن عبدالله بن
 عمر و محمد بن کعب القرظی و رجاء بن حیاتی دعوت ایلیوب چونکه بوامر جسیم
 خلافت بکا تحمیل اولندی سزلربکا نه کونا حرکت تعلیم ایدر سزیدید که
 سالم بن عبدالله جوابه آغاز ایلیوب اکر یارین روز جزاده نجات بولمق مراد
 ایدر سکز زمره مسلمینک پیرو اختیار لرینی کند یکزه پدر واورته یا شلورینی
 برادر وکو جکارینی اولاد عدو اتخاذا ایلیوب پدر کز مشابه سنده اولنله توقیر
 و برادر کز مشابه سنده اولنله مرحمت اولاد کز مشابه سنده اولنله شفقت
 ایدر سکز دیدی * بعده رجاء بن حیاتی جوابه آغاز ایلیوب اکر روز جزاده نجات
 استر سکز کنندی نفسکزی ایچون هر نه بی استحسان و اختیار ایدر سکز کافه مسلمین
 ایچون دخی اول شیئی اختیار ایدل و کنندی نفسکزی ایچون هر نه دن استکراه ایدر
 سکز عامه مسلمین ایچون دخی اول شیدن استکراه ایدر سکز دیمشدر * یا امیر
 المؤمنین عمر بن عبدالعزیز لک عندنده بویه حق کونا صبح علما بولنوردی سزلک عند
 کزده دخی بومقوله نصیح ایدر علما وارمیدر یارین روز جزاده سزلک زله قدم ورطه سنه
 دوچار اولکزدن خوف ایدر لک سوبلیورم دید کده * هارون رشید بکا عشدید ایل
 بکا ایلیمه لک کند و دن کچوب بیخود اولمغله فضل بن ربیع یا فضیل
 امیر المؤمنین رفیق ایل نصیح ایله زیبراک کند و بی هلاک ایدر دید کده * یا ابن الربیع
 امیر المؤمنین سن و سنک رفیق لک هلاک ایدر سکز یوخسه بن رفیق و شفقت ایدرم
 دیدی * بعده رشید ککند و به کلوب قالقد قد یافضیل دخی زیاده جه نصیح ایل
 نصیح ککن محظوظ اولدم دیمکله * فضیل دخی یا امیر المؤمنین ایشتمکله
 عمر بن عبدالعزیز لک عاملارندن بری حقهنده شکایت اولمغله عمر بن عبدالعزیز
 دخی ای برادر قعر نار جمیمده الی غیرالنهایه محمدا قیام و مهجور خواب و آرام
 اولنله حال لرینی تذکر ایلسک نائما و حال یقظه ده سنک سمت رضای باری به
 رجوعکله سبب اولوردی طریق مستقیمدن ذره مامیل وانحرافدن بغایت
 حذر ایله زیرا آخر عمر ده دار عقبایه مقرر اولان سفر و عزیمت وقوعند نصکره
 ندامت غیر مفید و سر رشته رجا منقطعدر دپو کاغد تحریر و ارسال ایلد کده
 اول عامل کاغذ مذکور ی بعد القرائه شد رحل ایله نزد عمره واصل اولوب عمر بن
 عبدالعزیز سبب قدومندن سوال ایتد کده یا عمر سن بکا تحریر ایلد یکن کاغذ کده
 بر رتبه تحویف ایلد که قلمی بدن نزع ایلیمه یازدی بعد ازین قسم ایدر مکله

الى يوم القيام ولا يتى قبول والتزام ايلم ديش ديد كده * هارون رشيد تکرار
 بکا ايدرک يا فضيل ~~نص~~ کدن غایت محفوظ اولدم دخی زیاده جـه نص
 ايله ديمکله * يا امير المؤمنين عم رسول حضرت عباس رضی الله عنه رسول
 اکرم صلی الله علیه وسلم حضرت تری نه کلوب یا رسول الله بنی برامارت ايله
 مأمور ايله ديد کده * رسول اکرم صلی الله علیه وسلم یا عباس سنک کند و نفسک
 ضابط و حاکم اولمالسکا امارات ~~کثیره~~ دن انقدر زیر امارت يوم قیامتده
 موجب حسرت و ندامتدرا کر امیر اولما مقلغه قادر ایست اولمه بیوردیلر
 ديد کده * هارون تکرار بکا ايدرک يا فضيل ~~نص~~ کی دخی زیاده ايله ديمکله * يا امیر
 المؤمنین جناب خالق البرایا یارین روز جزاده بوخلقدن سکا سوال ايله جکدر
 صبح و مسازیر حکمکده اولان ناس حقنده درون ~~کده~~ حقد و کین تگوتندن
 وسعت درجه اتقا ايله زیر رسول الله صلی الله علیه وسلم حضرت تری برکسنه
 زیر حکمنده بولنان رعایا حقنده درون کین اوله رق برکون صباحه داخل
 اولسه اول کسنه رایحه جنتی شم ایتمز بیوردی ديد کده * هارون رشيد تکرار
 بکا ايدرک کند و دن کچوب برمدتد نصکره افاقت بولدقه يا فضيل دینک وارمیدر
 دیو سوال ایلد کده بنی یا امیر المؤمنین جناب باری به دینم اولوب هنوز حسابی
 کورلما مکله روز حسابده اکر اتیان حجتده بکا الهام و عنایت ایلز ایسه حیف
 بکا ديمکله * رشيد دخی سوال دین عباد در ديد کده عباد دینم یوقدر زیر جناب
 باری بکا دین عباد ايله امر ایلدی بن وعد باری بی تصدیق و امرینه اطاعت ایدرم
 جناب باری (وما خلقت الانس والجن الا ليعبدون) بیورمشدر که بن عباددن
 رزق و طعام طلب ايلم خدای متعال رزاقدر دیوب هارون رشيد دخی بیک
 التون عطیه عرض ایلد کده * يا امیر المؤمنین بن سنک ایچون جانب نجاته دلالت
 ايله یورم سن بنی سمت بحیمه دعوت ايله یورسین دیوب قبول ایلدی * فضل بن
 ربیع نقل ایدر که بعده هارون ايله معامنصرف و قیودن خروج جزا ناسنده فضیلت
 نسواندن بری يا فضيل بزم مضایقه حاملز برکمال ایکن اول صره بی
 نیچون قبول ایلد ديد کده * فضل بزم کبیلر بر دوه ايله ~~کسب~~ و تعیش
 ایدرلر دیوب جواب ویردیکنی اشدیکم زده رشيد ايله معاودت ایلدیکمزی
 احساس ایتمکله * سطح داره خروج ورشيد دخی واروب یاتده قعود و تکلمه
 آغاز ایلد کده قطعاً جواب ویرم یوب سکوت اوزره ایکن سیاه عرب جاریه سی
 ظاهر ایدوب اخشامد نبروشیخه اذا ايله یورسکز وار یکز ایشکزه کید یکز ديمکله

رشید ایلہ قاقوب عودت ایلدک خلال راہدہ رشید یا فضل سن بر ذات عالی یہ
 دلالت ایلدک کہ نظیری نایاب اولغلہ کویا بو کونکہ کون رسول اکرم صلی اللہ علیہ
 وسلمک ایام عہد ندن بر کون ایدی دیدی * مؤلف کتاب شیخ ابو النجیب رحمة اللہ
 علیہ سالف الذکر اوج طبقہ دن ایکی طبقہ سنک محتوی اولدیغی روضات انہ قہ بی
 بو محملدہ تکمیل ایلد کد نصکرہ اوجنی طبقہ اہالیسی کثیر و ہر عصر دہ امشالی

موجود و وفیر اولدیغندن اوصاف واحوال لری بیان دن

مستغنی در دیو بسط اعتذار ایلہ ذیل کاتبہ تمت نویس

ختام و شیرازہ بند اختتام اولدی

ر

وکان تمام طبعہ بدار الطباعة الباهرة * الكائنة بيولاق مصر القاهرة * ملحوظا
 بعين عناية ناظرها السني المراتب * حضرة حسين افندي الملقب براتب *
 ومشجولاً برعاية رئيس مصححها المفتقر الى الطاف ربه الصمد * المدعو بالشريف

احمد * على ذمة حسين اغا ابازہ ابن المرحوم خليل چاوش

في سلخ شهر ربيع الآخر سنة سبع وخمسين ومائتين

بعد الالف من هجرة خاتم الرسل الكرام صلی اللہ

عليه وعلى آله واصحابه

بدور النمام

[Faint, illegible text, likely bleed-through from the reverse side of the page]

DATE DUE

To renew
call 292-3900

[illegible]

HIGHSMITH 45-220

